

**SIXTH LEGISLATIVE ASSEMBLY OF MIZORAM
(ELEVENTH SESSION)**

LIST OF BUSINESS

FOR TENTH SITTING ON MONDAY, THE 30th JULY, 2012
(Time 10:30 AM to 1:00 PM and 2:00 PM to 4:00 PM)

QUESTIONS

1. *Questions* entered in separate list to be asked and oral answers given.

FINANCIAL BUSINESS

DISCUSSION AND VOTING ON DEMANDS

2. **Pu S. HIATO**, Minister to submit to the Vote of the House Various Demands under his charge.
3. **Pu H. ROHLUNA**, Minister to submit to the Vote of the House Various Demands under his charge.
4. **Pu ZODINTLUANGA**, Minister to submit to the Vote of the House Various Demands under his charge.

NGURTHANZUALA
Secretary

....

SPEAKER : Thinlunga thianghlimte chu an eng a thawl e; Pathian an la hmu dawn si a. (Matthaia 5:8)

Zawhna leh chhanna hunah kan lo kal leh tawh ang a, Starred Queastion No. 161, Member zahawm tak Lt. Col. Z.S. Zuala zawt turin i lo sawm ang.

Lt. Col. Z.S. ZUALA: Pu Speaker, Minister for Food, Civil Supplies & Consumer Affairs khawngaih taka min chhan sak tura ka zawhna chu, 'Aizawl chhim lam area-ah hian gas agent engzat nge awm?', tih a ni e.

SPEAKER : Chhang turin a enkawltu Minister zahawm tak Pu H. Rohluna i lo ko ang.

Pu H. ROHLUNA, MINISTER : Pu Speaker, Member zahawm tak Lt. Col. Z. S. Zuala zawhna , 'Aizawl chhim lam area-ah hian gas agent engzat nge awm?' tih chhanna chu, 'Aizawl khawchhung chhim lam area-ah chuan gas agent pahnih an awm. Chungte chu:-

1. Vanbuangi Gas Agency, Model Veng, Aizawl.
2. M&B Indane Gas Agency, Khatla, Aizawl.' tih a ni e.

SPEAKER : Zawhbelhna Lt. Col. Z.S. Zuala, a dawtah Pu K. Lianzuala, a dawt lehah Pu PP Thawla, chuti chin chu la rih ang.

Lt. Col. Z.S. ZUALA: Pu Speaker, ka zawhbelhna :

1. Kulikawnah sawn agent tihbelh tura ruahmanna a awm niin hriat a ni a. Engvangin nge tun thlenga tih a la nih loh?
2. Agent tura thlan hian a hunah a ti thei lo a nih chuan a next in line panel-a mi hi pek mai theih dan a awm lawm ni?
3. Agent hi awmbelh se engtiang takin nge public hian kan hlawkpui ang? tih a ni e. Ka lawm e.

Pu K. LIANZUALA : Pu Speaker, ka zawhbelhna chu hei hi a ni : Engtikah nge RGGVY agent tur Chhingchhip ami tur hi thlan fel a nih theih ang? tih ka zawt e.

Pu P.P. THAWLA : Pu Speaker, ka zawhbelhna chu kum 2010-a gas distributor tur Tourist Lodge-a kan pawh chhuah ho kha Tuipang khua an tel ve a, tunah hian eng chen nge hma lak a nih tawh? Engtika function tan thei tur nge an nih tih ka zawhbelh e.

S P E A K E R : Awle, kha kha duhtawh ilangin, a chhang turin Minister lo ko ang.

Pu H. ROHLUNA, MINISTER : Pu Speaker, a zawhna neitu Member zahawm tak Lt. Col. Z.S. Zuala zawhbelhna kha, Kulikawnah hian agent thar tur dah niin hriat a ni a, engvangin nge tun thlenga tihpuitlin a la nih loh tih zawhna chhanna chu – Kulikawnah hian agent thar tur hi dah a ni a, thlan fel vek tawh a ni a, Letter of Intend pawh ni 25.1.2012-ah pek a ni a. Tichuan, an niin function tura hma han la ta mai lo chuan vaviin thleng hian hmalakna a nei ta lova. Ni 18.6.2012-ah hian progress a neih loh avangin IOC authority lamin lehkha an pe a. Chumi chungchangah tho chuan ni 3.7.2012-ah khan lehkha an pe nawn leh a. Tin, tunhnaiah 28.7.2012-ah chutiang chungchangah tho chuan Senior Area Manager-in lehkha a pe tawh bawk a. Tiang chuan hma a lak mai tak si loh avangin hei hi eng vanga ti lo nge a ni tih Company lamin show cause notice ang deuh a ni mai ang chu, chu chu an pe a.

Hma a lak loh zel chuan ani hi cancel a ni ang a. Tichuan, a next ... ani hi cancel a ni anga, tichuan a number-2-na, interview board-in an thlan kha pek tur a ni ang.

Tichuan awm belh ta se, public-in engtin nge an hlawkpui ang, tih chungchangah chuan, a Agent thar an awm na na na hi chuan a lalut tur an tam hi chuan a cylinder, a filled cylinder pawh hi a lo tam anga, tin, an bial tunah phei chuan Aizawlah hian bial hrang te te Agent ten nei vek an nih avangin an area cater kha alo zim deuh chuan chu chuan mipui tan nasa takin hlawkna a thlen dawn a ni tih kha ka chhan theih dan ni mai sela. Tin, member zahawmtak Pu K.Lianzuala zawhna, Chhingchhip a RGGLV Gas agency tih tur hi engtikah nge Agent thlan fel a nih ang ? tih chhanna chu,hei hi la thlan fel loh chu a ni ngei a, September 1st week, kuminah hian thlanfel theih beisei a ni a, chu chu company lamin min hrilh dan a ni.

Tin, Pu P.P.Thawla zawhna, a zawh tum ber kha chu Tuipang kha a nih ka ring deuh a, Tuipangah RGGLV Agent hi tuna a 1st Phase-ah hian thlan a ni a, mahse Tuipangah hian a Agent tura thlan ber khan hma a lo lak chak tawh loh avangin vawiin thlengin hawn theih a la ni lo a, (P.P. Thawla : tunah hian an inpeih chiah em ?) a latest chu ka hre chiah lova, a ruala mi Sangau te, Thingfal te, Thenzawl te, Ngopa te, Darlawn te, Chawngte te hi chu kan hawng vek tawh a ni. Mahse Tuipangah chuan a Agent tura thlan khan hma a lak chak loh avangin hawn theih a ni lo a ni tih kha Pu Speaker, ka chhan theih dan a ni e.

S P E A K E R : Awle, zawhna number 162 ah kan kal anga, a zawt turin Pu Lalthansanga.

Pu LALTHANSANGA : Pu Speaker, ka lawm e. Food,Civil Supplies & Consumer Affairs Department Minister zahawmtakin ka zawhna, starred question 162 na min chhan atan –

- a) BPL leh AAY hi kum 2007 – 2008 khan Ration Card engzatnge awm?
- b) 2011 – 2012 hian PBL leh AAY Ration Card hi engzatnge issue a nih?
- c) Hengte hi kum khatah engzatnge an income tur?
- d) Monsoon stock tur hi lei fel a ni tawh em? tih ka zawt e.

S P E A K E R : A chhang turin a changtu Minister Pu Rohluna ilo ko ang.

Pu H. ROHLUNA, MINISTER : Pu Speaker, member zahawmtak Pu Lalthansanga zawhna, a zawhna hi chu ka chhiar tel tawh lo mai anga a chhana chu –

- a) Kum 2007-2008 chung khan Mizoramah BPL leh AAY Ration Card 68,000 a awm tih a ni a.
- b) Kum 2011 -2012 hian BPL leh AAY Ration Card 68,000 issue a ni.
- c) Hengte hi kum khatah engzatnge an income tur?
Chhanna - PDS a BPL leh AAY te kum 1 income tur hi bithliah chiah a awm hriat a ni lo.
- d) Monsoon stock tur hi lei fel a ni tawh em ?
Chhana - Monsoon stock tur sorkarin a hranpain a lei ngai tawh lo.

S P E A K E R : Zawhbelhna, Pu Lalthansanga.

Pu LALTHANSANGA : Pu Speaker, hei 2007-2008 BPL leh AAY Ration Card kan zawhna hi Mizoram Flagship Programme NLUP hi kum 2008 atangin

launch a ni tan a, hei a hlawhtlin thu hi kan hre fo ta maia, tam takin an hlawhtlinpui tawh an ti a, hei kum thum chuang alo vei tawhah chuanin khatianga hlawhtling an awm si kha chuanin BPL leh AAY Ration Card hi an tlem deuh turah hian kum 2011 – 2012 ah hi chuan kan ring deuh hleka, chuvang chuan BPL hlawhtlinna hi an achievement hi a physical tak hian ala awm lo nge tih a kha kan hre duh a, chumi tur chuan BPL leh AAY hi census-te neih that leh tum a ni em? Supply Department atang hian tih kha kan zawt duh a. Tin, income tur hi a hriat chiah loh chuan hei pawh hi tihchian a va tha awm ve. An thil neih kan han chhut lahin, mobile phone an neih lohin, “Fridge te, TV-te ,nei lo tur an ni a,” kan ti ringawt a, an neih lahin action engmah kan la si lo va, chuvang chuan an income atang hian BPL leh AAY-te hi dah an van tha awm ve tih kha ka zawt duh a. Tin, tuna monsoon stock hi leifel kan ngai tawh lo tiha kha; hei hman ni mai khan tiauah khianin tuiah an tla a, Khawtlang, mipui engemaw zah kha, a ruang zawngin an han kal a, an mangang hle mai a. North Vanlaiphai Godown-ah khan buhfai bag khat chauh mai hi a awm a ni. Tichuanin engmah stock a awm si lo nen khatiang khanin mi engemaw zah kha an englo a, Buhfaite kha a rem rem angin khawn a ni a. Chutiang chuanin ruang zawngte pawh kha ka zuk kalpui ve a, kan Minister zahawm tak pawh kha ka zuk phone a, ani pawhin hma min lakpui a, “Tip hnih kan thawn chho ve,” a ti a. Mizote hi buhfai kan neih hi chuanin a dang hi chu kan thlahlel lutuk lo ti ila, kan duh kan duh rualin, kan thla hi a muang hma a, chuvang chuanin, kan Godown-ahte hianin tiang ang, tun ang hunachte hi chuanin dah (stock) theih a ni lo em ni? tiin kan ngen phah bawk a ni. Ka lawm e.

S P E A K E R : Chhang turin changtu Minister i lo ko ang.

Pu H ROHLUNA, MINISTER : Pu Speaker zawhna neitu Member zahawm tak, zawhbelhna hi ni e, BPL leh AAY Central atanga kan hmuh (allocation) dan hi chhungkaw pakhat tan 35 kg hisap anga hmuh a ni a, chu chu BPL-ah hian matric ton 1470, thla khatah kan hmu a, tin, AAY atan hian matric ton 910 ka hmu bawk a. Chu chu kg 35 hisapin a family (chhungkaw) cover tur kha ruahman a ni a. Chuvangin 2007-2008 leh 2010-2011-ahte khan kan allocation hmuh zat kha a inan tlat avangin khua/veng chan zat tur Department sem angin Village Council leh prominent citizen-te anmahni khaw chhunga mi a dawng tur zat ang kha khawsak harsa deuh an thlang thin a ni.

Tichuan, a income tur tihah hian Central hianin fix chiah a nei lo va, amaherawhchu condition duh dan deuh chu an nei a, chu chu tunah hian keimahni ram angah hi chuan ti ila rin aiin a harsa phian thei bawk a. Mahse, BPL hi Below Poverty Line tihna a ni a. Rethieh pawh rethei zualte, tin, chu aia rethei leh zual AAY an ti a, AAY hi BPL ai pawha rethei zawk chhuanchham kan tih tak tak angte an ni a. A nihna tak takah hi chuan Central lam Slum Area-ahte leh harsa tak tak awm angte chi chu Mizoah chuan kan tlem tih chu kan hai lo va, mahselangin, APL lama normal allocation-te hi kan kham loh em avangin a lo kal awm thei ang hi chu kan mipuite tan pawh a mante a lo hniam bawk a, anmahni chhawmdawl na tha tak a lo ni a. Tichuan, khawchhungah leh Veng chhungah a rethei zual kan V/C leh khawtlang hotute, kan NGO-te nena Committee siama an han thlan chhuah kha pek mai thin a ni a. Chuvang chuan condition Central-ina an siam ang diak diak kha chu kan zawm vek lem lo. Tin, state thu neihna hi helaiah hi chuan PDS guideline-ah pawh hian an han dah thui hle a ni tih kha ka chhan dan ni sela.

Tin, monsoon stock neih loh chungchang hi, monsoon stock hi kum hnih khat chu kan lei ta lova, advance a lak a ngai a. A hranpa in allocation hi Central-in min pe ngai lova. Tunhma sawrkar hmasa hunlaiah te an lo tih dan thin hi April atanga September thleng allocation chanve an lo la lawk thin a. Tichuan, monsoon stock-ah an ti a ruahui tam tak tak

hma hian an lo stock lawk thin a ni. Khatianga a hlawma lei tur hi chuan tuna kan financial position-in min permit chiah lo deuh a. Chumi piah lamah chuan a awm ang ang monthly quota hi a system titha ila, hetiang teh vaka kal ngai lo hian monthly allocation kan lei hi management kan tihthat na na hi chuan kan kal thei ang kan ti a. Nikumah pawh buai miah lovin kan kaltlang thei a, kuminah pawh tunthleng hi chuan buaina lutuk awm lovin kan kal thei niin ka hria a. A management hi kan tih thathi chuan a theihin kan hria a ni. Tin, stock hi Godown-ah a lo tam lutuk hi chuan thawktute hi centre hrang hrangah kan nei a, kan inzarpharh a, kan thawktute lam tan pawh buhfai stock a lo that na na chuan ren thiam te a lo harsa a. Tin, mipui lam tan pawh lo huangtau deuh te hi a lo awl a, tul lo ti mai ila tul lo chu a ni chuang lova, a bag bag a lo lei chhuah a special lo beisei te tam thin anih avangin. Tunah hi chuan kawngpui thalaiah hi chuan need base-in kan inpe a. Hmun kilkhawr zawkah hi chuan fur laia motor kal theih lohnaah a theih ang angin stock pawh hi kan dah lawk a. Chutiang chuan buhfaite pawh hi tam tak hi kan safe theiin kan hria a, chu chu tunah hian kan kalpui dan a ni. Chuvangin buhfaiah hian harsatna lutuk nei lovin kan kal thei a ni e tih chu ka chhan dan a ni e, Pu Speaker, ka lawm e.

S P E A K E R : Thingtlang lo nei a eizawn hi BPL leh AAY leh APL tur a har khawp mai a. Nikuma chhipzawn thlo kha kuminah hian a hlawhchham der thei mai a, a kum lehah kha chuan a lo BPL a lo ngai der mai a, khatianga vel kha kan ni a. Hemi thingtlang lo neia eizawn hi chu a stable loh em em avangin sawrkarin eizawna mumal zawk ngel nghet zawk min zawnpui tak meuh a ni tih kha hretlang ta ila a tha awm e. Tunah zawhna no 163-na zawt turin Pu K.Liantlinga i lo ko ang.

Pu K.LIANTLINGA: Pu Speaker, ka lawm e, Local Administration Department Minister zahawm tak chhan atan ka zawhna Star question No. 163-na chu hei hi a ni .- Kum 2011 – 2012 chung hian MIG leh LIG-ah hian Board Member engzatnge awm min hrilh thei em ? District wise in.

S P E A K E R : A chhang turin Minister zahawmtak Pu P.C.Lalthanliana i lo ko ang.

Pu P.C.LALTHANLIANA, MINISTER : Pu Speaker, kum 2011 leh 2012 inkarah MIG leh LIG loan Board Member atan hetiang hian District wise in dah a ni :-

1. Aizawl District-ah - 20 Members
2. Lunglei District-ah - 13 Members
3. Champhai District-ah - 8 Members
4. Kolasib District-ah - 8 Members
5. Serchhip District-ah - 8 Members
6. Mamit District-ah - 8 Members
7. Saiha District-ah - 8 Members
8. Lawngtlai District-ah - 9 Members tih a ni.

S P E A K E R : Zawhbelhna, Pu K.Liantlinga, a dawtah Pu P.P.Thawla.

Pu K.LIANTLINGA: Kan zawh turte pawh Demand kan sawi zo tawh si a, zawhbelh ngai vak lo tur a ni a, amaherawhchu Housing Loan MIG leh LIG-ah te hian mi engzat nge pek an nih tih leh heng board member-ah te hian quota engzat theuh nge pek an nih? tih a ni

a. Tin, board member selection hi eng criteria hmanga thlan nge an nih tih kha ka han zawt a ni e.

Pu P.P.THAWLA : Pu Speaker, ka zawhbelhna chu District chhunga MLA ni ve te tan hian Board member nih ve hi a rem lo em ni? MLA nih hah ve manah member lo nih ve mai mai te pawh Ruling tan pawh, Opposition tan pawh a rem ve em ? tih a ni e.

S P E A K E R : A chhang turin a changtu Minister i lo ko ang.

Pu P.C.LALTHANLIANA, MINISTER : Pu Speaker, Housing Loan hi MIG leh LIG-ah then a ni a, a vaiin MIG-ah hian 283 pek a ni a, LIG-ah 525 pek a ni a. Tin, quota hi District tinah Aizawl tih loah chuan Member tin te quota 6 pek an ni a, Aizawl District bikah hian Member te quota 7 pek an ni. Tin, Board member tura criteria engnge ni awm tih zawhna chu – criteria hran a awm lova. Amaherawh chu kan indah dan tlangpuih hian State level angah hi chuan Political Party aiawh hrang hrangte tumah inthliar lovin kan indah a. Tin, pawl anga rawn dilte entirnan, Educated Unemployed tih ang te, Martyr Family tih ang te, awm ve rawn dil MURA kan tih ang te an awm thin a. Chung ang chu a tul angin kan ngaihtuah a, a dahte pawh kan dah thin a, chung chu kan indah dan kalphung tlangpui a ni a. Tin, Pu P.P.Thawla, kan member zahawm takin a zawhbelhna, mahni awmna district-ah MLA te hi Member anih ve theih lawm ni tih kha-a theih a. Amaherawhchu a ruattu in a ruat leh ruat loh lamah a innghat a ni tih kha ka chhanna a ni mai awm e, ka lawm e.

S P E A K E R: Awle, zawhna No.164 na zawt turin Pu R.L.Pianmawia.

Pu R.L.PIANMAWIA : Pu Speaker, Home Minister zahawm tak chhan atan ka zawhna –

- (a) Tuivawl bial chhunga Police Station leh BOP a chenna In chhe lutuk siamthat nan hmalakna a awm em ?
- (b) Engtikahnge siamthat anih ang ? tih a ni e.

S P E A K E R : A chhang turin a enkawltu Minister zahawm tak Pu R.Lalzirliana ilo sawm ang.

Pu R.LALZIRLIANA, MINISTER : Pu Speaker, Pu R.L.Pianmawia MLA zahawm tak zawhna chhanna chu –

- (a) Tuivawl bial chhunga Police Station, Sakawrdai P.S, ami Type-II Quarter No.11/2 chu Rs. 37,245 senga repair tum a ni.
- (b) Tunah hian siamthat tura hmalak a ni tih a ni e.

S P E A K E R : Zawhbelhna a awm lova. Tunah zawhna No.165-ah kan kal ang a, a zawt turin Pu T.T.Zothansanga ilo ko ang.

Pu T.T.ZOTHANSANGA : Pu Speaker, ka lawm, e. Hon'ble Minister Taxation Department min chhan atana ka Starred Question No.165-na chu hei hi a ni-Wealth Tax hi Mizo zingah pe kan awm em ?

S P E A K E R : A chhang turin a changtu Minister zahawm tak Pu Zodintluanga ilo ko ang.

Pu ZODINTLUANGA, MINISTER : Pu Speaker, kan Member zahawm tak Pu T.T.Zothansanga Starred Question No.165 chhanna chu – Wealth Tax chungchang hi Govt. of India chanpual hnuai mi anih avangin Mizoram Sorkara Taxation Department

Jurisdiction pawn a ni a. Wealth Tax pe an awm leh awm loh hi Taxation Department hian record a nei lo tih a ni e.

* Speech not corrected

S P E A K E R : Zawhbelhna a awm lova. Tunah kan kal ang a, Starred Question No.166-na zawt turin Pu P.P.Thawla ilo ko ang.

Pu P.P.THAWLA : Pu Speaker, Food,Civil Supplies & Consumer Affairs Department changtu Minister zahawm tak chhan atan ka zawhna Starred Question No.166-na

- (a) Tunah hian Carrying Contractor engzatnge awm mek ?
- (b) Carrying Contractor-te hnena Department-in May, 2012 thlenga Bill a bat zat theuh min hrih thei em ? tih a ni e.

S P E A K E R : A chhang turin a changtu Minister zahawm tak Pu Rohluna ilo ko ang.

Pu H. ROHLUNA, MINISTER : Pu Speaker, Member zahawm tak Pu P.P. Thawla zawhna (a)-na Tunah hian Carrying Contractor engzatnge awm mek tih chhanna chu :- Tunah hian Food, Civil Supplies & Consumer Affairs Department hnuaiah Carrying Contractor 703 an awm, a hnuaia mi ang hian : -

- (i) Main route - 68
- (ii) District route - 635

(b) Carrying Contractor te hnena Department-in May 2012 thlenga Bill a bat zat theuh min hrih thei em tih hi Pu Speaker, a district-wise-in kan chhang a. A chhan chu, Starred Question-ah hian mimal theuhin chhang dawn ta ila, a tam dawn lutuk a, tihngaihna a awm lo. Chuvang chuan, a district-wise a ba awm zat kha kan chhan dan kha ka'n sawi hmasa duh a.

Food Civil Supplies & Consumer Affairs Department in May 2012 thlenga Carrying Contractor-te hnena Bill a bat zat chu hetiang hi a ni : -

- 1) Directorate (main routes) - Rs. 1,80,81,427/-
- 2) DCSO, Aizawl East - Rs. 1,17,90,309/-
- 3) DCSO, Aizawl West - Rs. 23,38,282/-
- 4) DCSO, Lunglei - Rs. 2,11,77,473/-
- 5) DCSO, Saiha - Rs. 1,99,45,693/-
- 6) DCSO, Champhai - Rs. 1,45,43,896/-
- 7) DCSO, Serchhip - Rs. 89,69,794/-
- 8) DCSO, Mamit - Rs. 91,18,594/-
- 9) DCSO, Lawngtlai - Rs. 3,45,78,004/-
- 10) DCSO, Kolasib - Rs. 2,74,710/-
- A vaiin - Rs. 14,08,18,182/- a ni.

S P E A K E R : Zawhbelhna Pu K. Liantlinga leh Pu Lalthansanga. A zawhna neitu kha a kal lo tlat mai. Tunah Pu K. Liantlinga i lo ko ang.

Pu K. LIANTLINGA : Pu Speaker, ka lawm e. Carrying Contractor Bill hi a tang nasa thei a. Tin, tunhma deuh khan la hmasa leh la hnunngte an awm thin a, vui tawk hi an awm nak nak thin a. Tunah hian a la ni reng em ? Tin, eng system-in nge heng Bill hi pek an nih ? Bill hi pek zawh mai theih a ni ang em ? tih kha ka'n zawt a ni.

S P E A K E R : Pu Lalthansanga i lo ko ang.

Pu LALTHANSANGA : Carrying Contractor Bill hi kan ba hnem hle mai a. Hemi rual hian OMSS leh Economic Cause-ah hianin OMSS ah hianin Metric ton 5000 vel thla tin kan lei a ni a. Chubakah chuanin Economic Cause-ah hianin Metric ton 8000 vel kan lei a ni a. Heng pahnih te hi a Carrying Bill kha Bill theih loh tih ang deuhin Supply atangin an sawi a ni a. Kha mi tel lo khanin APL, BPL leh AAY anga kan lak hi han ngaihtuah hianin Carrying Contractor te Bill-ah hianin khami OMSS leh economic cause a kan lei zawng zawng kha a tel vek nge. Kha mite kha, he ta kan lei, hemi pahnih amite hi a Carrying Charge hi hetiang hian an Bill ve tho nge ni a, ka'n hrechiang duh deuh a ni.

S P E A K E R : A chhang turin a changtu Minister i lo ko ang.

Pu H. ROHLUNA, MINISTER : Pu Speaker, Pu K.Liantlinga member zahawm tak zawhbelhna-Bill hi eng system-in nge tunah hian pek anih tih chu, Bill thehluk seniority in pek a ni. Chu chu bill neituten an bill hi district route a ni emaw main route a ni emaw an thehluk seniority-in pek a ni a. Tin, humanitarian ground-a life saving (nunna chhanna) tur tak tak te anih loh hi chuan kan inrawlhlo reng reng a. Tiang chuan seniority vekin tunah hian bill thehluk seniority vekin a bill hi pek a ni tih kha ka chhanna nisela.

Tichuan, member zahawm tak Pu Lalthansanga zawhna, heng carrying charge OMSS te, Eco-Cost, kan han tih Economic cost te hi tuna a leiba an rawn sawiah hianin a tel em? tih chu – Tel e tih ka chhanna a ni.

S P E A K E R : Zawhna No. 167-naah kan kal ang a. A zawt turin Pu K.Liantlinga.

Pu K.LIANTLINGA: Pu Speaker, ka lawm e. Urban Development & Poverty Alleviation Minister zahawm tak ka zawhna Starred Question No.167-na chu – Aizawl Municipal Council-ten hna an thawh theihna tura Regulation hrang hrang an siamte hi Sorkarin a tihfel sak tawh em? tih a ni.

S P E A K E R : A chhang turin a changtu Minister Pu Zodintluanga ilo ko ang.

Pu ZODINTLUANGA, MINISTER : Pu Speaker, kan member zahawm tak Pu K.Liantlinga Starred Question 167-na chhanna chu – Tihfel sak mek an ni a, hetiang hi tuna kan dinmun chu a ni.

- 1) Aizawl Municipal Council Building Regulations, 2012 chu ataka hman mek a ni.
- 2) Draft Aizawl Municipal Council Display of Advertisement and Boarding Regulations, 2012 chu Sorkarah approval turin Law & Judicial Department-in a endik mek a ni.
- 3) Draft Aizawl Municipal Council (Control of Parking and Collection of Parking Fees) Regulations, 2012 chu Sorkar approval turin Law & Judicial Department-in a endik mek a ni.

- 4) Draft Aizawl Municipal Council Public Health and Sanitation Regulations, 2012 chu zir chian mek a ni.
- 5) Draft Aizawl Municipal Council Licensing Regulations, 2012 chu zir chian mek a ni, tih a ni e.

* Speech not corrected.

S P E A K E R : Zawhbelhna Pu K.Liantlinga.

Pu K.LIANTLINGA : Pu Speaker, ka lawm e. Hei Aizawl Municipal Council hi kum 1 leh a chenve vel an ding a. Heng Regulation ho reng reng hi hnathawhna tur a ni a, Regulation hi a mumal loh avangin hna thawk hlei thei lovin an awm a. Hei aia chak zawkin a nawr theih angem? A chhan chu UD & PA chauh a ni lova, Law department-ah te emaw, Cabinet-ah te emaw tih tur anih avang hian hna a chakloh hian harsatna an tawk a. Tin, parking Regulation chungchangah phei hi chuan, tunah hian case an nei mek niin ka hria a. Regulation mumal loh avang hian harsatna hnathawk tu lam khan an tawk thei a. Tun aia rang zawk hian a tih theih a ngem ? tih kha ka zawhbelhna a ni e, Pu Speaker.

S P E A K E R : A chhang turin a changtu Minister ilo ko ang.

Pu ZODINTLUANGA, MINISTER : Pu Speaker, kan member zahawm tak zawhbelhna kha, Sorkar ang hian kan hmanhmawh a, kan Municipal Council kan neihchhun te hi tha takin thawk turin kan duh a. Amaherawhchu, heng Regulations te hi thil thar, body thar, local body thar kan nei a. Anmahni hmanhmawh avanga hna nakina buai lehna tur atana Dante hi kan siam ang tih kan hlau a. Kan uluk a, department angin kan han zir a. Chumi hnuah Law-ah vet turin tunah a tam zawk hi chu kan Dan thiamten an endik mek a ni a. Pu Speaker, theihtawpin tan kan la a ni tih kha ka chhanna a ni e.

* Speech not corrected.

S P E A K E R : Le, zawhna No.168-na, hei Pu B.Lalthlengliana alo telve leh thei ta hlauh a, a lawmawm e, zawhna han zawt teh se.

Pu B.LALTHLENGLIANA : Pu Speaker, ka Starred Question No.168-na Minister zahawm tak Food, Civil Supplies & Consumer Affairs Department chhan atan :-

- a) Mizoram Gas Cylinder lo lut tur khawih chingpen thin tih Evening Post ni 11/6/2012 a lo chhuak kha sorkarin engangin nge an umzui?
- b) Engangin nge sorkarin hma a lak? Kha kha chu a repeat deuh mai mai a ni e.

* Speech not corrected.

S P E A K E R : A chhang turin a changtu Minister zahawmtak Pu H. Rohluna i lo ko ang.

Pu H. ROHLUNA, MINISTER : Pu Speaker ka lawm e, kan member zahawmtak Pu B.Lalthlengliana zawhna -

- a) Mizoram Gas Cylinder lo lut tur khawih chingpen thin tih Evening Post ni 11/6/2012 a lo chhuak kha sorkarin engangin nge an umzui ? tih chhanna chu - Evening Post ni 11/6/2012 chhuak a Gas Cylinder, Mizorama lo lut tur khawih chingpen thin tih chungchang hi Mizoram sorkar chuan Area Manager, IOC Silchar hnenah thlen nghalin a tul ang hma lo la nghal turin a ti.
- b) Engangin nge sorkarin hma a lak? tih chu -

i) Mizorama Gas Cylinder lo lut tur khawih chingpen tih Evening Post ni 11/6/2012 a lo chhuak kha saptawnga lehlin (translate) vek hnuah Area Manager IOC, Silchar hnenah he thil thleng an ziah lanna Evening Post Xerox copy nen thawn nghalin a tul ang ang hma la nghal tur leh an hmalakna a rang thei ang berarawn hriattir turin tih a ni.

ii) Hetiang thu chanchinbua a lo lan avang hian, kawng laka Gas-te khawih chingpen tireh tur leh Consumer-ten buktling taka an lak theihna turin, mipui hnena sem hmains uluk lehzuala check thin an ni. Dan bawhchhia man chhuah te chu Legal Metrology dan hmanga hrem zel an ni tih a ni.

S P E A K E R : Zawhbelhna, Pu B.Lalthlengliana.

Pu B.LALTHLENGLIANA : Pu Speaker Minister zahawmtakin a umzui vat a, a lawmawm a. Mahse, he chanchinbua an rawnziah hi ni 11/6/2012 daihtawh kha a ni a, tunah hian July thla a ral leh tep naktip mai hi a ral hun a ni a, khatianga enfiah tura an tih te khan thil engang nge an hmuh chhuah tih Mizoram sorkar an hriattir tawh em? a inkar hun a awm viau tawh a, hriatna hun a awm tawhin ka hria. Chu chu kan Minister zahawmtak ka'n zawt leh lawk a ni.

* Speech not corrected.

S P E A K E R : Aw le, A chhang turin a changtu Minister i lo ko ang.

Pu H. ROHLUNA, MINISTER : Pu Speaker zia chuan information mumal tak min pe lova, mahse, phone a kan inbiakna ah chuan anni hian chutianga man chhuah chu an nei rihlo a ni. Chu chu kan action lak dan chu a ni a, a theih ang ang chuan kan umzui e an ti a. Heng Gas hi keimahni State pawnlam hi rin aiin a har khawp a, tin, Cachar D.C. nge a concern chiah ka hrelowa, chu chu a concern D.C. pawh hi hemi lehkhak copy pek a, a tul ang lo umzui turin tih a ni a, chu chu a D.C. lam atang pawhin an action lak zui dan chu tun thlengin ka hrela a ni, keimah hriat chinah hi chuan. Amaherawhchu, keimahni ram chhung bik hi a hluar zualna deuh a nih avangin theihtawp chhuahin tan te pawh kan la a, YMA te nen pawh thawhhona thuthlungte siamin chutiang chuan heng chingpen thinte hi theih ang ang ven kan tum a, tin, Local Council te nen pawh tangtlang in, chutiang chuan keimahni a Department lam atanga thawktu Directorate a Inspector te pawhin theihtawp an chhuah a, Officer dangte pawhin theihtawp an chhuah a. Tin, Legal Metrology phei chu an hah hle a ni, Staff indaihlo chung chung pawhin a semchhuah hma hian a theih ang angin check a ni a, tihchingpen a nih leh nih loh te, chuvangin a vaia han hlang thla a han check erawh hi chu rin aiin a har khawp mai a, Cylinder 306 hi Motor Trip khatah hian an rawn phurh dan tlangpui a ni a, chu chu a lo thlen tam deuh tum phei chuan a vaia han hlang thla a, han check tur phei chuan nikhatah hian Agent te leh sem lo changtuten sem hi an hmanhmawh bawksi a, uluk thei ang bera han tih bak hi chu check hi a harsa khawp mai. Amaherawhchu, theihtawp hi chu kan chhuah zel e tih kha ka chhanna a ni.

S P E A K E R : Aw le, zawhna number 169-na ah kan kal a nga, a zawt turin Pu John Siamkunga i lo ko ang.

Pu JOHN SIAMKUNGA : Pu Speaker ka lawm e. Food, Civil Supplies & Consumer Affairs Department, Minister zahawmtak chhan atan ka Starred Question 169-na chu hengte hi an ni -

(a) S. Vanlaiphai leh Sangau Food & Civil Supplies Godown-te hian mipui engzatnge an chawm ve ve, Department record angin ?

(b) Cherhlun, Tarpho Food & Civil Supplies Godown-te hi sak that tumna a awm em?

S P E A K E R : Chhang turin a changtu Minister zahawm tak Pu H. Rohluna i lo ko ang.

Pu H. ROHLUNA, MINISTER : Pu Speaker, tukin chu kan inchhang sek mai dawn a nih hi. Member zahawm tak Pu John Siamkunga zawhna -

(a) S. Vanlaiphai leh Sangau Food & Civil Supplies Godown-te hian mipui engzatnge an chawm ve ve, Department record angin? tih chhanna chu -

S. Vanlalphai Godown hian mipui 5,591 a chawm mek a. Sangau Godown hian mipui 16,565 a chawm mek bawk.

(b) Cherhlun, Tarpho Food & Civil Supplies Godown-te hi sak that tumna a awm em? tih chhanna chu -

Cherhlun leh Tarpho Godown-te hi sum harsatna vangin sak that tumna a awm rih lo tih a ni.

S P E A K E R : Zawhna no. 170-na Pu R.L. Pianmawia zawt turin i lo sawm ang.

Pu R.L. PIANMAWIA : Pu Speaker, LAD Minister zahawm tak ka zawhna - Sorkar hian V/C te tun aia dinhmun tha zawk leh lawmman tam zawk pekna tur ruahmanna a nei em? tih a ni.

S P E A K E R : Chhang turin a changtu Minister zahawm tak Pu P.C. Lalthanliana i lo ko ang.

Pu P.C. LALTHANLIANA, MINISTER : Pu Speaker, kan Member zahawm tak Pu R.L. Pianmawia zawhna chhanna chu - Tun maiah chuan V/C lawmmante hi tihpun tumna a awm lova, V/C ten thuneihna sang zawk an neih theihna tura dan leh hrai-te a tul ang erawh ennawn mek a ni.

* Speech not corrected.

S P E A K E R : Zawhbelhna, Pu Lalthansanga.

PU LALTHANSANGA : Pu Speaker, min lam pawlh nawk nawk tho a nia khawlaiah pawh, kan lehkhah pawh hi a chang chuanin a lo kal nawlh zel mai a, a lehkhah hi, I tusual love.

Hmanni khan ka zawhna kha a wind up-naah khan min rawn ti chiah lova census ang chi notified ang kha VC hi kan la ni ve tho va. Mahse VC power tak tak anga function theih loh tunah entirnan, in hmun lo ramah te pawh khatiang ang khanin Village ang kha a nih chiah loh avang khan an dinhmun ang chi Biate leh N. Vanlaiphai-te khi census town tih ang chi kha a ni a. Khatiang VC thuneihna kan dah dan hi engtingge siamrem dan deuchte hi a awm em? Dik tak chuanin tunah hi chuan an tilui deuh a ni mai a, a buaithlak angreng a, churang chuanin SDO (C) te pawh kha a hmun ngeiah te pawh khian post-in awm ve sela kan han tihna laite pawh kha engemaw thil thlan bikahte pawh khanin VC ang lo deuha thil han tih ngai laite pawh kha a awm ve thin a, chuti lai te chu engtingge khiti lai khi ngaihtuahna LAD lam hian min ngaihtuah sak thei ang em? tih ka'n zawt a ni.

S P E A K E R : Chhang turin a changtu Minister i lo ko ang.

Pu P.C. LALTHANLIANA, MINISTER : Pu Speaker, kan member zahawm tak Pu Lalthansanga zawhbelhna kha ka lo hriatthiam dan chuan khing N. Vanlaiphai ang te a in hmun lo ram han pe theitu Side Selection Committee ang chi lampang kha awm vein khatiang kha VC thuneihna ni tur a ni thei em tih ang deuh khan ka hria a, a dik emaw.....aw.....helam kha chu Pu Speaker, keini Village Council lam atanga kan tih a ni lem lova. Heng Side Selection Committee leh heng ang hi chu GAD lam atangin emaw khatiang Town khaw lian deuh Revenue emaw a nih ka ring a. Chung ang chuan Committee kha an siam thin a, VC ang ngawr ngawr hi chuanin khatiang thu kha chu keini chuan kan buaipui lem lo a ni.

* Speech not corrected.

S P E A K E R : Le, tunah Pu Lalduhoma zawhna a ni a, mahse, ani hi a u in a boral san a Champhai lamah a la thang rih a, Pu K. Liantlinga chu a rawn ti nain mahse, kan kal kan rih ang a. Tin, zawhna no. 172-na pawh chutiang bawka ni a. No. 173-na Tunah a zawt turin Pu T.T. Zothansanga ilo sawm ang.

Pu T.T. ZOTHANSANGA : Pu Speaker, ka lawm e. Hon'ble Minister for Fisheries Department zahawm takin ka starred question no. 173 -na min chhan tura ka rawn zawhna chu hei hi a ni. Fishery hnuai District Office, Champhai ami khi engtikah nge mumal taka function theih a nih ang? tih a ni.

S P E A K E R : A chhang turin a changtu Minister Pu R. Lalzirliana ilo ko ang.

Pu R. LALZIRLIANA, MINISTER : Pu Speaker, Pu T.T. Zothansanga, MLA zahawm tak zawhna chhanna kha District Fisheries Office, Champhai hi June 2011-ah hawn a ni a. Tunah hian District Fisheries Development Officer hovin mumal taka function tir a ni.

S P E A K E R : Aw, mumal taka function theih a ni a ti a, pakhatin function tir a ni a ti a, zawhbelhna a ngai tlat mai. Pu T.T. Zothansanga.

Pu T.T. ZOTHANSANGA : Pu Speaker, a englo a nia, ka zawhbelh duhna chu tunah khian mi in luahin kan la awm a, kan la phuisui lo khawp mai a. Staff kan mamawh ang hi kan dil deuh reng a, tunah khian kan hlawhtling hlei thei lo a, a tul tul khi an han pawt deuh nawk nawk a. Fisheries-ah hian a tlangpui thuin Staff kan indaih lo tih chu kan hre tho na a. Tun dinhmun-ah khian NLUP kan han tih tak bawka si ah hian an indaih lo nasa khawp mai a, min lo ennawn/enngun dan deuh a awm thei ang em? ka'n tia ni.

S P E A K E R : Le, a chhang turin a changtu Minister ilo ko ang.

Pu R. LALZIRLIANA, MINISTER : Tunah khian Pu Speaker, mi in luahin an awm a, chu pawh chu ni e, a luah man chungchangah khan a awm tih lohna te a awm a, an rawn hnawh leh thin a, hei pawh hi ba tam tak kan la nei a,

chung pawh chu tunah hian enfel mek a ni a. Staff hi chu kan indaih lohna pangngai ang hian hmun dangah pawh kan indaih chuang lova kan la thei rih lova, a potential area lam deuh hlek khilai pawh khi a tha a, tiang chuan tih zel kan tum mek a ni.

S P E A K E R : Le, zawhna no. 174-na zawt turin Pu K. Liantlinga ilo sawm ang.

Pu K. LIANTLINGA : Pu Speaker, ka lawm e. Ka zawhna a chhuak zing hle mai. Food, Civil Supplies & Consumer Affairs Department Minister zahawm tak ka zawhna starred question no. 174-na a)- Kan ramah POL leh LPG-te mumal leh tha zawka kan hmuh theih nan sorkar hian hmalakna a nei em? b) Mualkhang Bottling Plant khu kan sorkar hian tih len tumna a nei em? tih a ni e.

S P E A K E R : A chhang turin a enkawltu Minister zahawm tak Pu H. Rohluna ilo ko ang.

Pu H. ROHLUNA, MINISTER : Pu Speaker, Member zahawm tak Pu K. Liantlinga zawhna channa chu, nei e, a zawh na hi Pu Speaker, ka'n chhiar law law teh ang. a)-na Kan ramah POL leh LPG-te mumal leh tha zawka kan hmuh theih nan sorkar hian hmalakna a nei em? tih chhanna chu - Nei e, Gas hi mumal leh tha zawka kan hmuh theih nan sorkarin hma chak takin a la mek reng a, Central lam hotute leh I.O.C hotute hnenah wawi tam tak gas rawn thawn tam tura thlen leh ngen an ni a. Anni pawhin theihtawp min chhuahpui mek a ni.

Tin, Gas lo thleng ang angte mipui hnenah tam zawka sem anih theih nan Emergency reserve, trip khata bur 15 tih thin kha tihtawp a ni a. Distributor reserve bur 21 ni thin pawh bur 10-ah tihhniam a ni.

b)-na Mualkhang Bottling Plant khu kan sorkar hian tihlen tumna a nei em? - Nei e, kan sorkar hmalakna avangin kum 2009 atang khan IOC hotuten thui tak hma an la tawh a ni. A tawh zawngin a nia. Starred question a nia Pu Speaker, nia hmannah kan sawi nual tawh a hriat sa deuh vek a ni tawh bawka, chu chu ka chhan theih dan a ni.

S P E A K E R : Nia, hmannah khan kha kha. Mahse zawhbelhna an la duh talh mai a...Hmanni ami kha...Pu K. Liantlinga zawhbelhna.

Pu K. LIANTLINGA : Hmanni a sawi vek tawh a ni a, sawi zawm vak tur pawh a awm lo a, kan hre vek tawh a. Amaherawh chu, Bottling Plant Mualkhang khu khati teh tawp lo deuh khan negotiate theih a ni em? Anmahni khu direct-a biak an ni tawh em? assessment ngau ngau ang Rs 87 lakhs nilo khan kan sorkar hian hma a la tawh em? kan ramin a mamawh si a, kan sorkar hian hma la tak tak thei em? tih kha kan zawhbelh duh a. Tin, a dawt lehah chuan Gas chungchang kha Pu Speaker, Nichin khan zawh min phal sak lova, amaherawhchu kan bial hi han sawi ve ka duh a. Kan bial khu mipui population 35000 chuang zet awmna a ni a. Gas agent-hi Aizawl Southah a awm a. Tin, Aizawl North lamah a awm bawka, Vengchhung Gas Agent hnuaiyah kan awm a, a hrehawm khawp mai a. Republic te, Bethlehem veng te, Venghlui tuan zawng zawng nen helai area-ah hian gas agent hi a awm ve thei lawm ni? Hmanni khan General Manager hnenah lehkhah chu ka ziak tawha, State sorkarte hian min nawr pui thei em? Tin, a qualified awm deughten dil sela, kan supply Minister mai pawh nilo, kan House Leader, kan

Chief Minister ngei te pawh hianin recommendation min pe thei se chu kan duh khawp mai a, min recommend thei angem ? tih hi supply Minister kha ka'n zawt duh bawka ni.

S P E A K E R : Awle, a chhang turin a changu Supply Minister i lo ko ang.

Pu H. ROHLUNA, MINISTER : Pu Speaker, zawhbelhna 1-na Mualkhang Bottling Plant ram lei belh tur compensation sang lutuk hi negotiate theih dan a awm em tih chhanna chu Nia, negotiate tur hian IOC lam hotute May ni 18 a Gauhati ami a General Manager te, Deputy General Manager, LPG changu te leh Officer dangte helaia kan koh chhoh tum khan kan sawipui a. Anmahni pawhin hetiang a award (compensation amount) hi sang an tih lutuk chuan khami pawn lamah khan in negotiate-pui dan hi zawng se tihte thurawn kan pe a ni. Chuvangin Mualkhang Bottling Plant-ah khuan a hmunah an zuk kal a, tin, negotiate te a harsa anih pawhin khami ram ngau ngau lo kha a chhehvel hnaiah khuan truck parking han sawn velna tur leh quarter han sak belhna tur a ni mai a, a sir velah hian ram remchang chutianga man tlawm zawka han lak theih tur hi a awm em tih te pawh a hmunah chiang takin zuk en ula kan ti a. Tichuan anmahni pawh an zuk kala, amaherawhchu a ram dang hi chu an tui lutuk loa, tin, zu negotiate tur pawhin 'a award, (compensation amount) kha a san em avangin negotiation pawh hi kan huphurh a ni' an ti deuhva. Chu chu tuna kan dinhmun a ni a.

Tin, third party lamah te pawh engemaw tiin tihtheih dan a awm chuan company lamte pawh hianin theih dan ang angin hma la teh u, hei hi kan ram tan a pawimawha, hemiah hian kan inngat a ni si a, hei hi khawlhkhama hetia a awm reng chuan a tuartu hi chu mipui kan ni a. Chuvang chuan, mipui harsatna sutkianna tur atan hian theihtawp min chhuahpui turin IOC lam Authority pawp kan inbe pawh reng a. Hmanni lawkah pawh kan inbia a, amaherawhchu tun dinhmunah chuan hmalam pana kal ngaihna hi an hre rihlo a ni tih kha min chhan dan a ni a, chu chu tuna kan awmdan chu a ni . Tin, Member zahawm takin a bial tana agent dah tura nawrpui tura a rawn tih kha nia, hei hi kan ngaipawimawh a, Republic veng te, Venghlu te, hemi thlerah hian Agent, distributor an awm loh avangin a awl thui a, tiin Company lamah pawh kan lo thlen tawh a ni. Mahselangin a company lam chuan Kulikawnah hian kan dah thar a, hemi hi la function chiah lo mahse a function chuan Aizawl khawpui chhung bik ngau ngauah hi chuan a population phu tawkin tun dinhmunah hi chuan a ziaawm viau thawkhat tawh a, MIZOFED hianin tuna Pu K.Liantlinga bial, Upper Republic, Republic veng te, ITI te, tin, Republic vengthlang, College veng, Venghlu te hi tunah hian an enkawl mek a ni a. Tun dinhmunah hi chuan a Gas lam hi lo thleng tha se chuan harsatna lutuk awmlo turah kan ngai a. Tin, Republic Veng pawhin an ngaipawimawh a, a veng thenawm pawhin thawk khat lai phei kha chu a mimal ang pawhin rawn nawr a, company lam atanga khatia han tih mai theih tura ngaite pawh an awm a, statistic-te pawh an rawn la a, ka hnenah te pawh an rawn kal a. Mahse, company lam nena kan indawrnaah tun dinhmunah hi chuan eng kan la hmu rih chiah lova. Tin, Durtlang te, Sihphir te khilampang enkawl turin dahbelh a tul thu company lam atanga kan thlenah Durtlang erawh chu process mek a ni a, advertisement erawh chu an la chhuah lova, Durtlang lamah erawh chuan kan ti dawn a ni tih Pu Speaker, kan chhan dan nisela. Tin, a nawrpui hrim hrimte phei hi chu thil harsa lutuk a ni lova, amaherawhchu Member zahawm takin a sawi hma khan kan lo nawr viau tawh a ni tih kha ka chhan theih dan a ni e.

S P E A K E R : Deputy Speaker, Pu John Rotluangliana.

DEPUTY SPEAKER : IOC lampang kha an hlawhchham a ti a, a tawp tawp mai a tikhan. Kan ramin a mamawh si anih chuan assessment kha a sang lutuk an ti a, compensation tur kha, re-assessment hi a tihtir theih lawm ni. Hmanniah wind up na ah khan D.C te hian re-assessment an ti thei tawh lova kha a ti a, re-assessment ti thei D.C dah mai kha a fel lawm ni Pu Speaker ?

S P E A K E R : A pa khawp mai kha, Speaker bial lamte kha min lo theihnghilh lova kan supply lamin a lawmawm hle mai. Tunah chuan zawhna No. 175-na Pu K. Liantlinga'n han zawt zung zung rawh le.

Pu K. LIANTLINGA : Pu Speaker, ka lawm e. Zawhna a chhuak hnem angreng a, a inthlahrunawm rum rum mai dawn a lawm mawle. Mahse, Department hrang hrangte a nia. Home Minister zahawm tak chhan atan. Ka zawhna starred question No. 175-na -

(a) Kum 2008-2012 chhung hian Mizoram Police (Sawrkar) hian Arms & Ammunition chi hrang hrang engzatnge an man tawh. Year Wise-in min hrihl thei em ?

(b) Heng Arms & Ammunition-te hi kawll that vek an ni em ? Kawll that nilo se, tu hnenah nge pek an nih, an hming leh pek nite min hrihl thei em ? tih a ni e. Pu Speaker, ka lawm e.

S P E A K E R : Kan hun chu a tawp a ni deuh mai a. Mahse, a changtu Minister Pu R. Lalzirliana'n han chhang se, zawhbelhna a awm thei tawh lovang a.

Pu R. LALZIRLIANA, MINISTER : Pu Speaker, Pu K. Liantlinga, MLA zahawm tak zawhna chhanna chu -

(a) Kum 2008-2012 chhung hian Mizoram Police-in Arms & Ammunition chi hrang hrang a man zat chu a hnuai mi ang hi a ni. 2008-ah Arms seized 56 a mu 2102. 2009-ah Arms seized 64, a mu 2596. 2010 ah Arms seized 52 a mu 876. 2011-ah Arms seized 57, a mu 501 leh 2012-ah Arms seized 32 leh a mu 179. A vaiin Arms seized hi 261 a ni a, Silaimu hi 6254 a ni.

(b) Arms & Ammunition-te hi a then kawll that an nih laiin a then tihchhiat a ni a. Mimal hnenah pek chhuah hriat theih chin chu -

(1) 2008-ah DBBL Gun a neitu Pu K. Hrarro hnenah ni 13.1.2009 khan pekchhuah a ni a.

(2) SBBL Gun tho pakhat a neitu Lalthuneia, s/o Sangneihkima, Kolasib Hmar veng hnenah 15.5.2012 khan pekchhuah a ni a. Tin, .32 pistol pakhat Zorampara, President PAMRA hnenah 22.12.2008 khan zimmanama-in pek chhuah a ni. 2009 kuma pekchhuah te DBBL Gun 1, S. Chhadia, Tuisumpui khua hnenah 17.5.2010 khan pek a ni a. Tin, .32 Revolver (India made) 1, Dy. S.P. Thangkanglova hnenah ni 18.3.2009 khan Zimmanama-in pek chhuah a ni a. .32 Pistol (India made) 1, Pi Gracy L. Bawihlung, Magistrate 1st Class thutluknain a neitu hnenah ni 9.7.2010 ah pek a ni a. 22 Rifles 1, a neitu Pu Lalchhuanawma, Zemabawk hnenah ni 18.6.2012 khan pek a ni bawk a. 9mm Pistol 1, Pu Lalhriatpuia Ramhlun North hnenah khultir a ni. 2010-ah khan DBBL Gun 1, a neitu Pu J.Tlaidy, SaihaVengpui hnenah ni 19.6.2012 khan pek let a ni. SBBL Gun tho 1, a neitu Pu Chhilna, Lungbun hnenah ni 3.12.2012 khan Court thuchhuah angin pek a ni. SBBL Gun 1, a neitu Pu

Lalchhunga s/o Thandailova(L), Champhai Kanan veng hnenah 1.3.2012 khan pek a ni. SBBL Gun 1, a neitu Lalchungnunga, Tuidam hnenah pek a ni. SBBL Gun 2, a neitu hnenah ni 3.3.2011 leh 17.3.2011 khan Pi Gracy B. Bawitlung, Magistrate, 1st Class-in a pe let bawk.

S P E A K E R : Awle, kan hun a lo tawp ta a, kan zawhna leh chhanna hun chu. Vawiinah hian kan member-te lo kal thei lo, Pu P.C. Zoram Sangliana hi a zinchhuak a. Tin, Pu Lalrinliana Sailo hi sorkar pawimawhah a zinchhuak bawk a. Tin, Pu Laldingliana hi chhungkaw dam lohna thilah Lunglei lamah a kal a. Brig. T. Sailo hi taksa chaklohna avangin a lo kal thei lova. Pu Lalduhoma hi a u thih chungchangah Champhaiah a kal a, a lo la kal thei lo a ni. Hei, kan Chief Minister, kan House leader engngemaw chen Delhi lamah te a zu zin a. President thar lawmluhnaah te a zuk tel a. Sorkar pawimawhte a zuk umzui nghal a. Hei, vawiinah kan zingah a lo tel a, kan phuisui leh khap ta mai, a lawmawm hle mai.

Tunah chuan Financial Business ah kan lo kal tawh ang a. Minister 3 te Demand kha la kawp leh vek mai ila. Chungte chu Pu S. Hiato leh Pu H. Rohluna leh Pu Zodintluanga te an ni a. Tichuan Pu S. Hiato, Minister zahawm takin a Demand No. 25, 40 leh 43 te, a amount chu Rs. 237,72,81,000 hi House-ahrawn submit sela. I lo sawm ang.

Pu S. HIATO, MINISTER : Mr. Speaker Sir, on the recommendation of the Governor of Mizoram and with your permission Sir. I move the Demand No. 25, 40 and 43 for Rs. 237,72,81,000/- only for the meeting expenses during 2012-13 in respect of the following departments ; Demand No. 25 - Public Health Engineering, amount Rs. 132,79,78,000 only. Demand No. 40 - Industries Rs. 97,56,70,000, Demand No. 43 - Tourism Rs. 7,36,33,000 only. Total 237,72,81,000, thank you.

S P E A K E R : Tunah Pu Rohluna, Minister zahawm takin a Demand No. 17 leh 36 a amount chu Rs. 333,37,20,000 House-ahrawn submit veleh se, i lo ko ang.

Pu H. ROHLUNA, MINISTER : Mr. Speaker Sir, on the recommendation of the Governor of Mizoram and with your permission sir. I move the Demand No. 17 and 36 for Rs. 333,37,20,000 only for meeting expenses during 2012 – 2013 in respect of the following departments. Demand No. 17 – Food, Civil Supplies & Consumer Affairs – Rs. 237,11,35,000, Demand No. 36 – Environment & Forests - Rs. 96,25,85,000 Total Rs. 333,37,20,000, thank you sir.

S P E A K E R : Pu Zodintluanga, Minister zahawm takin a Demand No. 8,22,46,48 te a amount Rs. 214,98,92,000 te House-ahrawn submit veleh sela, i lo ko ang.

Pu ZODINTLUANGA, MINISTER : Mr. Speaker Sir, on the recommendation of the Governor of Mizoram and with your permission sir, I move the Demand No. 8,22,46,and 48 for Rs. 214,98,92,000 only for meeting expenses during 2012-2013 in respect of the following departments.

- 1) Demand No. 8 – Taxation - Rs. 10,10,00,000
- 2) Demand No. 22 – Sports & Youth Services - Rs. 35,81,03,000
- 3) Demand No. 46 – Urban Development & Poverty Alleviation - Rs. 164,01,73,000

- 4) Demand No. 48 – Information & Communication Technology – Rs. 5,06,16,000, Total – Rs. 214,98,92,000, thank you sir.

* Speech not corrected.

S P E A K E R : Awle, Minister pathum (3) te Demand kha an rawn submit ta a, kan lo nei ta a, kan sawiho dawn anga, kan tihdan pangngaiin 10 minutes inpe leh ila 8 minutes-ah khan warning bell kan ti ri leh anga, tahchuanin nalh taka bawk tum hram hram zel ila, inauh nawn chhen ngai lovin. Hei, a sawi hmasatute pawh kha ka sawi zo ta tih avanga chhuah bosan daih lo khanin intawiawm hram hram ila, quorum deuh chauh chauh mi 14, 15 vel chauh kan han thut hi chuan a sawitu tan hian a tui awm loh a nia. Dik tak chuanin tunah hian a sawi hmasa ho hi in vannei hle dawn a ni, kan la kim thap lai an lo ngaihthlak sak dawn che u a nia. Tunah Pu R.L. Pianmawia ilo ko ang. A dawtah Pu Chawngtinthanga.

Pu R.L. PIANMAWIA : Pu Speaker ka lawm e. Kan Minister pathum (3) te chanpual sawiho theihna hun kan neih avangin lawmthu ka sawi duh a. A hmasa berah chuan Pu S. Hiato, Minister zahawm tak Department enkawl atang hian kan sawi ange. PHE Department hi keini bial tan chuan malsawmna hnar an tling tak tak a, tunah hian ka bial khua zawng zawngah hian Zohmun tih loh chu tuizem min siamsak tawh a lawmthu kan sawi takmeuh meuh a. Tin, tuikhur siam tulna bik kan report ah hian min siamsak a. Tin, khawmpui pawimawhah motora tui sem a ngaih pawhin min tihsak a kan lawm takmeuh meuh a. Tin, kan bial khua engngemaw zat khi total sanitation campaign atangin inthiarna min buatsaih sak a. Tin, composite scheme, Tuivawl pump leh Darlawn augmentation scheme atan DPR min ruahman sak in priority list-ah min telh sak avangin kan lawm takmeuh meuh a. Tin, Zohmun Higher Secondary School leh High School atan inthiarna min siamsak avangin lawmthu ka sawi duh bawk a. Tin, kan la mamawh belh tlem tlem tarlan ka'n duh chu, Zohmunah hian tuizem siam tur hi min bawhzui sak thuai thuai se tih ka'n sawi duh a. Tin, kan tuizem siam tawh ho ah hian tuidawn siam leh siamloh a awm a, chuvangin tuidawn siam vek thei tura hma min laksak ka dil duh a. Tin, Vaitin leh Pehlawnah hian kan tuizem siamte hi an la inhnangfak zawh loh avangin a dang min siam belh sak turin ka ngen a. Tin, Darlawn sub-div ah khian JE hmantlak deuh tur pawh awmlovin a indaihlo khawp a, chuvangin min ngaihtuah sak se tih ka sawi duh a.

Tin, Demand no 40, Industries Department ah hian an works programme-ah hian development of rural industry tih kha a awm a, a lawmawm hlein ka hria a. Hei hian min huam tel ang tih ka ring a lawmthu ka sawi duh a. Tin GIA-ah hian chhungkua 5 tan mistiri bungrua min tihsak a, a lawmawm hle a ni. Tin, Geology&Mining hi revenue thawkchhuak tha tak an nih avang hian department hnenah hian lawmthu ka sawi duh a. Tin, Directorate-ah te an hlangkai tawh bawk a, a lawmawm hlein ka hria, hmabakah GIA tamzawk awm theih nan sum tam zawk ruahmanna awm thei sela. Tin, Geology&Mining-ah hian check gate tun dinhmunah a revenue tam tak an lak theih tawh mai bakah tam zawk la buatsaih sela revenue tam zawk an lak theih a beisei awm a. Chu chu ka'n sawi belh duh a.

Tin, Demand no 43 Tourism-ah hian, Sakawrdai leh Darlawnah Tourist Lodge changtlung tak min ruahman sak a, a lawmawm hle a. Tin, Department a thawktute chung a lawmthu ka'n sawi duh chu, heng atana mamawh leh harsatna han sawi hi min tih hlawhtlin sak zel avangin lawmthu ka sawi duh a. Tin, kan la hmabakah chuan Tourist Lodge sak thar te hi min hawsak thuai se tih ka sawi duh a. Tin, Darlawn Tourist Lodge sakna tur hmun

chungchangah a ram neitute khan beisei an nei ve a, kan tih dawnin lehkha pawh an ruahman a, IV Grade pakhat min dahsak ve turin MR tal pawh tih kha an beisei a, min dahsak turin ka han thlen a ni.

Tin, Pu H Rohluna enkawl Department FCS&CA ah khan Sakawrdaiyah kudam lian min sak sak dawn avangin lawmthu ka sawi duh a. Tin, Darlawn godown repair ngai miah lo tur kha sorkar hmasain cheng 300000 sak thatna tura pawisa dah chu Supply Minister hmasa Darlawna a lo kal tumin kudam sakna tur Rs 300000 chu repair-na kha tiin rangva pheh 10 leh chartin 10 vela a tih tir tak avangin Pu Rohluna hian min repair sak a, lawmthu ka sawi duh a. Tin, RGGLV agent min dahsak avangin lawmthu ka sawi duh a. Tin, petrol pump min buatsaih sak mek bawk a. Tin gas leh buhfaiah hian harsa lutuk lovin kan bial vawiin thlengin min enkawl a, kan lawm takmeuh a. Tin, mamawh la awm chu Darlawn godown hi sak that a ngai tawh a, repair mai chi pawh a ni tawh lova. Tin, East Phailengah sorkar hmasain godown sak a nei a, lianpui mai a ruakin, hman tlak lovin a awm reng mai a, khi khi hman tangkai dan min ngaihtuah sak se tih ka sawi duh a.

Tin, Demand 36, Environment & Forest-ah hian ka bial khaw 15 tan sum tam tak min buatsaih sak a, Social welfare Department nena tang kawpin, kan lawm tak meuh a. Tin Darlawnah leh Zohmunah R.O Office te, Forest Guard leh Forester Quarter te min sak sak a. Tin, Zohmunah Wild Life atangin quarter, Mauchar leh N. Tinghmunah te quarters min sak sak bawk a, kan lawm hle a ni. A Department-a hnathawkten Minister hian a ngaihsak zia leh an harsatna a hriat thiam zia an sawi hi sawi chhuah tlak a ni.

Tin, 13th Finance Commission atangin grant Rs 4280.00 lakhs lai mai an dawng thei hi lawmawm ka ti bawk a ni. Green India Mission kalpui tur hi a hmasa lamah min dah ve sela tih kan sawi duh bawk a ni.

Tin, Pu Zodintluanga Minister enkawl Taxation-ah, he department hi a enkawl na a la rei lova, dan siamthat ngai an bawhzui nghal chat a, a lawmawm hlein ka hria. Tin, Department staff-te a fuih thiam hi a lawmawm ka ti hle a ni. Hetianga kan Minister-te fakna awka a han ri a, a lawmawm ka ti khawp mai.

Tin, Sports & Youth Services-ah hian Play ground, Darlawn, Sakawrdai, Zohmun leh Pavilion, Ratuah te min tihsak tawh a, tin, Darlawn playground atan hian ruahmanna puilting tak min siam sak avangin lawmthu ka sawi bawk a ni. Tin, Zohmun leh Vaitin playground min tihsak tawh hi tihpuitlinna tur hma lak tharna min neih sak leh avangin lawmthu ka han sawi a, sport material a tul angin min ngaihtuah sak thin avangin lawmthu ka sawi a. Sport material a tam thei ang ruahmanna awm thei se ka duh a. Tin, a Department bikah hian midang tih ve tur zuah sak ve hram hram se ka ngen duh a ni.

Tin, UD & PA-ah hian Darlawn census Town atan hian khaw cheina leh hmasawna tam tak min ruahman sak a, lawmthu ka sawi duh a ni. Darlawn tana UD & PA hmalak mek hi second installment min tih chhuah sak thuai se tih kha ka'n sawi duh a.

Tin, Information-ah hian, KIShocks an ti a ni awm e, hemi atang a khaw 12 min ruahman sak hi lawmthu ka sawi duh bawk a, High School IT infrastructure min dah sak a tum hi lawmthu ka sawi duh bawk a, tin, IT infrastructure hi sikul tam zawkah mintih sak turin ka ngen duh bawk a ni. Rural information atan

hian khawtinah chak zawkin hma min lak sak se tih ka'n sawi duh a ni e. Pu Speaker, ka lawm e.

Pu CHAWNGTINTHANGA : Pu Speaker ka lawm e. A ding hmasa hian fak an hlawh thin a, fak hlawh ve deuh duha ding ka ni a, mahse kha Pu Pian'an min khalh ta a, engpawhnise Hon.ble Speaker-in a duh loh tak kha vawiin chu tih loh theih loh a ni mai awm e. Ka cousin J.K. Sanglura fapa upa ber kha niminah a boral a, vawiin hi thlan thut ni a nih avangin chawhnu lam tel ve kan dil ngal a che.

Minister pathumte Demand hi a kim chang in ka cover hman lovang a. Tourism ah hian kan lut tawp mai anga. He department hi a pawimawh chho zel. Kan hriat theuh angin, Lengpui Airport khu kan Chief Minister zahawm takin thil harsa tak karah a sual chhuak a, tunah chuan khumi avang khuan zin mite, official-te pawh an lo thlawk lut chur chur tawh a, zoram kil tin hi an fang tan tawh a ni. Chumi bakah keini ngei pawh hian tlem tlema kan changkan chhuah avangin Zoram hmun hrang hranga zin kan ching tawh a, keimahni pawhin kan mamawh ngei hi chuan keimahni ngei pawn kan demand, kan mamawh, hi Tourism Department-ah hian a pung chho tih kan hria. Hemi chhang let tur hian kan Tourism Department Minister zahawm tak hian hma a la chak hle a, hmun hrang hrangah khawpui hnaiah te chawlh hahdamna hmun tam takah min siam tawh a. Tuna Hmuifang tlanga Tourist Resort phei hi chu a awl hman miahlo tluk a ni tawh nghe nghe a ni. Tin hmun kilkhawr ber berah pawh khualzin mite tana chawlhna tur hmun tam takah a siam tawh avang hian a lawmawm kati a. Kan Tourist Minister hnenah hian lawmthu ka sawi duh a, amaherawhchu thil pakhat han sawi ka duh a. Sorkar hmasa hunlai atang tawh a an lo beih chhoh tawh ka bial chung Chalfilnah khian Tourist Lodge sak a ni a, tunah zawh a ni tawh a, tin chubak an Tourist Lodge bawh Khanpuiah khian, an sak zawhna a rei tawh a. Zin vel nikhua pawh hian thlen nan a duhawm em em a. Amaherawhchu vawiin thleng hian hawn loh ve ve an la ni a. Nakinah Minister zahawm tak hian a windup hunah engeni harsatna, engtik hunah nge min hawnsak theih ang tih hi han sawi se ka duh khawp mai. Tichuan Chalfil chhak lampang khi luipui pahnih kanin Minipur border thleng khian ka bial chung a ni a. Kan han zin pawh khian kan han vak rawlai hi a ni ngawt mai a. Khua 20 velah khian Tourist Lodge pakhatmah a awm lova, Tourist destination pawh a awm lova, zin nikhuaah a dik tak chuan officer pawimawh te pawh kan bial chung harsatna min enpui tura han hruai a inthlahrun thlak em em a. Mi inah kan thlen a ngaih thin avangin, "riak maw iangin riahrun ka vai," kan ti khawtin deuthaw hi a ni ringawt mai a. Chutiang vel anih avang chuan khawngaih takin Phullenah te, Suangpuilawnah te, Vanbawng leh abik takin Phuaibuangah te khi chuan hma minrawn lak sak turin kan ngen takmeuh meuh a ni. Tourist destination min siam sak ka ngen e.

Kan Chief Minister zahawm tak thahnemngaihna leh, min duhsakna azarah Tuivai lui, Zoram lui chengchhe ber leh harsa ber pawh khi tunah chuan lei tha a inkham kai zuah tawh mai a, kan rual u zawkten kan hmu phak dawn lo an tih chu tunah khian zawhin a awm tawh a ni. Kawngah harsatna kan nei tawh lova, he House-ah pawh hian hmanah ka sawi tawh a, kham a zawnga kham mawi ber Mawmrang te, Chalfil te khi Tourist ho tana hmuhnam tak tur a ni a. Chuvang chuan kan Tourism Minister hian khawngaih takin hei hi min chhinchhiah sak se tiin ka han ngen a ni.

Tin, demand No. 25-na PHE hi a lawmawm khawp mai. Lawmthu sawina tur hlir niin ka hria a, Vanbawng water pump khi NEC atangin min zawh sak tawh a, tunah Phuaibuang water pump a kal mek a, zawh tep a ni tawh a, engtik niah emaw chuan kan

Tourism Minister ngei, PHE Minister ni bawk hian minrawn hawn sak se tiin ka sawm nghal a. Tin, chubakah rain water harvest leh fur tui stock-na turin Khawlek-ah te, Lamherhah leh Tualbung, Buhban leh Lungpherah te tanky lian pui pui, awmze nei tham min siam sak a, kan lawm tak zeta. Kan bial chhung hetiang taka bial harsa minrawn ngaihsak avangin lawmthu ka'n sawi a ni. Amaherawh chu hmabak kan la nei, Phullen khawpui kan headquarter ber, kan BDO headquarter khi tui chungchangah hian a intodelhlo hle a. Ka lo hriat angin Tuiriza khi chhete a han khuah a, pump chhoh turin proposal a awm niin ka hria a, hei hi khawngaih takin kan Minister zahawm takin min lo hriat sak se, NEC-ah min kalpuin min tihsak se ka duh takzet a ni. Tin Suangpuilawn khi tui harsatna hmun a ni, tuna gravitation lak mai ang khian a intodelh kumkhua dawnlo tih a chiang reng mai a. A thlang maih khian Thenlui lui hnar tha em em mai, tui hnar tha tak mai a awm a, khi mi atang khian water pump min siam sak turin ka han ngen duh che u a. Tin, khaw hmawr ber Daido khi tui lakna tur a hlat avangin Kawlian leh Phuaibuang lam atangte in lak a ni thin. Khingte pawh khi khawngaih takin a lakna a chhe zo tawh a, a bikin min ngaihtuah sak turin ka ngen duh che u a. Tin, Khanpui te, Lailak te, Hmunnghakte, Khawruhlian leh helai Sesawng thleng hian khilaia Chalhfilh tui khi kan ring mai a ni, pipe-a lak a ni a, lakna a rei tawh avangin a chhe nasa tawh a, siamthat a ngai. Khawngaih takin min lo chhinchhiah sak turin ka han ngen bawk a ni.

Tin, Demand 12 na Food & Civil Supply ah hian ka'n kai mai ang a. Food & Civil Supply hi kan hriat angin sawi a tam, chiar a tam, phun a tam a ni a. Kei erawh chuan khatiang harsatna lam kha ka sawi dawn lova. Kan harsatnate kan Minister zahawm takin uluk takin he House-ah hian a sawi tawh a, a chiang em em a ni. Kei erawh chuan lawmthu ka sawi dawn a ni. International politics-in supply buhfai leh gas supply te harsa khawp a India ram leh Mizoram a rawn nghawng lai te, natural calamity-in harsatna tam tak a siam mai bakah, Mizoram population rawn sang zelah kan demand a pung chak a, kan thar chhuah tlahniam bawk si harsatna nasa tak a ni. Heng harsatna karah pawh waviin thlenga nghei lova, harsa lutuk lova min kalpui zel hi a lawmawmin ka hria. an hnenah lawmthu ka sawi a. A bik takin hmanni lawk June 26 khan Phuaibuangah harsatna kan nei a, kawng harsatna avangin buhfai a thleng thei lova. Mahse ka han report a, chak takin a ni la la khan order a chhuak nghal a quintal 800 thlen chhoh nghal turin. Tuivai cross-na a tan quintal 1 ah Rs. 30 pek belhin, kar khat chhungin quintal 800 Phuaibuangah a thleng chho a ni. Chuvangin a lawmawm takzet tih ka sawi duh a.

A dawt leha chuan Sports & Youth Services-ah hian ka han kal mai ang e. Sports & Youth Services hi a ropui a, kan Minister zuanzang leh a tui mi, chak tak mai in a enkawl a. Kan Zoram hmasawna hi a thopazuanin a kal ringawt mai tawh a. Tuna Rajiv Gandhi Sport Stadium ringawt pawh hian Mizoram hi North East a Sports Centre State ni turin kawng min sial sak der tawh a ni. Mipui-te hian kan hman tangkai a ngai a, chuvangin kan thalaite hi an lawm em emin ka hria. Mualzavata ang mai Zoram kan mamawhna hi tunah hian a rawn sam eng duak duak a ni a. Catch them Young policy te hi mawle a ropui em em mai. Tunah hian hengte hi a hman tangkaia chak taka a nawr avang hian kan thalaite hi India ramah an lo lang tawh a, International level-ah te pawh lang pha hial tawhin kan hnam hi India ramah pholanin a awm chho mek a ni. Sports discipline hrang hrang ah hmasawna a awm chho tawh a. Amaherawhchu Aizawl khawpuia sports stadium te engkim changkang taka kan neih hi thingtlang hian kan rawn hmang tangkai thei lova, khawngaih takin Pu Speaker, Keimahni pian leh murna kan khua, kan vangkhua kan tihah hian hmasawn hi kan duh ve em em si a ni. Kan retheih avangin kan lo piang tawh si a thingtlang atangin, henglaia thil thate hi kan rawn chhawr tangkai thei silova, nitina kan hman tangkai ve tur hian thingtlang bialtu MLA te zawng zawng hian kan chaknaina pek kan duh hi kan pe thei love.

Kan Sports Minister chak tak hian minrawn pe se, kan naupangte hian kan pan lai, kan that lai hun a liam dawn e tiin an au a ni. Chuvangin Sports Minister chak tak Mualzavata hian kan harsatna ngawdur te hi minrawn vah en sak teh se tiin ka'n ngen a ni e. Ka lawm e, Pu Speaker.

S P E A K E R : Aw le, tunah thusawi turin Pu John Siamkunga ilo ko vang.

Pu JOHN SIAMKUNGA : Pu Speaker, ka lawm e. Hei wawiiin kan sawi ho tura hi Department ropui tak tak a ni a. Ka sawi hmasak ber duh chu Demand No. 25-na PHE kha ka'n sawi hmasa duh a. PHE Department hi kan sorkar hnu hian an thawk chak hlein ka hria a, ka hriat ve chinah leh kan chhui ve chinah chuan. Khawtin deuththawah hian hmalakna an neiin ka hria a, Zoram hmun hrang hrangah hian. Tui pump theihna chi angah chuan tui an pump tlangpui deuh hlawm bawk a, heng sub-town kan tih tlema han lian hrawl ve deuh chinah hi chuan, tui an pump tlangpui a. Chuvangin an hnenah lawmthu ka'n sawi rualin Cherhlun ka bial khi tui a harsa khawp mai a, khilailah khian tui pump tumin hma an la tawh a an estimate ah chuan cheng vaibelchhe thum leh nuai sawmli leh pathum niin Khurpui lui kha pump an tum a, DPR te pawh an buatsaih vek tawh niin ka hria a, a copy pawh ka nei a. Kha kha enge ni a an tak zel ka hre lova, kan hotute hnenah pawh ka thlen a, khi khi ngaihpawimawh tlak, tui an harsat thin em avanga khel lova, thal apianga PHE Department kan nawrbuai a ni a. Tui min chawi sak thin a, chutianga harsatna karah chuan kan awm a, an thiltih zawng zawngah kan lawm rualin helai Khurpui lui pump-na hi min bawhzui chak deuh sela ka duh deuh a.

Tin, hei tunlai kum kal mekah hian S.Vanlaiphai hi Water Supply Scheme hnuailah cheng nuai 43 laiin hma min lak tan sak mek a, chu chu lawmthu ka'n sawi rualin Khawhri khi tui an harsa bawk a, chu chu kan hotute min lo chhinchhiah sak se tih kha ka han ngen duh a.

Tin, non-tax revenue chhung hnem thei ber tura kan ngaih laiin kumina kan budget-a a lan dan hi chuan chengvaibelchhe 20 chuang lai kan beisei a ni. Vaibelchhe 20.15 kan beisei a, anni hi an thawh hlawka, tuna kan budget B.E. ah pawh khan chiang takin a rawn lang a, an fakawm hlein ka hria. Hei aia titam thei tur an nih laiin, engemaw harsatna deuh awm avangin tlemin an tlahniam leh ta deuh zawk niin ka hria a, an fak tlak hlein ka hria.

Tin, Industry hi sawi tlak tak a ni a, anni hi kan GSDP cheng vaibelchhe 8000 chuangah khan 20% tumtute an ni a. Hemite hi ngaihsak an phu hlein ka hria a. Industry hrang hrang Village Industry a ni emaw, Handloom a ni emaw, Steel Fabrication lam a ni emaw, Garments lam a ni emaw, Bamboo lam a ni emaw, heng hi kan ngaihsak an tul hlein ka hria. Kan State sum thawkchhuaktute zinga 20% thawhtute an nih avang hian fak pawh an phu in ka hria a. Tin, State-in a kan neih preferential Purchase Rules hi tha taka kan hman hi a pawimawh a, keimahni ram chhung ngeia kan siam ve te, theihtawpa Industry neituten an lo siamchhuah ve hi chu Sorkarin a lei dawn emaw, a hman dawn hian duhsak thei hram hram sela, an lo duhsak tawhna thinah lawmthu ka sawi rualin hei aia nasain duhsak thei sela, tih kha ka han sawipui duh a. Hei kumin chu an budget pawh a sang hle a, nikum lam han thlir pheichuan sang tak a ni.

Le, Tourism lam pang hi ka'n sawi leh duh a, Demand 45-na hi. Anni hi ka rin aiin State sum bawmah sum an la chhung tlem deuh a, a vang chu kumina kan B.E. lo

langah khan Non-Tax revenue-ah nuai 160 kan beisei a ni. Hemi Toursim Industry hi, hei kan Minister zahawm takte pawh Singapore-ah te an han kal a, Tourism kha an inghahna anih zia te a hmunah an han hmu a. Keini pawh Tourism Industry lampang hi kan tihchangtluna awmze neia kan kalpui chuan kan sum lakluhna lian tham tak ni thei turin a lang a. Helamah hian tan lak hi a ngai deuh em aw ka han ti a. Tin, ka'n sawi duh chu, Tiau leh Chhimtuipui infinna lai khi, kan Mizo thawnthuah chuan, nupa tuak sarih lai pawh an lo inthenna, a hmuhdawm em avanga haw nachang pawh an hriat loh, chutiang khawpa hmuhdawm a nih avang chuan mi zawng zawngin hmuh dawm an lo ti thin a ni tih kha kan lo chhiar ve thin a. Tunah khian khilai hmunah Tourism hian hma han la ta sela, khilai Tiau lui leh Chhimtuipui infinna lai khi engtin emaw han siam danglam sela, fur laiin a tui khi la insual tir theih tak a nih ka ring a. Khatianga han inbuan let tup tup ang chi khan a tih theih tho ka ring a, khilam pangah khian Tourism hian beng leh mit han chhi deuh se a tha lo maw ? Khilai khi Tourism promote-na tur tha tak a ni angem tih kha ka sawi duh a. Tin, hun hmasa lama an sak thenkhat Darzoah te, South Vanlaiphaiah te tunah hawn lohin a la awm reng mai a. Khi khi a ranglamin min hawn sak se tih kha Minister zahawm tak ka ngen a. Hei kuminah an plan budget a pung a, non-plan te pawh a pung tha hle a, chuvangin min ngaihtuah sak turah ka ngai a.

Tin, Food Civil Supplies and Consumer Affairs Demand No. 17 kha ka sawi duh chu, nichin lawkah pawh zawhna ka zawt a. Census 2011 mil deuh hian Ration Card-te hi a tih theih em aw tih ka sawi duh a. A chhan chu nichin lawka min chhannaah khan Godown pakhat tlantu kha Census atanga chhut let li let thum vel chu a ni phakin ka hria a. Khami a nih avang khan buhfaiah pawh kan mamawh aia tam fe a kal dawn niin a lang tlat a ni. Mi sangli sangnga awmna a ration card nei 16000 vel bawr an awm chuan a kalral tur a tam lutuk dawn a. Chuvangin kan Minister chak tak hian 2011 census mil deuh hlek, a mil chiah theih loh pawn tlema exceed theih dan a awm em ? Chumi a nih loh chuan buhfai kawngbo hi a tam thei tih kha ka sawi duh a. Tin, ka bialah Cherhlun Godown khi a chhe em em a, tun thallai pawh khan ka kal a, a chungah te lutin ka fang chipchiar viau a. Sak that a lo ngai khawp mai a, a lo rei tawh bawk nen, khi khi min ngaihsak thar leh sela ka duh deuh a. Tin, SK quarter phei khi chu luah tlak a ni mang tawh lava, anmahni khi an fel a, inchhungah pawh tui farna laiah a dawna an siam a, pawn lama paih chhuahna turin, khatianga khan anmahni sum ten an ti ve tawk tawk a, kha kha min lo chhinchhiah sak ka ngen a. Tin, Tarpho khi chutiang chiah chu a ni a, a chhuat te khi a chhe khawp mai a. Theihtawpin kan han ti ve thin a, fund atangin repair tur ten kan han ti ve thin a, amaherawhchu rin aiin sum a lo hautak a, kan ti hlei thei lova, khi khi min lo chhinchhiah sak bawk sela ka duh a.

Tin, Forest Department Deman No. 36 na hi kuminah hian non-plan-ah ringawt pawh hian an ngah a, cheng nuai sangthum zanga leh sawm an nei a, plan-ah hian cheng nuai sangnga leh zakua leh sawmli lai nikum lakah chuan an thang a ni. Khami a nih avangin hnathawh tur tangkai tak NLUP hnuaiah an nei bawk a. Helamah hian theihtawpa an hmalaknaah NLUP beneficiaries te nena inpeizawna an thawh chuan hlawhtlinna tha tak an neih ka ring, mahse ka rin aiin non-tax revenue-ah hian an chung tlem a, cheng nuai 250 kan beisei a, a kum hmalam pangte kan en chuan kan budget estimate rau rauah nuai 660 kum hmasalamah kan beisei ang khan revise estimate ah pawh khan an rawn tlin ta a ni. Kuminah erawh chuan nuai 250-ah a tlathla ta daih mai a ni. Hei hi tan leh theih deuh nise tih kha ka han sawi duh a.

Tin, Urban Development & Poverty Alleviation Demand No. 46-na hi kan Minister chak tak hian theihtawp min chhuahpui a, Hnahthial pawh vaibelchhe 7 chuang vel laiin khawchhung an chei mek a. Tunah sawn Hall lianpui an sa

dawn a kawng hrang hrangin an chei nasa a ni. Helaiiah hian kan Minister zahawm tak hi a chungah lawm thu ka'n sawi duh a ni e, Pu Speaker ka lawm e.

S P E A K E R : Awle tunah Pu R.Lalrinawm sawm ang.

Pu R.LALRINAWMA : Pu Speaker ka lawm e. Hei Department 9 sawi tur a ni a, a chipchiarin kan sawi hman lo ang a. Tin, a indawt pawnrawn sawi ka tum lova, Deman No. 46 na UD&PA hi Department naupang te an ni chungah an hnathawhte pawh hi faktlak an niin ka hria a, kan khawpui hmel te pawh an tilang hle a an hnathawh hi, tichuan ka bial chhung Aizawl East-I huam chhunga an hnathawhte tuntumah Unstarred Question ka zawhna min chhannaah RAY khawpua retheihna umbona scheme atangin Zuangtui Pilot project te kalpui mek anih thu te kan han hria a, a lawmawm ka ti a. North Eastern Region Capital Cities Development Investment Programme hnuaiah Project-II Zemabawk I & II, Zuangtui Distribution system awmsa zawmbelh leh tihlen te, tin, T.V. Centre atanga Sihphir feeding line zawmbelh, hengte hi Tender issue tawh a ni. Tin, Project-III DPR siam mek hi Sihphir I & II Muanna Vengah te Zonal Tank dah tum tih te, T.V. centre Durtlang atanga Zuangtui Feeding line zawmbelh tih te, Sihphir I & II Arpu vengah te distribution system awm sa zawmbelh tur an ni te hi a lawmawm a, kan bial chhung veng tam tak hi thang mek an ni a, thang mek kan tihna awmzia chu miin an bawh a, veng a lian telh telh a chuang chuan, heng distribution line te a hmaa awmsa kham tawh loh, line zawmbelh ngai tam tak a awm a.

Tin, Solid Waste Sub-Project-ah bawlhhlawh sawngbawlina thar siam tur a ni te hi a lawm ka ti a, hei kan hretheuh anga, Tuirial thlen hma Airfield bulah khuan Aizawl khawpui bawlhhlawh zawng zawng hi paih a ni a, a paih dan pawh khu mumal deuh hleka siam tur a ni khu a lawmawm ka ti a, tunah chuan a khu vung vung reng ringawt mai a, khungkhu hriselna atan te pawh a tha lova.

Sports & Youth Services hi a hmalamah khan an sawi tawh a, kan Minister chak tak leh department-ten theihtawpa tan lain thalaite hmakhua thalaite tana hma an lak nasat zia hi sawi tam a ngai lova, kan hretheuh a. Phullem phah tihte hi Phullem phah ringawt pawh engmah a ni lo, Phullem phah tlut tlut ringawt pawh engmah a ni lo, tiin an sawi thin a. Tah hian thil hriatchhuah ka nei a, pa pakhat inkhawm peihlo deuh mai hi Kohhran Upain inkhawm turin a sawm a, ani chhanna chu inkhawm tlut tlut hi engmah a ni chuang lo a ti a, Kohhran Upa chuan inkhawm loh tlut tlut phei chu engmah a ni lo lehzual a ti a ni. Chuvangin phullem phah engmah a ni lo titute lakah chuan phah loh phei chu engmah a nilo lehzual a ni, tih hi kan hriat a tul a ni. Sport Department hian PYKKA hnuaiah hei kan bial chhung Sihphirah te, Sihphir vengthar, Nausel, Muthiah te, Tuirial leh Airfield ah te field cheina tur min pe diat diat a, kan lawm hle a, tin, Sepaktakraw leh Fencing discipline-ah te pawh coaching te pek a ni a, hetih rual hian Zemabawk field saw kan ngenna angin Pavilion min siamsak a, a bakah a field te saw cheithat a ngai hle a, helaiiah khawpui atang pawh hian va chhawr phak a ni a, tichuan Sihphir vengthar field khi Sport Council kuta pek a ni a. Amaherawhchu an enkawl lo tawp mai a, enkawl that niselang chuan khawpui atanga chhawr theih leh a khuua mite pawhin tangkai taka an hman theih tur a ni a, tin Zuangtuiah sawn field tur remchang deuh mai PWD-ah hian an dil mek a, hengte pawh hi an mamawh khawp mai field an nei lova. Thalaite infiamna lama hma an sawn theih nan. Tin, Indoor stadium tur hmun tha deuh mai an nei bawh a, tunah sawn an rel uaih a an chhunzawm thei tawh lova, hengte pawh hi kan Minister hian min hriatsak a, sawngah te Indoor stadium a awm chuan a chhehvel te leh khawpui atang pawhin chhhawr theih tur a ni a.

Taxation Department-ah hian Vairengte Taxation Check Gate khu an thawk tha em em a, chutih rual erawh chuan bungraw tam tak taxation kaltlang lova, chhiah kan lak lohna hi Bukpui tlangdung lamah sawn Bagha atanga lo lut hi a awm ve a, motor a kal ve a, sawlam tlangdungah sawn Taxation Check Gate hi siam a ngai hle a ni.

Food & Civil Supplies & Consumer Affairs siam hi a ngai hle ani. Food, Civil supplies & Consumer Affairs-ah Gas te an ziawm tan chho a, Pu Speaker, tun July-ah phei chuan trip 220 a rawn thleng tawh a ni a, trip khat hian Cylinder 306 zel a phur a, Gas-ah kan harsa kan phun nuai nuai lai hian Oil leh Buhfai, Chini tih velah erawh hi chuan harsatna lutuk a awm lova, he lampang hi kan sawi tam leh mang silova, a harsa lam chauh hi kan sawi thin a. Heng harsatnate pawh hi a chhan a awm a, a chhan tak hi kan chhut chian a ngai a, heng Gas harsatnate pawh a chhan ber chu kan intodelh loh vang a ni ber a ni. Chumi intodelhna tur chuan he Sorkara kan Hause Leader zahawm takin hma an la a, lei hnuaiah gas tam tak a awm a ni tih hriain vawiinah haichhuah tuma chak taka hma lak an ni chho te hi a lawmawm a. Consumer Affairs anih ang hian department mai bakah hian mipuiten kan right hi kan aware a ngai a, kan hriat hi a ngai a. Hei Maximum retail price, vai ramah State dangah te chuan dawr te te-ah pawh MRP aia sang hian thil hi an lei ngailo a ni a, keini erawh chu MRP ang chiah chiaha kan lei chuan kan la lawm viau zawk a, hengte pawh hi mipuite pawh hian kan dikna chanvo hi kan hriat a pawimawhin ka hria. Forest-ah hian VFDC scheme hnuaiah khan kan bial chhung Tuirial leh Muthi-ah hall tha tak mai min sak sak a, khang scheme-te kha a tawp ta niin ka hria a, a tangkai tehlul nen tihthar leh theih ni sela chu a lawmawm ngawt ang.

Industry-ah hian ka'n sawi duh chu, hei Work Programme-ah Industrial Estate atan cheng nuai 14 leh sing 7 a lo lang a, performance Budget-ah 2011-2012 expenditure-ah khan nuai 55 hman a ni a. Industrial Estate, kan Finance Minister zahawm tak speech ah khan Industrial Estate Zuingtui tih a ni a. An Work Programme ah Industrial Estate tih ringawt a ni a, churang chuan 2011-2012 a expenditure nuai 55 pawh hi Zuingtui lo hi Industrial Estate a awm em ni? Sawlaih sawn hmalakna an neih kan hre mang silova, General Discussion-ah khan Pu Speaker ka sawi tawh a, saw laiin an harsatna tawh mek allotment kum 10 atan allotment fee per square metre-ah Rs 100 tin, annual fee Rs 16 a tih te. Tin, sawtiang a kanglang taka dah saw Industry tihhmasawn kan tumna lamah hian Industry tenau siamtute tan harassment nasa tak a ni tihte ka sawi tawh a.

Tourism-ah hian Work Programme a Nil tlat mai a, hei hi kumin chhungin hnathawh tum an nei lo em niang aw ka ti a. Unstarred Question min chhannaah Tuirial Airfield-ah Aero sport Air sport, tihphuisuina tur sanction hmuh tawh a ni a. Hnathawh tan thuai tum a ni tihte a ni a, a lawmawm ka ti a. Tin, Sihphir Area chhung Sakawrhmutuai tlangah kan dilna angin viewing gallery siam tum a ni a, hei hi 2012-2013 chhung pawn bawhzui zel tum a ni tihte kan han hria a. Hei hi chak zawk a min bawhzui sak a, kan bial lamah hian Tourism hmalakna hi awm ve ngei turin ka'n ngen bawka a ni.

PHE-ah hian Emergency Water Supply by Truck tih hi keini bialte, Pu Speaker i hria ang a, i bialte pawh tui a harsa thin a, amaherawhchu tun sorkar tharah Greater Water Supply Phase-II Sorkar hmasa a a lo tihbawrhban vek tawh kha, tun Sorkar tharah tharthawh an ni a. I bial Durtlang te pawh a lo thleng chho ta a, a lawmawm a, hemi Emergency Water Supply by Truck tih hi keini chuan kan inngahna a la ni mai a, Sihphir lamah te chuan, tah hian cheng nuai 10 chauh dah an ni hi Mizoram hmun hrang hrang atan tih a ni bawka si a, a tlem deuh mange ka ti a. Tichuan PHE hnathawh performance budget-ah

te khan a ropui khawp mai a. Rural habitation khua 777 PHE in an survey a, chumi zingah chuan khaw 711 hi fully covered an ti a, khaw 66 partially covered a ni a, work programme-ah pawh hian khua la tih leh turrawn dah nual a ni a, hengte hi a lawmawm ka ti a. Pu Speaker, ka'n zo lawk ang e.

Sihphir khi Greater Water Supply Phase II, Congress sorkar hmasain huam tura a lo tih MNF sorkara-ah tih bawrhban a nih tak avang khan tunah Durtlang a thleng thei chauh a ni a. Tui lamah kan hrasa nasa em em a. Bungmun lui pump chhuak turin hmanni lawkah SDO-ten an survey a, estimate te an siam a. Hengte hi min tihhlawhtlin sak ngei turin ka'n ngen duh a. Tin, Tlawng hi Aizawl khua a thang telh telh a, kan la khawpkham dawn lova, Tuirial te khu Sihphir lamah te khian pump chho ila. Khita tang khian Aizawl lamah hi chuan gravitation-in a supply theih vek dawn a. Chungte chu hmalak chhoh nan ka'n rawt tel bawka ni e. Tichuan, an Demand hrang hrang hi passpui ngei turin ka support bawka ni. Ka lawm e.

S P E A K E R : Le, tunah hian Pu Hmingdailova Khiangte kan ko ang a, a dawtah Pu PP Thawla.

Pu HMINGDAILOVA KHIANGTE : Pu Speaker, ka lawm e. A hmasa berin Pu S. Hiato, PHE Minister zahawm tak Demand No. 25 atangin tan ila. Tuna kan hriat tawh ang khan kan Minister zahawm tak hi Mizoram pumpui PHE a bial a, a thawk tha tawka hle a ni tih kan hria a, ka bial ang te pawh min ngaihven a, a chungah lawmthu ka'n sawi duh a. Amaherawhchu, kan Minister zahawm takte Demand kan sawilai hian bial lam demand hi sawi ve sek a ngai mai a, chu erawh chu min lo hrethiam sela.

Nimin khan, Zalen chanchinbu thlalakah khan 'Tui kang nghak tlaivar' tih ziaak kha ka hmu a. Chuta ka rilrua lo lang chu, Greater Aizawl Water Supply Scheme Phase II kha Ministry hmasa khan pawisate kha a hmanna tur taka hmang ni sela chuan hetiang hi chu a awm lo tur tihte ka ngaihtuah a. Tin, fur laia tui chawi tlut tlut te pawh hi a ziaawm deuhvin ka ring tih Pu Speaker, ka'n sawi duh a.

Serkhan-Bagha road min laih saka kan lawm hle a. Amaherawhchu, Hmarchaltlangin an rin ber Chal Lui hi km 6 vel a ni a, Bukpui lamah, sawta tanga tui lakna pipe hi contractor lei laiin a lai chhuak chhe vek mai a. An mangang hle mai a. A changtu Minister zahawm tak pawh hi ka lenchilh a, ka hrilh tawh a, hma te pawh a la mekin ka ring a. Ka rilru takah chuan PWD leh PHE hian coordination committee an neih a va tul ve tih hi a ni. Chumi a nih loh chuan khaw dang pawh a kang kai zel dawn a, kan buai tual tual dawn a ni tih kha ka'n sawi duh a ni. Coordination committee hi an neih vat a ngaiin ka hria.

Tin, nichin khan ka hmaa MLA zahawm tak khan fully covered chungchang a rawn sawi a, Mizoramah khaw 70 zet. Bualpuiah khuan khatiang ang bawka khan 'fully covered' tih report a awm a. An khua tuizem khu a khah pawhin a khaw chanve a pe hleithei lova, a daih lova. Ka'n report a ka'n sawi hian, 'tunhma khan fully covered tia an lo report tawh avangin tunah mai hian a tih leh theih tawh loh' an ti tlat mai a, ka tang a ni tih chu kan Minister zahawm tak hian min hriat sak sela. Nakum March thla hian kan revise dawn a, tuna in pakhat tana litre 40 hi 55-in ka tisang dawn a, a ti a. 'A va lawmawm ve, chuti chu Bualpui atangin tan la a va tha ve,' ka'n ti deuh a ni, Pu Speaker.

Tin, Industry hi han kai ila, Demand 40-na, kan ram economy hi industry-ah a innghat thuk hle nachungin kan bul tanna a rei viau tawh a. Industrial Development Area

Zuangtuiah kan nei a, Export Promotion of Industrial Park, Lengteah kan nei bawk a, Industrial Growth Centre Luangmualah kan nei bawk a. Hengte hi chuan puitlin an la hlat deuh turah ngai ila. Hmannia kan Education Minister zahawm tak thusawi kha kan lo pawm leh kan lo tuipui a nih avangin ka'n zawm duh lawk a. Mizoramah hian major Industry hi engtik hunah nge a puitlin dawn kan hre theilo a, amaherawhchu major industry tihpuitlin theih kan neia, chu chu vawiinah hian a subject demand nilo mahse, Education Industry a ni, tih hi Tuirial bial chuan kan tuipui viau a, kan sawi hot hle a ni. He Education Industry atan hian raw material kan nei a, foremen te pawh kan ngah mai, engineer te pawh kan ngah mai, manager tur pawh kan ngah mai, churangchuan, hei hi tuipui ila a tha zawk awm mang e aw, tih te kan lo ngaihtuah mek a ka'n sawi tel a ni.

Tin, Union Minister-in tun parliamentary session-ah khan Zoram tana thil lawmawm tak mai a sawi a, "Weaver Service Centre Mizoramah kan din ang a ti a", tin, Union Textile department in a enkawl bawk ang a ti a, hei hi alo thlen hun kan nghakhlel hle a ni, tih kha ka'n sawi tel duh bawk a.

Tin, a dawt lehah chuan Tourism Demand No. 43-na hi han sawilawk ila, thil dang ka sawilo anga. Tourism hi kan ram economy inngahna tur tak pawh a ni. Amaherawhchu a nih tur angin vawiin thlengin kan la nei theilo a, sawi vek lo ila, kan la nei turah ngai ila. Thingdawlakhuan kan hriat angin Highway Restaurant a awm a, a awm hmasa pawl tak a ni a, a tangkai bawk a, amaherawhchu kum thum hmel a hmu tawh, cottage pahnih an sa a, an zo thei reng renglo mai a, tin a hlui te pawh khu an han repair bawk na a, staff-ten an luah bawk nen, Kawnpuia kan IB neih ve chhun hi PWD highway-in an luah bawk si a, Kawnpuia riah tum hi Thingdawlakhuan ka riak fo mai a, ka tlanche deuh renga, kan mangan thu hi kan hotute pawh hi ka hrih tawh thin a, khungte khu hmanhmawh deuhin min ngaihtuhsak thei se, a va lawmawm awm ve, Pu Speaker. Railway contractor ho officer lo kal lai te leh ONGC officer-te an lo kal lai phei chuan a khat tlat maia, riahna tur a awm lo a ni. Rin loh zawkah kan riak fo tih kha ka'n sawi duh a ni.

Tin, Pu H.Rohluna Demand-ah hian Demand No-17, Food, Civil Supply & Consumer Affairs tawite a han sawi kan duh a. He department hi a pawimawh khawp a, a tel lo chuan ni khat pawh hi kan tluan zo lo tlang theuh a, churang chuan tlema a tihsual lai deuh a lo awm palh emaw hi chuan kan phun nuai nuai mai a. A changtu Minister hian a kaida a hria a nih ka ringa buhfai leh chini leh oil chungchangah hian vawiin thleng harsa loin min hruai thlenga lawmthu sawi erawh chu kan vang viauin ka hria a. Amaherawhchu gas chungchangah chuan hrechianglo hoin kan sawi nasa a, a diktak chuan gas pawh hi helam zawngin ka'n sawi teh ang, Mizoramah hian connection neilo, gas a rawngbawl si hi kan tam lutuk a, churangin IOC hian ro an relin connection neilo te hi minrawn pek kep si loh avangin Mizoramah hian kan buai zawk a ni tih kha, tawi tein ka'n sawi duh a ni.

Pu Speaker, a dawt lehah chuan Forest & Environment kha chu sawi tur tam tak a awm nachungin ka'n sawi duh lawk chu vawiinah hian Forest & Environment department leh Geology & Mining inkara thu inchuhna awm neuh neuh te hi vawiinah Pu Speaker, kan hotuten tifel sela, mipui a tuartute hian harsatna kan nei tawh loin ka ring, tih hi ka sawi anga ka duhtawh mai ang e.

Tin Pu Zodintluanga, Minister zahawmtak Demand No. 8-na, Taxation hi ka sawi duh a, Mizoramah hian chhiah chi hrang hrang hi kan la tan ve meka, kan lak har avangin Mizoramah hian chhiah pek sorkar tana a hlutzia hi kan hre lova, tin, pawisa hlut

zawng leh hlutna hi keini Mizote hian kan hre lova Nei lo ve, ti lo chuan pawisate hi kan ui vak lova. Thil pakhat kan sawi duh chu, Pondichery-ah khan 1984 leh 1987-ah khan ka awm a. Industry te chi leh a laihawl leh a lian kha an tam khawp a, an vaiin 300 aiin an tam a ni. Amaherawhchu, VAT an introduced hnu khan a management a fel emaw, fel lo emaw ka hre lo. Vawiinah chuan khang Pondichery khawpui daia industry-ho kha a zatve vel chauh an awm tawh, tih report ka dawng a. Hei hi kan hotuten an hrethiamin ka ring nachungin, an hriat atan a tha awm mang e aw! ka ti deuh a ni.

Sports and Youth Services hi an sawi hmem tawh a, sawi a nuam a, sawi tur lah a tam bawk. Ti hian a tawi zawngin han sawi ila, kan Minister, he Department changtu Pu Zodintluanga hi a viak a tha bawk a. Mipuiin kan beisei piah lam aia tam daih vawiinah hian achievement a nei tawh a, a mak te pawh a tih theih lek lek e. Tin, chubakah, hrilh ngai miah lo, kan House Leader, kan Chief Minister zahawm tak, Pu Lal Thanhawla, Sport chungchang hi hrilh ngai miah lo hian tha takin an uap bawk nen, kan vannei a ni ti ila, a tha ber awm e.

Tin, ka sawi duh chu kan vannei ka tih rual khan, Hockey Game hi Mizoin hmanlaia kan tui ber leh kan thiam ber Game a nih thin kha, vawiinah chuan a thawmhnaw leinate hi a to deuh te pawh a ni ang a, engvang vangin emaw a lo hniam ta a, chuti chung chuan kan hotute zarah SAI Hockey Ground, Thenzawlah an buatsaih mek a, chutiang bawkin Kawnpuiah Boys Accademy an buatsaih mek bawk a, amaherawhchu, Aizawlah hian kan neih loh chuan Hockey Game Lover-te chuan, Tournament lian tak takte a lo awm hunah, “Aizawla kan tih loh hi chuan a fel lo ang e,” tiin, kan buaipui ber a, chu pawh chu kan Minister zahawm tak hian min hriatpui tho va, kan remind ve mai a ni tih kha ka sawi duh a.

Department khat chiah ka sawi ang a, ka zo vang e. Urban Development leh Poverty Alleviation hian Aizawl khawpui leh District Khawpuite a cheimawi tam tawh hle mai a, a hmuhnawm khawp a ni. Chutih rual chuan, hmannah zawhbelhna ka nei a, kan Minister zahawm takin min chhang nachungin ka sawi nawn duh a, zawhna kha ka siam Chiang lo nge ni ang aw, ka ti a. Zawhna kha a chian loh vangin a chhanna kha a Chianglo niin ka hre deuh va, ka repeat duh chu, Thingdawl khua khu, Kolosib Town, Project veng ang chiaha veng khat a ni a. Kolosib-ah khuan Urban Development leh Poverty Alleviation hian hma a la nasa a, an cheimawi tawh em em a, kan it ve deuh a, engtikah nge Thingdawlah hian arawn tawh chhoh ve ang tih kha kan zawt duh a ni. Tichuan, kan minister zahawm tak takte demand pathum hi duh ang takin sawi hman lo mah ila, He House zahawm tak hian a support vek ka ring a, tin, an pass theih vek pawh ka ring a, ka support thu ka rawn sawi ve a ni e. Ka lawm e, Pu Speaker.

S P E A K E R : Tunah chuan P.P. Thawla a ni ang a, a dawtah Pu K.S. Thanga. Pu K. S. Thanga a awm loh chuan Pu K. Liantlinga a ni ang.

Pu P.P. THAWLA : Pu Speaker ka lawm e. Demand 17-na Food and Civil Supply chungchangah ka sawi hmasak ber duh chu RGGVY Scheme anga Gas Distributor turte ruat thar chungchangah Tuipanga Gas Distributor tur kha a hmalak a chak vak lo tih thu kan hre tawh a, harsatna an tawh ve nge ni? an inthlahdah vang tih kha, changtu Minister zahawm takin min han ngaihtuah chhunzawm sak atan ka ngen duh a. MLA hote hian buhfaite, chini te leh khawnvartui te quota kan nei hrang vek a, Gas chungchangah hian quota kan nei lovin ka hria a. Hei hi thla khatah bur chuti zat tih vel tala quota a siam theih lawm ni? tih kha ka han rawt duh a ni. Special permit tih anih lai pawh khan, special permit lehkha ziak theuh theuhah chuan a chang tlem pawl chu ka nih ka ring a, mirethei, hmeithai ho ti ti atang chuan. Mahse ka ngai thiam tho a, special tihtawp a ni dawn tih kha kan lo hre lawk lem si lova, bur

hnih khat kan lo inkhawh ve pawh kha ngam tlak zual hoten an put chhuah lai takin special an tawp thut mai chu kan mangang thei khawp mai a. Tunah hian MIZOFED-ah connection 2 ka nei a, mahse pakhat chu Tuikhuahtlang lamah Vanbuangi-ah kan transfer ve thei hram a, thla khatah vawikhat chauh kan dawng ve a, a harsa khawp mai. MLA dangte ka han zawt a, thla khatah bur 3 te mamawh ang deuh te pawhin an insawi ve a, a dikin ka ring. MLA 40 zingah hian mikhual lamah chuan a hausa ber ka ni ti ila a soal ka ring lem lova. Thla khata bur 1 chauh hi chu a tihngaihna a awmlo reng reng. Chuvang chuan Department ho pawh hian mualpho se min ti lo anih chuan special hi chu ngaihtuah a ngaiin ka hria a. Chu chu Pu Speaker, thahnemngaih thu kan sawi a ni e.

Demand No.22-naah hian han lut chho ta ila Sports & Youth Services lamah. Suaka Memorial Cricket Ground thua hmanah zawhna ka siam tawh a. Cricket Ground tha tak mai kan neih dawn avangin a lawmawm ka ti a. Hemi Cricket Ground kan neih theihna tur hian pawisa estimate sanction hi engzat chiah nge kan neih tih te. Tin, hemi ground kan neih theih nan hian mi engzat ram nge lak sak an neih tih te leh hemi hna thawk tur hian Contract hna mi engzat hnenah nge pek anih tih te a changtu Minister zahawm takin House min hrilh thei sela, a lawmawm hlein ka ring a ni.

Tin, a dawt lelah chuan Mizoramah District 8 a awm a, District khawiah te hian nge Playground puitling hi kan lo neih tawh tih te pawh hriat a chakawm a. Tunah hian hmalak mek la zawh fel loh te hi engzatnge awm tih te pawh chiang kek kawka Member-ten kan hriat tlan a duhawmin ka hre bawh a. Tin, District-ah hmalak miah lohna te a awm palh em ? Awmlo ta sela a hnai vaiah hian hmalak tumna te a awm em ? tih te pawh House-ah inhrilhfiah theih ni sela a lawmawmin ka ring a. Leiba thin hrehawm vak loh kan thina tan pawh pawl lem lo kan Sports Minister zahawm tak hi ka'n fak namawlh mawlh bawh a, Saiha District, Saiha hminglar ai pawha lar hmasa zawk chu Tuipang hi British India hunlai atang tawha khaw pawimawh ni tawh a ni a. Kan tleirawl lai chuan Tournament Centre ropui ber kha a ni mai a, hetah hian Playground mumal kan nei tlat lova. Chuvang chuan kan Minister zahawm takin hetilaia Playground tha tak kan neih theihna tura mipui hmaa min kawhhmuh kha, engnge hma min lak sak tawh dan. Tin, election lai thu tiam satliah anih pawh ka ring lem lova, election zawh lamah chuan hma min laksak a tum thute pawh kan lo hre sa a, mipuiin kan thlir thup a. Ka bial chhungah MDC bial 14 a awm a, Sport Minister an campaign chiah chu 9 min chhuhsak daih mai a. Chuvang chuan kan lawmman dawn tur a that tawh ka ring bawh a, engang vel chiah nge hma min laksak tawh tih kha bial mipui aiawhin zawhna ka siam a. Nakinah wind-up hunah chiang kek kawka min hrilh theih chuan a lawmawm viau ang tih ka'n sawiduh a ni.

Urban Development & Poverty Development Alleviation hnuaihan BPL ho tan khan loan pek scheme kha a awm a. Hetah hian Vijaya Bank kha hman a ni a, mahse loan an pechhuak duh vak lo tih ka hria a. Chu chu thudik anih leh nih loh chu ka prove hman chuang lova. Hei hi a dik leh dik loh a changtu Minister zahawm takin enfiah sela, Bank lampang harsatna nge, loa ndawngtu turte mumal loh vang nge ? Member-ten chiang taka hriat kan duh a. Hei hi scheme lawmawm tak anih rual rual hian BPL ho nghakhlel em em tuten an dawn thuai theih nan hma min laksak se a lawmawm hlein ka ring.

Tin, UD&PA leh NBCC tangkawp nge ka hre lova, kum 2010 ah khanin Saiha khawpui tihmasawn nan khan 8 crore vel lai Scheme awmin ka hria a. Saiha town ringawtah pawh hna 85 vel awm thei tur ang kha work order a awm a ni. Chu chu Look East Nirmal ho hnena NBCC in contract a pek niin ka hria a. Chutih rual chuan UD&PA

lampang Engineer hote kha viltu tur ni awm tak a ni. Kha mi Scheme pahnih khat an thawh tawh ka hriat pawh kha sum a chhuak thei chuang lova. 80 chuang lai Scheme awm si tun thlengin chianguang taka hmalakna awm lo ta kha mawhphurtu Minister ti mai ila, UD&PA changtu Minister zahawm takin tahhian hma min lo lak sakin, chiang takin hei hi hma lak a ni a. A khua-a a mi chengten a achievement kan lo lawm theihna turin tan min lo lak sak turin leh min lo chhui sak turin ka'n ngen duh bawk a ni.

Demand No. 48-na ah hian sawiduh ka nei a. Information & Communication Technology tih a ni a. Tunlai chuan kan ramin hma a sawn hle tawh a. T.V te a awm a, tin, radio te pawh a awm a. Mahse, ka Bial chhungah chuan T.V nei theilo an tam hle a. Current awm bawk si lo te pawh a awm bawk a. Phillips Radio tha tawh mai Minister-ten min han sem a, kan han sem chhawng lai kha a tangkai hlein ka hria. Engemaw zat chu a changtu Minister atangte, tun ami atangte pawhin sem turin MLA te hnenah chu ti zat theuh tiin mi an sem a, kan pe chhawng a, a petu tan pawh a lawmawm a, a dawngtu tan pawh a lawmawm a. An lo hmang tangkai em em bawkin ka ring. T.V pakhat neih ai chuan Radio tam tawh sem kha thil theih anih tho ka ring a. Chuvang chuan, sum lampang a indaih chuan kumin 2012-2013 chhung hian Radio engemawzat theuh Thingtlang Bialtu bikte tana sem tur ngaihtuah leh theih ni sela, a lawmawm hlein ka ring a. Chu chu ka han tarlang leh duh bawk a ni.

A dawt lehah chuan, Public Health Engineering leh Industries leh Tourism Department hi chu a pathumah hian lawmthu sawi tur ka nei vein ka hria a. Amaherawh chu, a mal malin ka sawi senglo ang a. Tourism ho chet phungin zin mite tam tak a hip zia te, tin, kan neih hlun ber Chaltlang amite pawh thlengtun an lun hle thin a, a lawmawm hle a. Thingtlang kilkhawr tak takah pawh Tourism ho In sak mawi tak takte kan hmuh avangin a lawmawm ka ti a. Tihmasawn zel ni sela.

PHE-ah hian, ka Bial bikah phei chuan tuikhuah te kan nei dawn a. Mi tam takin PHE hmasawna kan hmuh avang pawhin lawmawm ka tih thu hetah hianin ka'n tarlang bawk a ni e. Pu Speaker, ka lawm e.

S P E A K E R : A lawmawm e. Hun dik takin i hmang thei tlat mai. Tunah Pu K.S. Thanga i lo ko ang.

Pu K.S. THANGA : Pu Speaker, ka lawm e. Sawi nghal pawr pawr mai ila. Demand No. 25-na PHE hi han sawi hmasak ka duh a. Tunah hian kan Minister hian theihtawpin Departmental-in hma a la mek a ni. Pu Speaker, helaiah hian ka'n sawi duh chu, Greater Aizawl Water Supply Scheme Phase II hi 108 crore emaw lai Sorkar hmasa-ah khan hmanral a ni tawh a. Mahse, chuti chung chuan, Aizawl khawpuiin tui hnianghnara kan hmuh tur min pe thei lova. Chu mai ni lo chuan, tuna Sorkar thar a lo din hian khati khawpa tam pawisa hmangral si khan kan hmabak kha a lo la ko hle a ni tih kan Sorkar Minister-ten an han hmuchhuak a. Hei hi Sorkar hmasa-a Chief Minister, tuna kan Chief Minister ni bawh, kan tlak dawn tepa Tender chhangtute chhungkuain Vaibelchhe 5 lai contract hmuh nana an offer, kan Chief Minister zahawm takin a lak tak loh vang a chumi hnua Sorkar thar lo dingin awlsam te a contract-in awlsam te a contract an pek tak avang khan em ni ang tihte ka ngaihtuah a. Vawiinah hian chung avang chuan Aizawlah pawh tun thleng hian anih tur angin Tui kan la harsa a. Chuti chung chung a PHE Minister-in department khami contractor-te an hna kal diklo leh muang lutuk avang a tihtawp avang chuan department a hma kan lak tak avangin vawiinah chak takin heng hi a kal ta hi a lawmawm ka ti a, duhthu la samlo mahsela. Hetianga huaisen taka Minister, PHE Minister a kal ngam hi a tha hle a ni. Heng avang hian

sawng keini bial ve te ang thingtlang khua ni deuh, Aizawl khawpuia rinluh tur mek Muallungthu leh Hualngo khaw 5(nga) te, tin, khulam Lungleng lamte pawhin tunah hian reiloteah Tui an hmuh that phah ve thei thuai dawnin a lang a. Hei hi Phase-II-ina a rawn tuam zel lai kha a la ni. Chutih rual chuan Pu Speaker, kan Minister-in min lo chhinchhiah sak tura ka duh chu, hemi Muallungthu leh Hualngo khaw inkar khaw 5(nga) te hi tunah hian anih tur angin Phase-II hi hman ala nilova, chak taka bawhzui a ni nachungin hei aia chak lehzual hian sawlai khua 5(panga) te tan sawn ruahmanna min siamsak sela kan duh a. Tin, khulam Lungleng lam te pawh hemi hian a tuam tho avangin tunah hian a pipe-te a thleng vek tawh a ni a. Tuizem te pawh sak tawh a ni. Han connect mai theih tawhin a lang a. Chu chu min lo hriatsak sela. Tin, Hlimen saw quarry veng, sawmi Presbyterian Kohhran pawh a hranga an indanna tham chhungkaw 100 chuang lai awmna saw a zavai sawn ala tuam phei lova. Sawngsaw he Phase-II ah hian khawpui chhung an nih ve tho avangin khawngaih takin hmalak naah hian min lo hriatsak sela tih kha ka'n sawiduh bawk a ni. Chutiang chuan tawitein ka'n sawi chho mai ang a.

A danglehah chuan, Demand No.43-na Tourism hi ka sawi leh duh chu, mahni bial, bial dang kan sawisak hman lova hun a tawi avangin. Hei Hmuifang te, Sialsuk te hi Aizawl khawpui nula leh tlangval te, pawl te, Kohhran te, YMA angte, KTP angte, chhungkua ang te pawha tunah hian hahchawlh nan an hman mek a ni. Hmuifangah hian building engemaw zat sak a ni tawh a, hmanna kan sawi tawh ang khan. Amaherawhchu, hei hi ala indaih tawh lova, chhungkuaa va riak duh te, thian zahoa va riak duhte, pawl anga va kal duhte tan pawh heng hi la indaihlohna ala nasa hle a. Aizawl hnaih anih avang leh tlan kawngte a nawm tawh avangin darkar 1 lek chhunga tlan thlen mai theih a ni tawh a, a hmunte alo nuam a, Aizawl mi an chim phei hian kan indaihlo nasa a ni. Sawng saw a building te sak belh a a thawktute pawh saw changtlung zawka laka, khatiang anga la tih zel kha a tul hlein ka hria a. Chutih rual chuan Sialsuk hi an pan tel zel tawh a, tlang a lo nuam a, a hmun a lo zauva phulte a lo nuam a, tunah hian Tourism Department chuan Central lamah hemi atan hian crore 20 lai emaw ruahmanna an siam a chu chu a principle-in an pawm tawh a, hemi hi a DPR-te peih vat vat a, October hmaa peih a nih avangin khang ang te kha a ruahmanna kha siam chak hram hram ni sela, bawhzui chak ni sela an thain ka hria a, kha kha min lo hriatsak turin ka duh bawk a. Aizawl te hetia tawt taka awmte thawvenna, Governor a ni emaw, Central atanga milian team an lo kalte hian sawlamah lo sawn Department hrang hrang-te hian kalpuina tak tak tur an hriat chuan loh avangin sawlama kan hmun neih te saw cheithat lehzual zel a tihchangtlun zel kha a pawimawhin ka hria a chu chu ka'n sawi duh a ni.

Demand No.17-na, Food, Civil Supplies & Consumer Affairs hi Mizoramah pawh kan sawi tam a ni a, amaherawhchu ka sawi ve duh chu vawiin hian kan Minister thahnemngaihna leh inpekante a hnathawh hi a hriatpui ve tu ka nih avangin vawiinah hian harsa tak kara hun harsaah kan Minister hian Buhfai-te ngheilo te, kohhranten Buhzem an siam ve ngailo te, thingtlanga Buhfai an thawh chhuah ngailo te a vawiin thlenga min la siam thei hi a fakawm ka ti a, hetiang hi Minister kan nei vang viau ang tih ka ring a, Minister chak tak hi lawmthu ka hrilh duh a ni.

Tin, Gas lamah pawh tlaivara vawiin thlenga chang hi kan la tawnglo niin ka hria a, sorkar hmasa hunah kha chuan Gas changin nuchang pachang an tlaivar thep thuap thin kha a ni a, tun thlenga Gas tlaivara chang ngailo va min la siam thei, India ram pum harsatna tawh ber lai pawhin chutiange chu Mizo mipuite tan a thawhrimna a lawmawm ka ti a. Hmanniah Delhi kan zuk kal hovin Central Minister, Oil & Natural Gas Minister a hmuhnaah te kan va kal pui a, a thahnemngaihna October thla lawk ah hian Central khami

a Minister kha, North East Food, Civil Supplies Minister ho Aizawla meeting turten a zuk sawm chhuak thei a ni a, kan Minister inpekna leh a thawhrimna hi vawiinah hian he House zahawmtak kaltlang hian ram mipuite hnenah ka sawi duh a ni. Hetiang ang inpe hi neilo ta ang ilar, thahnemngai leh a ngaihna hria hi nilo ta sela, thu mai mai leh rak mai mai satliah chu ni sela chu vawiinah hian tlaivar te pawn Gas pawh hi kan chang ve ang a, Kohhran-te pawh hian buhfai-te pawh hi thingtlang-ah hian harsate tan hian an thawn ve ang tih ka ring a, chutiang ang awm miah lova min siam theih avangin lawmthu ka sawi duh a ni.

Tin, demand no. 36-na, Environment & Forests hi han thai tel hram ka duh a. Tunah hian kan ram chhiat tawh zia leh kan tihthlaler nasat tawh zia, hmun kan tihchhiat nasat tawh zia Mizoram han kal hian a hrehawm em em mai a. Hetah hian a department changtute pawh hei aia thahnem an ngaih zual leh awareness lama an tan rualin MLA theuh ang te pawh hian kan bial chhungah hian awareness kan tih te pawh a ngaiin ka hria a. Hmanah khan kan Sorkar tirh khan Horticulture room-ah alu chi supply an rawn dil thin a kum khatah quintals 30000/40000

supply-in cheng nuai 400/500 alu chiah te supply a lo ni thin a. Kan han enchiang a, ngaw, Zo ngaw hi an lo thiat nasa em em mai a ni. Chuvang chuan, kan Sorkar atang khan khatiang ngaw kit leh tur thingkung pakhat pawh kit leh tur hnenah chuan alu chi pumkhat pawh kan pe tawh tur a ni lo kan ti a, chutianga kan han tih chuan vawiinah alu chi pek tur a lo awm lova. Tin, khatia kan han en chian zelnaah khan quintal 30000/40000 kan supply-naah khan kan tharchhuah kha 20000 a chi man te pawh kha kan thar chhuak thin lem lo te kha a lo ni bawk si a. Chuvang chuan, tunah hian ka rawt duh chu, Forest Department leh RD Department hi tang dun ta sela, Afforestation-ah hian hei NREGS-ah hian kumkhatah hian crore 300/400 inkar vel hi kan ram atan hian thingtlang mipuite inhlawh nan hian kan hmang a ni a. He mi hi thing phun a, tihnun a ngaw siamna tham niin ka hria a, kan khawchhungte kan chei mawi tan a, kan feh kawngte kan lo siam tha tan tawh bawk a, chuvang chuan ngaw siam nan hian RD-te nen hian thawh dun dan siam thiam ta sela a tha hle awm mang e tih ka ngaihtuah a, chulai chu ka ngaipawimawh bawk a ni.

Tin, demand no. 8 Taxation hi sum hnar a ni a, vawiinah hian hei aia thuam phuisui leh tihchangtlun hi hei Minister chak takin a enkawl thar a ni a, thalai a nia. Tunah hian department atangte, company atang tea sum an thawh tur sorkar atanga ruahmanna awmsa hi a awm a. Helaiyah hian Deputy Commissioner Office-ah hian he mi trial-tu Magistrate hi an awm a ni, hei hi tihchaka an sum lakluh tur vaibelchhe tel hi a nihna tur ang a khalam magistrate-te kan enpui tawh loh vang te leh khalam kan lo ngaihthah deuh avanga thil fellote pawh awm niin a lang a. Chutiang ang court-te pawh chu chak zawka a kal theihna turin thahnem ngaih deuh ni ta sela ka'n ti bawk a.

Tin, Demand No. 22-na Sports & Youth Services Department hi Mizoram Sorkar awm tawh zawng zawng ti ta ilar kan tihsual ka ringlo. Tun ang huna thalaite tana golden generation hi a awm angem aw, ka ti a. Infiamna kawng chitinah hmasawn a niin kan sorkar sports policy-te alo tha a, chutiang chuan thalaiten hmasawna kawng chitinah an hmu a, Mizoramin kan suangtuah ngai loh, kan thalaite pawn an beisei loh, chil

pawh an tihput phak loh, artificial grass te, stadium puitling te tha tak tak kan nei chho zel hi a ropui a. Hetah hian Sports Minister bakah, kan Chief Minister, tunlai thangtharte mamawh hria leh ngaihsaktu kan nei hi a vanneihthlak ka ti em em a ni.

Hetih lai hian Minister-in min lo hriatpuia ka duh chu Melthum, Hlimen, Saikhawmakawn-ah te sawn, a bikin Saikhawmakawn leh Hlimen-ah sawn field puitling siam mai theihna ram an nei a, field-te pawh an nei sa a, Aizawl hmar lam te, Aizawl laili te hi kan chei deuh tawh bawk a, chhimlam hi rawn hawi ve a hun tawh hlein ka hria a. Tin, Melthum-ah te pawh sawn Basket ball Court puitling sak theihna tur field an nei a, an pe phal a ni. Kan Minister hian a hmunah pawh min la enpui dawn niin ka hria a, lawmthusawi pahin Aizawl khawpuia kan indaih lohna tam tak hi vawiinah hian kan ti thei dawn niin ka hriaa a lawmawm hle a ni.

Pu Speaker, a tawp ber atan chuan Demand No. 46-na, UD & PA-ah hian tawi te han sawi leh ka duh a. UD & PA hi khawpui chhung enkawltu an ni a, ka sawi ang khan Melthum, Hlimen leh Saikhawmakawn saw Aizawl khawpui chhung ni si, khawpui hamthatna dawng ve lova hun reitak, kum tam tak chhung lo ngaihthah tawh an ni a, an khaw kar kawng te, an step te han laih tlang mai a In leh Lo dinna tur hmun tha tak tak te saw tun thleng hian thingtlang khaw tam tak tluk lovin an la awm a ni. Sawng angte saw kan Minister hian min lo enpui ang a, chu chuan Aizawl khawpui zauhna leh Aizawl khawpui hmasawna khairualna kawngah pawh nasa takin kan inkar a tizim dawnin ka ring a, sawlamah sawn hmunruak kan la ngah a. Chung chu min lo hriatsak turin ka chah bawk a ni. Pu Speaker, hun tha tak mai min pek avangin khang kha hun chep tak kara ka sawi theih chu ni mai sela, ka lawm e.

S P E A K E R : Heti laiah hian sawi tura kan han chhinchiah chu Pu K. Liantlinga leh Col. Z.S. Zuala an ni a, kan chhun chawl tawh mai ang a, kan luh leh hunah khan Pu K. Liantlinga'n sawihonaah hma a hruai leh ang a, ilo chawl rih ang u Dar 2 : 00 ah kan thukhawm leh dawn nia.

2 : 00 P.M

DEPUTY SPEAKER : Sawihona kan chhunzawm leh ang a, tunah Pu K. Liantlinga i lo sawm ang.

Pu K. LIANTLINGA : Pu Deputy Speaker, ka lawm e. Minister 3 Demand sawi tur a ni a, a thahnem tham viau a. Amaherawhchu sawi vek sen a ni lovanga, tlem tlem han sawi zeuh zeuh ka duh a. Demand 40-na, Industry hi han sawi ka duh a, Budget hi nuai 9756.70 a ni a. Hei budget punna hi cheng nuai 4300 vel lai a ni a. Amaherawhchu Budget hi kan sawi tam a, kan Finance Minister bulah pawh hman deuh khan ka sawi tawh a, Performance Budget leh work programme te hi a tih theih tawh lawm maw ni le? ka ti a. Han nawr hi an harsa khawp mai a, amaherawh chu kuminah hi chuan phuailuai deuh mahsela, nakum lamah chuan phuisui deuhin kan ti thei ang chu tih kha a sawi a. Kuminah pawh hian a phuailuai deuh reng a, kan ram Budget cheng vaibelchhe 5237 vel lai mai hemi development Department deuh te hman tur bik leh sum tam tak kan hman ralte hi, kan work programme leh performance budget hi kan tih loh chuan, khang khan sum leh paia harsatna tam tak min siam a. MLA tan phei chuan han thlir thiam mai pawh hi a harsa em em a ni. Tunah hian Performance Budget tha tak taka rawn ti te pawh an awm a, tin, work programme hi an siam tlem thei hle a, awmla a tam angreng riau zel mai a, a nil deuh

thak thak mai a, Demand-a Budget bua a awm ang deuh thlawp thlawp hian an rawn dah leh ringawt mai a, khatiang kha chuan engnge a thawh dawn engnge a tih dawn tih a la hriat chuan loh a, Brake-up siam deuh tawp loh deuh kha a tha a. Performance Budget-ah pawh hian a chiang tawh lo angreng viau mai a, amaherawhchu zuk hriat theih chu hei PSU-ah te cheng nuai 818 an han dah a. Kan Public Sector Unit te hi sick Unit an nihna lai te pawh chhanchhuah tumna a langin ka hria, a lawmawm ka ti a. Tin, KVI-ah te pawh nuai 615 a rawn lang a. Heng hi a aia mumal deuhin rawn ziak lang ta zawk sela, amaherawhchu Budget buah hian an head-ah hian MIFCO te, ZOHANDCO te a awm thla ve thliah a, amaherawhchu Budget buah a reflect ve miah lo mai a, work programme-ah khan a rawn dah ve thung a, nakinah kan Minister khan min hrilhfiah sela, ka lo hrethiam lo deuh pawh a ni maithei a. Budget bu phek 462-naah MIFCO te, ZOHANDCO-te chu a awma, mahse engmah tihlan a awm chuang lova, chung chu ka'n sawi duh a.

Tin, coal chungchang hi sawi ka duh a. Industry hi coal tel lo chuan a siam tak tak theih lova. Metric ton nuai 100000 (MT) hi kan quota a ni thin a. Kuminah ZIDCO-te leh PEMCOS te an pe thin a. Hei PEMCOS hi ka hrechiah lo a, khawilai ami nge, khutilaia Bank-a canteen neitute khu hmanni chanchinbu a ka hmuh zawk khan PEMCOS tih ho tih kha niin ka hria a. YMA nen an innawrna deuhah khan, dawr inkhar tir lek lek te pawh a awm kha, pensioner ho khu khu a ni em? tih lai kha ka'n hrechiang duh a. Metric ton sing 1 ve ve vel te pek an ni a. Heti laiah hian a pawimawh deuh mai chu coal hi a bikin kan hman theihna deuh ber chu brick industry hi a ni a. Mizoramah hian brick industry 7 bawr vel chu kan nei ve a, brick nuai 30 vel rawh tur hi chuan coal metric ton 250 vel a ngai a ni, heng atante hian an hman theih loh a ni. Tin, min chhannaah hian West Bengal atanga lak tur a ni a, a harsa em mai tih te a awm a. Hengte hi Bihar atang emaw West Bengal atangin emaw lak pawh nilo sela, train-in Silchar thleng rawn lak ni sela, a awlsam deuh ang chu, Meghalaya atangin tih theih dan te a awm em? Lungalh thei hi brick rawh tute hian metric ton 1 hi Rs 8300/- velin a hmun khu an thlen a, a aia tlawm deuha quota hmuh theih chuan zawn sak a tha khawp mai a. A chhan chu Bagha-ah khuan brick industry 16 vel khuan Mizoram brick hi min rawn supply thin a ni. A supply tam deuh ho chu Denis tih khuan nuai 50, vel Ajanta khuan nuai 60 vel te min rawn supply a ni. Nuai 300 chuang brick hi Mizoramah Bagha atang khuan min rawn supply a, an duh duh hunah a rate an tisang mai a, heng ang chi te pawh hi industry-a thawkten theih tawpa puiin a rawh tute nen hian tan la thei sela, a thawktute nen hianin tan la thei se chu a tha hle awm mange tih ka ngaihtuahnaah a awm a, sawi chhuah ka'n duha. A chhan chu kan mi leh sa ten an rawh ve thei a ni. Member zahawm tak Pu K.Lalrinthanga bial Chemphai velah khuan an rawh a, khungah khuan hei Ainawn tih te, RMB tih te, MBI tih te, tin, Serchhip lamah kan House Leader bialah te pawh khian hmun hnih laiah, tin Khawzawl leh Champhaiah te pawh heng ang hi allotment kan nei anih chuan tanpui an ngai a ni. Kan tanpui mai kha sorkarin kan tih tur niin ka hria a, chungte chu ka'n sawi lang duh a. Tin, vawikhat rawhna atan hian cheng nuai 18 vel an seng a ni, Brick nuai 30 vel rawhna atan hian.

Tin, demand 25-na Public Health-ah hian han kal leh ila. Hei work programme hi chu a lehlamah hi chuan a tha thawkhat viau a, Aizawl Greater Water Supply Scheme Phase – II hi chu kan sawi tha peih tawh meuh lo niin ka hre mai a. Aizawl khawpui chhung atana link drain chungchanga nuai 177 vel an dah te kha chu, work programme-ah khan alo lang a, engpawhnisela tui hi hemi non-tax revenue lo luh tamna te a ni a, uluk deuh hleka thil tih chu a tha a, kan sorkar hian sum leh pai a indaihloh nasat tehluul nen ngaihtuah ngun a tha a ni. Kan tui hman te pawh hi tui a thianghlim tha vek mai, engatan mai pawh hian kan

hmang a, in sakna chenin, tlema control theih deuh dan te chu awm thei se, tih te ka sawi duh a. Pu Deputy Speaker, hun ava rei lo dawn ve, duh ang kan sawi hman dawn lo a ni maw ?

Engpawhnise, taxation chungchang hi ka'n sawi ve leh lawk anga, tin, Environment and Forest ah hian demand 36-na ah hian performance budget a lang lova, work programme ah a lum sum in an daha, 13th Finance Commission, Nuai 4280 a tilang tawp ringawt mai a, an hnathawh tur leh an tih tur khawilai forest nge an develop dawn, khawilai nge an ven that dawn ? khawilai area nge tihte kha chu tihlan ve theih awm takah ka ngai deuh a, chuvang chuanin khang ang an demand hrang hrang atang pawh han thlir chian kha a thain ka hria a.

Tin, hei Taxation demand ah hian way bill ka luh chilh leh duh a. Meghalaya atang tein an la dawn a, way bill an han dil ve a. 50 kg te an lo pe a ni, coal 50 kg han inpek chu a chi in a chiloh hrim hrim mai a. Ton 50 chu nisela chu ala hriatthiamawm deuh a. Hei hi tanpui dan a awm lawm ni ? Taxation department atang hian. Vai hnen atangin black-in an lei a, an phur chho leh a, khatianga harsatna an tawh kha uluk taka kan thlir chian hi a ngaiin ka hria a. Tin, hetah hianin taxation a ni bawka, chhiah lak kha beiseilo sela, a chhan chu kan sawi tawh ang khan formal economy leh informal economy hi thliar hran thiam a tha a, a ti tir te an ni a. kum 4/5 hnuah chuanin hlep an lo nei anga, an lo sustained ve hnuah tax te pawh hi lak sak nisela a tha awm mange, tihte kha ka sawi duh a. Pu Deputy Speaker, hun ka van duh belh angreng em. Amaherawhchu le a harsat viau hmel a, ka duh tawk mai ange, ka lawm e.

DEPUTY SPEAKER : Han sawi tak tak dawn khan chuan minute 10 kha chu a reilo duh khawp reng a ni tiraw, hetilaiah hianin lo book hmasa a awm a ni. Col.Z.S.Zuala ko hmasa ila, chumi zawhah chuanin Pu Lalthansanga kan ko dawn nia.

Lt.Col.Z.S.ZUALA : Hei vawiinah hian Minister 3 demand a vai phei chuan vaibelchhe 786 chuang kan sawi dawn a ni a, a vai chuan kan sawi hman dawnlo tih chu a Chiang a. Engpawhnise a hmasa berin taxation, demand no.8 na Zakaia department hi kan sawi hmasa ber anga, Taxation department hian tun kum kal taah khan revenue laklul tur estimate Rs. vaibelche 173 leh nuai 17 zat a nih laiin, an hmuh tak tak chu Rs. vaibelchhe 180 leh nuai 30 a ni. Hei a punna hi Rs. Vaibelche 7 leh nuai 13 zet an hmu a, an titha hlein ka hria. An lawmpuiawm tak zet a ni. Tin, tun kuma an Estimate an hmuh tur an beisei hi Rs. Vaibelchhe 190 leh nuai 42 a ni a. Hei pawh hi an hmuh theih ngei a beiseiawmin ka hria. Tin, anni department hi computerized an ni a. Tin, on line tein tax te a pek theih a. Hemi avang hian nasa takin kan chhiah lakte pawh hi a pung dawnin a rinawm a. Chhiah pek te pawh hi va kal a, va in queue te pawh hi a buaithlak a. On line a pek theih te hi a nih chuan mi tam takin an rawn pe zung zung dawn tihna ang a ni a. Lawmawm khawpin ka hria.

Tin, a dawt lehah chuan Sports & Youth Services, Demand No. 24-na hi. Anni hi chu han fak leh han sawimawi chuan tur pawh a awm lo. A lang nghal ut mai a. An hnathawh Rajiv Gandhi Stadium ringawt pawh khu, kan in atanga hawi thlak pawh hian a lo lang nghal ut zel mai a. Anni hnathawh hi a ropui a. Mizote min chawimawitu tak tak pawh an niin ka hria. Tin, hman deuh khanin Central Minister Pi Kumari Selja a lo kal khan Amphi theatre tih te kha a sawi ri a. Ani kha, 'kan bialah te pawh sawn tih dan a awm lo'm ni?' kan han ti a. Tin, kan Minister zahawm tak hian hmun then then chu a lo en tawh ni awm pawhin ka hria a. Chungte chu a then chu kan bial chhungah te pawh sawn niin ka hria a, Aizawl South II Constituency chhungah sawn. Khangte kha progress a awm zel em? tih te kha hriat a chakawm khawp mai. Tin, kan bial chhung bik han sawi ta zel ila. Tunhma

Revenue Office, Mission veng lama awm kha tunah chuanin Revenue Department-in Sports Department-ah an hand-over tawh a. Ni 12, July khanin Land Lease te pawh an sign fel thlap tih kha ka lo hria a. a lawmawm khawp mai a. Sawmi kal zel dan turte pawh saw an kutah hian a awm a. Nghakhlel takin kan lo thlir a ni. Tin, Amphi theatre sakna hmun atan Tlangnuam te pawh khi an en niin ka hria a. Khangte kha a progress a awm theih chuan han hriat a chakawm khawp mai.

Tin, UD&PA, Demand No. 46 na. Anni hi keini Town chhunga awm MLA te tan phei chuan an pawimawh leh zual a. Kan nu leh pate takmeuh an ni a. Tin, kan Local Council te pawhin an hnuk ber a ni a. Anni hian vengchhung development hi min enkawl sak ti ila a dik awm e. LAD in min tin san tawh si a. Hei, tunah JNNURM atangin tender lian pui pui Aizawl khawchhung Road Improvement & Surfacing tihte kha kan lo hmu a, a lawmawm hlein ka hria a. Kan bial chhungah sawn Kulikawn atanga Mission veng thleng black topping tha chi a tih tumna te leh Mission Vengthlang kawm thleng te kan lo hmu a. Heng puitlin hun hi a nghahhlelhawm hlein ka hria a. Tin, chubakah nakinah a phase sang zawkah te a'n kal chho zel ang a. Anmahni sum baw leh MLA Fund te a kaihnhawiha Internal road kan siamte pawh hi a puitlinna tur chu anmahni phase kal zel atang hian kan lo beisei ve a. Chung hunte pawh chu engtikah nge a lo thlen ang? tih kan lo thlir ve reng a. Kha kha min ngaih pawimawh sak se.

Tin, Information & Communication Technology hi. Technology hi ka hriat loh zawng tak a ni a. Mahse, ka han hmuhin progress nasa takin a awm a. Electronic leh Technology lam pang hi a sang tawh khawp a. Amaherawhchu, hetih rual rual hian hengte pawh hi hman sual hi a awm duh khawp mai a. Hengah te pawh hian kan Minister leh a staff-te pawh hian information hi dik tak leh mipui kaihruaitu an nih avang hian an fimkhur hle chu a ngaiin ka hria.

Tin, Food & Civil Supply, Demand No. 17-na hi, nichinah khan zawhnaah khan pasarihna hi nichinah khanin zawhnaah khanin kan inzawt tawh a, a bik takin Aizawl khawchhunga Gas harsat dante kan Minister zahawm tak leh thahnemngai tak hian nasa takin tunah hi chuan a hnathawhna azarah te hei tunah chuan a ziaawm chho hret hret a. Hmanniah keima bengvarmain an area Manager ka lo zuk phone ve naah 27th July thleng khan metric ton 1609 hi an rawn thawn tawh a, tun thla tawpah hi chuan a vaiin metric ton 1809 kan rawn thawn theih kan inbeisei an ti a, hengte thla hmasa leh a hmasa leh te ngaihtuah chuan nasa takin improvement a awm tawh a, a lawmawm hlein ka hria.

Tin, hei thildangah gas chungchangah te kan insawisel mup mup a, thildang nichina ka hmaa mite rawn sawi tawh ang khan buhfai leh chiniah te nasa takin improvement a awm a, harsatna kan nei lova. Tute emaw sawi ang deuhin 'ka zu in zat hi in sawi a, ka bawngnhute in zat in sawi leh mang silova' a tih ang deuh a nia, an thiltha tih hi lawmthu kan sawi leh mang silova, a chhe lampang hi kan inhrilh zing deuh thin a, keini Town chhung bika awm tan gas chungchangah improvement nasa tak a awm hi lawmawm ka ti hle a ni.

Tin, Environment & Forest Department Demand No. 36 kha han sawi ve leh zawk ka duh a. Forest fire control-ah hian nuai 29 vel allotment a awm a, Mizoramah hian forest kan preserve-na tha berni a lang chu fire control hi a niin ka hria, hetah hian nasa zawka tan kan lak theih chuan a lawmawm hle ang. Ecological force an tih ang pawh hi lo din thei ta ila hei hian nasa takin min tanpui chuan ka

ring. Tin, Mau hi ka'n sawi leh lawk teh ang, tunlai hian rawtuai hi an zuar nasa khawp mai a, kan Mau te hi rawtuaiah hian kan chan zawh tir vek mai ang tihte hi ka hlau thin a, henge hi a control dan a awm theih chuan a tha awm mange aw ka ti deuh a. Tin, wildlife te pawh hi, Tiger te pawh hi kan nei tawh lo niin a lang a, 'chanchinthain ramhuai a umbo' an ti a, development hian kan ramsate hi a umbo ang tih a hlauhawm khawp mai. Forest & Environment hian nasa zawka ransa an humhalh a, nasa zawka hma an lak a tul hle dawnin ka hria, chu chu ka sawi theih chu a ni mai e, Pu Dy. Speaker, ka lawm e.

DEPUTY SPEAKER : Le, hun i hmang tha khawp mai, tunah Pu Lalthansanga i lo sawm ang.

Pu LALTHANSANGA : Pu Deputy Speaker ka lawm e. Kan sawi dawn a a tawp zel chu a ni mai a, a buaithlak hle mai. PHE Demand No. 25 na. Hei PHE Department hi Satel chungang ni deuh hian ka hria a. P.C. sorkar khan Phase I kan han ti a Phase II ti leh turin, chumi ti leh tur pawh chuanin Himachal-ah, Shimla-ah te engtingge tui tlangchhipah an pump chhoh tih kha ka boss Brig. T. Sailo khan zuk zirin chuta tang chuanin Mizoramah Aizawl khawpuiah mi 80000 chawm tur Phase I kha an han ti a, chuan mihring lo pung chhovah Phase II pawh tih tur a ni a, vawiinah kan la indem laih laih reng mai hi kan inenfiah chu a ngai a ni, a rei tawh em mai, kan pu pawh kum 90 a chuang tawh a nia. Chuvang chuan PHE Department hi kal chak ve deuh sela tih hi ka duh hle mai a.

Hei vawiinah works programme te pawh kan han en thuk thuk a, hmun dang dang hi chu a awm deuh thluah mai a. Ka bial hi chu ka sawi ngun tawh khawp mai a, composite water scheme Biate hi engtizia nge ni quarry tlem a la awm a nuai 18 in an ti a, nuai 15 turin rawn ti rawh u an ti a chuvang chuan kan ti a an ti a, ti khian tui khi kan harsa ngawih ngawih mai a Ralvawng atang khianin engemaw he project a puitlin hma hi chu min tihsak ve se tih kha kan Minister zahawm tak hi ka ngen duh a. Tunah khianin kan harsa a ni, Ralvawng atang pawhin la dawn ila khawchhungah kan la pha mang lova mahse chu chu engtin emaw sam hai a, in manage a khatianga tih atan te pawh khan kan han ti a. Tin, Vanlaiphai te, Bungtlang te khi P.C. sorkar laia tui an lak sak gravitation a an lak kha kan la hmang a ni a. Hei kan Chief Minister zahawm tak hian a hmu thinin ka ring a, barrel te khi a bal lutuk a, hmanah pawh khan an paih a, hmanah pawh khan 1 ft. dawn dawn kha bal kha an paih a thim bal te kha, chutiang khawp chuan a awm avang khian Bungtlang khi Lungchhuan dai atanga kan lak avangin a thui lutuk a, a pipe a chhe reng mai a, enge maw pumping system te hi min introduce ve se, Keitum nen khian an lo ring thei ang a, Tuichang te pump ni se tih kha ka'n dil duh a.

Tin Demand No. 40-na Industry hi NLUP phei kha chu awm lo se minus a ni mai a, CSS-ah phei chuan kuminah hian an la hmu lova, Kan Minister hian nikum lamah khawl 2 leh Mistiri bungrua 3 quota 5 min rawn pe a, kan lawm em em mai a, kumin pawh hi kan lo beisei leh a mahse kan han en thin a khawngaih thlak awm mang e chu ka ti deuh a. Chumi rual chuan Geology & Mining-ah te chuan han en ta ila, crore 7 vel tax hi an rawn chhunglut dawn ni te pawhin a lang a. Ka bial tuichang khi tunah chuan eizawn nan kan hmang tawh a, tuichangah khian Balu kan la ngar ngar a, Keitum tlangval inhlawhfa an chhawr duh mang loh hote khian nikhatah Rs. 500/1000 dawn te khi an hlawh thei tawh a ni. Chuvang chuan khiti lai khi strict lutuk lo va min en avang pawhin kan lawm hle a, lehlamah kan tax kha tlem deuh mahsela khitilai ah nasa takin work culture kha an mahniah

khian a piang chawp a, chu chu hetilaia min exempt deuh avang khan kan lawm e tih te pawh kha ka'n sawi duh a.

Tourism hi nuai 160 vel Revenue chhunglut ve tur anni a, an ni hi East Lungdar leh North Vanlaiphaiah kan sa a, hmanni khan zawhnaah khan a chungte a chhe lutuk a, kan repair ang an ti a, a chhe zo dawnin ka hria. Chuvang chuan Tourism hi tun aia tha deuh zawka kan dah a thain ka ring deuh a. Committee kan din te pawhin hma an la tawh lo e te pawh kan han ti a. Chuvang chuan building a lo awm tawh si chuan tha deuha tih zung zung thain ka hria a. Khawlailungah phei khi chuan thlen in pakhatmah a awm lo a ni. Kan hotu liante hi lo kal ta ula, mi ina in thlen mai a ngai dawn a ni. Engmah Quarter emaw Rest House-te kan neih loh avang khian kan mangang hle tih kha ka'n sawi duh a ni. Kha kha Demand No. 43-na Tourism ah nise.

Demand No. 17-na, Food & Civil Supplies Consumer Affairs hi, hei hi kan sawi nasa hle tawh a. Ka bialah khian Gas te hi kan hmu khat khawp mai a, DCSO Serchhip atangin an ti a, kan han ti thin a kan hmu hlei thei thin lo a ni. Engtizia nge an ti a, Aizawl khawpuiah hi chuan kan ziaawm tawh in tih rual hian keini hi chu khilamah khian kan la tap takmeuh meuh a ni, Serchhip District khi . A harsa khawp a, Serchhip te, Thenzawl te khi Chief Minister bialin ti tak mai hian an chuh chak em em a, kan ngam mang bawh si lova, hei hian min tibuai hle mai a. Tin chumi rual chuan buhfai hi kan thlaphang reng mai a, khi khi chu min solve sak deuh sela kan duh hle mai tih kha kan sawi duh bawh a.

Tin Legal Metrology hian nuai 8 vel hi revenue pawh chhunglut tur niin a lang a. Hei Legal Metrology hi han en ta ila, hmana a awm ang reng khan a awm mai a, vawiinah petrol adultration te leh buhfai tihchingpen zawng zawng hi a awm si a, he Department hi chu Pu Dy. Speaker, nasa zawka kan thuam chak hi a ngai em em a ni. Chumi kan tih loh chuan he kan chhياتna hi ngaiyah kan neih tawh ang a, House-ah pawh kan sawi peih tawh lovanga, House-a kan sawi pawhin awmzia a neilo tih hi a hlauhawm em em a ni. Chuvang chuan he Department hi nasa taka strengthen hi a ngai hle a ni.

Tin, Demand No. 8-na Taxation-ah hian kumina kan budget hmuh tur pawh kha cheng vaibelchhe 190 sing li leh sang hnih vel kan hmu dawn a hei hi a ropui angreng hle mai a, lehlam pangah chuan hei hian a nghawng tur chu vawiin ah hian hemi Hardware zuar ho zawng zawng pawh hi Tax lak lohna hi a awm mang tawh lo a ni. Thil man hi a sang em em chho mai si a, in han sak phei chuan nitin hian a sang emaw ni tih tur a ni a, price control a awm bawh si lova, taxi te, Sumo-te ho rate pawh hi control a awm lo, Mizoramah hian engmah hi rate hi control a awm lo. Hardware dawr pawh hi a nghaktu a zir mai maiin a kal a, cheng sawm, sawmhnih ten a tova, chuvang chuan kan mi tirhte hi kan ringhle lek lek tawh mai a ni. Chuvang chuan sorkar hian tun aia tha zawk hian hetiang chungchangah te pawh TV ah te hian programme hrang hrang a lo awm tawh a, chumi chu chutiang rate chu a ni e tiin kan tarlan te pawh hi a ngai nasa hle tawhin ka hria a ni. Taxation Department hi kan hriat angin personal wage bill pawh kan pe lo an ti na a, a tawp tho a ni, an pe tha duh mang bawh si lova an tan hian a harsa a ni. Kan sumdawnge hi mifel ber an ni si lova, sorkar hnathawk ve pha lo khati lampanga va kal ve pha lo ten an eizawna atana an kalna a ni si a, chutih lai kar chuan ropui tak mai hian kan chei bawl si lai hi a tha lo hlein ka hria a ni.

Tin, sport lam pawh fak tur deuh hlir chu a niin ka hria a, hetiang hi chuan nise chuan Mizoramah hian GSDP hi nasa takin a thang ang tih ang deuh khanin vawiinah hian kan Minister zahawm tak hi demand No.48-na, Information and Communication Technology-ah te pawh eng eng emaw kan han tichhova, mahse heti chung hian vawiinah hian Mizoramah Cyber world anga kan din ve a hun tawh a ni. Mizo thalaite heti lampangah kan advance em em lai hian vawiinah hian kan budget hi han en ta ila vbc 5 vel chauh a ni ta a ni. Chutiang ang khawp a nih lai chuan heti laiah hian nasa takin han tang the, hetiang vawiina good leader anga kan ngaih lai hian heti lampangah hian pachhia kan ti deuh che a ni tih kha mizo thalai aiawhin ka'n sawi duh ani.

Tichuan UD & PA-ah hianin district hrang hrang-ah te hma an la nasa a, tin, sub-division-ah pawh hma a la a, ka bialah pawh hma min han lak sak a nuai 55 chuang zetin ka lawm khawp mai. Biahte pawh hi min chai sak dawn niin ka hria a, engtikah nge min chai chhoh sak theih ang tih kha ka'n zawt duh a. UD & PA hian Mizoram hmun hrang hrang hi chu min cover turah kan han ngai a, chutiang ang tur chuan tan min han lak sak se tih kha ka sawi duh a ni e, Pu Deputy Speaker, ka lawm e.

Pu K.LALRINTHANGA : Pu Deputy Speaker ka lawm e. Demand No.25-na atang khan han tan ve ila. Kan Minister zahawm tak hian Bilkhawthlirah, Chemphai atangin Tui pump tur min ruahman sak a, a lawmawm hle a, lawmthu ka sawi duh a ni. Chutih rual chuan work programme leh performance budget te kan en a, performance budget 2011-2012-ah hian ka hmu lova, work programme-ah hian ka hmu lo bawk a. Hei hi Department lam tihsual em ni aw, kan Minister ngaihndan ka hre lova. Amaherawhchu Bilkhawthlir khaw mipuiten Kolasib atangin tui an dawng thin a, an kham khawp an dawng lova. Ruahmanna thar a han siam a, tui pump tur min han ruahman sak a, sanction te pawh awm tawh niin ka hria a, lawmawm ka ti a, lawmthu ka sawi duh a ni. Chutih rual chuan Serlui Bial chhung tui harsatna chi hrang hrang han tarlan ve a thain ka hria a. Buhchangphai, Phaisen tih te khuan, tui lama an harsat ve dan chu fur tui tam lai hi a ni tlat mai a. An tui in tur khu a nu thin a. Tuihawk te avangin, furah hian an harsa em em a. Thal laiah chuan an ziaawm deuh a. Engtingge kan Minister hian ruahmanna min siamsak theih ang, tih kha han tarlan thain ka hria a. Tin, Phainuamah khuan tuizem lian pui pui nuai 30 man 3 zet mai min siam sak a, lawmawm kati tak zet a. Amaherawhchu, khu pawh khu a hnuai lam atanga pump chhoh loh chuanin fur laia tui tling ringawt khu chuan a daih seng lo tlat mai a. Pump chhoh na tur min ngaihtuah sak leh thei se a lawmawm hle ang. Vairengteah khuan Department-in an tuizemah khuan mipui tla khawp tui chu an pump thei a. Amaherawhchu a semna tui pipe khu a hlui tawh lutuk a, Tui a kal tha thei tawh lova a semna line-ah khuan. Kan E.E. ten nikum lam atang khan project an submit thin a. Pu Chairman, nikum lam atang khanin Engineer-in-Chief ah te, Planning-ah te project an submit thin a. Tun thleng hian ala hlawhtling lova. Tui semna tur pipe khu thlak chuanin a khaw mipui tan khuan harsatna chu a chhawk zangkhai mai dawn a. Thil dang dang a pump-na leh a tuizem kha chu an nei tha a. A semna line hi chu siamthat a har lemloin a lang a. Helaiiah hian hma min lak sak leh thei se thain ka hria a, kan ngen ve leh duh a ni.

Industry chungchangah hian NLUP nena a inkaihnawih hi rawn tarlan thain ka hria a. Hei hmanni lawkah te Aizawl khawpuiah leh hmun dang thingtlangah te pawh puanthui khawl an sem hian lawm khawp mai. Ka hriat chinah chuan, chi 12 vel a thui theih an ti a. Puan thui khawl dawng tawh chu an lawm em em a ni. Chuvang chuan helaiiah hian

lawmthu sawi a ngaiin ka hria. Tin, thingzaina khawl hi thenkhatah te chuan an sem tawh a. Kan bialah te chuan an la sem lova. Department hotute ka phone a, chuta min chhannaah chuan Ludhiana leh Hariana an tiin ka hria, khawl tha kan order a, nikhatah 20 bak an siam thei si lova, churang chuan Mizoramah thingzaina khawl mamawh tute zawng zawng ta hi tunah hian kan pe kim mai thei lo a ni e, tiin min hrilh a, a lawmawm a. Khawl tha sem duhna thinlung an han nei kha a lawmawm ka ti a. Chutih rual chuan hei NLUP 2nd phase-te pawh kan han thlang leh tan tawh a ni a. Industry trade thlang te pawh an awm nualin ka ring a. Chumi atan chuan a sem tura ruahman chiah hma hian 2nd phase atan pawh hian order lawk sela a thain ka hria a. Chutilo chuan nakinah harsatna kan la tawh chho leh zel turin ka ngai a, ka, n tarlang a ni.

Tourism chung changah kan Chief Minister leh kan Minister zahawm takte ngaihtuahna Serlui B hmunah Tourist destination vaibelchhe 3.8 niin ka hria, lai senga sak tura ruahman an han siam hi ropui kati a, lawmawm kati bawh a ni.

Demand No. 17-ah hian Food, Civil Supply & Consumer Affairs-ah hian tuna kan thusawitu khan, 'kan thlaphang lek lek thina,' tih kha a sawi a, an harsat thu erawh chu a sawi lem lova. Tiang khan keini bialah pawh buhfai kan harsa ang a tih ngaihtuahna kan han neih rual hian kan Minister-te kan han phone a, an nin min lo ngaihtuah a. Harsatna awm lovin kan nei leh zel mai thei hi a lawmawm kati a, sorkar kal taah khan chuan namenlo khan kan harsa anih kha. Mipui kan phuna, kohhran te pawh in sem a, chutiang chuan anti a, tun sorkar tharah erawh chuanin thlaphanna te chu lo awm ve bawh mahse, harsatna tak tak kan la tawh lova, hetiang a manage thei hi ropui ka ti a, lawmawm ka ti a ni.

Environment & Forest chungchangah hian NLUP nena inkaihnhawih bawh hi tarlan leh thain ka hria a. Serlui bialah khuanin Saihapui K tih velah khuan, ram an nei mumal tawh lova. Chutianga ram an neih mumal tawh loh avang chuan NLUP atana an thlai chinna tur hmun kha harsatna an nei a ni. Chutia harsatna an neih rual chuan kan Minister kan bia a, khulai ram khu Forest ram anga lang vek tawh a ni a. Amaherawhchu thlai puitlinglo Forest Department in an lo chin tawhte puitlinglo hmun eng eng emawah te an lo awm a, chungte chu engtinge min ngaihtuah sak thei em? tiin Minister kan han hrilh a, kan han ngen a. Chutia kan ngennate chu mi ngaihpaawimawh saka. Departmenthotute kaltlangin min tihfel sak zel thei a, a chungah hian lawmthu ka sawi duh a ni.

Taxation chungchang Demand No. 8 hi ka han tarlan duh chu, Vairengte khu bungrua Mizoramah phai lam atanga a lokal zawng zawng deuh thaw kaltlangna a ni a. Taxation check gate a awm a, tah khuan hna an thawk rim em em a. Department staff te hian, hna pawh an thawk tha a ni. A lawmawm ka ti a. Chutih rual chuanin thil hriat tha deuh mai chu an hna khu a hautak lutuk a, MR an mamawh belh nasa hlein ka hria. Zannah tlaivar varin truck lian tak tak load, a chang chuan unload fai deuh vek emaw ngai ten a awm a. Chutiang chuan Vairengte Taxation check gate-ah khuan MR dah belh nise. Chutih rual chuan motor park na hmun tur nasa takin an mamawh a. Tuna an hmunah khuan motor bungraw phur tam takrawn kalte park-na tur hmun an indaihloh avangin Taxation Department-in nge Department dang atangin ruahman a siam dawn? chulaiah chuan tihfel sak thain ka hria a, chu chu ka sawi duh a ni. Chungte chu ka sawi hman tawh nise, Pu Chairman ka lawm e.

Lt. COL. Z.S ZUALA, CHAIRMAN : Tunge sawi leh dawn? Pu Lal Thanzara sawm ang.

Pu LAL THANZARA : Pu Chairman ka lawm e. Demand No. 48-na Information & Communication Technology-ah hian han tan ila. Ka hma hma leh ami khan SWAN, State Wide Area Network kha a sawi ho angreng viau na a, kei chu sawi hoh chiah ka ngai lova. Internet-a District tinte thlung khawm a, chutianga anga hma kan han la dawn te hi a ropui ka ti a. Tin, hemi piah lamah hian hemi atana hman tangkai tur tho Data Centre in te sak chhoh mek a ni a, hengte hi kan zawh hunah pheih hi chuanin Sorkar hmalakna ang zawng zawngte hi internet kaltlangin, mimal ang pawhin kan inhriat sak zung zung dawn tawh a ni. (Lt. Col. Z.S Zuala : kan in thlak lawk) Le, Pu Dy. Speaker, chutianga Data Centre te kan peih hunah internet kaltlanga mipuiin sorkar hmalak nate hi kan han hre zung zung thei turte hi, hetiang anga ruahmanna kal mekte hi a ropui ka ti a, lawmawm ka ti takzet zet a ni.

Demand No 22-na Sports & Youth Services tih hi han luhchilh leh lawk ila. Hei kan sorkar chak tak hnuaiah kan Sports Minister hmalaknain Sports lamah hian, he hun reilote chhung hian Sport infrastructure hi kan nei tha em em mai a ni. Heng kan neih thatna hian thil tam tak, state pawn lam atanga rawn lakluh a ni a, chungte chu kan la sawi chho ang a. Hei, a hmasa berin phullem phahte kan han neih bakah, vawiinah Lungleia Thuamluaia maulah zana thalaite inkhel theih nan flood light te min han buatsaih sak lehzel hi a lawmawm a, hei lo liama a tha zawnga 'change' sawi tur hi a awm awm tam love, chutih rual chuan Assam Rifle Ground Aizawlah pawh hian, zanah kan inkhelh theih nan flood light te sorkarin min siamsak an tum mek niin ka hria a, khangte pawh kha nakinah kan Minister zahawm takin a windup hunah enge min thlenpui tawh tih te pawh hi min hrilh thei sela a lawmawm hle ang.

Tin, hei Phullem chungchang hi ka hmaa member zahawm takte pawhin an rawn sawi tawh a, a ngaihna hriain sum tam tak senga vawiin ah India ram tam takah an la neih loh Mizoramah mual pathum laiah an phah tawh hnuaiah, "phullem ringawt buaipui lovin" te an han tikual vel a. Mahse, vawiinah, nichina ka sawi tak ang khan, heng phullem (artificial grass) kan neih tak avang hian, Federation of International Football Association (FIFA) an tih te pawh hianin kan ramah hianin Grass root Football school, naupangte football zirna tur an rawn din dawn a ni. Tichuan October thla chawhnu lamah hianin Coach te train turin FIFA hianin mithiam a rawn tir dawn a, hengte hi phullem kan neih avang a ni a. Tin, tuna kan neihsa piah lamah hianin kan Minister zahawm tak hianin Champhai lamah pawh State sum hmang lova, phah thuai tumin hma chaktakin a la niin kan hria a. Tin, nikumah khan Independence Day tournament-ah India rama Club lar kan thenawm ram ami Lajong-te Wahingdoh club an tih hote kha football khel turin heng phullem tha tak kan neih avang hianin phur takin an lo kal a, kuminah pawh hei Mumbai atangin ONGC te, Deliajan atangin Oil India Football team te phur takin vawiina kan tan tak Independence Day Football khel turin an rawn kal a ni. Tin, kan phullem hi Football khel turte chauh nilovin KTP te, TKP te, mitinreng mai hi kan lawm takzet zet niin ka hria a, han sawi sawp chi pawh niin ka hre lo a ni. Tin, kan sorkar chak tak hnuaiah hian Inkhelhna, infiamna Discipline hrang hrangah nasa takin hma kan sawn a. Nitin chanchinbuah National level mai nilo, International level-ah te pawh Gold Medal, Bronze Medal, Silver Medal an rawn hawn tih hi chhiar tur a awm deuh rengte hi a lawmawm takzetin ka hria a. Vawiinah ngei pawh hian Golden Gloves Vajcovina International meet Serbia rama neihah Nl. Lalenkawli, Lawngtlai nulain Gold Medal leh Nl. Lalruatfeli, ka bial Edenthar amiin Bronze Medal rawn la te chu Aizawl an rawn lut dawn a ni. Tichuan hemite pahnih hian an rawn haw pahin Inter Zonal Boxing Competition Senior lo khel mekah, Indian Boxing Association te hianin Junior player nimahselangin, chung kan nula pahnihte chu senior

zingah khan an khelh tir a, chutianga an rawn haw pah ringawt pawh chuan vawiinah Enkawli hianin senior zinga khelin Silver leh Rualfel hian Bronze Medal a rawn hawn tel bawk a ni.

Tin, heng zawng zawng piah lampangah hian, kan hriat theuh angin hmanni lawkah North East Games kan thleng a, Rajiv Gandhi Stadium leh hmun hrang hrangah tiang khan infiamna buatsaih a ni a. Khata rawn kal infiam mite tlukin, Official hote kha an lawm a, an hlim a ni. Mizoramah hetiang tak maia kan sorkarin infrastructure min lo buatsaih sak hi, ropui an ti a, tha an ti a. National Games pawh in thleng thei ang, tiin min tawng hmawr hmuh nghe nghe a ni. Heng zawng zawng hi kan Chief Minister te, kan Sport Minister te, kan sorkarin a hmalakna ropui tak a ni a, vawiina demand sawina ah hian ka'n thlawp duh te a ni a.

Tin, Demand No. 40-na ah khan, Industry lampang Pu S.Hiato a chanpualah khan, hei Export Promotion and Industrial Park, Lengteah, State pawn atangin tunhmaa kan la hriat ngai loh thirsiamna khawl ISAT hoin an rawn bun hi a lawmawm ka ti a. Hetah hian kan ram thalai tam takin hnathawh tur an neih phah dawn a ni. Tin, chumi piahlam pangah chuan kan rama thirchhia tunhma a man tlawm te tea kan hralh thin kha man tam tak taka hralh a ni thei tur te hi a lawmawm ka ti a. Chutihruah chuan kan Minister zahawm tak hian a lo hriat atana ka duh chu, Zuangtui Industrial Estate compound chhung, inkalpawhna saw a chhe rei tawh em em mai a. Industry neituten Motor lianah thil rit tak tak phurin an mamawh thilte an chawk lut thin a. Tunah chuan, chung Motor liante pawh chuanin a khawl awmna hmun phur thleng thei lovin, an in unload a, an inpaihthawl phawt thin a ngai tawh a ni. Chutiang khawp chuan sawlai kawng saw a chhia a, kan Minister zahawm takin nakinah a wind up dawn hunah engtingnge hmalak an tum dan te, hma chak taka lak an tum thute min han hrih thei sela a lawmawm hlein ka ring a ni.

Tin, Demand No. 25-na PHE-ah hian nichin khan kan member zahawm tak pakhat khanin Aizawl Water Supply Scheme phase II te phei chu kan sawi peih tawh mang lova a ti a, vawiinah hian sawi thain ka hria a. Kan hriat angin sorkar liamta khanin vaibelchhe 108 lai sum sengin he hna hi an thawk a. Mahse eng ruai min chanpui lo a nih kha. Tichuan he sorkar thar a lo pian hnu hian kan Minister chak tak hmalaknain heng ang zawng zawng hi an han enfel chho a, tichuan huaisen takin, Court-ah pawh kal ngai khawpin Contractor an chhawrlaite an ban a, Departmental an kalpui ta a, vawiinah he hna hi chak taka kalpui a lo ni chho ta te hi a lawmawm takzet zetin ka hria a ni. Tin, ka bial chhung Edentharah sawn Aizawl khawpui chhung ni chung si sawn, PHE tui connection la thei an tlem khawp mai a. Highway sira kawr, Chaltlang atanga rawn kalthla kawr tui saw pipe te reuh te tein an connect ve chawp a. Chutiang chuan anmahni inah an zawm lut ve a ni. Hriselna atan pawha thalo tur, lang chiangsa kha, vawiinah chutiang eia in chu, sawlai Edenthar, Aizawl khawpui chhungah an la awmte hi a vanduaithlak ka ti a. Kan sorkar chak tak PHE Department atang hianin, tui thianghlim zawk an in theihna turin private connection an afford lo a nih pawhin, public point ang te leh, pump chhuah chi ang te hi min ngaihtuah sak selangin tih hi, PHE Department-te an Demand kan sawi lai hian ka ngen pah bawk ni selangin. Awle vawiinah ka hnungah sawi tur tam tak an la awm avangin ka hun ka hmang ral lo mai ang a, heng kan Minister-te Demand hrang hrang kan sawi te hi, kan zavaia lawm taka pawmpui turin kan member-te ka ngenpui a ni, Pu Dy. Speaker, ka lawm e.

Pu T.T.ZOTHANSANGA : Pu Deputy Speaker, ka lawm e. Demand No.27, PHE, Champhai lamah chuan Satelin a phur lo a. Hei tun sorkar hi lawm awm ka ti khawp mai a, keimahni sorkar chin bikah hian khaw 423 in tui thianghlim kan dawng thar thawh a ni. Tanky pawh hmun hrang hrangah 1067 zet siamthar tawh a ni a. Kan PHE Minister hi a

chak kan ti a, khawchhak bialah khian tui thianghlim an pe hnem tawh khawp mai a. Tlema han thuamthat leh ngai chu awm mahsela a khua ang chuan tui han neihlohna der hi an nei tawh mang lova, lawmawm ka ti khawp mai a, kan vannei ka ti a. Hnahlan bik te khi tlemin harsatna kan la nei a, priority-ah min telh turin ruahmannate kan han siam a, mahse a la lut remchang rih lova. 6.98 core hi tunah ruahmanna kan neih mek a ni a, nakin lawka la thun mai tura ruahmanna kan neih a ni a, kha kha a lawmawm kan ti a, tan leh mai turah kan ngai a.

Hei, Aiduzawl, Tualcheng, Rabung, Neihdawn, Khuangphah, Diltlang, Vaikhawtlang, chungachte chuan ruahmanna pui tak min neih tirin minrawn tihsak deuh teuh tawh a, a chungah lawmthu ka sawi duh a. Extend leh tur kan neihte erawh chu Office lamah kan sawi thin a a lawmawm hle a ni tih kha ka'n sawi duh a.

Tin, Demand No. 43 Tourism Department ah khanin hmanni lawkah khan Hnahlanah khian Tourist Lodge minrawn hawn sak tawh a. Chuvangin Hnanlana kal tur tan khilalah thlenna remchang tak a awm tawh a ni tih kha ka sawi duh a, kan lawm khawp mai a khawpumin, a bial ang pawhin kan lawm a. A chhan chu Hnahlanah Winery te kan han nei ve a, khi lai hmunah a kal tur tan pawh han chawlhna mai tur khi a awm thin lova, tunah remchang tak an awm ta khi lawmawm kan ti a, a fencing la zawh loh te pawh min enfel sak nghal vek a, a chungah khan lawmthu ka sawi duh a,

Chubakah Pu Deputy Speaker, khi Champhaiah khian thlen in kan ngah lo khawp maia, tunah khian kan Tourist Lodge pawh khi nasa taka tihlen tumin an sa tluk tluk maia, khi pawh khi kan sawi tel duh a. Tun atanga rei vaklo ah chuan khaw vannei tak kan ni leh mai dawn a ni, Tourism lamah chuan. Tin, hmannia an lo kal hawn lamah khan Kawlkuha Wayside Restaurant pawh kha an en thla niin ka hria a, kha kha a chan bikah chuan han ni mai sela.

Food & Civil Supplies-ah hian Pu Rova hi a bial tamtak hi keiman ka chhawm avang hian a bial mite leh kan mite hi a en inang deuh vek mai a, an harsatnate pawh ka sawi aia chiang mah hian a lo hre thin a, hemi chungchangah hi chuan lawmawm ka ti a, hei tun laiin kan ei leh in leh Gas chungchangah hianin sawi deuh sek an awm thin avang hian amah pawh ka kawm thin a, amherawhchu a hmalakna kawng hrang hrang leh a thil tih dan thin te kan en chian hian tute mai pawh hi nisela amah aia thawkrim hi chu an awm chuang lo ang a, a thawk nasa khawp mai a, theihtawp a chhuah a, harsatna a awm anih hran loh chuan helai atang chuan a nawr chak a ni tih kha ka'n sawi duh a ni.

Tin, Demand No. 22-na Sports & Youth Services Department kha Sports bungrua kan dil apiang kha chu a har ve thova, amaherawhchu kan beisei tam zawk min pek thin avangin lawmawm ka ti khawp mai a, tin, hmanni lawkah Pu Mama kan ti maia kan hretlang thova, khilalah kan Minister zahawmtak khanin Champhaiah a naute a han tir a, field-ah phullem pahna turte ruahmanna min han neihpui avang khan kan lawm takzet zet a, tunah khian Champhai mipui rilru leh ti tiah chuan a thawm ringawt atang pawh khan kan rilruin pangpar thi kan awrh tir nawk nawk tawh mai a ni. Kha kha a taka kan awrhtir hun tur kha dingdihlipin kan thlir a ni tih kha ka sawi tel duh a. Tin, chu mai nilovin Zotlang hmunah khian Tract & Field khi mumal deuh taka min siampui a tum mek bawk a, khi pawh khi kan lawm khawpa khawchhak infiammite tan pawh kawl a eng dawn a ni kan ti a, amahah beiseina nasa tak nen kan thlirin kan ngat mek a ni.

Tin, Pu Dy. Speaker UD & PA Demand no. 46-naah khan Champhai khawpui khi cheng vaibelchhe sawmhnih pathum velin minrawn chei saka tunah khian an zo tan mek a, a hnuhma khi a hmuhnawm khawp a, tamtak khi an hmalakna kha a ni deuh vek mai a, chubakah in nei lo, Urban poor khi kan tam khawp mai a, mi 450 zet chenna tur minrawn pe ve a, chu chu engemawzat minrawn pek tawh hnuin a la release kimlo deuh hlek a, a release kim hunah engemaw hmabak ala awm anih pawhin kan sawi leh zel ang a, a hnathawhna hi fak deuh mawlh mawlh chi a ni a. Tin, UD & PA hi ama hun atang hian mumal takin Champhaiah arawn awm a ni tih ka sawi duh a. Chubakah vaibelchhe 11 man Indoor stadium thatak mai tunah khian hawn theihin kan nei mek a. Kan Chief Minister hian arawn hawng dawn niin kan hria a, a lawmawm khawp mai, kha kha ka'n sawi duh a ni a. Kha kha Pu Mama chan bikah chuan ni mai sela.

Tin, Pu Deputy Speaker, sawi duh pakhat ka neih leh chu kan officer-ten an sawi that duh loh a ni mai thei a, Income tax hi lak ve a hun tawh em tih hi ka sawi duh a. Mizote hi Tax pe hnam kan ni a, tunhmain Lal hnenah Fathang kan chhung thin a, tin, khamkhuai kan lakin engemawt lal hnenah kan pe a, sa kan kahin lal kan pe baw k a, tin, mi silai kan hawhin silai man kan pe baw k a, khatiang anga tax inpe hnam kha kan ni. Amaherawhchu, tunah hian kan lo changkan ve tawh hnu hian, tax hi a hranpain kan pe ta hauh lo mai a, Income Tax 1961-in pe tura a tih ten an pe a ni mai a, pelo turte pawh kha ruahmanna mumal tak khan a awm a. Hei India ramah chuan Constitution Article 342-na leh 366-na no.25-na tlawhchhan khan 1951 February ni 3 khan Governor-in thuchhuah a siam a, khami tlawhchhan khan Tribal te hi kan awl a ni, kha kha ka'n sawi hmasa duh baw k a. Tunah hian income tax hi lak a tul tawh em aw tih hi mifingte rilruah a awm tawh a. Khatih lai Governor-in Order a chhuah lai khan Mizo-te hi kan la mawl khawp mai a, lal pawh kan la nei a ni, lal pawh kan la ban lo a ni. Kan tribal ngawih ngawih mai a, khatih lai khawvelah kha chuanin tax han khawwna tlakah khan min ngai lo hrim hrim.....kan Lal te pawh puan an la veng a, tawngmawilo ni suh sela, kan zinga changkang ber pawh kha min hmuh hniam ngawih ngawih lai khawvel kha kan la ni a. Tahchuan exempt tur khan min ti a ni.

Amaherawhchu hei hun a lo kal a, Sorkarnate a hranin kan han nei a, UT kan han ni a, State-te kan han ni a, internal resource mobilization kan neih hi a ngai khawp mai. Hei tunah Budget-te kan han sawi thin a, kan budget te a pung kan han ti a, kan hotuten harsatna an zuk tawh nasat ber niawma lang chu, "in ramin a resource mobilized hi a tlem si a," tih hi a ni deuh zelin a lang tlat mai a ni. Chuvangin tunah hian income tax collection nei ve lo kan nih avanga kan ram developmentna tur Plan sum a awm theihloh dan te hi mithiam deuh hi chuan an hre deuh vekin ka hria . Tin, income tax hi la ilang chuan corruption hi heti em em hi chuan a hluar lem lovang tih hi ka ring tlat a ni. Corruption hi a veng dawn a, a chhan chu tenawm taka hausak thut tumna ang te, tin zak miah lo khawhawi te, a tul lova sum senso, sum chelek ang chi te kha a inthlahrunawm vek tawh dawn a. Hetah income tax lam atangin an mit anrawn len ve vek tawh dawn a, Inspector mit khan anrawn thlir tawh dawn a ni. Khami avang khanin hausa uchuak ho kha an tuallen dan kha a dang deuh tawh dawn a.

Tin, Chubakah Pu Deputy Speaker, a neitu nihna ang rilru hi tunah hian Sorkarah hian Mizote hian kan pu thiamlo ka ti a, tax hi pe ila, income tax hi, tuna hna an va thawhna ang chi hi chu mipuiin kan tax a ni tih chiang taka kan hriatna boruak atang pawhin a chhiat a that thuah hian kan va enzui tlat ka ring a ni. Khalaiah khan kan ngiahtuahna kha lo nei hmasa ila, thain ka hria a. Mirethei leh hausa inkar lo zau ta lutuk ang chi te pawh, mi nei hoin an neihna hetia uchuak taka an tihlan thin avangin miretheite kha an awp bet nasa ni hian ka hre tlat mai a. Chumi avang chuan hei Independent kum 1947/51 vela piang pawh ni

ila, patling tak pension rual kha an lo ni deuh reng tawh mai a. Hetiang kum chen chen sorkarin min han ngaihthiam tawh hnuah hianin Income Tax kan lak hi a hun ve tih kha ka rilruah a lo awm a, Sorkar tha nei tur leh kan changkan tak tak nan chuan tax hi kan pek a ngai a ni.

Hei tunah khan Budget-te pawh kan han thlir a, kan budget-ah sorkar hlawhtur vaibelchhe 2000 chuang daih a kal a, development-na tak tak tur chu tlem te a ni ta a ni. Central-a kan Plan kan zuk do let ve tak tak theihna tur hian chuan keimahni resource a lo awm ve a ngai a, kan do letna tur resource kan neih siloh chuanin kan hotute hian an sawi duh chiahlo na a, Plan an zuk sawi hian an zak ru ve fo hian ka ring tlat mai a ni. Chuvang chuan Income Tax-ah hian pass chi a nilo na a, kan rilrua kan lo ngaihtuah a tha. A dik tak chuan IAS mi chhuanawm tak tak, Central atanga lo chho, Mizorama deputation-a lokalte pawh hian khulamah chuan an pe ngei ngei ang. Reilo te vairama kan awmlai pawn kan pe ve tlat a ni. Khatiang kha a ni a income tax hi a pawimawh khawp mai a, chutih rualin kan hriat tur chu, Agriculture income atangte kha chuan tax pek a ngai lova, non-taxable a ni a. Tin, sumdawnge pawhin an pe dawn anih chuan heta an net profit atanga pek tur chauh mai kha a ni a, a neitu kan nihna tak takah kutah khan engkim kha a chiang thei tawh dawn a.

Minute khat chiah Pu Speaker, helai Mizorama kan tih theih a ni lova, helai kan Mizoram level-ah hian kan Taxation Department hianin hemi a zirchiang tur deuh hlek hi lo inruat ta ila, he kan Assembly-a kan pass hi chu central atanga kan amendment kan siamte anih ngawt loh chuan harsatna chu a awm ta hrim hrim a. Amaherawhchu keimahnin kan huam a, kan ti ve anih kha chuan Central hian a rawn tih ve ka ring a, he hun hi kan thlengchho palh hlauh anih chuan he kan zoram sorkar hianin a doletna tur kan ngah ve ang a, chutah chuan he ramah hian kan budget san avanga lawmnaah hian emaw sawi sawi tur kha kan ni tawh lo. Hei entirnan, Pi Mamata Benerji chuan crore 40000 a dil a Central-ah, an lo pe mai thei lova, anih chuan kan tax kan rawn chhunluh tur hi kan lo chhunglut lo hrih phawt ang a, minlo hrethiam rawh u a ti mai a ni. Khatia innawrnaah te pawh khan a tangkai ve hrim hrim a, Pu Deputy Speaker, hun min pek belh a, ka lawm e.

DEPUTY SPEAKER : Le, tunah chuan Pu C.Ramhluna.

Pu C. RAMHLUNA : Ka lawm e, thu thluaithlum lo mai ila, tan nghal tawp mai ila, a tha awm e. Demand No. 25-ah hian kal ta ila. Hei Minister zahawm tak chungah hian lawmthu ka sawi duh a. Kan sawi duh chu PHE Department hi Mizoram-ah chuan department efficient pawl tak an nih ka ring a. Mizoram min cover chak em em mai a, tuih hian a lan danin khaw 711 an covered tawh a, Mizoram khaw 777 a awm a 91% vel an covered tawh a ni a. Fully cover-in an ti a, a lawmawm hlein ka hria a. Chumi rual chuan Pu Deputy Speaker, ka han sawi duh chu an non-tax revenue collection hi ka'n chhut sak mai mai a, Statistical Hand book ah hianin a lan danin House Connection hi 50,222 an pe tawh a, chumi atang chuanin... zahnih leh sawmhnih pahnih an pe tawh a, chumi atang chuan nuai 1,665 kumin chhungah hian an anticipate a, non-tax-ah hian . Hei hi per month-ah mi pakhat zel hian cheng 276.27 an pe ang chauh kha a ni ta a, a tlem hlein ka hria. Chuvang chuan, non-tax revenue hi tih san theih niin ka hria a. Rural area-ah pawh hian 300 lakhs an beisei a, 91% hi cover tawhah inngai ta ila, 91% ang ka'n chhut khanin per household hianin Rs 16.72 pawisa an pe chauh kha a ni a. Non-tax revenue hi PHE Department-ah hian raise theih niin ka hria a, kha kha ka'n sawi hmasa duh a.

Ka bial chhungah hian Mualbu, Kawnpuiah te, Bungtlang South-ah te, Khawmawiah te hna min thawh sak dawn a, ka lawm hle a. Nimahse, ka'n sawi duh chu

Mual bukawnpuiah hian A A hi nuai 68.16 an hmuh si lai hian kumin atan hian Rs 5.61 lakh chauh kha an dah mai a. Hei hian engzat nge maw ni an thawh theih ang le, tih kha ka ngaihtuah a. Hemi an thawh zawh theihna tur law law hian dah mai sela a va'n tha awm e tih te kha ka ngaihtuah a, karawn dil duh bawk a nih chu. Bungtlang South te an khawngaihthlak khawp mai, an khua a lian ve tawh si a. Chu chu ka'n sawi duh a ni.

Demand No. 40-ah Industries Department-ah kal leh ta ila. Ka ngaih pawimawh ve em em chu an Directorate-ah hian stagnation a nasa em em mai a. Tunah hian Functional Manager 10 post an nei a, 8 post hi vacant a ni a, chumi chu hnawh khah dawn hian 25% hi promotion a ni a, 25% direct recruitment a ni a, 50% hi departmental exam atanga tih tur a ni a. Departmental exam hi ADI te, SDIO te, IPO te, PO te, EO te kha exam tur an ni a. Hei pawh hi an ti hleithei lo a nih avang khan hemi 8 post hi tunah hian hnawhkhah loh khan a awm reng mai a, officer hovin an tuar a, hnathawh pawh hi an phur lo ve tlat a ni. Industry develop kan tum dawn a nih chuan anmahni kan develop hmasak ve hi a tul lo'm ni tih kha ka ngaihtuah a. Hei hi kan Minister hian min lo hriat sak sela, chak deuh hleka hmalak dan hi a awm thei lo'm ni? Secretary pawh chak tak a nei a, kum thum lai an enkawl tawh a, helai mai mai chinfel theih loh hi chu a dikin ka hre lo tlat a.

Tin, NLUP-ah hian target hi 2010-2011-ah te, 2011-2012 ah te, 2012-2013 ah te hian 3200, 1600, 1600 tia a kal si lai hian achievement-ah hian 10,723 a ni thla fai vek hi enge a awmzia hi hriatthiam a har viauvin ka hria a. In target aia a let sawm deuhthawa tam hi engatinge a chievement in neih theih tih lai hi ka rilruah khan a awm a, chu chu ka'n sawi duh a. Nikumah khan puanthuikhawl te, mistri thawmhnawte min pe, kan lawm khawp mai. Khatiang te kha chhunzawm leh theih ni se lawmawm hlein ka ring a.

Demand No. 43, Tourism-ah hian kal ta ila, Assistant Receptionist-te 1994, 98 tih vela contract-a in lak ho kha nikum August, 2011 khan anmahni ho hi regularise-na tur khan phalna in hmu tawh kha a ni a. Mahse, waviin thleng hian la regularise loh kha an ni si a. DP&AR leh Finance atanga permission nei tawh si kha engatinge hetiang em ema muangchanga kan kal tak le? A chhan chu kan muangchan hian a tuartu an awm tlat a. Anmahni ber hi wayside restaurant te leh tourist house/lodge te min enkawl saktute kha an ni a. Anmahni avanga ei leh in thei kha kan ni mah mah zawk a. Hei hi kan ngaihtuah sak thei lo'm ni, a hma lamine, an lo nghakhlel ve hle si a, tih kha ka'n sawi duh a. An overage mai ang tih te pawh hlauhawm tak a ni. Tin, tourist accomodation te hi Bungtlangah te khan min han tih sak ve tur khan kan han beisei kha a ni a, thawm a reh leh ta vang vang viau mai a, chu chu waviinah hian ka'n sawi chhuak duh a.

Demand No. 17-ah khan kal ta ila, FCS&CA Department-ah hian. Tukin zingah khan Minister zahawm tak khan monsoon stock kan nei thei lo a tih kha keini hi a tuar ber kan ni a. A chhan chu kawng a tha lo em em mai a, khawthat laia kan inchhek khawl loh avangin tunah pawh hian Vathuampuih chuan eitur an nei lo ti tih der tawh a ni, kha kha kan dinhmun a ni a. Engpawh nise, kan Minister zahawmtakin min hriatpui thin a, ka lawm a, chuangchuan helaia problem hi han hrilh vek pawh a hrehawm a, tunah hian theih ang tawkin ka phone ve renga DCSO te, theihtawp chuan tan la turin ka ti a, kha kha minlo hriatpui se thain ka hria a. Tin, carrying contractors te 10 crores lai mai kan bat sak te hi an khawngaihthlak hlein ka hria a, hetiang ang tluka ram hmangaih tute hi an awm dawn em ni ka ti hial zawk a ni. Engtin nge leiba chungah hetiang hna an thawh theih reng mai hi, hengte hi a rang thei ang berin a pek hma

theih lawm ni tih te ka ngaihtuah a, kan dilpui a nih chu. Tin, chubakah chuan kan sawi leh duh chu hnathawh lai chung na na na hi chuanin 3 kg per week ang hianin a pek theih lawm maw ni aw, thingtlang khaah te hi chuan. Entirnan, kan Minister zahawmtak, Agriculture

changtuin buh thar tam kum an ti a, kuminah chuan an thar tam a, nikum lamah chuan kan la thar tam love an ti a, quota an ti tam theilo a, kuminah chuanin an thar tam tawh deuh si a, kg 3 tal pe thei ta ang ni ula chuan an hnathawhte pawh tlem chuan a zia deuh anga 2 kg hi chuan an khamlo deuh hlek a ni. Ni khata vawi thum chaw ei te an ni si a, chuvangchuan, helai hi ngaihtuahpui atan a tha khawpin ka hria a, chu chu ka han sawi duh a ni.

Demand No. 36-ah Environment & Forest Department-ah hian hetia alan dan mai chuan allocation hi a sang ur a, 5940.33 a ni a, nimahse earmark hi ka'n chhut chhin a nuai 5748 daih a ni a, tichuan a chuang bang kha nuai 192.33 chauh kha a ni a, salary atan hian, nuai 64.69 an mamawh a, chumi han paih thlak leh chuan 127.74 a ni a, wages atan hian nuai 510 an mamawh si a, tin OC te pawh an lo mamawh bawk si a, he department hi kumin chhung hian engtin nge an in manage ang tih ka ngaihtuah a a ni. An earmark fund atang hi chuanin engti kawng mahin department in manage theih ngaihna a awmlo hrim hrim mai a , chuvangchuan, hei hi kan Planning Minister zahawm tak pawh a awm bawk a, a dang ho hi chu centrally sponsored scheme a ni a, ti khan an mahni scheme pangai angin a kal mai dawn si a, chuvangin helai hi chu en that leh deuh a ngaiin ka hria a an khawngaihtlak lutuk deuh a ni. 192.33 lakhs kha an actual allocation chu a ni tlat a ni. Khami a nih kha chuan department inenkawl ngaihna a awm lo hrim hrim tih kha ka sawi duh a. Tunah hian ACF post 11 leh forest ranger 26 post ruak an neih mek lai kha a ni bawk si a, chuvang chuan hengte hi an fill up thei dawn lo em ni ang, tan han lak ava ngai ve tih te. A chhan chu, NLUP an enkawl bawk si a, tih tur an ngah hle dawn si a, chuvangchuan hetiang post ruak 11 ACF leh Ranger 26 hi chu hnawh khah sak atan a tha hlein ka hria a. Tin ka sawi leh duh chu hmanniah pawh amah nen pawh kan sawi thuk thuk tawh a, Lawngtlaia Forest Division Mizoram sawrkarin a enkawl mek hi, Mizoram sawrkara a awm chhonzawm hi a tha riau hriatna ka nei a. A chhan chu, Mizoram sawrkara a awm hrim hrim hian a himin ka hria a, a ram saw, saw saw kan Minister zahawmtak hian minlo hriatpui se a tha in ka hria a, anmahni kuta awm chu a tha an ti a ni maithei, mahse a him loin ka ring tlat, a chhan chu tunhmain experience kan lo nei tawh thin a, chuvangchuan hemi hi chu awm hram hram thei sela tih kha ka sawi duh a ni.

Demand No-8, Taxation-ah hian lokal ta ilang. Hei hi hmanah khan ka sawi tawh nghe nghe a, thil tam ka sawilo anga. Schedule I,II,III kha a awm a, schedule –II ah part c) leh d) a awm a, part c) hi 4% VAT an lak thin kha a ni a, part b) hi 12.5 % Vat an lakna thin kha a ni a, part-c ah hian item 110 a awm a, part d) ah hian item 155 a awm a, tichuan part c) leh part d) hi. Hetah hian government of India in instruction a rawn pek danah khan 1% theuhin Vat lo raise rawh u, an tih avang khan 4 chu 5 ah alo chho ta a 12.5 hi 13.5 ah alo chho ta a, tichuan hemi part d) a item no No.22,47,58,85,103 te hi Part C-ah 111,112,113, 114,115-ah an dah ta a. Hengho hi mipuite direct taka nghawng kha a ni a, chuvang chuanin sorkar kal ta khanin tlema an lo zangkhai theihna turin Part C-ah khan an lo dah phei ta a, khangho kha tunah hianin part D-ah dah let leh 12.5 leh 13.5-ah khan an la ta tlat mai a. Chuvang chuan, hei hi a sang ta riau mai a, hei hi khawngaih takin Taxation Minister zahawm tak hianin lo enchiang leh deuh ta sela, mipui nghawng thil a nih avangin, hei hi Dawrkaihote pawhina an demand-a kha ni a.

Pu Dy. Speaker, one minute chauh khawngaih takin. Lalenkawli, Lawngtlai, kha Parliamentary Secretary khan a han sawi tawh a, ka lawm khawpa, Lawngtlai kan chhuahna lam kha a ni a, khatianga World Cup-a rawn hawn kha, ka lawm hle a, Member zahawm tak khan a rawn sawi a. Ka lawm khawp a, Mizoram tihmingthatu leh India ram tihmingthatu a han ni kha lawmawm ka ti khawp mai a. Mizoram sorkarin theihpatawp chhuaha in lo chawimawi ve pawh kan phut a ni e. Ka lawm e.

(Interruption during Pu S. Hiato's speech)

Pu C. RAMHLUNA : DP&AR atanga an phalsakna kha chu a awm ngei ang a, approved M.R., anihna kha. Mahse a engagement a kha chu department-ah khan in engage a ni si a, DP&AR atanga seniority list lak kher kha a ngai dawn em maw nile, department khan an hre vek thei mai lo em ni ?

DEPUTY SPEAKER : Tunah chuanin Pu Lalrinmawia Ralte.

Pu LALRINMAWIA RALTE : Pu Dy. Speaker, hun min pea ka lawm e. Demand 9 lai a nih avangin a sawi vek theih loh vang a. Hei mahni bial chungchang han sawi turte pawh kan nei ve a, amaherawhchu, a inang tlang deuh vekin ka ring a, harsatna kan neihte, kan lawmnate pawh a inang tlangin ka ring a. Hotute sawi hnu han thual nawn leh mai kha kan niin ka ring a. Hei kan Minister zahawm tak Pu Mathana, Pu P.C. Lalthanliana hianin, khaw pakhat an khawtlang hruaitute Committee chanchin hi a sawi thin a. “Folding chair i lei ang u,” tia an tihtluk tawh hnuah Member pakhat a lo ding a, “Pu Chairman, chutianga Folding Chair-te kan lei dawn chuanin kawihthleh theih ngei nise ka duh e, a ti e,” a rawn ti a. Khatiang deuh hlek kha a awm avangin keiniah pawh, ka rawn thual nawn kher lo vang a.

Kan Minister zahawm tak hmalakna Demand No. 22 chungchangah hian han sawi ka duh a, abik takin he House zahawm tak kaltlang hian khawpuia kan thalai-ho hi thil hre nawn fo se ti a duh ka nei a. Kan neih phak loh leh kan hmuh phak loh thil tha tak tak kan nei a, amaherawhchu lawm nachang hriatna lamah hian kan inzirtir tam a ngaiin ka hria a, a vui vai leh eng emaw zawng lam chi hi kan uar lutuk deuh mah mah a, hei hi Mizo hnam ang pawhin kan piansual theihna leh kan kal sual theihna lai tak ni te pawhin ka hre ve tlat mai a. Dik tak chuan a lehlam zawnga han sawi chuan thingtlang constituency pakhat atanga han thlir hian chuan Aizawl veng pakhat thil baw thin hi lian ve deuh mai a ni a, chuvangin nichina kan member pakhatin a sawi ang khan chil putin kan lo thlir ve a nia, amaherawhchu hmasawna reng reng hi a mamawhtu, tin kan ram hmel leh kan hnam hmel lanna pawh, khualzinten an rawn hmuh tam pawh, infiammiten an rawn hmuh tam pawh Aizawl nge nge, Lunglei nge nge te a nih avangin ngawi rengin kan hrethiam a, kan lawmpui zel a ni tih hi, Pu Dy. Speaker, lo hria se ka duh a. A neitu, a changtute hian, hmanah ‘Khelmual tha’ tih hut hut a nih tehreng nen khan, a han tha ta cheng a, face book leh khawi khawiah emaw hetiang ringawt lo deuh hian tih tih leh si ang chi hi chu, thingtlang lama an unau, an thalai pui rilru hi hriat sak sela, chil puta kan thlir ngawih ngawih hi, lawm rawh se, tih ka ngen duh a. Kan Minister zahawm tak tak te, kan Chief Minister zahawm tak tak ten hma an lakna tuna thangtharte, thalaiten a zar an zona hi ropui ka ti a, lawmthu ka sawi duh a. Keini chu artificial grass kan mamawh ve lo va, kan bial lamah chuan natural grass a ni vek mai a, Pathian hnenah lawmthu sawi ila, phaitual hnim tha em em kan nei a. Kan mamawh ang angah min tih sak a, tunah pawh hian project lian fe fe pahnih NEC-ah ama remtihna hian min thawn thlak sak a, cheng vaibelchhe tel ve ve a ni a, chungte chu beiseina sang tak nen kan thlir mek a. Lawmthu sawi chungin chungte chu ka sawi lang duh hrim hrim a ni.

Tin, LPG chungchang, Demand No 17-naah hian enge maw han sawi duh lawk ka neih chu, nichinah member zahawm tak pu P.P.Thawla khan a rawn sawi lang zauh tawh tak nain kaihthleh theih nei tih ang deuhin ka’n thual ve leh tho a nga. MLA te, Minister-te, tute pawh hi tun ang hun harsa bikah hian nuamsa tak leh hman sen loh hung bik del dul kan ni bik lo tih hi mipuiten an lo hriat nawn hrim hrim hi tha ka ti a. Pu Deputy Speaker, he House zahawmtaka ka han sawilan duh hrim hrim chu, kan Parliamentary Secretary zahawm tak chungkua te ngei ngei pawhin hun eng emaw chen atang khan

khawnvartui thukin eirawng an bawl a ni. Chutiang chu a ni, kan ngawi reng a mikhual 40, 50 nei thin te kan nih avangin chhungkaw member 4, 5 khawsa te an buai hi chuan a hminga MLA te bial nei mikhual nei dul dul thin te kan buai dan tur hi chu min hriatpui a thain ka hria a, itsik tur emaw huphurh tur engmah kan awm hauh lova. Thil awmzia uluk taka en a internet ah te lut lut thin tan chuanin he kan harsatna hi Mizoram chhunga kan Supply Minister te inthlahdah vang leh an chak loh vang anih loh zia hi kan hre chiang khawp mai a. South India State ropui tak tak te pawh an buai em em a ni tih kum bul lam atang daih tawh khan kan hria a, state danga thil thleng kan hmu a, kan hria a, chhiar theihin a awm reng a. Chutiang anih laia awmzia nei lova, pung hluai thei chuang si lova lo sawi lo sawi hi a tul kan tih loh avangin meihawl pawh hman tul se kan hmang mai anga, thing pawh tuah tul se a awm chuan kan tuah mai anga ti zawng a ngaihtuahna hman mai hi a tha ka ti a. Thil awm tak tak thei chuang si lo, eng emaw zawng a hman tangkai tuma kan ti lutuk thin hi mipuite kan hruai sual a, e anih tak chu mawle ti a mizo kristian nu leh pa lawm taka awm mai thei tur hi tu emaw sual vanga harsatna tawh ni a kan inzirtir thin avangin lunghnurin kan inmut tir thin hi a thain ka hre lova. Chuvangin a duh tan chuan internet-ah tun maiah pawh hian han en ula, a lang vek a. India ram hi kan harsa a ni a cylinder hrim hrim pawh kan indaih lo nasa a ni tih te, a gas hrim hrim pawh kan neih sa han thun khat tur pawhin a harsa a ni tih te chiang takin hmuh tur a awm tiar tuar a ni. Chuvang chuan hengah te hian an sawi kan ngaihtlak tak ang khan mualpho chhe lutuk lova engtin tin emaw min la kalpui thei hi a lawmawm ka ti a. Harsatna erawh kan inhriatthiampui hram hram a chhel taka tuar hi mipuiten kan tih ve tur a ni a, tha lam leh dinhmun ziaawm lam kan pan dawn ni te pawhin a lang a, hmalakna a zarah kan Minister chungah lawmthu ka han sawi a ni.

Demand No. 25-na leh 36-na, Public Health Engineering leh Environment & Forests hi han sawifin tal duhna ka nei a. Tin, kan la hmabak lam ami Soil & Water Conservation Department leh kan kal san tak Rural Development, nichin khan member zahawm tak Pu K.S.Thanga khan a rawn sawi lang tawh a, convergent hi kan ngaihtuah a ngaiin ka hria. Convergent hi Department changtu Minister atanga chhuak ngawt thei pawh a ni lova. State sawrkar ang hian convergence hi kan ngaihtuah a ngaiin ka hre khawp mai. Pu Deputy Speaker, Rural Development Minister zahawm tak tirhin hman deuh lawk khan Karnataka state-ah ka zuk kal kual ve a, tuna an Chief Minister thar ta R.D Minister Pu..... a ruahmannain an district thenkhatte ka zuk tlawh kual a. State hausah leh anmahni resource pawh ngah em em an ni a kan hria a. Amaherawhchu a remchanna leh a theihna apiangah convergence hi an ti vek a ni, ni 100 inhlawhna nen. M.I department a ni emaw, PWD a ni emaw, tu an ni emaw Sericulture Department an ni emaw, Forest an ni emaw mipui tana asset siam tur hian an converge zel a ni tih hi chiang takin zuk hmuin ka inhria a. Chuvang chuan tuia kan harsatna chungchangah leh environment chhe zelah hianin heng department 4-PHE, Forest, Soil leh RD te hi converge awl tak leh tha tak leh chak taka hma kan lak theih dan awmin ka hre tlat mai a, chu chu zau taka sawrkar ang pawha kan ngaihtuah tulin ka hria a ka han sawilang hrim hrim a ni. Kan ramah hian ruah a la sur tam khawp a chawhrualin 1984 atanga 1999 data kha ka hriat a ni a, a thing deuh hlek a khatih lai khan kum khatah district hrang hrang chawhruah hian 92 inches vel a sur a, a tam khawp mai a. Pu Deputy Speaker, a tlang ka'n kawm lawk ang a. Sur dur dur mahsela ram ngaw a chereu hi chuan leilungin ruahtui a pawm theihna hi a chhe vek thei a ni tih hmanah khan mithiamte sawi hi kan lo sawi chhawng ve ringawt a, Cherapunji te kan sawilang a. Saw Phulpui Zawlpala Thlan Tlangte pawh saw an lo sawi ve chiah mai a, a chereu hman tawh a an han tingaw leh a, mahse alo chhe thui hman aniang a tuihna hi a tam phah rih chuang miah lo an ti a. Chuvangin a chhe nasa thei riau mai a, rain water harvesting te nasa taka kan tih a percolation tank kan tih ang chi te, check-dam ang te nasa taka siam tur hian Department, hrang hrangin kan tha kan thawh a, ngaihtuahna tak tak nena kan ram hi kan enkawl loh

chuan tui changah kan harsa lovang a, leilung pawh hi a chhe vek ang a. Chuvangin convergence zawnga chak taka kal turin a kap tu nih chan tum bik lutuk lovin Department-te pawh hian Department dangte nena chakna sawhkhawm hi ching ila a tha khawpin ka hria a, kan sawilang hrim hrim a ni. Tichuan Pu Deputy Speaker, hun ka hmang pel deuh hlek a Demand 25,40,43,8,22,46, leh 48 te hi tha ka ti a, he House zahawm tak hian pass pui ngei turin ka support a ni, ka lawm e.

* Speech not corrected.

DEPUTY SPEAKER : Pu Nirupam Chakma maw, ilo sawm ang.

Pu NIRUPAM CHAKMA : Pu Deputy Speaker, ka lawm e. Department 9 sawi tur a ni a, sawi hman loh chuan sawi tur nei lo tih a ni leh a. A hmasa berin Food & Civil Supplies chungchangah Session hmasaah pawh ka sawi a PDS distribution chungchangah khan. Kan thenawm State Tripura hian India ramah pawh PDS-ah titha pawl a ni tih kan hria a. Public Distribution hi Retailer hmanga buhfai semchhuah hi an tih dan hi zir ila ka ti a, Minister-ah pawh ka sawi tawh a. Tripura tihdan hi Retailer-in buhfai a khul rualin a commission kha a hmu tlat a ni, hei Mizoramah engati nge kan tih theih loh ? Nichinah Carrying Contractor bill bat chungchang zawhna leh chhanna hunah kan hre tawh a, more than 10 crore kan ba a ni a, Retailer-ah pawh tam tak kan ba a ni. Kan hriat theuh angin Retailer-te hi an dinhmun hi a tha vak lova, bill a tan rei chuan a problem lehzuah a. Chuvang chuan kartina quota khul rualin a commission tur chu sorkarin a minus thei lo em ni ? Tripura tih dan hi zir ila, a harsa vakin ka hre tlat lo mai. Hmanah pawh ka sawi tawh a, tun thlengin kan policy hi kan thlak thei lo, Mizoram chu mak tak a ni Pu Deputy Speaker, hei hi zir chiang ila. Tin, an tih dan chu thla khat quota an pe a, thla khat chhungin duh leh kartin khulin Kg 1 te emaw Kg 2 te emaw pawisa neih azirin. Mizorama kan tih dan chu kar khat quota kan pe a, kar khat chhungin ka khulh theih loh chuan Retailer te khan an zuar mai a ni. Subsidy-a buhfai hi pek a ni a, Retailer te zuar mai mai tur a nilo. Chuvang chuan he kan kal dan pawh hi ngun takin ngaihtuah a ngai. Kan hre theuh mai a Retailer te buhfai zawrh hi. A chhan chu engemaw chenah thenkhatin an khul thei lova, an zuar a ni. Kha kha chu Sorkar hian en a ngai a ni.

Tin, Pu Dy. Speaker, Gas chungchang hi sawi a tam tawh a. Mualkhang Bottling Plant chungchangah te pawh. Keima mimal ngaihdan chuan Sorkar hian harsatna a sawi tur a ni lo. Engatinge 50 lakhs ah kan buai ang. Minister-in kha kha a chingfel thei lo em ni ? IOC pawh 50 lakhs vangin Mizoram a tibuai tur a ni lo. Pawisa hi an pe tur a ni. A chhan chu land acquisition a ni miao si a. And the D.C has given a worth of 50 lakh. The IOC should give the money. Statutory dan hmangin Land Acquisition siam a ni a. Chuvangin, chhuanlam engmah a awm turah ka ngai lo. Khawngaihtakin, Minister pawh hian khatiang kha sawi suh se. Mizoram mipui hian an ngaihtiam lovang.

Pu Dy. Speaker, sawi tur a tam a. Tourism ka'n sawi leh ang a. Excise leh Tourism hi an inzawm tlat avangin sawi a ngai tlat. Tourism Development tih tak tak kan duh chuan Excise pawh a tel a ngai a. Chutilo chuan a tih tak tak theih loh. Khawi ramah mah hlawhtling a awm lo. I was a Tourism Minister for quite a long time. I traveled many places. Mizoram Dry Area anih kan han sawi chuan, an beidawng tlat thin. Otherwise we have to shift the policy. Spiritual Tourism pawh a tih theih a. Amaherawhchu, chutiang ti tur chuan Kohhran lampang Programme siam a ngai a. Chuvang chuan, the people of Mizoram has to decide. Government ringawt nilovin, mipui hian decide a ngai. Tourism atangin negative factor pawh nasa tak a awm thei a. Hlahna te pawh kan nei ang a, thil tihsual pawh a awm ang. Tourists hian thil tha lo tam tak pawh an thlen thei tho a. Thailand ram khu en ila, 1993

khan Thailand-ah ka kal a. Khatih lai khan 7% world tourist kan hmu tlat a ni. Khang lai khan India ramah 1% tourist pawh an lo kal ngai lo. Amaherawh chu, problem tam tak an nei a. Thailand ram pawh Tourism-ah a innghat nasa em em a ni. Tourist tam tak lokal ta se, nakinah chuan kan duh leh lovang. Chuvang chuan, if we really wanted to develop the region, Mizoram pawh a tih theih a, mahse, we have to give some infrastructure, accommodation te. Zu chungchang ka sawi avang hian, zu in thinah min ngai suh u, ka in miah lo a ni. Amaherawh chu, ramin a mamawh anih chuan ka sawi mai a ni. Hei hi chu level of discussion a ni a.

Tin, Pu Dy. Speaker, Information chungchangah he department hi sorkarin, kan sorkarin hmang tangkai dan kha hei aiin nasa zawkin tih a ngaiin ka hria. Website ringawtah pawh Mizoram department hrang hrangah Website tun thlengin department zawng zawngin a neih theihloh pawh thalo ka ti. Tin, a nei pawh a update chuango. PWD website en ula, enge thil thar awm? Department dang pawh khatiang tho website neih ringawt hi a tawk lo, update a ngai. PHE chu an neih leh neih loh pawh ka hrelo. Chuvangchuan, Information Minister-in khawngaih takin Mizoram department zawng zawng website address min pe rawh se. Chutilo chuan information a chak theilo. Tin, PIB hian India sorkara programme hi hei a bik takin Prabhati programme puanzarna publicity programme hrang hrangte kumtin an siam a. Khatiang chuanin Mizoram sorkar programme kalpui dante pawh Information & Public Relation Department hmangin mipuiah puanzarna publicity kha programme siam thei se, chumi atan chuankha an mamawh dawn. Publicity kha tunah an nei manglo tluk a ni a, Information department hian. Nichinah zing lamah kan member zahawm tak ten an sawi ang khan tunhma chuan T.V. te an sem a, Radio te an sem a, nikum atangin a tawp daih a ni. Engatinge? Mipui mamawh lo tihna a mi? khatiang te te te pawh tihtawp sak chu ka hrethiamlo. (DEPUTY SPEAKER : Nikum atangin a tawp i tia? Nikum hmasaah te T.V. te an la sem em ni?kan sem ve hleinem) a duh zawng chu tlem tlem sem mai thei a. Mahse, keini bial chuan kan dawng chuang lova. Tin, Information & Communication hi hei achievement ropui tak tak a awm a, nakinah Minister-in chipchiar takin min hrilh sela hei technical ka sawi lovang a.

Sport-ah lawmthu tam tak sawi a ngai, bialtu angh pawh. Achievement ropui tak tak a awm rualin, lawmthu han sawi keinitan pawh sawi a ngai, Pu Deputy Speaker. Artificial grass phah vang niloin, state gallery siam vang nilovin, kan bialah nuai 3 leh tlem Sport department hmanga Football leh ground min laihsak anih avangin lawmthu sawi a ngai. Hei aia nasa zawkin lawmthu sawi theih nan kuminah min ngaihtuah a ngai a ni. Ka lawm e.

* Speech not corrected.

DEPUTY SPEAKER : Tunge han sawi leh tur awm? Pu Joseph Lalhimpuia maw? I lo sawm ang.

Pu JOSEPH LALHIMPUA : Pu Deputy Speaker, ka lawm e. Demand No.46-na – UD & PA chungchangah tawi te han sawi hmasak ka duh a. Khawpui chhung District Capital a hmalakna hrang hrang te kan sawi seng lovang a, a lawmawm hlein ka hria a. Chumi piah lama kan sawiduh chu hei Mizoram budget tuna kan budget kan pass tur ni miahlo Central Ministry-in a North-East tana a bika a year mark 10% lumpsum grant kan tih hmangin hmasawna tam tak kan ramah min rawn thlen sak a, a lawmawm hlein ka hria a. Hei hi UD & PA chauh nilo department dangte pawh hian hman tangkai thiam a pawimawh hlein ka hria a, Pu Deputy Speaker. Kumin Central Budget kan en chuan, 10% chu a tlinglo

deuh vekin ka hria a. Ministry 50 chuangah 8.something 9.something percent North-East tana year mark a ni a. Anmahni plan mila kan dil a, kan hmuh mai theih a ni. Hei hi UD & PA ah hian nasa takin vaibelchhe tam tak kan hmu thei a, a lawmawm hlein ka hria a, lawmthu ka han sawi a. Hei Lunglei-ah pawh Convention Centre, 20 crores dawnlai man te nikum kum tawp lamah khan bul kan tan a. Kumina peih tura ruahman hi a ni a, amaherawhchu, fur ruahtui te a tlak rei deuh avangin kan peih hmanlo mai thei a. Engemaw chen a kal tawh a, lawmthu ka han sawi a. Nakinah Minister khanin a tawp lam a rawn kharnaah Shopping Complex dinhmunte pawh kha min han hrilh thei se la, a lawmawm.

Tin, Demand No.22-na, Sports & Youth Department chungchangah tawi te han tarlan ve leh ka duh a. Hmanni deuh lawk khan kan senior member Dr.R.Lalthangliana, leh kan member zahawmtak Pu T.T. a thiltha tia inchona kha a awmin ka hria a, a lawmawm hlein ka hria a. Hei hi political party pawn kan din chhan leh keini te pawn politics a kan luh chhan a ni a, ram tana thil tha tih kha, thil tha tih a endiktu tur chu mipui an ni main ka hria a. Sport-ah pawh hian a endikna chu tam tak awmin ka hria a. Pu Dy.Speaker, i phalnain hei kan bial Electric Veng Lunglei-ah (Lungleiah sawn a Veng lian berte zinga mi a ni a) Dt. 26/7/2012 zanah khan V.C. leh NGO hrang hrangte, YMA,MHIP,MUP leh Sporting Club ten meeting an lo nei a, an thuchhuak tawi te hi i remtihain ka'n chhiar teh ang. Electric Veng Lunglei Mual laih thar chungchangah Electric Veng V.C leh NGO, YMA,MHIP,MUP leh Sporting Club join meeting Ni 26/7/2012 zana neih chuan uluk taka ngaihtuah hovin kan Veng Mual thar hi Pu Lal Thanhawla Mual, Electric Veng Lunglei tih ni se, tiin a rel a, khawngaihtaka min lo pawmsak a, a hlawhtlin theihna tura hma min lo laksak turin ka ngen a che. Pu Lal Thanhawla Chief Minister zahawmtakin district tana hmalak leh hnathawhte ropui kan tiin kan chhuang takzet a, bialtu MLA kaltlang a kan khawtlang hmasawna hrang hrang kan hmuhte hian V.C. leh NGO hruaitute chuan lawmthu kan sawi a ni. Kan Mual thar tur pawh hi hma min lak saktu Pu Lal Thanhawla hming chawi ngeia tih nise kan duh a ni. Tih kha pawl hrang hrang President-te hian seal nen hming an sign a. Pu Dy.Speaker ka han tarlan duh chu thil tha tih leh thil thalo tih hi he House-ah te leh political party hrang hrangte hian kan sawi thin a, kan sawi duh zawng a inang lo khawp mai. Hmanni lawk khan kawng chhia ni a an sawi chu lei chhung pawngin chirhdum an siam a Buh an phun a, chu chu political party pakhat thil tih a ni. Party pakhat chuan Hospital building sak mek a tha tawklo ve tiin brick an rem tawh te an chhu chhia a, chutiang chu party thenkhat kalphung chu a ni. Amaherawhchu, NGO hrang hrangten hetiana khawtlang aiawhin a mipuiin hnathawk tha an tih kan hotupa ber kaihhruaina hnuaia han awm pheih chu lawmawm ka ti a, an dilna hi bialtu MLA ang chuan kan han pawm em em khawp mai a, kan Sport Minister zahawmtakin min lo chhinchhiah sak sela ka duh a, tawi te in ka han tarlang a.

Tin, Pu Dy.Speaker, Demand No.48-na Information & Communication Technology chungchanga han tarlan duh ka nei a. Hmalakna chi hrang hrang kan Parliamentary Secretary member zahawmtak khan nichinah a sawi tawh a, ka tarlang tawh lo anga. Hmaherawhchu, State thuneihna piahlam pang company Airtel-te, Reliance-te, Aircell-te a bik takin BSNL-te pawh hi kan sorkar hian nasa zawka min enpui a pawimawh hlein ka hria a. Hei Optic Fibre, OFC-te an ti a, lei hnuaia phum a ni a, a phum dan turah chuan metre 1.6 a thuka phum tur a ni a, hemi cable line phum hi metre khat chu sawiloh feet khat feet hnih velah te hian an phum mai mai a, a then chu phum loh te hian an zam mai mai a ni. Hemi avang hian leiminte leh kawng engemaw tlema han siam thatah te hian line tam tak a lo chhe leh a, hei hian computer hmangte, internet hmangte, tin, social net working-te kan uar tawh a, twitter-te, face book-te, mi tam takin kan hmang a ni khawi khuaah pawh. Amaherawhchu net work broad band ber a awm mumal loh chuan, nichina member-ten an

sawi ang khan Gas chungchangah pawh harsatna ber pakhat chu connection nei lova Gas hmang kan tam a ni tih kha a ni a. Chutiang a nih avangin hemi chungchang hi khawngaihtakin a changtu Minister khan min enpui sela ka duh a. State thuneihna piahlam pang a ni mai thei a, amaherawhchu, hma min laksak kha ka duh a, hetiang a nih loh chuan In tinah internet connection te kan neih hun a la thleng ang, institution-ah te, sorkar office-ah te pawh kan hman a la ngai ang. NLUP ah pawh khawtin a internet hmanga report pe thei tura siam a ni, mahse, net work lampang hi a that loh chuan nakinah harsatna kan tawk dawn a, hei hi ka ngaipawimawh khawp mai a ka han tarlang duh a.

Tin, Demand No.17-na Supply-ah hian caring contractor-te bill kha tun sorkarah chuan seniority anga pek a ni tih kan Minister zahawmtakin a tarlang a, tin, monsoon stock-te pawh monsoon stock hranpa siam loin management fel tak siamin kan stock tam hi chuan harsatna a awm thin a, kan in veng seng lova, chuvangin management fel tak tiin khawiah mah harsatna lutuk thleng lovin kan kal thei e nikum hmasa atang khan a ti a. Pu Deputy Speaker, hei hi Sorkar pawhin Election Manifesto-a kan neih Good Governance kha a ni mai lawm ni ka ti a ni. Management fel taka ruahmana rorelna siam hi a ropui hlein ka hria a. Tunhma lamin a thei fa te leh a ti thei te'n carrying contractor bill-te pawh la hmasa thei te pawh an lo awm a ni mai thei a, amaherawhchu, he Sorkar-ah chuan chutiang a ni ve lo a ni tih te kan han hria a, a lawmawm hlein ka hria a, ka han tarlang duh a.

Demand no. 25-na PHE chungchangah lawmthu sawi tur tam tak kan nei a. Ka bial chhungah Hlumte kea kal ngai a ni a, kan Social Welfare Minister zahawm tak hmalaknain Article 275 hnuaiah kawngte min laih sak a km 8 dawn lai ke-a kal ngai thin kha a ni a.

Hmanni lawkah an upa-te 3 velin hnuk ulh teuhin telephone-in lawmthu te an rawn sawi a, 'Ka pu, kan vengah chuan pipe-in tui a haw ta e', an rawn ti a, kan PHE Minister hmalakna a niin a lawmawm hle a, chutiangin Dawnah te pawh tui min lak sak baw a, lawmthu ka sawi e. Tin, Session hmasaah te ka sawi tawh a, kan Chief Minister zahawm takin inthlan dawnah Leite-ah leh Rotlang 'E'-ah tui laksak min tiam a, chu chu tunah hian kan PHE Minister zahawm takin hma min laksak mek a. Amaherawhchu, a line phum leh eng emaw fel lo te a la awm a, tihthat ngai te a la awm a, hei hi a hma lamin min ensak se ka duh khawp mai a, tui kan mamawh ve tawh khawp mai tih kha ka han sawi duh a.

Aizawl Water Supply Scheme Phase - II chungchangah te pawh hmasawna tam tak kan hmu a, kan member-te'n an sawi tawh a ka sawisei lovang a. Lunglei pawh saw Pu Deputy Speaker, tui kan indaih lo khawp mai a, tuna kan hman mek saw Congress Sorkar hmasa hunlaia siam kha a ni a, mipui kan tam chho zel a. Khawpui chhungah pawh tui connection la nei lo tam tak veng tam tak, veng engemaw
zat hmun
thuma thena hmun khat dawn lai an la awm a ni. Chungte chawm zo thei tur chuan kan Sorkar veleh khan plan kan hotute'n an siam a, vaibelchhe 12 dawn lai Doner Ministry pawhin min rawn pawm sak tawh a. Amaherawhchu, tui hnain a tlin dawn loh avangin min rawn pawm sak tawh kha DPR-te an zuk submit hnuah sanction kan hmu thei ta lo va, a hrangin lo siam rawh u min ti a, Lunglei Greater Water Supply Scheme-II kan ti dawn nge ni Phase-II kan ti dawn siam a ngai khawp mai a. Nikum lamah khan Mat atanga pump a Zobawk-ah, Theiriat tlangah, chuta tanga pek

let leh dan tur te chu ruahmanna an siam a, engchen nge ni kha an ruahmanna siam kha a thlen tak? kan Minister hian priority min pe thei sela tih kha ka han duh a.

Tin, PHE chungchangah chuan ground water - tui pump kan tih khaw tinah tui connection la neih lohna khuaah kan hmang tangkai khawp mai a, a bik takin thal laiin kan hmang tangkai zual a. Amaherawhchu, a chhia siam that a ngaih hian Aizawl-ah hian Sub-Division pakhatin Mizoram pumpui hi a la enkawl niin ka hria a Pu Deputy Speaker, a buaithlak khawp mai a, a spring leh eng emaw te tak te siam ngai a awm pawhin an kal chhuak hleithe i lo a ni. Hei hi Aizawla a awm bakah hian Chhim lampang bial turte hian Lungleiah te hian enkawltu tur dah dan a awm ang em, an tihlen theih loh pawhin Aizawl-a awm tal hi tilian sela, chu chuan khawtlang tui pump-na ringa khawsa tam tak khaw tam tak an la awm a, a chhiata siam har a nih hian a buaithlak thin si a, chu chu ka han tarlang duh a kan Minister zahawm takin hma min laksak sela.

Tin, a tawpna ber dawttu-ah chuan Pu Deputy Speaker, demand no. 36-na Environment & Forests chungchangah hian kan Chief Minister zahawm tak hovin HPC meeting-ah an pass tawh a. Botanical park Saikhalh, tunah hian vaibelchhe 24 sengin project-te kan han siam a, State department-in an buaipui dawn mek niin ka hria a. Tin, Bio-diversity and Eco-Tourism Sairep hmunah siam kan tum bawk a, hei hi vaibelchhe 7 a ni a, tunah hian Department lampangte nen chuan project-te DPR-te siam-in Central lampang pawh an dawr mek niin ka hria a, hei hi kan Environment & Forest Minister zahawm tak hianin min ngaihpawimawh sak sela ka duh a. Sawi tul vak tawh lo chu a ni nain nikum kumtir lampangah khanin Tribal Affairs Ministry-ah kan thiante kan zuk bia a, pawisa an neih dan te, an neihna head-te kan zuk zawt a, chumi mil chuan Lunglei-ah pawh hianin Forest Department kaltlangin project-te kan siam a. Chu chu, Forest PCCF Office-ah lo lutin chuta tanga Social Welfare Department-a thehluh tur leh chu a ni a, a kalkawngah kha a bo ringawt tawh mai a, Central lampang phei chu a thleng lo tawp mai a. Veng tinah khaw tinah survey-te neiin hah takin project-te kan siam a, khu lampang a sanction thei tute kan hotute kaltlangin kan lo be ei ve tawh lehngal a, khatiang kha tuna Botanical park, Saikhalh leh Bio-diversity and Eco-Tourism hi chuan thleng tawh lo turah ka ngai a kan Minister ka'n ngen a.

Pu Deputy Speaker, a tawpna berah chuan Demand no. 43-na Tourism Department chungchang an hmalakna tam tak a fakawm a, hmalak belh ngai tam tak an nei a ka sawi tawh lo mai ang a. Ka sawi duh chu kan thiante Member zahawm tak takten an sawi ang khaan hei LAD Departmentin District tinah tih theihin District Park te a siam a, District loah pawh hmun tam takah park te a siam a. LAD leh Tourism te pawh hi convergence kan neih a pawimawh hlein ka hria a. Tourism-ah cent percent fund kan nei a, hmun hrang hrangah khaw hrang hrangah Tourist Lodge kan sa a, amaherawhchu a enkawltu kan la thei lova. Sak zawh tawh pawh hawn theih loh in vawiinah pawh hmun tam takah a awm a ni. Chuvangin Department dang te nen pawh convergence nei ila, mipuiten heng hi hmang tangkai ila tih kha ka rawn sawi duh a. Tichuan Demand No- 25-na leh 40-na te, 43-na te, Demand no. 17-na te, 36-na te, tin, demand no. 8-na, 22-na, 46-na, 48-na te kha ka support a ni tih ka rawn tarlang duh a ni e, ka lawm e.

DEPUTY SPEAKER : Awle, khi dar 4:00 rik hmain Member pakhatin in la sawi thei. Tunge sawi ang le? Sawi tur in awm tawh lo em ni? Aw, Pu Zothangliana, ilo sawm ang.

Pu H. ZOTHANGLIANA : Pu Deputy Speaker, ka lawm e. Demand no. 46-na, UD&PA chungchangah khan sawi tur a tam khawpin ka hria a, vawiinah chuan ka sawi teuh lo mai ang a. Thil pakhat lawmawm ka tih em em chu EWS Housing Scheme atangin kan Minister chak tak hian mirethei zawkte, tanpui ngai harsa zawkte tan hmun hrang hrangah te, District Capital hmun hrang hrangah te, Aizawlah te in min sak sak a, a lawmawm ka ti a, chumi chhonzawmna angreng deuh chu niin ka hria a RAY(Rajiv Awas Yogana) kan nei leh dawn bawk niin a lang a. Kan Budget-ah khan token provision nuai 1 lek dah niin ka hria a, hei hi a bik takin keini lam chuan kan nghakhlel khawp mai, tlumtea thlir takin kan lo thlir a ni tih kha ka sawi duh a. EWS Housing Scheme-ah khan Lawngtlai District bik hi khatih hunlai a Census Town-a a capital Lawngtlai ber hi puan tel a lo nih loh avang khan kan lut ve hman ta lova. RAY-ah hi chuan a hmasa lamah min telh ngei theih kan beisei hle a, churang chuan kan nghakhlel hle a ni tih ka han sawi duh a ni.

UD&PA pawh hianin hmalakna duhawm tak tak an nei teuh mai a. Entirnan, PHE nen te pawh hian an inhne tha tawn khawp mai a. An thawhhona a tha a, ADB atanga loan hmang te pawhin SIPMIU kaltlangin service reservoir kan tih, tha pui pui lian tham tak tak chhawr nahawm tak tak tur liantham tak tak an siam teuh tawha, an la siam lehzel dawn bawk a, hengte hi thil lawmawm tak niin ka hria a. Tin, Aizawl hi Solar City a siam turin bul an tan mek a. Hna an thawk chho mek niin ka hria a, hengte phei hi chu a that tur zia leh a chhenfakawm tur zia te chu sawi tam ngai lovin a Chiang mai awm e.

Hun a tawi deuh avangin demand no.8 Taxation ah kai ta ila. Kan Minister zahawm tak hian he department a lak atangin hna a thawk nasa hlein ka hria a. Kut hnathawktute mahni thar chhuah ngei process tute, Zawलाई siamtute tan chhiah lak tlem hi Zoram tan a tha a ni, tih ngaihdan neiin chutiang chuan hma an han bung chawta, chumi azarah chuan Zawलाई buaiputute hma pawh a eng deuh sawt niin ka hria a, a lawmawm a. Taxation chungchang han sawia rilrua awm ve deuh pakhat erawh chu mithiam zawkte, kan u zawktena an han sawi danin, State puitling zawk leh State lian zawkah te chuan Taxation department hi department lian ber pawl a ni deuh vek asin mawle, an tih laiin Mizoramah erawh hi chuan kan thuam dan hi a la tawklo hlein ka hria a, tam tak revenue min lak khawm saktu anih rualin kumina he department puala pawisa kan han dah theih pawh hi a tam tham lo khawp mai a, hetiang ang lo deuh hian hmalam zelah chuan thuam that ve deuh ni thei sela. Kan Zoram tan hian a tangkai lehzualin an thawh hlawk lehzuang tih a beisei awmin ka hria a, chu chu ka'n tarlang tel zawk duh a ni.

Demand no 22, Sports and Youth Services Department ah hi chuan sawi sawi pawh a ngai lem em ni ? tih tur khawpin kan Minister hmalakna a tha a, a fakawm kan ti tlang a ni. Keini bial Chhim kil tak takah te pawh hma min rawn lak sak in ka bial chhunga khaw pakhat Archhuangah chuan cheng nuai 10 lai mai sengin field tha tak mai min lai h saka kan lawm khawp mai a, chutih rual chuan kan Minister hian ngaihtuahnaah min lo khung sak se tih ka duh em em mai chu kan bial veah hian Sangau hi kan khawpui ve ber pakhat a ni a. Civil SDO hmun te pawh dah ve tawhna kha a ni a, Sangau leh Bualpui "NG" ah te hian Mini-sports Complex te hi min ngaihtuah sak ve thei sela kan duh mange aw, kan hlawkpui hle ang, a hmun hma te pawn a zir bawk a, a awm ve em em a, a mihring

tam lama han chhut te pawhin chutiange chu rilrua min neih sak theih a, min tihhlawhtlin sak kan beisei em em a ni.

Information & Communication Technology chungchangah chuan kan thian thenkhatten an tarlan tawh Mizoram State Wide Area Network hi tihhlawhtlin a, phuisui taka kalpui anih theih thuai a nghahlelawm khawpin ka hria a, hemi kawngah pawh hian theihtawp chhuahin an tang mek niin ka hria a, nghakhlel takin kan lo thlir a ni tih ka sawi duh.

Tin, Demand No. 17 - Food, Civil Supplies & Consumer Affairs ah hian sawi tur a tam mai a, amaherawhchu, kan sawi vek seng lovang a. Mahni bial bikah han lut ta chat ila, Sangau-ah pawisa eng enge maw remchang hmangin kudam tha takin min repair sak a, lawmawm kan ti khawp mai a. Chutih rualin an quarter neih ve chhun pahnih te chu a chhe hle a, a luah tlak tawh lova repair a ngai em em mai a. Tun kan budget-ah hianin repair & maintenance of office/go-down tihah hian cheng nuai 19 lek hi a awm thei tawk tawka heta tang te hian ngaih pawimawhah kan Minister zahawm tak hian min lo neih tel thei hram hram se kan mamawh em em a ni tih ka sawi duh a. Tin, kan bial chung hmun khatah leh bial dang dangah te pawh Central Sorkar atangin sum a zuk dil chhuak a, cheng nuai 58 vel lai sengin Go-down lian pui pui sak a ni dawn ta te hi Mizoram tan hmasawna duhawm tak a ni dawnin ka hria a, kan Minister hi a fakawm ka ti a ni.

Sangau-ah Gas Agency pakhat min dahsakin amah ngei hian kumin kum tir lam khan min hawn sak a, tha takin an function nghal nghe nghe a, lawmawm kan ti takmeuh meuh a ni.

Demand No. 36-Environment & Forests. Hei hian thiltih lian tham tak tak an neih teuh rualin langsar lutuk lemlo mahse a bikin thingtlang lam mitena lawmawm kan tih em em chu Gas Connection-te mi harsa zualte hnenah, mi engemaw zat hnenah an pe a, keini Phawngpui National Park leh Ngengpui Wildlife Sanctuary hnaih amite pheichuan nasa takin an chhawr tangkai a, a lawmawm kan ti em em a ni tih hi ka'n sawitel duh a. Chu mai bakah chuan hemi chhehvela awm tanpui ngaite Ar vulhtute, Vawk vulhtute leh midang dangte tanpuina pawisa faite pawhin cheng tam tak an pe thin a, hengte hi thil lawmawm tak a ni. 8th Schedule-ah hian Maintenance of Forest atan hian Rs. Nuai 4280/- lai mai 13th Finance Commission atanga an beisei hi an tarlang a. Hengte hi a tak taka an dawn theihna tur chuan kan mithiamte, kan officer te, kan Secretary te nen theih tawpa an umzui an tan a ngaiin ka'n ring ve ringawt a. Budget bu ah te hial lang tawh bawk mah sela, hei hi an umzui a hlawhtling a, hlawhtling lo thei te pawh a ni ang tih ka rin avangin chu chu ka han sawilang tel duh a ni.

Tin, Maintenance and Development of Zoos, Sahuan enkawl na atan Rs. Nuai 96 leh singriat sang ruk vel an nei a. Hengte hi tangkai taka an hman kan duhsak khawp mai. Phawngpui National Park leh Ngengpui Wildlife Sanctuary hi Lai Autonomous District Council hotuten, 'keimahniin kan lo enkawl ve tawh ang e, mithiamte pawh kan nei ve ta e, min ring ngam rawh u, kan kuta a awm hi a hun ve ta', tiin anrawn dil mek a. Kan Minister zahawm tak pawh hian a thuphungin chu chu tha a ti niin ka hria a. Lawngtlai West lam bialtu pa ngaihdan ang lo tak khan kei chuan anni ho hi an rinngam awm tawh a. An ta a ni a, an ram a ni a. Enkawlna tur hian i ring ngam ang u ka ti a ni. An lo enkawl thiam lo a, an tikhawlo palh deuh a nih chuan an mawh ni mai sela. Spoon feeding mamawh kumkhua anga inngaih tlatna rilru ang hi a fel love, an kutah i hlan ve tawh ang u, tih hi ka ngaihdan a ni a.

Chutiang ang a nih theihna tura chak zawka hma min lakpui, min kalpui pawh ka duh em em a ni. Chungte sawi chuan wawiina kan Minister zahawm tak tak pathumte Demand for Grants hi ka thlawp a ni tih ka han sawi ve a ni e. Pu Deputy Speaker, ka lawm e.

DEPUTY SPEAKER : I thiam khawp mai, khi a hun i pel miah love. Dar 4 a ri a, kan hun a tawp a. Engpawh ni sela, Demand sawi a nih avangin kan sawi chhonzawm lo thei lova. Mahse, dar 4-ah hian thingpui in turte an buatsaih a, kan in lawk ang a. Dar 4:30 ah kan tan leh dawn nia.

4:30 PM

S P E A K E R : A tantu Pu Piana kha hun dikchiah mai khan an tawp thei a, adang pawh hi hun dik taka tawp kan awm nual mai a, kan thiam khawp mai. Pu Piana kha vawn sa sawi ang char char khan an bei a, minute 10 chhung khan a khung teuh hman a ni. Tunge han sawi leh dawn le? Pu Lalrobiaka.

Pu LALROBIAKA : Pu Speaker, ka lawm e. Vawiinah hian kan thianten tam tak an sawi tawh a, sawi ve loh mai kha a tha zawk ang emaw ka tih rualin thil eng eng emaw a tawi thei ang deuhin han sawi ve ka'n tum anga. Chutih rual chuan Pu R.L. Pianmawia i fak ang tho khan fak tlakin sawi ve kan tum dawn a ni. Awle, Demand hrang hrang kan han tih tur hi department 9 lai a ni a, sawi kim vek sen a niin ka ring lova. Chutih rual chuan Public Health Engineering (PHE) ah hian kan tan ve anga. Hei khaw hrang hrang tun kan term chhung hian nasa takin thingtlang khua a bik takin kan bialte sorkarin min duhsak a, Tui in tur nei thalote kha vawiinah chuan Tui in tur tha nei khua kan lo ni ta a. Hei hian thui takin kan nun a tichangkang dawn a ni tih hi chiang takin alang a. Tui in tur thianghlim awmlohnaah chuan changkanna a awm thei lova. Hriselna a awm thei lova, hriselna a awm loh chuan changkanna a awm thei lo a ni. Vawiinah hian heng zawng zawng min petu kan sorkar chungah hian kan bial mipui aiawhin lawmthu ka sawi duh a ni. Tin, Pu Speaker, PHE kan sawilai hian Forest Minister zahawm takte pawn min hriatpui tur duh pakhat ka nei a. Tunah hian kan sorkar chaknain West Phailengah cheng vaibelchhe kua (9) aia tam zet mai Water Supply Scheme min han pe a. Chu chu Teirei atanga Phaileng pump chhohna tur a ni a. Tunah hian Forestah sanctuary-ah pipe line kal a ngaih avangin tunah hian file an kal mek a. Chung chu a rang thei ang bera min rawn phalsak a, min rawn tihfel sak turin kan request duh a. Tunah chuan engkim PHE lamah chuan tihfel a ni tawh a. An rawn tihfel hunah Forest-in mipuite tan, mipuite service kan nih anga kalpui chhoh mai turin PHE an inpeih reng a ni tih kha ka sawilang duh a, kan Minister zahawm takte leh helai kan Official-ten min lo hriatsak turin ka duh che u a ni.

Tichuan, Demand 40 naah khan Industry. Industry-ah hian nikum lamte en chuan kan Budget kha a chhuanawm vakloh laite pawh a awm a. Amaherawhchu, Industry-ah te, tin, thil chi hrang hrangah nikum lama mi kha kuminah hian a sang tur emaw a hniam tur emaw tih a awm chuang lova. Kan hna azir te, a nature atanga chhuta a tha tawh tur kan hotuten an ruahman hi a thain ka hria a. Tin, kan Minister zahawm tak, chak takin a hmalakna te tin, kan House Leader, kan Chief Minister nibawkin hma min laksakna te, a bik takin Industry-ah hian lawmawm ka ti a. Tute mahin an chanvo hmuloa an awm phal lovin Industry-ah pawh hian Public Sector Unit ho Six Unit kan han tih thleng pawhin duhsakna hlanin an awm a.cheng 818 lakhs lai PSU ho hlawh atana an lak ve theih turin dah a ni te kha a finthlak ka ti a. Tute pawh inenhranna awm lova duhsak taka kan Budget a kal chho hi a lawmawm ka ti a. A bik takin a changtu Minister pawh ka fak duh a ni.

Tichuan Demand No.43 naah hian Tourism-ah hian hma nasa takin an la a. Amaherawhchu, Budget discussion-a ka sawi tawh ang khan heti taka hmachhawp nei si Work Programme a a langlo kha chu a vanduai thlak ka ti a, ka'n sawi lang leh kher duh a. Kum dangah chuan a lan tawh kan beisei a. Chutih rual chuan kan bial lamahte nasa takin hna min thawhsak tawh a, West Phailengah te, tin, Reiekah te khatiang khan Inrinni mai pawh khan Reiekah te pawh ka zuk kal a, Tourism thlaleh maia kan Festival neih turte thlirin kawng engge a an tih te thil chi hrang hrang khulai pawh zuk

enin ka kal a. Chungah pawh chuan kawngte pawh a lo la tha viauva amaherawhchu, siam tur tam tak erawh chu a awm a ni tih kha House-ah te pawh hian ka sawi duh a, kan PWD lamte pawhin min lo hriatsak sela a thain ka ring a. Chutih rual chuan kum 2009 khan Tourist Lodge sa turin Marpara-ah khuanin proposal kan siam a, min rawn approve sak mai tura kan beisei laiin beiseina ang min la phakpui lova pawl ka ti a, chutih rual chuan min lo hre turin kan Minister pawh kan request duh a. A bik takin Border area, Border bula awm anih avangin mi hrang hrang Central atang te, Secretary, Joint Secretary leh mi hrang hrang, Minister thlengin, tin, a Party ang pawhin kan Party President Pi Sonia Gandhi thlengin khulaih khuan an kal ve thin a ni. Chungo chuan chawlhna tur pakhatmah an nei lova vawinah hianin, keini tan pawh hian zuk kal a buaithlak hle a ni. Chuvang chuan, Tourism Department-te a hmun kan nei a remchang tak mai, chungte chu min lonawrchhuah sak turin ka duh che u a, tin, in tih tawh sa ah lawmawm ka ti hle a ni tih kha ka sawi duh a.

Tin, demand no. 17-na Food, Civil Supplies & Consumer Affairs-ah hian sawi tur tam tak a awm theiin ka hria a. Tunlai kan global political thatlohna avangin harsatna gas chungchangahte kan han tawk chho neuh neuh va, chungah chuan a lairil tak leh a nihna tak hre lova Sorkar zuk puhchhiat mai te, a Minister zuk mawhchhiat mai te tam tak kan awm thin a. Vawinah hian hre chungte pawh hian kan la complaint tho a ni, hetiang hi a kristian lo ka ti a, a nihna tak hria a, a nihna takah hian kan fello anih chuan kan insawisel a, constructive zawnga kan insawiselte pawh kha a thain ka ring a. Chutih rual chuan kan Minister hi a fakawm hlein ka hria a, anin harsatna tam tak karah a hrehawm dan turte zuk hriatpui phak veah te pawh kan inngai a, chuti chung chuan taima takin a tih tawh chu ti ngat mi a nihna atanga taima taka a rawn tih chhoh hi a lawmawm ka ti a. Tin, thil chi hrang hrang he mi atanga thil lo kal chho zelah te, tin, khaw hrang hrangahte kudam repair tihte thil chi hrang hrangte a bik takin vawinah hian kan bial lam te kan mamawh zia te min hriatpui turin kan duh a. Tin, Food & Civil Supplies hi Department dang ang a ni lova, kan sawi tawh angin Sports & Youth Services-ah chuan kan sawi eng emaw lam ni lovin a tha tha kha an la a, tin, Works Department-ah pawh building tha tak tak an sa a, an sak zawh chuan an luah a, hlim takin an luah mai a. Food & Civil Supplies-ah chuan buhfai an awm loh deuh chuan kan sawisel a, a awm deuh chuan kan ei zawh chuan kan duh leh mai a, khati zel kha a nih avangin a har ang tih a rinawm a. Chutih rual chuan, taima tak leh tlin taka hma an la thiam hi a lawmawm ka ti a.

Environment & Forest, a bik takin keini kan Constituency hming pawh Dampa tih a ni a, Dampa Sanctuary kan nei a, khu khu India ramah pawh lang tham, tin, Tiger reserved-te a lo ni leh a, chutiang chuan Tourist pawh hi tam tak khumi avang khuan kan nei a ni. Chutiang chu a ni a, chutih rual chuan a Buffers area a bula khuate tan thil chi tam tak kan Forest Department hian min pe tawh a, a

lawmawm kan ti a. Chutih rual erawh chuan, nasa zawka tanpuina awm thei te min ngaihtuah sak turin ka request duh a ni.

Demand No. 22-na, Sports & Youth Services-ah hianin han thlir chet chetin kan budget-te a lo pung chho zela a lawmawm ka ti a. Hmasawna tam tak kan nei a, discussion-ah te pawh khan ka sawi tawh a, contact sports-ah te leh contact lo thildangah te pawh hmasawna tam tak kan han hmu a, a nachang hria Sports Minister kan nei a, chutihrual chuan Chief Minister heti lama mi tui mi leh hmang hria kan han nei te hi thalaite kan lawm lehzuah a ni tih ka sawi duh a. Vawinah hian nasa takin thalaite hian he sorkar hi tha an ti a, an lawm a ni tih hi ka sawi duh a.

Tin, Urban Development & Poverty Alleviation-ah hian hnathawh tam tak hei khawchhung chei chungchangah te kan hmu a, chung kan hmuh ang hrang hrangah chuan kan Minister efficient zia te kan hmu a, lawmawm hlein ka hria a Pu Speaker, kha kha vawiina ka sawi theih nisela, he budget hi ka support a ni tih ka'n sawi a ni, ka lawm e.

S P E A K E R : Tunah Pu R. Selthuama.

Pu R. SELTHUAMA : Pu Speaker ka lawm e. Ka sawi lo dawn emawni ka ti zet na a, ka'n sawi veleh ange. A hmasa berin Taxation chungchangah hian a department-in an titha a, an target pawh an khum a ni tih han hriat kha a lawmawm hlein ka hria. Tin, kan budget han enin kan State revenue resources hi a chaurau hlein a lang a; chuvang chuan tuna kan neih sa mai bakah a tihpun dante hi a awm lawm maw ni aw tih hi ka rilruah a lo awm deuh a. Chuvang chuan a department

lam hianin nichina kan thianpain a rawn sawi ang income tax tih kha kei chuanin ka support lova, amaherawhchu, professional tax kan tih hi a tihpun dan a awm lawm ni ? Central sorkarah hian zuk nawr ila a tih theih lawm ni ? Tunhma kha chuan a maximum hi Rs 250 a ni thin a, 1988-ah khan a let sawmin Rs 2500 in an rawn pun a tunah hian an pun atang khan kum 25 dawn a ni tawh a; chuvang chuan tihpun pawh hi a hun hle tawh a ni. Tuna a lan dan chuanin kan sorkar hnathawk ho hi thlakhatah

Rs 120000 te leh a aia tam te la tam tak an awm a; chung ang ho kumkhata an lak hi mawlmang deuha han chhutin nuai 14 chuang deuh a ni a, chuti anih chuanin professional tax a Rs 2500 ang leka an pek hi chuan an hlawh hmun 500 a thena hmun khat ang vel lek kha an pe tihna a ni a. Chuvang chuan hei hi a tihpun deuh theih lawm ni Rs 25000 ah te chuan tipung ve sela kan State resources pawh hi a lo pun phah dawn a. Chutiang chuan kan Minister zahawm tak pawh hian Central-ah pawh hian rawtna te hi han siam sela a tha awm mange aw tih ka rilruah a lo lang a, chu chu Taxation-ah chuan ka sawi duh a ni a.

Tin, Sports & Youth Services hnuai hian kan Chief Minister zahawm tak hmasa khanin Mizoram development chu a zuanin a zuang ang ti khan a sawi thin a tunah hian Sports-ah hian kan Minister zahawm tak leh chak takin Chief Minister kaihhraina hnuai sports an han tih hian a development chu a zuanin a zuang tawh a. Kan hria a, phullem phah tih te pawh hmun thum laiah a awm leh tawh a. Chuvang chuan hei hi chu sawi tam lutuk pawh a ngaiin ka hre lo. Amaherawhchu, a sawi apiangin kan bialah chuan chutiang chuan tih hi an sawi zel

mai a, an biala hna kan Minister zahawm takten an thawh thatah hian lawmthu an sawi thin a, ka bial lamah hi chuan lawmthu sawi ve vak tur hi ka hre mang lova kei chuan. Chuvang chuan tunah hian he House kaltlang hian ngenna ka siam ve duh a, chu chu Aizawla field tha pawl tak Lawipuah khuan laih ani a, an la zo lova, khu khu lammual ai pawha zau thei a ni a, sum tam vak lo sen belh chuan Mizoram tan pawh asset tlinga siam theih a, khuti a ni chung khuan Veng hrang hrang Dawrpui Vengthar lam te, veng hrang hrang hi an lo kal a, an inkhel thin a; inkhelhna pawh chan a har a ni. Chuvang chuan khungte khu min han siamthat sak ta sela.....a thar ngaihtuaha ti tilo khuanin khulai khu min lo hriat sak se hna min thawh sak se. Aizawlah hian nichina an sawi ang khan National sport te pawh thleng thei kan nih chuan khungte khu hman tangkai theih a ni anga, a lawmawm ngawt in ka ring ani.

Tichuan Urban Development chungchanga sawi ka duh ve leh chu nikum chhungah khan ka bial chhungah community hall neilo veng hnih an awm a, chumi atan chuan RD Minister hi ka va dawr a min pe ve turin. Mahse khawpui chhung kan khawih tawh love thingtlang lam chauh kan hma tawh a ni an ti a. Chuvang chuan UD&PA Minister hnenah sawi mai rawh an ti a. Mahse hei min la tihsak thei lova, Community hall Nursery veng leh Maubawk hian kan la nei lova; Aizawlah hall neilo awmchhun te pawh kan niin ka hria a. Hei hi chu kuminah nuai 20 ve vein emaw bul min tan sak ula tih ka ngen duh a ni.

Tichuan PHE lamah kal leh ta ila. PHE hi kan sawi tawh angin Aizawl Greater Water Supply Scheme chungchang hi inpuhmawhnate a awm thin a. Amaherawhchu, ka sawi duh chu tumah inpuhmawh hian sawtna kan nei em em chuanglo; kan mamawh ber chu tui hnianghnar a neih hi a ni. Sorkar hmasaah khan nikhata litre maktaduai 24 vel nitina pump thei tur kha an hawn khan maktaduai 12 vel chauh pump theih a ni a. Kan han sorkar vele pawh hian kan Chief Minister zahawm tak pawh hi term 4 Chief Minister ni thei ani a, chuvang chuan a kaihhruaina hnuai hian tun aia chak zawk hian hma a lak theih em aw ? Kartina vawikhat ang tal te chu haw thei ang turte hian tan a lak theih em ? Tuna kan term hun chhung hi kum 1 chuang erhawrh kan la nei a; chumi chhung chuan kan Minister zahawm tak hian tan han la sela a thain ka hria. Thingtlang lamah chuan hma an sawn tha khawpin ka hria . Sorkar hna kan thawh lain khawi khawiah te emaw kan awm ve thin a, chutih hunlaia harsa em em khan tunah chuan tui an herh haw a Aizawl khawpui aia hnianghnar te pawh an awm tawh a ni. Chuvang chuan ngaihtuah ngai hi Aizawl khawpui ami hi kan ni ve a ni tih kha hriain tun aia tan la lehzual turin kan duh a.

Tin chubakah chuan PHE hian link drain te an ti a ka bialah hian mamawh tak takte an awm ve a. Ka bialah Maubawkah link drain an siam tawh an la siam zawh si loh a awm a, chu chu UPC biakin panna kawng bul a ni a, UPC ho sawnin ram dang atanga Australia te leh USA leh hmun dang dang atangin khawmpuih an lokal ve thin a. An kal chuan khami kha kalkawng a ni a, bawhlhlahw a tang nuai thin a; sawng han hmuh sawn Aizawl hmun dang hi fai hle mahse sawng ang han hmuh tawh chuan Mizoram hmel a tichhia a ni. Chuvang chuan sawng angte saw kuminah min han tihthat sak sela, link drain tha takin min siamsak thei sela chungte chu kan Minister hi Pu Speaker, nangmah through-in ka ngen duh a ni. Ka sawi rei lutuk lovang hun dik tak hman ka tum ang.

Industries chungchangah hian a demand no pawh ka sawilo mai ang e. NLUP an khawih a, anni hian an titha viau a. An sawi tawh ang khan an khawl pekte, abik takin puanthui khawlte phei chu design 50 chuang siam theihna a ni a. Heng an pekte hi an titha em em a, an chhuanawm a, beneficiary ho, “khawl kan nei tawh a kan mamawh tawh love, a pawisain min pe mai rawh u,” han tite pawhin a khawl an han hmuh meuh kha chuan, “a

khawl hi kan duh zawk a ni min pe leh mai rawh u.” tiin an ngen a ni. Chuvang chuan, an titha a, a lawmawm ka ti a. Thingzai khawl an tihte pawh a takin kan hmu. Chungte pawh chu a tha khawp mai. A lian lutuk silo nawr kal theih khatianga hman tangkai theih a ni, tan la lehzual sela tun aia chak lehzual turin ka ngen duh a.

Tin FCS&CA chungchangah hian kan Minister hi a fakawm hle in ka hria a, harsatna namenlo a tawh chungin hei theihtawp chhuahin a bei a, tunah hian kudam sakna turte pawh engngemaw zat a hmu tawh a, chuvang chuan heng angte an tih hunah phei chuan thallaia buhfai stock te a awlsam ang. Tin, Gas chungchangah te pawh hian hei hma a sawn nasa hle a, kan dinhmun hi tunah phei chuan a tha tan hle tawh mai a. Aizawl khawpui bikah phei hi chuan, tun anga hma kan sawn hi chuan Krismas hma hi chuan hetiang an harsat zual hi chu a awm tawh dawn lo niin ka hria a. Hetiang taka tan a han la hi a lawmawm ka ti a, a fakawm pawh ka ti a ni. Chuvang chuanin tun ang hian tan han la chho zel sela, kan Gas harsatna thingtlang lamten an han sawi ve naa, khatiang ang te pawh kha harsa lova ti turin tan han la zual turin ka'n ngen duh a ni e. Chu chu ka sawi theih ni mai rawh se, ka lawm e.

S P E A K E R : Tichuanin ka dinglana thu te, kan Minister te lo chuan kan sawi kim ta vek a, ka vei lama thute hi MNF Group Leader leh UDA Group leader-in an la sawi lova, anni hi an sawi duh dawn chuan a tu zawk nge han sawi hmasa dawn ?

Dr. R. LALTHANGLIANA : Pu Speaker, ka lawm e. Chhun chawlh lai khan Gas harsatna kha chhun chawlh tlai zawk khan kan sawi a, MLA hian quota kan nei han tih kha, keimahni inchhung bik hman tur ang chi hi kan lo mamawh nasa mai a, chhungkaw pangngai pahnih/pathum hen kan lo ni deuh fur mai a, a bikin thingtlang bialtu bik te phei chu. Chuvang chuanin, tizawng hian kan Supply Minister hian siam thei ta mai sela, MLA tan hianin kar khatah Cylinder khat te hi chu min han dah sak ve thei ta sela a tha awm mang e, chuta kan hman sen loh chu mamawhte kan pe thei thova tiang chi deuh khan kan sawi a kan tarlang duh lawk a ni.

Pu Speaker Taxation-ah hian thilpakhat ka sawi duh lawk chu, tax kan pek dan hi kan thlak deuh niin ka hria a on line-a pek tur tih a chhuak a ni mai thei a, hei hi a pe tur thenkhat khan harsatna kan tawh mai thei a, a chhan chu on line pek dawn kha chuan Computer neih vek a ngai a, internet connection neih a, lo ngai a chumi piahlamah chuan an pek dawn khan khalam pang thiam mi nih a lo ngai a, tin, chumpiah lamah chuan power supply-te a lo that loh viau phei chuan tax duh hun hunah khan a pek theih loh ve theih tlat mai a, chuvang chuan changkang taka pek theih dan tur kawng kan han tih rual hian a remchang lo chuan on line kher loh pawn a pek theih tih kha phal ta mai se tih kha ka sawi duh a Taxation-ah khan.

Tin, I & PR-ah hian nikuma Annual Plan Allocation kha kum hi an phak lo viau mai a 2011 nikum leh 2012 inkar khan nuai 254.5 an dah a, kuminah hian nuai 152 chauh dah a ni a, nikum an phak lohna hi nuai 102.5 a ni a. Department lian vak lovah chuan crore khat vela hniam chu hniam tak a ni tih kha ka sawi duh a. Hei bak hi capital account lamah khanin nikuma nuai 40 bawr an neih kha kuminah hian an nil der mai a, sorkar tlangau an ni ber mai a, an pawimawh si a ka'n tarlang duh a ni. Khalai kha a Minister hian min hrilhfiah sak thei se ka duh khawp mai. Tin, sorkar hmasa lama Welfare kan han tan kha a lawmawm ka ti a,

sorkar pawh hian tha takin a kal chhohpui thei zel tih ka hria a lawmawm ka ti a. Chumi rual chuan Journalist hoin an sawi ve fo hi a practicable em ka hre lova, Manipur-ah te chuan pension kan nei ve e an ti a thlakhatah Rs. 3000/- bawr vel maw, khang te pawh kha, I & PR, ka hriat sual palh, ka sawi advance-ah ngai mai ang kan Chief Minister a awm thova, a chhan niin ka hria.

Awle, kan kalsan leh lawk mai ang e. Information & Communication Technology-ah hian thil pakhat chauh ka sawi duh chu, kan Mobile Function net work hi a thalo khawp mai a. Mizoramah hian hei tunlai phe chu kan inbe hlei thei lova, kan connection hi a fuh talo ngeni atir atanga BSNL la kawl reng kan ni a, kan inbe tlang hlei thei lova hei hi a State Government ang hian, a sorkar ang hian eng ang chen nge thu kan neih ve theih le. Nichina kan ngaihthlakah khan cable phum chungchangah hian an uluk lo nge ni a, an inthlahdah ta deuh nge ni tih hi enpui deuh chu a tha mange, Central sorkar chu a ni chiah lo naa amaherawh chu, kan rama hetiangah hna han thawk an nih avang hian kan hriat a thain ka hria a, chu chu ka'n tarlang lawk duh a.

Chuan UD & PA ah hian kan kai lawk anga, demand 46-naah hian. Hei sorkar hmasa hun laia Municipal Council 2005 a Act kan siam, kan sorkarin inthlan te 2010 ah a han buatsaih ta a, tah chuan Aizawl Municipal Council kan han tia, hei kan councilor te hi an inthlahrung khawp mai a, an hlawh leh facilities hi keini nena han khaikhin chuan a tha vak lo a ni ka'n ti teh ang, keini ho hi tlem chuan kan zia ta deuh a. Tin District Council lama kum 5 term theuh theuh pawh kan zia ta chho zel a, anni hi an phai lutuk deuhin ka hria a, hei hi kan Minister zahawm takin enpui deuh te a tha em, kum 5 atana thlan tlinte an nihna zawnah hian an hlutna te pawh kan va hriatpuina ni sela ka duh a. Tin tunhma deuh khan, tunhnai maiah tihfel a ni ta a, Aizawl khawpuia AMC-in hna an han kalpui hi, tender mang lova han pek khan thui tak kan kalpui a, amaherawhchu chu anmahni session bikah te pawh hian a ni awm e, opposition AMC Counselor-ten duh lohna te an han lantir a tunah chuan tender tur anga thil an kal ta hi a thain ka hria a.

Tin, hei bakah hian ka sawi duh chu Pu Speaker, AMC Counselor te tan hianin thil thenkhatah hian sorkar hian hma a la chak viau a, entirnan, Anti defection, phuarna dan tih leh khatiang thilah te, amaherawh chu an hnathawh tur subject transfer hi tunah hian a rei tawh angreng si a, vawiin thleng hian kan la tifel miahlo niin ka hre tlat mai a, helai hi a pawimawh lai tak, subject transfer vawiin thlenga ala fello hi enfel tulin ka hria.

Tin UD & PA Department-ah hian Technical Wing hi enfel chak deuh hi a tul em ? tunah hian hmalakna kawng lian tak tak a awm lai hian E.E pakhatin a ho niin ka hria a, AE, JE tih vel, chutah pawh chuan Pu Speaker, hun hmasa lama contract leh MR-a kan han lak ang chi deuh kha a tam ber hi niin ka hria a, hei hi enfel theih nise ka duh a.

Tin, Mamit bial lamah thil pakhat chauh, a pawimawh em avangin ka'n sawi anga, sorkar hmasa hunlaia Lunglei second paralal road kan ti mai a, chhuah lampang kawng thlur khat siam tura ruahmanna kan siam hi vawiin thleng hian Pu Speaker, chhunzawm a ni lo a ni, hei hi ka'n tarlang duh a min ngaih pawimawh sak se ka duh a. Tin, kan Member zahawm tak Pu Rinmawia'n a conversion a sawi kha keipawh ka support a, a tha ka ti. Hei Aizawl khawpui hi a bik takin a hlauhawm em em mai a, Vaivakawn atanga hei Pu Duhate ho nena nitina lo kal ho tan chuan ruah a sur chuan a hlauhawm a ni. Khu, entirnan, Holly Cross Bakery thlen hmaa ko sang lutuk ang te a chungah inchhawng 7 ang te a dinga, hengte hi converginal anih ka ringa, a hlauhawm a ni. Chaltlang chho lai te pawh khi, khawilai nge thel mam ngai, Durtlang chho ah te pawh. Chuvang chuan vanduai mangkhawng thil tam tak

hi a awm a, heng tih lai vel hian, tute hun lai nge ka sawi loving, amaherawhchu heng avang hian kan fimkhur a ngai, lirnging leh thil avang pawhin ho teah chhiat rupna hi kan tawk thei, kan thil nih sa avang hian chu chu a Chiang. Chuvang chuan PWD te, Town & Country Planning Department policy fel tak neiin hma a lak theih chuan a that ka ring khawp mai a, PRS package te pawh kha hemi arm restructure-ah pawh hian a telin ka hria a, vawiin thleng pawh hian chu chu inpui nawn theih a ngaiin ka ring lova. Chuvang chuan Technical Corporation an ni a, Horticulture hnuai hian tunah hian Food & Vegetable Processing Wing te han ni ta se, mi 20/30 te an kal thei mai dawn a, Horticulture pawn... a tam em emin ka ring a. Tin, Food Processing te han ti dawn sela mi thiam an la chhuah leh theih dawn a, khati zawng khan Pu Speaker, kan hman tangkai hi anni Department hi a tul ka ti khawp mai a. Chuvang chuan engemaw ngaihtuahna fel, tha deuh vawiinah hian kan Minister-te hian in ngaihtuah chhuah chu ka duh khawp mai. Amaherawhchu, kan rawt tlai mah mahin ka hria a. Hmannia ka sawi ang khan tun Budget pawisa kan hman tur kan sawi mek hi kawng lehlamah a Ministry ang pawhin in hman tawp ber tur kum a lo ni dawn si a. Engkim mai a performance leh engemaw in ti vek tawh baw si a. Amaherawhchu, han sawi ve hrim hrim chu a tulin ka hre baw si a, khang kha thahnemngaih thilah ka'n sawi a ni. Pu Speaker, ka lawm e.

* Speech not corrected.

S P E A K E R : Tunah Pu Lalduhoma ilo ko ang.

Pu LALDUHOMA : Pu Speaker, Demand 22-na Sports ah hian lawmthu atangin ka'n tan duh a. Hei kan Minister zahawm tak hian Chawlhmunah Volleyball Court tha tak mai min peih sak tawh a, kan inkhel thei tep tawh a, khulai khu a awmna awm tak pawh a ni a. Mizoramahte Volleyball lama hming lo lang ve pha te awmna a ni a. Khu khu centre pawimawhah te hmangin, tournament han neih nan te pawh kan duh hmel a, Spot light kan nei lova, kan duh leh dawn tlat mai tih kha Minister hianin min lo hriat sak se ka duh a, a tawp min han thlen sak law law turin ka duh a ni. LAD lam kan han ti a, an lo chang tawh lo, an kut a lo ni tawh lo a lo ni awm e.

Tin, Zotlangah khuan Sports Centre min develop sak tumin tunah hian nuai za vel an dah niin kan hria a, lawmthu ka sawi duh a. Khulai khu hmun remchang tak a ni a, chumi nena indip dal lo tur chuan Basketball Court baw kan mamawh a, veng dangah an vak an vaka an khawngaih thlak a, MLA fund atangin nuaikhatin hna an thawk a, an tha an seng a, an thawh belh a, thui tak an thawk tawh a, a complete nan chuan nuai thum dang kan la mamawh a, MLA fund chuan a daih tawh lova. Heng zawng zawng hi kan Minister zahawm tak hriattir zelin kei pawhin hma ka la a. Chuvangin he Sports Centre sum atangin emaw, a remchang dang apiang atang khan indip dal lo tura a hranpa hlaka a hmun tur te pawh ruahman sa anih avangin, nuai thum vel kan mamawh hi minrawn pe lehin, kan duh hle mai tih kan sawi ri leh duh baw ka ni.

Tin, PHE-ah khan Sairang Water Supply Scheme kha hman atang tawha kan sawi a ni a, DoNER-ah a awm a, a lo thleng tep an sanction tep tih reng a ni a, mahse chumi bak chu hmasawna kan la nei thei lova, a rei ta deuh hretin ka hria a. DoNER-ah te pawh Department lamte pawh hianin a bialtu MLA-te pawh hian lo zu phone ve teh se te pawh min han ti ve se chuanin tangkaina lai te pawh kan neih ve ka ring a, khatianga kan tan ho kha tha ka ti a. Kan ngahak rei mah mah tawh a, Water Supply Scheme tha tak kan neih ve thuai ka duh a, Minister-in tan min han lakpui se ka duh a.

Tin, Changzawl atang khian an NGO ten min han hrilh a, nikum October/November vel khan Tanky pali an khua atan an sa a, an zo vek tawh a, an rora hmante chu elhmun theih vek a ni a, tui an dah miah lova, dah ngam pawh a ni lova, Contractor pali an awm a, chumi te chuan final bill an la vek tawh a, a khaw pum deuthaw kha rora chhuin an inhlawh a, tumah hlawh an la pe lo a ni tun thleng khian, mipui an mangang tawh a ni. Hei pawh hi kan Minister-in min lo enzui sak se a lawmawm hlein ka ring.

Tin, Demand 46-naah hian ka'n lut ang a. Hei Local Council-ah hian elected-te nilo, Ward tinah hian Member 3 an awm ve zel a, an thian dang ten a hminga lawmman an dawn laiin anni hian sitting allowance pawh pakhatmah dawn an nei ve lova. Chuvang chuan tlemazawngte chu Member ve tho an ni a, ngaihtuah sak theih dan a awm angem tih hi ka tarlang duh a. Tin, Phunchawngah khuan SIPMIU atang hian Lungverh nen khuan tui supply min tihsak dawn niin kan TOPO hria a survey te pawh an rawn nei tawh a, kan lawm khawp mai. Phunchawngah khuan a Tanky dahna tur ram remchang a awm lova, a remchang awmchhun chu Luangmual pa ta a ni a. Hmun danga dah a nih chuan Water connection kha mi tam zawkin an nei thei dawn tlat lo mai a ni, a hniam a. Helai hmun neitupa hian "Tanky siam contract hna hi min pe se, ka ram chu a thlawnin ka pe ang" a ti a, kan lo dawr fel diam tawh a, kan Minister hi ziakin ka hrilh tawh a, tawngka pawhin ka hrilh tawh a. Hei hi PHE pawhin an tihdan tlangpui ni thoin ka hria a. Khawtlang tana tha tur a ni baw a, contract hi tam pawh a nih ka ring lova, a ram neitupa hi pe sela tichuan harsatna awm lovin kan duhna lai takah min dah sak se tih hi ka ngen baw a ni.

Tin, thirchhia chungchang hi hmanah khan ka sawi tawh a, Pu Speaker, hei hi rinai hian a lian a nia. Thirchhia han tih hian thirchhia leh darzai leh dareng chu 6 te hi an ni deuh ber a. Kum 2006 bawr chhoah khan sorkar hmasa hunah khanin Licence 68 an lo pe a ni. Sector hrang hrang an then a, Sector I ah hian mi 27, Sector II ah 18, Sector III ah 12, Sector IV ah 11, an vaiin mi 68 an pe a, an list pawh ka nei a, an telephone nen lam tunah hian ka kaw l vek a ni. Chunggho permit chu tunah hian a la valid em tih ka hre duh a. Tin, License pek belh an awm em ? Heng hi mizo vek an ni a, amaherawhchu thirchhia hi Mizo pakhatmahin an khawih lo a ni, Vai hlir an chhawr a ni. Mizo han ti ve chhun pawh hi an dawr tha duh lova, a rate te an tihsan sak bik a, an serve thei miah lo a ni. Kum tam tak chunggho thirchhia hi hnamdang hian kan ramah an lo monopolise tawh a ni. An chhut dan chuan Truck khat hian metric tone 12 zel Silchar lamah an phurthla thei a. Thlakahatah hian wavi 10 a tlangpui thua chawhrualin an trip thla thei a, kumkhatah chuan trip 120 tihna a lo ni a. Tichuan thirchhiaah hian an hlep hi kumkhat chhungin vaibelchhe 8 leh nuai 64 a ni a. Darzai hi vaibelchhe 43 leh nuai 20 a ni a, Dareng hi vaibelchhe 28 leh nuai 80 a ni a, a vaiin vaibelchhe 80 leh nuai 64 hi thirchhia atang hian kan ram atang hian hnamdangin sum siamnan an hmang a ni. Chuvangin hei hi thil serious a ni a, sum siamna lian tak a nih avangin kan lo ngaihthah viau hi a fello hle a ni. Association an awm a, All Mizoram Iron Scrap Marketing Society an ti a, "Kan Chief Minister zahawm tak hnenah hian vawithum kan thlen tawh a, UD & PA Minister hnenah te, Minister hrang hrang leh Chief Secretary-ah te wavi tam tak hemi chungchang hi kan thlen tawh a, mahse chhanna kan dawng lo a ni" an ti a ni. Heng Vaiin thirchhia an zawn hian an ILP-ah hian Trade tih theihna hi a awm miah lo a ni. Kan D.C Office atang te hian panhnahte an zawrhtir leh ngawt mai thin a. ILP hianin sumdawna a keng miahlo tih kan hria a ni. Chuvang chuan ILP misuse-na a ni tel ve a, hei hi a volume a lian em em a, enchian ni se ka duh a. Tunah hei ISPAT Industry kan ramah hnaiteah a lo awm dawn ta a, heta tan pawh hian hnamdangin kan thirchhia te hi supply tawh lo sela. Mizote ngeiin eizawn nan hmangin kan rama Industry ngeiah hian mumal zawka pek

a nih theihna turin licence te pawh hi cancell sak vek ni sela, uluk takin license thar kan sorkar hian siamchhuak se tih hi kan ngen duh bawk a ni.

Tin, Supply chungchangah hian ka sawi zing tawh a, Ramrikawna FCI Godown khu a hnaw em em a ni, University tan a hnaw a, a ninawm a, Law & Order problem a siam a, kan Society a titawp bawk a. Khu khu sawn tur tih a ni reng a, tun thlengin sawn a la ni lova, ngaihtuah mek ti ringawta kum a ral leh thin hi a fuh loin ka hria.

Tin, buhfai hi FCI hianin Food Storage Depot thleng hi a thlawnin an rawn phur thleng a, chuta tang chuan PDC te SDC te SC ah te hian, FSD atanga K.M. 30 a hla a nih chuan FCI hian a phurh man an tum vek a. State dang hi kan study a, keini aia population tam zawk vek an ni a, anni hian Food Storage Depot an nei tam duh miah lo a ni. Ramri hrulah pahnih khat an nei a an duhtawk mai a ni. Khata tanga phurh lehna tur PDC te, SDC te, SC te kha an ngah a, khami inkar phurh man kha FCI in a tum vek bawk si a, an rama truck neitute leh driver-te khan eizawna an lo nei ta a, tichuanin hna a siam tam em em a, a tha bik a ni. (Speaker : Minute nga neiah la inngai rawh) Chuvangin, keini pawh hian Lunglei leh Lawngtlaia FCI Godown te hi chu paih ve thei ilangin, kan ram motor lian neitute hianin phur ve zawk selangin, eizawna thar te pawh alo lut tam thei anga, he ngaihtuahna hi han exam selangin tihpuitlin a tul hlein ka hria.

Tin, Lungverhah khuan Retailer awm se tiin Session hmasa atang khan ka sawi tawh a, “Kan enfiah mek” an ti a, khulaia mi tlem te Ration Card engzatnge an neih tih zuk hriat chian khu tuk hnihkhat hna lek a ni. An Principal hnen atang pawhin rawn ti rawh ti se a rawn ti vek thei a ni. Tun thleng hian tih ala ni lova, Chini a tovin an lei a, buhfai a tovin an lei a, khawnvartui a to in an lei vek a ni. A toa leidan tur remchang ngaihtuahtu mimal tu emaw leh department hian interest an nei em ni ka ti hial tawh. Chuvang chuan kan Minister zahawmtak hian hei hi chu min lo ngaih serious sak hram tawh teh se. Ka thinrim deuh hlek tawh a ni, mipuiin an tuar nasa tawh a ni. A to hlira khumite leitir bik khu, a hmasa ami te kan siamsak tawh a, retailer nen sawn an nih avangin an nei ta lova, a dang pek ve leh mai tur a ni a, enge khuti em ema a harsat a, chutiang chen chen a kal ? Chuvangin hmundanga chengte anga a tlawma an lei hi, khutilaia mite khu mihring ve tho an ni a, ngaihtuah vata, tuten emaw sumdawnnan an hman a, commission an ei ve leh chhawn hi tawp tawh se ka duh tawh takzet zet a ni.

Tin, Mualkhang Bottling Plant chungchang hi hmanniah kan sawi tawh a, a tirah compensation hi nuai 47 atangin tunah chuan nuai 87-ah a lo kai chho tawh a, chumi bakah Forest ho hian nuai 15 chuang an rawn claim ve leh bawk si a, tunah chuan nuai 102 alo chuang ta daih mai a, tichuan IOC-in a to lutuk an ti a, an pe duh bawk silova, khu khu pantul dawn te pawh a ang ta a, tichuan Gas-a kan problem tawp mai tura kan ngaihte hi ala kal zel dawn niin a lan phah ta a, a paw em emin ka hria. Hemi chungchangah hian Pu Speaker, ka'n rawt duh chu, tute emaw inrawlh tam lutuk hian a tipung mai mai niin ka hria, tunah hian Department hian min hmang duh ni se chuan a ram neitute hnenah hian kei pawh leng ila nuai 20-30 ah hian ka negotiate thla thei em em ang tih ka ring tlat a ni. Min hman duh phawt chuan min rawn ruai rawh se, tichuan IOC pawh hian lungawi takin a pe ang a, khu hna khu kan thawk thei mai ang, negotiation chauh lo hi chu chance kan nei tawh lo. A ram neitute nen in negotiate ila in tifel ila a ni mai, chu chu kan Minister zahawm tak hi ka kawhhmuh duh a, a tul ang angin kan pui huam a ni tih ka sawi duh a ni.

Tin, Forest hovin khulai khu, Forest ram a ni a, Half mile from either side of the river tih a ni a, hei hi Forest ram a ni an tih avangin nuai 15 chuang anrawn claim a ni a, hei hi vawiiinah hian kan Environment & Forests Minister pawhin han ngaihtuah zui sela , mi 100 tel Forest-in kan ram an tihah khuan ram nei an awm a ni. Khami te compensate kan pek bawk a, Forest kan pek leh zel te chuanin, ram pakhat a double a kan pek zel chuanin, buaina leh harsatna tam tak a kai chhuak dawn a ni. Zulin a zui zel tawh dawn a ni. Chuvangin fimkhur a tha a, Sorkarin policy siam fel se a tha hlein ka hria a ni.

Tin, Taxation-ah hianin Dal-te, Chana-te, Badamah te khanin chhiah kha awl a ni ta a, a lawmawm ka ti a. Mahse, vawiiin thleng hian Edible oil-ah hian chhiah hi lak ala ni a, Pu Speaker, hei hi kan awl leh thei lawmni le, mipui nghawng tak tak a ni a, kan ramah te pawh kan siam chhuak ve thei tan tawh a, hei hi han awl leh ila, tha ka ti a. Tin, Noodle-ah te, Rumpum-ah te, Wai wai, Maggie, 2 pm han tih velah chhiah hi ala sang em em a ni, hengte pawh hi a san reng chuan kan fate nitina School kal ten an ei reng thil a ni a, a man hi an tisang belh dawn nite pawhin a lang a, hengte pawh hi kan awl thei em lo anih pawhin, han tihnia deuh ila, kan fate hian man tlawm deuhin lei sela. Cheng 5 a an lei theih te hi cheng 7 ah a chho dawn nite pawhin a lang a, hei pawh hi ngaihtuah nawn a tha hlein ka hria.

Pu Speaker, Industry-ah hian ka'n lut leh ang a. Hmanniah skilled development chungchang helaiah chipchiar takin ka sawi tawh a, hemi hnuaiyah hian Govt. of India priority a an neih chu food processing hi a ni. Hengte hi kan rama employment tam tak kan generate theihna tur a ni a, a chiang reng a, hetah hian Central sorkarin a a policy pakhat chu Hand Holding System a ni a. Naupang kal zirtir, nu leh paten an bana an kai ang hian Entrepreneurs te sum leh pai leh capital neilo te hi, he Hand Holding System hmang hian sorkarin i kai teh ang, i din chhuah tir teh ang tiin Policy tha tak an nei a, chumi atan chuan kan budget-ah hian engmah a awm miahlo mai hi a paw ka ti tak tak a, ka zo tep Pu Speaker. (Speaker : tawp tum deuh tawh rawh aw) Chuvang chuan Central sorkarin sum minrawn pe thei a, keinin matching share tlem kan lo pek ve khan kan thalai tam tak kan settle thei a ni helaiah hianin. Ministry of Overseas India Affairs hnuaiyah Industry Department hian mi 40 vel Gauhati-ah thla 3 course training an tir a, a free a ni a, a tha lutuk a, an hostel man thlakhata Rs. 3500 pawh kan Sorkar hian a tumsak theilo a ni a. kan budget-ah engmah provision a awm lo. Chuvang chuan engkim free tura ngaia kal kha an ni a, anmahni an intumte a lo ngai ta a, hengte hi chu revised estimate-ah tal Hostel man tal hi chu dah hram hram theih turah ka la ngai a, ngaihtuah a tha ka ti a. Tin, Ministry of Small and Medium Enterprise-ah te pawh Design Clinic Scheme an tih ang chi te a lo awm a, 75% minrawn tumsak thei a, keinin 25% kan tum ve theih chuan design-ah, furniture pawh nise design a that chuan a man alo tam a, puan te pawh a design a thuin a man a to thei a. Hengah hian engmah tih a awmlo hi a paw hlein ka hria a. Chuvangin, kan budget-ah kan thalaite hmakhua leh kan rama kan sum dehchhuah kan State GDP a punna tur te, kan per capita income a punna tur lamte hi, he kan budget a pung kan tih kan tih hian a hawilo lutuk hi, a paw ka ti a, khang kan han sawi takte kha tam tak pawh a ni lova, revised estimate atang pawharawn cover theih turah ka ngai a, hei hi ngaihpawimawh hram nise tiin ka ngen duh bawk a ni. Ka lawm e.

S P E A K E R : A lawmawm e, tunah Pu Zualte-a chu nichina ka lam lai khan a awm lova, phar mahse ka ko chuanglo ang a, a phar lo bawk a, kan ko lo mai ang a. Tunah chuan kan sawihona chu kan lo duh tawh rih tawh ang a, Minister-te 3 chanvo te a ni a, member-te tan pawh minute 10 chhunga inkhunglen chu huphurhawm tak pawh a ni a. Mahse hun in hmangtha thei tlangpui khawp e. Tunah chuan Pu S.Hiato, Minister zahawm tak sawm ila, wind up pahin passrawn dil nghal rawh se.

Pu S.HIATO, MINISTER : Pu Speaker, ka lawm e, nangin member ho thusawi hi react tam ni se i tih avang khan kan Home Minister-te, Education Minister te khan detail tak khan an react si a, engemawchen chu hun a la dawn a. Dar 1:00 pm ah tlem chaw kan ei a, dar 4:00 pm ah tlem kan ei leh a, dar 7:00 pm hnuah chuan Pu Rothuama pheih chu ka ril a tam a ti deuh reng tawh a nia. Mahse, a rei deuh pawhin ram tan kan ngaithla hram hram ang chu.

S P E A K E R : Kan thurel a pawimawh si a, a riltam deuh ho chu khawiah emaw va intlan puarna an zawng ang a, an rawn lut leh mai ang chu, a pawimawh si a lawm le kan thurel.

Pu S. HIATO, MINISTER : Vawiin ka Demand-ah mi 22-ah 19-in an sawi a, a tha lama infuihna lam thil deuh hlir a nih avangin an hnenah lawmthu ka sawi duh a. A thenah chuan suggestion, improvement an duhthawhna lai te an sawi a, theihtawpin kan lo note ve a. A theih theihnaah tan kan la ang tih hi ka han sawi hmasa duh a ni. Department-wise deuhvin kan MLA te ho thusawi kha ka'n react phawt mai ang a, a indawt dan ni lem lovin. Pu Patea thusawi kha ka'n chhang hmasa ber ang a, Edenthaw Vengah tui thianghlim public point an mamawh a, tui thianghlim pek dan a awm ang em? Connection te pek a ngai a tih hi, hand-pump te, tui thianghlim point ti tur hian theihtawpin tan kan la naa, hei hi tih zawm zel kan tum a, kan lo en zui ang e. Tin, Pu TT Zothansanga'n Hnahlan tui Scheme improvement atan khan a rawn ngen a, chu chu crore 2.43 man project a ni a, MRDWP hnuaiyah 2012-2013 atan target village-ah dah a ni a. A tul dan azirin he scheme ? pumping pawh la en chhoh a ni ang. Amah hi a taima riau mai a, amah pawh hian a nawr thin a NEC-ah, min nawrpui zel tur pawhin ka han ngen a ni.

Tin, Pu C. Ramhluna kha, non-tax revenue tihpun a thaa a hriat thu a sawi hi ka lawm em em a ni. Tui hi engemaw zat kan pe a, tax hi 20% pawh kan hmu lova, a maintenance te a to nasa mai si a, kan khawlte a lo chhe thin a, repair te a ngai reng thin bawknen hian helama mipui awareness kan MLA-ten min pekpu te, opposition te a bik takin, min ngaih pawimawh sak hi a lawmawm ka ti a ni. Tin, Kawnpui water supply scheme kha, estimate amount nuai 68.16 a ni a, chutah chuan nuai 61.34 kan hmang tawh a. A bak hi state share atanga pek tur a nih avangin sum kan la indaih thei rih lova. Chuvangin, hei hi ngaihtuah mek a ni tih kha min lo hriatpu se. Tin, Bungtlang South tui lakna hi kum 2012-2013 chhungin thawh tan turin MRDWP state share hnuaiyah dah a ni.

Member zahawm tak Pu Lalthansanga zawhna Biate Composite Water Supply Scheme pumping hi Department-in theihtawp chhuahin tan a khawh thin a, kar liam ta thleng khan CPHEEO-ah engineer, EE, SDO te tir thlain a bialtu hian a sawi leh ngei ang tih kan rin avangin kan zu nawr tir a, tunah pawh hian an la cham mek niin ka hria a. Chumi atan chuan crore 16 hi technical appraisal pek a ngai a, chu chu theihtawpin an bei a, kan hmuh thuai pawh kan inbeisei a ni. North Vanlaiphai leh Bungtlang tan pawh scheme buatsaih tan mek a ni e.

Tin, MLA zahawm tak Pu K. Lalrinthanga zawhna leh a duhthu a rawn sawi kha Bilkhawthlir Water Supply Scheme hi 10th DoNER hnuaiyah sanction a ni a, work programme-ah eng vanga telh loh nge a tih kha, work programme-ah hian state plan hnuaiyah mi chauh tihlan a nih avangin dah tel a ni lova. Hei hi sanction sa a ni a, tender pawh chhuah niin hna pawh an thawk tan mek a ni tih hi ka han hriattir duh a. Tin, Vairengte

Augmentation hi project buatsaih a ni a, 2014-2015 ah hian priority scheme NEC hnuaih dah a ni. Phaisen leh Tuidam khua tui harsatna pawh remchang hmasaah hmalak tum a ni ang. Pu Joseph Lalhimpua, Leite leh East Zotlang siamfel ngai hi amah pawhin min hmu tawh a, kan umzui mek a ni tih, ka hriattir duh a, tin, handpump tripwire te hi hmun tinah hian a chhe deuh vek mai a, repair man a to ang reng si a, duh angin kan maintain theilo a. hei pawh hi theihtawpin kan lo en zel ang tih ka sawi duh a. Tin, lunglei water supply scheme-ah hian tuna kan hman mek hi, a chang hian fur laia tui tam lehlul nen, Mat leh Tlawng leh Pialtleng hi kan la a, mahse thalah a kang deuh tlat thin a, chuvangchuan Lunglei khawpuin an tuar tih kan hria a, chuvangin Mat te pump dan tur te hi tunah survey eng emaw chen a kal tawh a, hei hi enchhoh mek a ni tih ka'n hrilh duh a.

Tin, Pu R.L Pianmawia zawhna kha Zohmun 2012 – 2013 target village-ah dah a ni a, nikumah khan kan hmu mai dawn emawni kan ti a NABARD lam te pawh kan beisei a, mahse a tawpah kan hmu leh ta lo a, hei hi government of India hnenah Fund kan dil meka, kan hmuh ngei pawh ka in beisei a ni. Tin, Darlawn ah J.E indaih loh thu an sawi a, post sanction 136 ah post 31 ruak kan nei a, J.E hi Mizoram pumpuiah kan indaihlo em em rih a, sawrkarah fill up turin kan dil mek a, post thuai thei turin sawrkarin min phalsak ngei pawh kan beisei mek a ni. Pu Chawngtinthanga, Phullen ang mentation hi buatsaih chhoh mek a ni a, 2015 -2016 velah NEC atan propose a ni. Hei hi ava tlai ve in ti maithei a, Pu Thangtea pawh khan, kum khat chauh a awm tawh a, ti hman tawh dawn lo ang khan an sawia, keini lahin a lehpekah hian sawrkar chhonzawm leh mai tur anga kan indah avang hian proposal pawh hi huaisen takin kan siam zel a ni tih kha min lo hriatpui ka duh a ni. Tin, pipeline hlui tawh hi hmuntinah a ni a, a tuiek deuh veka, kum 15 lifetime tur kha tunah hian 20 te 30 chuang te a ni deuh hlawm a, chuvangin khaw tam takah kan buai a, atuieka a then phe chu a hrisel lo tih pawh kan hria a, hemi thlakna tur hian 2012 – 2013 ah hian sawrkar hnenah target dahin kan nawr zel a ni, tih kha ka chhanna ni se.

Pu Hmingdailova Kiangte, Hmar Chalalang pipeline a chhiat thuah khan amah pawhin minrawn dawr a. Ani taka, PWD in kawng an laih hian kan hriatpui lemloh hian kan pipe tam tak hi an nawr chhe thin a, chu chu khaw tam takin an tuar thin a, kan sawi a, contractor-in an titha duh tawh mang silova, tin, tam tak chu an nawr chhe vek tawh baw si a, sawrkar lamin pek mai tur kan neihloh a, khaihlak hi a tam khawp mai a, department in hna an thawh dawn hian department changtu hi chu inhriattir a, an thawh hma hian coordination neih a rawt kha thil tha tak niin ka hria a. Tin, Bualpui kha tui an kham lo a, fully covered tih a ni tawh si a, tih a ni a, a dik a, fully covered tih a nih lai khan, tuihna te a lo tha viau thin a, mahse alo rei hian tuihna alo tlem a, alo kang thin a, kan cover sa pawh kha cover lohah alo chang leh thin a, mahse tunah hian Government of India-in rem min tih saka, khatiang ho kha ennawn phalna min pe a, chutah chuan en mek a ni tih kha ka chhanna nisela.

Tin, Pu Rinawman, EWS sum indaih tawh loh avangin, a thusawi kha, hei hi kan dah tam theilova, a tul angin kan enzui ang. Sihphir hi GAWSS phase –II ah khan telh a ni na a, pawisa an chhuah tak tak a, an thawh khan Sihphir kha a daih ta silova, Durtlang bial chauh daih tawh kha a awm a, paw kan ti khawp a, chumi atan chuan 2013 -2014 ah hian NEC ah priority project atan buatsaih a ni. Pu K.S Thanga, Hlimen hi tui pek tawh a ni. Hlimen kha la pelo angin an sawi na a, mahse kan pe tawh a, veng kil deuchte chu kan la tuam kim lovin , mamawh ang zela extend chhoh tum a ni ang, tih kha ka chhanna ni ta se la. Pu Duharawn sawi kha, Sairang khua hi a sawithin a, keini pawh hian kan ngaih pawimawh sak a, kan hotupa a ni a, tin, a bial tan thahnem a ngai a, theih tawpin kei pawh mirawn phone thin a. Sairang hi chu tunah hian a hriat hman loh vang a ni mai thei a, Rs. 222.14 lakh-ah

khan DONER-in 20th March, 2012-ah khan sanction 1st Installment nuai 78. 5 min rawn pe tawh a, a expenditure sanction turin finance-ah kan dil mek a, a then thente hi chu karkhat kal taah khan tender kan chhuah mek a ni, tih kha ka hriattir duh a.

Tin, Changzawl tuizem chungchang chu an sawi ang kha a nih chuan a zahthlak khawp mai a, kha kha a nih ngai chuan rora pawh a man pawh pe lo, contractor-in an thawh kha tui dahna tlak a nih loh chuan enchian ngei ngei a ngaiin ka hria a, chumi chu kan lo enchiang ang tih ka hrih ni ta sela.

Tin, Pu Selthuama'n Maubawk UPC Biakin bul drain siam tul a tih chu kan lo enzui ang a, an lo tih tawh chhunzawm mai kha a ni a, kan ti thei mai turah ka ngai a.

Tin, Aizawl Greater Water Supply Phase -I leh Phase-II hi sawi a tam a, sawi chian pawh hi a harsa angreng khawp mai a, Phase-I kha 1988 atanga hman a ni tawh a, khawl tam tak kha a hlui tawh a, in hria a, tin a pipe tam tak hi a puak thin a, kan buai kan buai a, tin, chanchinbuah pawh a lo lang tam em em thin a, keini pawh kan lu a hai a. Phase-II kha kan han ti leh a, kan duh angin scheme a kal thei ta lo va, nichina member zahawm takte sawi ang khan contractor-te pawh ban hial kha a han ngai a. A dang kan han tih leh pawh khan kan neihsa khawl te, a control-na board-te a lo kang a, chung chu a chhan chu a huna kan replace theih loh vang a ni a, tunah hian replace thei ila chuan kan pumpelh thei tur a ni a, pawisa kan neih si lohna hi a chhan chu a ni mai a, kan repair chu a chhiat chuan tih ngei ngei a ngai si a. A then chu khawlte hi phuahchawp ngai te a awm a, khutah a company-ah Pune-ah te zuk order that lehte a ngaih avangin kan duh hunah kan ti thei lova, Aizawl khawpui pawh fur laiin tui ngheiin kan awm a, a zahthlak viau mai a, kan control phak bak a ni si a, Khatla-ah fur laiin tui kang an nghak tih te chanchinbuah, a nghaktute lam thlalak han en chuan a Department tan chuan a chhuanawm lo viau a ni. Mahse Pu Speaker, tihngaihna a awm si lo va, kan control phak bak a ni a, mahse kan hnathawktute hian hetiang khawl chhia hi an dah mai mai lo va, zan khua khuain an repair thin a, chutiang chuan hna an thawk a, mipuite pawhin kan theih tawk bak hi chu min ngaihthiam rih kan duh a ni. Tunah hian PHE-a Jack Well hmasa an zawh fel loh vang te, tin Serlui B-a RCC lei siam lote pre tank te hi an lo ti lo va, chuvangin phase -II pawh kha duh angin a kal thei lo va. Tunah Department-a kan han chhunzawm leh hnu hian hengte hi zawh fel a ni na a, a vaia zo fel vek tur hi chuan kumin financial year chhung hi chuan tluangtea kan tih theih ka beisei a ni.

Pu Thangtea kha ka chhang tawh emaw ka hre lo va, Buarpui kha NEC-ah a tihchangtlunna tur Concept Note siam peih fel a ni tawh a. Laisawral leh Sesawng Rainwater harvesting-ah syntex an pe a, an pe kim lo tih te, a bak chu pawisain an pe tih te kha ka han hriat chuan a zahthlak viau a,

Dr. R.LALTHANGLIANA : Polythene a ni lo va maw, tui dahna syntex, polythene ni lo vin an pe a, mahse pek kim loh chhungkua tam tak kha an awm a, Rs. 24,000/- ang a pek tur an nih lai khan Rs. 15,000/- chauh pein chhungkua Laisawral-ah khan 115 dawng vek tur an nih laiin 34 te hi pe lo in an awm a. Sesawm-ah chhungkua 75 an awm laiin dawng ta lo kha chhungkua 42 lai kha an awm a, kha kha final bill an la vek tawh si a enfel deuh chu a tha khawp ang. Tin, Buarpui chungchangah khan Pu Speaker, ka sawi zing ve tawh khawp mai a, hemi lei hnuai verh a lak tih ang chi kha a that viau laiin a buaithlak khawp mai a, a hniam lam ami lak tlang lamah mi tam tak an awm a. Chuvang chuan tui lak tur tha tak kan nei a rawtna pawh vawi tam tak ka siam thin a, Engineering Chief lamah emaw hei hi chu min ngaih pawimawh sak ve tawh ula ka duh khawp mai.

* Speech not corrected.

Pu S.HIATO, MINISTER : Pu Speaker, kan sum a kim lo te, tin, a kimlo pawisa a dahkhah mai te kha chu kan project kha a fail dawn tih kha a lang mai a, chu chu kan lo enzui ang tih kha ka hrilh duh a. Tin, Buarpui hi a sawi thin a ni e, Underground pumping angah hi chuan kan hlawhtling berin ka hria a, an hmang tha a, a tangkai bawk a. Tin, anmahni Water Committee kutah kan dah avangin an enkawl tha a ni. Mahse a daih lo tih kan hria a, khua a lo lian ve tawh a a hnai a tuilak tur pawh kha kan survey mek tiin a hmasa pawh khan ka chhang tawhin ka hria a, kha kha an kalpui mek a ni tih kha ka chhanna ni leh mai se.

Pu Speaker, Tourisim-ah khan (Pu John Siamkunga : Pu Speaker, khawngaihin Cherhlun kha min rawn re-act ve miah lo mai a, nichina ka sawi kha khawngaihin min rawn react teh se). Pu Speaker, a tam deuh hlek a ni e Cherhlun hi tui harsatna hi a bialtu pawh hian a sawi thin a kan hria a, tunah hian 2012 – 2013 target village-ah kan dah a ni. Chu chu pawisa kan hmuh veleh kan thawh thuai theih kan beisei a ni.

Tourisim hi department te tak te ni si tangkai ve tak kan ni tih kha chu in hria a. Chuvangin kan MLA zahawm tak tak te pawh khan in bialah hmun dangah a thar dah sak tur tein rawtna eng emaw zat in sawi a, chu chu a in sak mai hi chuti lutuk chuan a har lova, kan Chief Minister pawh hian a ti thin a, in sa chak lutuka a main power pek tur in nei si lova, chuvang chuan kal slow teh u te pawh min ti a, chu chu a dik viau a. In kan sa a kan luah theih leh loh hian tam tak a chhe leh hman thin a, kawngkhar te, toilet te leh electric zawng zawng te pawh hi min ruk sak thin a, kan buai phah viau a, chuti chung chuan a pawimawh si a tih zel hi kan duh a, chumi atan chuan theih tawp kan chhuah a. Engvang nge work Schedule-ah khan a lan loh tih kha a awm nual a, pakhat khatin ka chhang lo che u anga. Work schedule a telh loh chhan chu Tourisim department in sak reng reng hi, kan sa tam ve viauin kan hria a, PWD kutah kan dah a, PWD kuta kan dah si chuan an work schedule-ah khan lang ve mai turah kan lo ngai a, keini a kan dah loh chhan chu a ni. Amaherawhchu kan sak mek te engemaw zat chu nakinah sawi chhuah ve ka tum ang.

Tin, Member zahawm tak Pu Ramhluna'n eng ngatinge Assistant Receptionist tun thleng a in fill up loh a tih kha a dik a. Kan Chief Minister leh kan Cabinet meeting khanin post 34 lai department danga an ti mang loh hmalak min tih sak a, an chungah kan lawm em em a. Theih tawp chhuaha fill up kan han tum na a, engemaw zat chu kan fill up hman a. Amaherawhchu khang ho kha MR seniority atanga tihchhoh tur anih avangin keinin MR seniority list kha kan siam thei si lova, DP&AR-ah kan dil a provisional seniority list chu min rawn pe a, mahse DP&AR-in a final seniority list, Asst. Receptionist, M.R. atan hian ala tihchhuah loh avangin tun thlengin kan la ti thei lova. Keini pawh kan hmanhmawh khawp mai a, anni ho pawh kha promotion pek thuai thuai pawh kan duh a, an nghakhlel em em tih pawh kan hre na a, hei hi kan tih theih rih lohna chhan chu a ni a. Tin, sanction post hi (Interruption Pu C.Ramhluna) Pu Speaker, ani kha sorkar hnathawkah pawh a senior officer a ni tawh a. DP&AR in a tihchhuah loh hi chuan sorkar document tak tak hi a tling lo tih a hre vein ka ring a. Chuvangin, anmahniin an tihchhuah loh kha chuan keinin lo fill-up ringawt ila finaltu kan ni lo a. Buaina awm se anmahniah khan refer leh tho a ngaih dawn a vangin an kutah kan pe a. Tin, seniority list ang khan tih kan tum a, mahse a then Provisional Seniority List a rawn chhuak hmasaah khan an lungawi lo a, an complaint leh si a. Chuvang chuan keini hovin kan final thei lova, an kutah kan dah a ni. Tin, kha kha kum khat atan chauh anih avangin tun June thlaah hian kum khat a ral tawh mai a, a extension turin phalna kan dil mek a ni tih hi a chhanna ni se.

Tin, Pu R.L.Pianmawia khan Darlawn Tourist sakna hmuna ram neitute kha M/R hna pek sak tura thu tiam angin a ti a. Chuvangin hmun neitu fapa Ramengmawia chu ni 5.6.2012 khan Chowkidar-ah kan dah tawh e. Tin, Darlawn leh Sakawrdai hi hawn theihin a awm tawh naa, tin hmun dang dang pawh a ni vek a Pu Speaker, hawn theih tur engemaw zat kan nei a. Amaherawhchu furniture te, Electric wiring te, tui te keini kutah a awm mai loh avangin State Planning-ah te, Govt. of India-ah te theihtawp chhuahin kan nawr a. Chuvang chuan Chalfilh a ni emaw, Khankawn emaw, Darlawn a ni emaw Sakawrdai a ni emaw, tin, hmundang dang pawh helamah Suangpuilawn bial Darzo te, Vanlaiphai thlengin Pu Chatea bial hetah N.Vanlaiphai te leh E.Lungdar te thleng pawh khan, khami harsatna kan neih avang khan kan hawng thei hrih lova. Chumi atan chuan tan kan la a, a then then hi chu October thla velah hian kan hawn theih ngei pawh kan inbeisei a. Hma theih tawpin kan Department hian a la mek a ni tih ka chhang duh a. Tin, Chalfilh khi a hmun a hla deuh a, a then pawh kal tawh te in awm ang a. A In satu pawhin a sat tha a, hawn hlan pawh kan nghakhlel a, Aizawl hi a tawt a, kan nula leh tlangvalte chhuah vahna tur pawh a awm lo em mai a. Chuvangin Chalfilh leh a chhehvela kan neih thar ho Hmuifang te, Reiek te pawh nise han function a, tha taka han tih thuai thuai hi kan chak a. Mahse a Chalfilh bikah chuan tlangchhipa awm anih avangin tui a harsa a, electric lakna turin a hla ang reng bawk si a, chumi tur chuan hma kan la mek a. Hawn thuai a hetia Assembly Session laite pawh hian kan vai hian va kalin va hawng thei ila tih hi kan chak teh lul nen, kan hman leh ta rih lova, pawl kan ti khawp a, a rang thei ang berin hawsak pawh kan tum ang a. Tin, tunah a nghaktu turin Chowkidar pawh kan dah tawh a, tin Khanpui Tourist Lodge pawh kha a sawi a, Chowkidar kan dah a, kan la hawng thei lo deuh hlek a ni tih kha ka sawiduh a.

Pu John Siamkunga, MLA zawhna Tiau lui leh Chhimtuipui infinna hi hmuhnawm an ti khawp a, fur laia va hmu tawh chuan a inbuan a, chhimbalte pawh a zam thin e, an ti a. Nupa tuak 7 pawh an inthen e tih khan a sawiin ka hria a, a hmuhnawm viau a niang haw an tum lova, a thenin haw an rawt pawh khan an haw duh lova an inthen phah niawm tak a ni a. Chumi atan chuan rawtna te pawh sorkar hnenah kan lo thlen ang a. Tin, Pu Rinawma, MLA in a rawn raised Tourist Integrated Development hnuaiyah (Interruption during Pu S.Hiato's speech) (**PU C.RAMHLUNA** : DP&AR atanga an phalsakna kha chu a awm ngei ang a, approved M.R., anihna kha. Mahse a engagement a kha chu department khanin engage a ni si a, DP&AR atanga seniority list lak kher kha a ngai dawn em maw ni le, department khan an hre vek thei mai lo em ni ?)

Pu S.HIATO, MINISTER : ...Sakawrhmutuai Tlang leh Durtlang Sakei khawthlir kha DPR kan siam vek tawh a. Lo chhuak mai tura kan ngaih kha, sanction kan thehlut a, mahse, sanction lohah a tel hlauh mai a. Tunah hian Prioritisation tan kan sawi nawn leh a, kan nawr zel a ni tih kha min lo hriatpui se tih ka duh a.

Highway Restaurant, Thingdawl hi additional building engemaw zat kan sa a. Kan sawi tawh ang khan Mizoram PWD kutah kan dah a. A design te hi a fuh tawh lo nge ni ka hre lova. Dina-roofing an tih hi kan chih thiam lova, kan hre lo nge kan Tourist Lodge reng reng an sak tirh laia mawi em em si, hawn chakawm em em kha ruah a sur hian ruah do turin an lo tha tawh lo a ni. Chuvang chuan, hawn kan tum pawh tam tak kan thulh phah a. PWD thawktute hnenah kan report a, anni pawhin an rawn repair mek zel a. Hetiang hi Thingdawl pawh chu a dinhmun a ni.

Kawnpui pawh hi Tourist Lodge dah turin an rawn dil thin a. Mahse, Vairengteah kan nei a, Kolasib-ah kan nei a, Thingdawlah kan nei a, Bairabiah kan nei bawh si a. Khawtina hun em em hi chu a lo harsa deuh rih a ni. Chuti chung pawhin, an harsat thu

IB a lenloh thu te hi an rawn sawi thin a. Chungte pawh chu kan sawi tawh hnu, kan ngaihtuah mek a ni. A dil chhuah hi chu kan zu dil a, kan hmu ve leh mai pawh chu kan ring a. Mahse, maintenance lamah kan harsa leh dawn a ni.

Tin, Pu Chawngtinthanga pawh kha, a Bial Mawmrang Tlangah te, khilalah Phuaibuangah te, hmun hran hranah dah turin a rawn dil thin a. Chu pawh chu kan kalpui mek e.

Tin, Pu K.S.Thanga'n Sialsuka Mega Project Ministry hnuaiyah Heritage Village emaw, Mizopa deuh khua anga dah ve hi a tha alawm. A Khawtlang a nuam ve si a. Ngei ngei Tlang te, Loh theih loh Tlang te awmna a ni a, a rawn ti thin a. Han tihsak pawh kan chak a. Tunah hian chumi atan chuan Consultant tha deuh mai neih kan duh si a. Kan han zawng thin a, Consultant hi a changin Finance lam te, Planning lamten min phalloh a. Mahse, Consultant lo chuan hna kan thawk thei si lova. Chulai chu, tuna kan han tintuah dan chuan a DPR hi Delhi School of Planning & Architecture, Ministry of Tourism Consultancy Firm-in thawk turin kan tintuah mek a. Hemite hi tihthat theihloh kha a hlau a, min rawn hrilh a. Mahse, Sorkarin hei hi a tintuah lai mek a nih avangin, lo nghak phawt ang tih hi ka han sawi duh a ni.

Tin, Tourist Lodge hi Revenue a hmu tha lo tih hi sawi a ni a. A dikna lai a awm a. Mahse, Tourist Lodge atanga Revenue kan hmuh ngar ngar hi kan MLA zahawm takten min chhutpui loh hram kan duh a. A chhan chu foreign atang te, India ram atangte tourist lokal reng reng hian kan Tourist Lodge thlenman atang ringawt hian revenue hmuh hi a ni lova. Hotel neitu zawng zawngin an lo hlawkpui a, Taxi neitu a lo hlawk a, Thingpui dawr an lo hlawk bawk a. Second hand zuartute, Dawrkaite leh thildang te pawhin an lo hlawkpui a. Kha mi an rawn kenlul pawisa zawng zawng kha kan chhut telloh chuan revenue a va tlem ve tih hi a awl riau a. Mahse, revenue chu Mizoramah tam tak a lut a ni tih kha ka'n sawi duh a.

Pu Nirupam thusawi kha tihhlawhtlin a chakawm a. Mahse, Mizoram Sorkar Policy leh Kohhran te, NGO te duh dan a ni rih si a, duh angin kan hlip ngam si lova. Tourism Department leh Tourist te ngaihtuah chuan Mizorama rawn luh theihna tur chuan kan Zufang te, Zubilh tui tak tak te, kan Rakzu tha tak tak vodka aia tha te hi han hlui thei ilang chuan tam tak chu kan hailut ang maw le tih hi chu keini Department atang hi chuan kan ngaihtuah ve dan thin a ni a. Mahse, zawimuangin Sorkarin a enchho zel ang chu tih kha ka chhanna ni se.

Pu Speaker, a rei viau tawh a. Mahse, Industrisries lamah hian khawngaihin

Dr. R. LALTHANGLIANA : Lunglei Zotlanga Tourist Lodge-te a rei lutuk tawh deuh a, hman theihloha awm rei lutuk ang chi additional building ang chi te, tin, Bung Banglow a Hotel Management In chu infrastructure lian lutuk sorkar hmasa hun laia ruahman, Assembly Committee pawhin Pu Speaker, kan zuk tlawh a, henge ang hi chu rotling tak tak tura buaisaih tur ang chi lai thil a kha. Buarpui a I.B kum sawm engemawzat senior lutuk aiah te sawn chuan Tourist Lodge-te chu min sak sak ula, staff kan pe theilo a nih pawhin kan hlawh atangte pawhin kan lo tum ve a nga tih thleng kha kan inhuam ve a nia, khangte kha commitment kha kan bialah pakhatmah a awm lo kha, ka'n duhthawh deuh a ni Pu Speaker, nichin khan hun a tlem si a.

* Speech not corrected.

Pu LALROBIAKA : Pu Speaker Marpara lam pawh kha min la rawn chhang lova, a pawimawh dan kha ka rawn sawi a, tawngkam thiamlo tih takah, a hmuna kal leh a hmuna awm te khulai khu ka sawi ang khanin mi chi hrang hrang Govt. official-te, thlenna tur pakhatmah a awmlo a ni a, chuvang chuan priority min pek a min ngaihtuhsak theih chuan a lawmawm ngawt ang. (Pu S. HIATO : MINISTER Marpara-ah Tourist Lodge sak dan tur kan lo umzui ang e.)

Pu LALDUHOMA : Pu Speaker hun a tlem avangin Tourism kha ka khawih hman miahlo va, thil pakhat chauh, mimal Tourism lampanga project siam duh ho hi NEC ah hian kan sorkar hian pakhatmah a recommend duh tlat lo mai a, hetiang a nih chuan sorkar tih ringawt a innghat hi chuan thui kan kal dawn lova, kan lost mah mah zawk tih pawh kan hria a, private a kal duh te kan rek pin tlat hi chu tha ka ti lova, thenkhatah thil diklo a awm tih phei chu kan hotuten an sawi a, kan pawm tho a ni, mahse enfiah a, dil sak tlak, recommend tlak an awm ngei ang tih hi ka ring a, chung chu enfiah deuh sela. Loan an lak dawn a quarantor atan thiango dan te kan pass a, quarantor-ah an tan sak duhlo a nih pawhin anmah niin loan an la ve thei a, in recommend sak duh loh ringawt mai sorkarin policy a a nei nghet bur mai ringawt mai pawh hi a tha lo ka ti a. Hengte pawh hi an rawn reconsider thei lawm maw ni le ?

Pu C. RAMHLUNA : Pu Speaker, Bung Tlang South kha hna kha an tan tlai riauin ka hria a, kum hmasa lamah khan hna kha an ti tan tawh dawn an ti kha a ni a, a dinhmun a kha min hrilh thei se ka van duh ve.

Pu S. HIATO, MINISTER: Pu Speaker Dr. Thangtea sawi kha ni e, thiante kal hmasa te chanchin hi ka sawi duh lo viau va, mahse sawi a ngai tlat, “kan hun laia pek a ni a” a rawn ti baw si a. Dik tak chuan contractor an pekte kha an capable lo a ni, a hunah an zo theilo a ni chu chu a chhan ber chu a ni mai. Tunah hian theihtawp chhuahin tan kan la a, a then te phei chu financial year-ah hian hawn hman ngei te pawh ka in beisei mek a ni tih kha ka chhanna ni se. Hei hi Lunglei Zotlang leh Bungbangla a sak mek chhanna nise. Tin, Buarpui-te pawh kha a theih chuan proposal tharah te pawh kan la telh ang chu Marpara nen tih kha ka chhanna ni mai se.

Tin, Pu Duha sawi kha a dik a, englo a nia privatization hi a tul kan ti a, tin, tun tuma Tourism Board pawh khan kan rilruah chuanin a recommend a, kan thunawn thei rihlo va, mahse, keimahni a thiamlo layman ho khan han tih ringawt kha a harsa si a, chuvang chuan consultancy farm tha tak khi nei ila a ni hian ching sela, tin, State dang tihdan pawh hi min en sak se tih hi kan duh a, chumi atan chuan Sikkim-ah Tourism a hma tisawn ber, tuna pension ta

P.K.Dong an ti a chu chu kan han ruai dawn a kan han kal deuh ek ek a, mahse Planning lamin an phal ta lova finance nen, mahse, kan han bei tha leh a kan Chief Minister zahawmtak hian min han phalsak a tunah hian rawn zawm tur a ni a, chungte chu kan han nghak a, anni ho kha tlai deuh hlek mahse, an report ang khan hnathawk ila chu kan tifuh ber ang chu tih kan ngaihtuah vang a ni tih kha min lo hriatpui hlawm se ka duh a, Helaiia thawk hi experience tak an awm hlawm si lova. Tumah in recommend duh lo a tih te kha a awm a, ni e khami ho kan nghah avang khan mimal case recommend loh pawh kan lo nei maithei a ni tih hi ka chhanna ni mai se.

Pu Ramhluna zawhna kha Bungtlang South hi kan tender daih tawh a, contractor pawh thlan tawh a ni a. PWD in tunah hian sak leh sak loh chu a hrechiang ber ang a, a bialtu nen Contractor kan thlanna kha a rei tawh a ni tih kha ka chhanna nise.

Tin, Industry-ah Geology & Mineral Resources zoology ala awm a, chumi hnuah ka duh zawng ka sawi lehngal dawn si a lo ning lo hram turin ka ngen duh che u a.

Industry hi, ni e thalaite inngahna, mipui inngahna leh thil tam tak inngahna a ni tih chu kan hria a, mahse a tak tak tih chu a harsa deuh a ni tih chu min hriatpui theuh ka ring. Sorkar kal tawh zawng zawngte tun thleng pawhin chuti lutuka chhuanawm lutuk a kal, hmalak theih tak tak loh hi a pawh kan ti a, mahse chuti chung pawhin hmathar tam tak lak kan tum a, tihmasawn pawh kan duh a ni. Kan sawi tawhin ka hria a, kan Chief Minister zahawm tak hian Sharad Pawar lokal khan.....Pu Liansailova te nen kan hmuak a, introduction min pekah Industry Minister without Industry min ti a, a ni ve mai awm tak tak e, Industry lian pakhat mah kan nei ve si lova, chu chu kan harsat tlanna a ni a. Pu Ramhluna rawn sawi kha promotion tawt lutuk hi kan veina a rei tawh a. Mahse keimah niah khuan association eng emaw nek nek ngaihtuah inang theilo engemaw zat khu an awm a, chu chuan duh angin kan kal chak theih lohna chhan a ni ve a. Functional Manager-ah hian promotion atan 25% dah a ni a, limited departmental examination atan hian 50% dah a ni leh a, tin, direct recruitment quota atan 25% dah a ni leh a. Chuvang chuan a bik takin direct recruitment quota leh departmental quota te hi hnawhkah a harsat avangin post ruak zawng zawng hi hnawhkah theih nan limited departmental examination te, direct recruitment examination quota te hi tibo law law ila, 100% hian promotion..... emaw recruitment rules siam law law ni mai se an ti a. Tunah Association te, kan department hian recruitment rules sorkar hnenah an thehluh mek a ni tih kha ka chhanna ni se.

Tin, Pu Liantlinga rawn sawi lungalhthei quota kha. 2010-2011 ah khan quota min pe a sorkarin, Coal Authority of India in, quintal nuai 1 min pe a. PEMCOS kha tunge tih kha ka han chhang hmasa ang a. PEMCOS hi Mizoram a ex-serviceman ho inzawmkhawm association ho hi an ni mai a. Helai Khatla nen a buai pawh kha an ni maithei ka chiang chiah lo a. Tin, khami min han pek khan PEMCOS leh ZIDCO kan department a PSU ami hi pek an ni a, mahse a then kha West Bengal ami daih an ni a, a tam zawk 80% kha a hla si a, a phurh man a to si a (Interruption) (SPEAKER : Civil Pensioner tih zawk em ni? Ex-Serviceman nilovin.) Civil Pensioner ho an ni a, a hmingpum ka'n hrilh thei lo mai a, mahse Civil Pensioner ho senior tak tak hote hei Pu Thanmawia te leh tu tute emaw ho kha an ni. Chu chuan an chanvo kha an lift lo a, a tlem zawk helai North-East ami kha 20% vel kha an la ta kha a ni a. Chumi an han leave chhoh khan an han ti deuh chho tan dawn a, mahse Central Sorkar khan 2011-2012 ah khan 63% in lungalhthei man kha a tipung chho daih mai a chuvangin kan la ngam tawh lova. Chuvang chuan tuna kan leisa pawh leave tawh lovin a awm ringawt mai a ni. A chhan chu a hlawk dawn loh lutuk avangin an ti ta lova ni tih kha ka chhanna nita se. Tin,.....

Pu LALDUHOMA : Pu Speaker, khalaiah khan Mineral Development Corporation kha din a ni a, chu chuanin cold block quota kha a dil dawna, Jarkhand-ah Thermal Project zuk din turin tih a ni a, Kolkotta ami Subash-a te tho bawh kha kan sorkar hian a thlang tih pawh kan hria a. Subash-a te hming alo lan hi chuan tlemin kan ngaih hi a

thalo ve a nia. Thermal an zuk siam tak tak te kha rin har ka ti a. Siam anga in ngai si khan kan quota kha an la anga, an hralh leh teuh mai anga, tu te emaw hlawk naah khan a kal ang tih hlauhthawn awmin ka hria. Kan siam tak tak dawn anih chuan P&E te hianin tih zawk law law awm a nia, a man power pawh an nei dawn emaw ni tih lai kha, tunah Jarkhand an dil leh dawn tih te hi sawi thawm a awm a. Min han hrih chiang thei deuh se ka va duh ve.

Pu K.LIANTLINGA : Pu Speaker, a zawh lai la la khan khami metric ton nuai khat kha quintal maktaduai khat a ni a, khang allotment kha a tawp hlen ta nge ni a, Meghalaya atange pawh khuan a lak theih em ? heng kan industry 7 Mizorama kan neih ve te hi, Bhaga te nena in compete tur hian Brick hi tlawm zawka lak chhoh sak theih dan te a awm em ? tih kha ka rawn sawi lai tak kha a ni a, a chhan theih ang em aw ?

Pu S.HIATO, MINISTER : Pu Speaker, Pu Duha zawhna leh Pu Liantlinga zawhna kha a inanglo a, Pu Liantlinga zawhna kha chu kan cold quota allotment pek engtingge kan hman ? Engtingge kan sem tih leh in la chhonzawm zel em tih a nih avang khan ka chhang anga. Ni e, ka sawi tawh angin 2011 atang khan 63% a tihsan anih tak avang khan kan la chhonzawm ta lova, a quota kha erawh chu ala awm mai ang chu ka ti mai a. 63% a lei duha, helaia hralh leh tur hi chuan hralh ngaihna kha a awm tawh lova, chuvangin amah hian a tawp tlat mai a ni tih kha ka hriat dan a ni a. Tin, an lak lai khan khawiah nge an pek tihte kha a zawh naah khan a awm a. Ni e, kan lak ve chhun kha North East equal share atanga kan hmuh kha 2010 ah khan metric ton 3791 a ni a, chutah chuan 2 khan an la a, mahse PEMCOS khan an hralhna mumal chiang takin min hrih thei vak lova. ZIDCO erawh kha chuan an hralhna kha M.S Modern Brick Industry, Bairabi ah te, M.S H.K.Brick Industry, Thenzawlah te, M.S.R.L.Brick Industry, Thenzawl te, M.S.R.L. Brick Industry, Bilkhawthlirah te khan an hralh a ni.

Tin, tam tak hi chu lungalhthei hmanga tih ai chuan thing hmanga ur hi kan tam angreng khawpa. Chuvang chuan an hralh lai pawh khan khami dealer kha chuan hralhna a hmu vak love tih chu ka hnenah chuan an sawi ve thin a ni. Hemi Pu Duhoma rawn sawi kha chu Thermal Power siamna tur hi kan Power hi kan indaih lo em em a, chuvangin lungalhthei atanga siam hi nise tih niin a rawn diltu an awm a.

Subash-a te pawh kha a rawn diltu zingah a awm ve a. Chu chu Mizoramah emaw ah emaw bun mai kha lungalhthei kha a duh tam nasa dawn si a, chutah chuan Bihar emaw khawimaw laiah in bun a, Mizoram hi heta K.V line an tih ang hian min zawm sak tur khan hma an la a ni a. Engemawchen hma kha an la na a, in hriat angin central sorkarah lungalhthei chungchangah buaina a awm neuh neuh a, scandal te pawha inpuh tawn an awma, hemi avang hian engemaw chen chu a khawtlai rih a. Chuti zawng chu ka chhan theih tawk ni mai selang, ka lawm e a awm theih kha chuan, a tak taka an hman kha chuan tangkai tak tur a ni tih erawh chu kan ring a ni.

Tin, Zuangtuia Industiral Estate-ah khan pawisa in dah a, a hmanna kan hre si lova ti a Pu Rinawma zawhna kha - Kha kha Zuangtui atan ringawta tih a ni lova, Lengte-ah te, Pukpui-ah te, Luangmual-ah te khaw hran hranah kan nei a, chumi a kan expenditure chu a ni. Tin, a luahman tam ta lutuk hi engtingge tia a rawn sawi kha. Complaint engemaw zat kan hmu a, Association Zuangtui lam pheih chuan High Court-ah kan kal an ti a, Chanchinbu-a kan hmuh dan pheih chuan, an kal ta em pheih chu ka hre lova. Keini pawhin Board an awma a hranpain chumi tur chuan an exemp leh kha a ngai a chumi tur chuan en mek a ni tih kha ka chhan theih tawk ni mai se.

Tin, Pu Liantlinga'n PSU chungchang a sawi kha a dik a, kan PSU te hi kan hretlang vek a, lu an tihai a ni, share capital an pek zawng zawng kha an vai hian an eizo tawh si a, tunah hian a dang pek tur kan nei tawh si lova. Mahse, a thawktu engemaw zat an awm a, anni ho kha an hlawh pek a ngai zel si a, pek lohva thla 4/5/6 te an awm chuan nuar lo thei lo khawpin harsatna an tawh thin hi sorkar-in a ngaihtuah a, an hlawh hi chu kan pe leh nge nge thin a. Mahse, a thawhchhuah hi a awm hlei thei lova chu chu kan mangan tlanna a ni a. Chumi avang chuan expert committee-te, finance department Chief Secretary hoten an din a, an en thin a, engtingge kan tih ang tihte pawh tunah hian report an thehluta, a then hi chu privatize mai ila a tha mai lawm ni, a then hi chu Simla Firm agreement-ah te kal se tih te.

Tin, stamp registration office-te kha in hawn chuan chulamah chuan kan dah thei mai lawm ni tihte pawh kha an exam a ni.

Pu K. LIANTLINGA : Pu Speaker, khalai kha an exam-na result te pawh kha a awm a. Assembly Committee COPU-ah hian kan awm a, ngun taka thlir khanin kum 20 chhunga crore 10 pekte kha chu, dinchhuahpui ngaihna a awm lova ni, kumtin nuai 50 a ni a, an hlawh tawh vel kha a ni mai a, an capital pek dan kha a fuhlo deuh hlek avang a ni. A then kum 15 chhungin crore 8 te, a then kum 23 chhungin crore 10 te anih avangin tupawh nisela dinchhuah ngaihna kha a awm lovin a lang a. Tuna nuai 818 lo langah pawh hian public sector unit pali emaw a lo awm ta a, heng sumte hi engtianga hman tum nge anih ang aw, tih kha min hrilhfiath thei em aw.

Pu S. HIATO, MINISTER : Tumah inmawhchhiat theih a ni lova, kum engemaw zat lo ding tawh a ni a. Eng ministry pawh khanin theihtawp chu chhuah mahse an sum peipun tur peipung si lova staff lak teuh teuh khan pakhatat chuan kan thuanawppui hi niin alang tlat mai a, tunah pawh hian ban mai theih an ni silova khawnge kan dah ang tihin kan lu a hai bawh si a, chu chu kan harsatna hi a ni tlangpui a. Expert Committee-in an report-naah Sorkar-in a en anga, tunah hian cabinet memorandum pawh siam mek a ni a, kan enzui ang a, engtingge decision kan siam dawn chu ka la sawi thei rihlo a ni.

Dr. R. LALTHANGLIANA : Pu Speaker, Minister-in a sawilai mek hian ka sawi nen khan a inzawm deuh tlat mai a, min chhan theih mai ka ring deuh hlek a. Privatisation kan ti mai dawn em ni kan Minister an ti takna a, privatisation tur khanin Industry Department atang khanin advertisement kha april thla khan chhuah anih chung pawh khan chhangtu an awm miah tawhlo kha a ni a, khatiang vel kha a nia, a beidawnthlak ang reng a. Chuvang chuan ADB atanga delay tuna corporation-te re-structure tura a rawtna ang chi kha kal mai ta ang sela a tha awm mange aw tih te, Pu Tlinga han sawi ang deuh khan Assembly-ah COPU Committee-ah kan awm a kan rilru kan seng ve a ni, thiltha tur kha chuvang chuan ngaihtuahna tuna sorkar-in a hman mekah hian beidawng mai lovin theihtawp la chhuah tlan kha a tha a. Entirnan, MIFCO te pawh 2010 kum te kha chuan thla 7 an la lo tawp mai a, Office kha an khar a ni tak meuh mai a. Kuminah pawh hei thla 5 a lo ni leh a. Khatiang em em kha chuan hnathawh that kha a har ka ring a. A chhan chu Incentive a awm lova, beidawng leh harsatna lian tak tawh chung a thawh kha a harsa hrim hrim a. Chuvang chuan heng hi uluk taka thlir kha a ngai a. Chipchiar taka lo chhan theih loh pawhin kan lawm tho a. Amaherawhchu,

commitment te hi chu hengah te hian awm thei se chu a tha khawpin ka hria. Political way nena kan kal tak tak a ngai tawh a ni tih kha ka han sawi chhuahna chhan ber a ni.

* Speech not corrected.

Pu S. HIATO, MINISTER : Pu Speaker, ni e, hlawhte han lak theih loh hian kan inpuhmawh hlawm thin a. Chanchinbuah lah hian engngemaw tak taka zualko deuh emaw tih mai turte hi a lo chhuak thin a. Mahse, nangni COPU Committee pawhin in manganpui a, sorkar pawhin kan manganpui tih hi chu phat rual a ni lova, chu chu kan harsat tlanna hi a ni ber mai a. A siamthatna turin pawisa khatianga peipun turin tlem an han pek pawh khan peipunna lam kha a kal lova, hlawh lamah bawk a lut thin si a. Chumi tur chuan Industries department hi a lian si lova, kan va pek tur capital share tur kha kan nei daih bawk si lova.

Dr. R. LALTHANGLIANA : Pu Speaker, khawngaihin. A sensona lampang zawng vak hianin kan sawi lo zawk mah a ni. Entirnan, nichina ka'n sawi zawk kha technical mi an tam ta em em a, MIFCO ah chuan. 20,30 dawn te pawh kha, entirman, Food and Vegetable Processing, helamah Horticulture lam pawn mihring an nei chuang lova. Khatianga zawnga senghawi dan pawh kha a tha hialin kan ring deuh a. Tin, chutiangan an hlawh lampang kha ka sawi em em lo. Hetah Vety lamah te pawh Meat Processing lamah, MIFCO ami Expert kan neih ho kha khatia senghawi ang chi, awlsam angreng deuha thil tih dan hi a awm mai thei awm mang e aw, tih ngaihtuahna kan neihpui ve deuh chu a ni a. Engngemaw, advice, thurawn ang deuh chi a ni. Kha kha chipchiar taka inchhan pawh ka phut vak lo. Amaherawhchu, 'hei hi theihtawpin tan kan la ang a,' tih te pawh kha ka'n beisei ve deuh a ni.

* Speech not corrected.

Pu K.LIANTLINGA : Pu Speaker, Industries Department hnuaiah Company 4 an awm a, Trade & Commerce ah khan Company pakhat kha a awm a. The Mizoram Ceiling on Government Guarantee Act te pawh kha kan siam tawh a. Khatah khan Public sector te leh Cooperative Society te, Sorkar te khanin loan lak theihna kha an nei a. Dingchhuak tak tak tura hmalakna tur chuan an hlawh ringawt kha a ni lova. A lo berah pawh crore 10 vel emaw te, Govt. Guarantor atangin loan theih dan te a awm em? Tih tak taka tih a ngai a. A chhan chu hman nia kan member zahawm tak zawhna a MIFCO ten Sapthei siamna te, Lakhuithe siamna te, Sertui sawrna te, capacity sang tak tak an neihte kha tunah hian hman tangkai theihin a awm vek tawh si a. Ngaihtuahna kha sorkar hian a hmang em? Heti ringawt a mi 50,60 lakhs te dah ringawt kha chu a fel si lova. An hlawh chu an hlawh tur lo dah pawh nita sela, Mahse, an capital, an thawhchhuah tak takna tur lai kha engtiangan nge ruahmanna a awm thei em? tih te kha nia, kan han sawi chhuah chhan deuh chu a ni e, Pu Speaker.

Pu S. HIATO, MINISTER : A chhanna kha tih hmaih khan ka hria a. Hei MIFCO te hi tihlen kan tum a. NLUP atang pawhin engngemaw chen thei lampang ching turin kan thlang a, tunah hian a la hmin chiah lova. Tuna kan khawl neih te hi khawl tha tak tak a ni a, a function tha viau a. Mahse, a raw materials kan nei lo a ni, sapthei ang te, tin, lakhuihthei pawh nise, serthlum pawh nise. Mizovin tam kan tih hi a tlem em mai a, sawr tham tak tak kan nei lo hi kan buaina a ni ve a. Tin, i sawi ang chuan engtinng staff kha kan senghawi ang tih te hi kan theih ang tawk chuan thluak kan hmang ve a. Anni phe chu Horticulture Department-in min la mai se, a then Industry-ah lut mai ila tih kha rawtna an rawn siam a. Chutiang chu sorkarin a en mek a, ka sawi ang khan, Expert Committee Report nen, khami an rawn dilna nen. Cabinet-in a lo ngaihtuah ang a. Thutlukna chu a siam em ang chu maw, tih hi ka chhanna ni phawt mai teh se.

Tin, Zuangtui Industrial Estate a Internal Road chungchang kha, ni e, kan kawng kha a chhe khawp mai a. Motor lian pawh a lut thei lova. Keini pawhin kan hmu a, mahse kan sum harsatna bawk avang hian kan siam thei lova, Pu Patea khan a rawn raise bawk a, ani hi PWD a enkawl bawk a, amah zawk hian engemaw kawngah hian min chhanchhuak ve se tih kha ka ngen duh zawk a. Keini lam atang hian siamthat duhin tum viau thin mah ila kan harsa rih awm mange aw tih hi ka chhanna ni leh sela.

Tin, Pu Ramhluna'n NLUP beneficiaries target hi an original scheme aiin ava tam ve tia zawhna a siam nachhan kha hei hi a chhanna a ni a. Aizawl khawpuiah te chuan land base beneficiaries ram neilo hi kan tam si a chuvang chuan tuna min tuk 3500 kha singkhat chuangin a pung ta mai a Industry thlang ho kha, chuvang chuan beneficiaries a lo tam tak siah chuan target hmasa aiin a tam a ni, hetah agarbati stick siam te, Petty Trade tih te tin, thil dang dang avang khan a lo pung ta a ni a. Chuvang chuan beneficiaries tam tak min dan avang khan kan pawisa kha a lo tam ta a ni tih kha ka chhanna nisela. (PU C. RAMHLUNA : Figure-in achievement kha 10732 tih vel kha a ni daih mai a, in target a kha 1600, 3200 tih te kha a ni si a, khatia in target aia achievement a san tak vak khan NLUP in pek kha engtinngie in pek tak ?) A tira allotment min pek a kha Pu Speaker, 3500 vel anih lai khan khawpui kha tuam ve kan duh si a, mirethei tam tak cheng khawm an tam si a ram neilo, chu chu khuh kan duh si a, chuvang chuan Aizawlah te, khawpuiah te chuan a lo pung ta a ni, chumi avanga achievement kha lo tam ta a ni tih kha ka sawi chiangin ka hria. A daih bak hi Agriculture Department hman bang atangin pek a ni.

Tin, Pu Liantlinga rawn sawi Grant - in - aid chungchang kha an hlawh tur indaih lohna helamah budget a lang leh silova a rawn tih kha. Hei hi capital account atanga pek a ni a, tunah hian share capital kan pe zo tawh a, an hlawh tur indaih lohna avangin an hlawh tur atan kumin budget-ah kan dah sak ta a, chu chuan pawisa tam tak kha chu a ei tih kha a hriat a, hei hi khalam budget-ah lang lovin revenue expenditure lamah dah anih avangin kan MLA zahawm tak khan a lo hresual palh a ni thei mai awm mange aw ka ti a. Tin, Grant-in-Aid hi midang ho pawhin an rawn sawi kha, khawl sem te pawh kha kan sem tha hleithei ta lova, Grant-in-Aid lamah pawisa kan neih loh vang a ni a. Tunah Planning Department lamah theihtawp chhuahin kan nawr a, anni pawhin min ngaihtuahpui an tum a, khati a nih chuan khawl tenau puanthui khawl, mistiri bungrua te pawh kha sem theih kan beisei a. Tin, NLUP-ah hian engemaw zatin puanthui trade an thlan ve tak avangin nichina Pu Selthuama sawi ang khanin kan thil semte hi a tha a, chuvang chuan a tam ber hi chu kan duhsak zawng train chhuak tawh te leh a thiam, a tui bik te hi chu a bialtute pawhin, khawtlang hruaitute pawhin NLUP-ah hian thun hram dan ngaihtuah ila a tha awm mange tih kha ka chhanna ni ta se. Chu chu Industry-ah ka react theih ni mai se.

Geology & Mining kha tlem sawi a awm a. Geology & Mining hi department te nimahse sum kan la tha a. Forest nen te pawh hian inbia se mineral produce-ah hian tih te kha a ni a. Forest-in an ram reserved chhungah hian lo ti ve ila a tha lawm ni an ti a, keinin pawnlam kha chan tur a ni a, chu chu sorkar leh department-te a indawr anga, tunah hi chuan kan revenue lak hi a tha a ni tih kha min hriatpui ka duh a ni. Chu chu a tlangpuia MLA ho sawi ka rawn react ni mai selangin Pu Speaker. (PU LALDUHOMA : Pu Speaker kha kha an final tawh em

sorkar hian, Industry leh Forest Department-in an inchuh deuh lai kha. Consultative pawhin hmanni lawkah khan kan thlir tawh a amaherawhchu, department pakhat consultative kha a ni mai a, Cabinet-in emaw decision a siam kha ngai awm tak a ni a, final a ni tawh em tih kha min hrilh thei em aw). Final a awm lova khami case kha kan la inbe rih lo a ni. Inbiak hunah Chief Minister-in min kokhawm se, sawi khawm leh se tih kha kan thu hnuhnung ber chu a ni e.

Tin Geology&Mining kha kan sawi laklawh tawh bawk a, a te ber bawk a ka han sawi anga. Hemi Department hi Directorate of Geology&Mining Resources hi September ni 1, 2010 khan sokarin directorate tharah a hlangkai a, directorate-ah chuan naupang te a la ni a, chu chu opposition lam pawh khan theihtawp in chhuah tlan avanga siam chhuah a ni a. Tin hei hian Mizoramah minerals zawn chhuahte, well encash expedition leh geological lam hnathawh theih nan buatsaih a ni. Sorkar hnathawk promotion vangin eng enggemaw harsatna chu kan nei a mahse kan sorkarin tunhnai khan Geologist senior te Jt. Director a kai phalna te, Geo-physicist geology senior 2 a kai phalna te, 4 Technical officer 4 a kai phalna te, Lab technician 1 Technical officer a kai phalna te min pe a heng hi kan fill-up chhoh chuan kan phuisui ve deuh kan beisei a ni. Department hi hriat angin kan hnathawh deuh ber chu ground water investigation and monitoring a ni a. Lei hnuaiiah tui PHE in kan laihchhuah ang te a awm em, a hrisel tawh em tih en te hi hna pakhat a ni a. Tin geo-technical investigation kan ti a, chu chuan lei hnuaiiah lei min thei a awm em, chumi ven dan siam theih a ni em tih te. Khaw hrang hranga leilung dinhmun hi a zir thin a, ADA ten en a ngai an tih apiang hi insak te a hlauhawm em, leimin tur a ni em, lirnghing ta se a hlauhawm em tihte hi an inhriatpui reng thin a ni tih hi he House zahawm tak hriatpui atan ka duh a. Hemi atan hian North Eastern Council tanpui nain geo-technical laboratory din mek a ni a, hei hi a function hunah chuan hei aia changlung a hman theih Pu Speaker, kan beisei a ni.

Tin a hnapui dang Mizoram Minor Concession Rules 2000 a min phalsak ang khan he dan hi kenkawh a ni a. He dan hi 2005 atangin hman tan a ni a, minor minerals te lachhuakin a lai chhuak a. Lai chhuak tura mining permit leh mining lease pek te, minerals tangkai leh tha thei ang bera hmang tur leh enkawlte bakah, minerals lachhuaktuten chhiah tha taka an chhun theihna tura hmalakte hi a huam a. Sum lakluh chungchangah hian Pu Speaker, kan member zahawm takte hriat atan ka sawi duh a, minor minerals atang hian sorkarin non-tax revenue-ah 3.25 ang vel lai a tling a, kum 3 kalta a he Department-in a hmuh dan chu hetiang hi a ni. 2009-2010a royalty received kha nuai 3,175,860 a ni a, tin balu atanga kan hmuh hi nuai 3,130,570 a ni a, royalty a avaiia kan receive chu nuai 6,306,430 a ni. Royalty rora leh cubic lung atanga kan hmuh nuai 8,607,493 a ni a. Tin balu atanga kan hmuh nuai 6,815,097 a ni a. A vaiin nuai 15,222,690 a ni. 2011-2012 ah lung atangin royalty nuai 16,816,035 a ni a, tin, Balu atangin nuai sawnga pali leh sing kua zakua sawmnga pathum kan hmu a, a vaiin nuai zahnih sawmnhnih pathum leh sangruk leh za kua leh sawmriat pariat a ni. A vai hian kum thum chhung hian nuai zali sawmli singthum sangruk leh za leh pariat lai kan la ve a, ka inchhuang ve em em a ni tih kha ka hrilh duh che u a ni.

Gas exposition-ah hian kan hriat tawh angin a area 59 percent chiah exploration-in a tuam mek a, heng exploration hi New life agency policy ang a kalpui mek a ni a, company lian paliin an thawk mek a, tunah hian ONGC chuan Meidum, Kolasib-a an verh chhin naah Gas anhmuchhuak tawh a, a tam viau turah an ngai a, a zat an puang lova. Tun 5th season lo awm leh turah hian Hortoki hmar lamah hma an la mek a ni. Oil India Ltd. in laili lama hma an lak naah tun 5th season chhung hian hmun 5 ah

verh chhin an tum mek bawk a, chi hrang hranga an zirna ah beiseina an nei sang hle a ni. Petroleum expolition license fee company hrang hrang atangin kum thum chhung Mizorama chhiah an pek dan pawh a hnuai ami ang hi a ni. A vaiin ka chhiar chhuak lo mai ang a, Oil and Natural Gas Cooperation-te, ONGC Ltd. etc. atangin cheng vbc 85910 vel hi tax kan la tawh a ni. Tin, License fee hi 2009 atangin tiang hi a ni a, kum khatnaah 200 Sq.Km a ni a, a rate hlui 55 per year a ni, tin, second year 400 per sq. a ni a, third year-ah 2000 per Km a ni a, 4th year ah 2380 ani a, 5th year-ah 4000 a kai a, subsequent year-ah 4000 zel per sq. are-ah lak ani.

5th year plan lo awm mekah kumin 2012-2013 a mineral resources Department hi chak zawka hmalak theih nan heng ho scheme hian hna thawh tum mek a ni a. Pu Speaker tun hnai khan Keifang bulah Quarry a chim mi engemawzat an boral hemi kan hriat veleh khan Department khan Officers te ko khawmin a hmunah te kan entir a, a hma pawhin kan entir tawh a mahse vanduitlak takin inpuh tawna hi a awm thin a. BRTF-ah hian Quarry lak phalna hi pakhatmah Department-in a pe lova, an dan neihah leilung fa a ni tur a ni tih hi a ni si a, Phuldungsei bialah pakhat kan nei a VC hoten an rawn recommend ang hian a kal ta mai, an pe a chu chiah chu kan pek hi a ni ta mai a, hmundangah chuan an hnathawh tur pawimawh avangin kalkawng siamnan hian phalna hranpa nei lo hian an kal. Chuvang chuan compensation thilah pawh tunah khan kan buai reng a ni. Keifang bulah phei chuan Department-in vawi hnih lai Lung la tawh lo turin kan ti a, a min reng dawn si a lung tha awmna hi a vang si a kan Department ngaihdan chuan special scheme min siam sak se, a helna tur tha tak awm theiin kan hria a, vantlang pawhin inhlawhna tak rora chhut nan an hmang a, nitin chhungkaw 20 atanga 30 an inhlawhfa renga, chung hote pawh chu hman tangkaina tur chuti zawng chuan hma la ila, a tha lawm ni tih te kanngaihtuah a ni.

Tin hei Pathianin Mizoram a venghim a, lirnghing lutuk kan tuar lova, tupawhin lirnghing palh ta se tih hi chu ruah a sur tam deuh phei chuan kan ngaihtuah a, kan lungngai tlang a, chumi tur pawh chuan lirnghing hlauhawm dan tur zir chian te, leh chumi atana

Pu LALDUHOMA : Pu Speaker, tuna a sawi kha thil serious tak a ni a, khillai mipui khi an thinrim a, khati khawp khan nunna kan chan a, kan sorkarin zangna dawmna a pe a, kan lawm a, annin chengkhat pawh an pe si lova, chuvang chuan tuna kan Minister zahawm tak statement piah deuh kha kan mamawh niin alang a, license pawh an nei lova, kan nunna atan a hlauhawm a, BRTF hovin quarry an neih hi hmun hrang hrangah, chatuan leimin kan tih hi a awm thluah a ni, hei hi kan titawp thei mai lawm ni, sorkarin la tawh lo turin khauh takin thu pe sela, hmun dangah quarry mipui tana hlauhawmlo zawng mai sela, kawng khi tha takin black top ve sela. Lung an hal thin avang khi a ni a, heti khawpa kan tawrh tawh hnuah hian engahnge dan lo angin an la lak zui zel ang ? chu chu commitment min pe thei mai lawm ni le ?

Pu S. HIATO, MINISTER : Pu Speaker, ka sawi tawh ang khan permit hi pek lova la an ni a, chuvang chuan la tawh lo tura vawihnih order pek an ni tawh a, mahse lakna tur hmun a awm lova an la leh thin a ni anga, chubakah an lak bakah hmanna thite kha chu, a lungah khian lung hnip deuh a awm a, tui a lut thin a, chumi tui lut chu ni a sat hian alo ro a, alo nal tawh si a, amah hian a tawlh thin a tunah pawh a tawlh tur tam tak a la awm a ni. Chuvang chuan Pu Duha sawi ang khan kan tihtlan chu a ngaiin ka ring. DC lam te, GAD lam te, Forest lam te nen pawh tan tlana a tihdan tur helai mai lo, khilai

Tlungvel velah te pawh, chu chu ngaihtuahna sen a ngai viauin ka hria a ni. Tiang chuan tam tak hi a awm a ka sawi lo mai anga. Geology and Mining te tak te mah nise an thawk viau a ni tih kha min lo hriatpui ka duh avangin ka'n sawi a ni.

Tin Industry kha ka sawi nual tawh a, harsatna tam tak kan nei a, chhuanawm tak tak sawi tur pawh kan nei lova, mahse Mizoramah hian Industry lian kan nei thei lo na a, Small Scale Industry hi khawi khawiah emaw chuan kan nei ve a, Mizoram ami te pawh 40, 50 Industry tinah inhlawhfa mek te pawh engemaw zat hi kannei mek a ni tih pawh min lo hriatpui ka duh a ni. Tin, Industry Policy thar kha kan han duang na a, mahse duhthu a sam loh avangin tunah hian cabinet-in a ngaihtuah turin duan that leh a ni a, cabinet ngaihtuah turin inpuahchah a ni tih kha ka sawi duh a. Private Entrepreneur te pawhin an han chhuah theih vena tur hian a ngaihtuah a sorkar hian, bank loan te, khawi khawi ah emaw finance assistant hmuh theihna turten kawng a dap thin na a, duh angin hma kan sawn thei lo hi pawh kan ti a ni. Tin, Industrial area hi a hrang hrangah hmun hran hranah kan nei a, chung chu an awmna hmun atanga chhawr tangkai turin kan ti a, chuvang chuan Integrated Infrastructure Development Centre IIDC Pukpui, Lungleiah te kan nei a, Industrial Estate Zuangtuiah kan nei a, Industrial Crop Centre Luangmualah kan nei a, Integrated Infrastructure Development Centre Zote, Champhaiah kan nei a, Export Provisional Industrial Park (EPIP) Lengte ah kan nei a, Bamboo Technical Park, Sairangah kan nei mek a ni. Hei hi engemaw zat, a duh ho hnenah ram pek a ni a, tam tak hi chuan an hmang tangkai tan a, engemaw zat erawh chu hmang tangkai lo te anla awm rih a, sorkarin a ennawn mek zel a ni tih kha ka sawi duh a.

Tin Corporation ho hi entrepreneurship lamah hian kan la ... lo hle a. Ram danga thil siamtute han el pha tur hian entrepreneurship lamah hian nasa takin tan kan lak a la ngai a. Thin, hnathawk skill development lamah pawh kan la hnufum hle, Industry Department chuan hetiang hian hma ala a, hmalakna tlangpui chu, thil siamtute phai lamah zin tir thin a ni, a hmunah an zu en a, an zu hriat ve atan, hmun hrang hrangah zir turin zirlai tirchhuah thin a ni. Nichina Pu Duha sawi hostel fee pek theih loh 3500 tih te pawh kha sorkarin a enzui turah dah ila. Tin, seminar leh workshop buatsaih thin a ni a, CBAC Kolkatta nen tangkawpin Computer Aided Design Centre kan din a. Mi 18 ten Computer hmanga puantah design an siam dan an zir zo tawh a, 17 in an zir mek a. Tin, hemi hmunah vek hian mi 39 ten IT Capacity building course an zir tawh a, mi 6 in an zir mek bawh a ni. Mizo hi puantah lamah hma kan sawn a, kan themthiam a, hmeichhe tam tak hianin design te an siam a, tunah chuan Mizoramah ringawt lo pawh India ram hmun tam takah pawh an design mawi tak tak siam te hi an tichhuak tawh a. Chumi atan chuan Computer designing kha kan din a ni. Hei hi a la hre lote an awm chuan zawh reng theih a ni tih kha ka'n sawi duh a ni.

Tin, Handloom lamah hian hma kan sawn ve nasa a, tunhmain Manipur puantah kha kan lalut thin a, tunah chuan Manipur mai nilovin kan chheh vel hmarchhak State hrang hrangah hian kan Handloom product hi kan thawchhuak ve tawh zawk a ni. Tin, hmasawn belhna tur tam tak kan nei a Integrated Handloom Development hnuaiyah Group export hmangin khaw engemaw zatah hmalak a ni a ... hmangin Aizawl leh Thenzawlah hmalak a ni bawh a. Tam tak chu Thenzawlah pawh inhlawhna tur tam tak neiin puan an tah a, sorkarin tanpuina pawh a pe chho mek zel a ni. Department Training Centre-ah kumtin Puan tah, Puanthui, Laphiar leh hrui hngang deh lamah mi 300 bawh vel training kan pe thin a, hengte hian hma an lak zui theih nan hnuaiyah subsidy in khawl te pek thin a ni.

Tin, Industry-ah NLUP hian a tam ber chu sum kan nei a ni mai a, kan tharchhuahte man man zawka kan hralh theihna turin kan thei te hi process a ngai a. Tin, Food processing nichinah Pu Duha pawh khan a sawi a, tun dinhmunah chuan kan thlai atanga kan tharchhuah hi process tham hi a ni lo tlat mai a, chumi anih avang chuan MIFCO Chhingchhip pawh khi a chawl lailawk thin a ni a. Kan NLUP hi a that tak tak hunah chuan hei hi kut hnathawktuten an hmang tangkai ngei ngei ang tih hi kan ring a ni. Tin, Central sorkar hian Mega Food processing tur hian pawisa pawh min phal a, kan Chief Minister zahawm tak hnenah pawh hian Sports Minister hi Industry Minister a nih lai khan pawisa kha a ban vek hnuah pawh nise a dah sak tlat mai a, mahse, vanduaithlak takin keini lam atang hian Mega Food processing tur hian DPR siam thiam tur hian Kolkatta amite emaw khawi khawi atang hian kan han ruai thin a, mahse, tun thleng hian kan hlawhtling thei lova, pawl kan ti a. Pawisa awm reng si, kan hlawhtling thei lo hi, kan Staff te pawh hi kan innawr thin a. Tin a thiam tur lam te pawh hi kan innawr thin a, MIFCO lam atang pawhin zawng turin kan inti a, kan indap ve nual a, kan hmu thin tak naa kan hmuhte pawh hi lungawi thlak tak hi kan hmu thin lova, pawl kan ti khawp mai a, chumi atan chuan document leh agreement te siam turin hma kan la mek a ni.

Public Resource Programme ho khan nichina kan sawi tawh ang khan ngun takin an ngaihtuah a, Finance Department-in Public SectorReforms te a kalpui a, he reforms atana sum mamawh tur hi Asian Development Bank atangin adjustment loan anga hmuh tur a ni a, hei hi Programme hnuaiyah kalpui dan tur consultant-ten an dawrah chuan a then titawp turte, a then privatize tur leh siamthat deuh a kalpui tura ruahman a ni a. Thutlukna mumal sorkarin a siam theih beisei a ni tih kha ka'n sawi nawn leh duh hram a. Kumin hi hlawah an harsat avangin keini bik pathum ZIDCO leh ZOHANCO leh MIFCO tan chuan hlawh tal chu staff zawng zawng daih tur a ni a tih avangin an hlawh daih turin kan dah sak a. Chuvang chuan kan pawisa pung mahse share capital erawh chu a la kawrawng rih tih kha ka'n sawi nawn leh duh hram a ni. Tin, Pu Speaker, kumin hian a tlangpuiin budget a tlem na chhan kan han tih hi ka department-ah pawh khawiah paawh ni ta se tam tak hi chu project an siam lai mek a awm a. Kan project siam mekte hi reflect a ni tawh lova a then chu kan lo zo tawh a, a thar a lo la lut rih si lova, chuvang chuan a pun lohna chhan pakhat hi chu a niin ka hria a ni.

Tin, a pahnih naah chuan mipui hnena kal tur mirethei hnena kal pha tur NLUP-ah pawisa kan dah a, chu chuan kan Department theuha kal mek engemaw chen thuanawp chu awm mahse a tum tak chu mipuiin pawisa sorkar hnathawk hlawha kal ringawt ni lovin khalamah kal tam se tih duh avang hian helaia a tlem pawh hi mipui an lo hlawk phah a ni tih hi ka lo reading ve chu a ni e.

Tin, Tourism Department han sawi leh thin ila kan sawi tam tawh na a, kan theihtawh chuan tan kan la a. Hmun tam takah Tourist Lodge te kan sa a Highway Restaurant te kan sa a, a then chu kan commission a, commission loh ringawt pawh hi tunah hian sak zawh tawh hmun 23 ah kan la nei a. Tin a dang ho pawh hi Member zahawm tak ten an duh dan ang khan la tihbelh zel turah ngai ta ilangin, a pawisa hi a In sakna turte hmuh mai hi a har lutuk lova Central khuan an phal a. Tin, kan harsatna zawk chu a staff te, a maintenance te, a kalkawngte, electrification te, water supply te a furniture te a nih avang khan chung harsatnate chu kan nei ve mek a ni tih kha ka sawi nawn duh a. Tin, thalaite tan adventure sports tur hian scheme kan siam a, chumi atan chuan Aero sports tan hian nuai 468.82 kan nei a. Nikumah Serchhipah te, helai Brigade mualah te khan Foreign tlangvalte nen khan Aero Sports-te kan han conduct ve a ni a. Chu chuan Mizoram pawh Sikim ah te pathumna an zu ni pha a, hei hi tihmasawn chhoh pawh kan tum mek a ni tih te ka sawi duh a.

Tin, Festival kan neih hrang hrangte hi kan department promotion siam nan te bakah National integration atante a that avangin Central sorkar hianin tam tak phuahchawp ang u, Nagaland pawhin festival an nei, Hornbill festival an ti a an larpui em em mai a. Chuvangin hemi atan sum kan pe ang che u an tih avangin Thalfavang kut tur te, Chapchar Kut tur te, Khuado hnam kutpui leh Lyuvakuthla tihte hi kan tel a, chumi atan chuan vawi engemaw zat pawh hma kan la tawh a kan nei tawh baw k a. Chu chu Aizawl mipui pawh hian Anthurium festival-ah te phei chuan min hlutsak viau thinin kan hria a, kan Chief Minister te, kan Governor te, kan Agriculture Minister te pawh hi Chief Guest niin min lo telpui ve tawh thin a ni. Tin, naupang lehkhathiam ho training na tur hian Hostel, Hospitality management-in a ngai pawimawh a, 2009 – 2012 khan thalai 30 zet chu Hospitality Shillong leh Gwuhati Hotel Management Institute-ah hetiang hian an train a, 2009-2012 ah khan Food production-ah 7, BSc in Hospitality an Hotel administration-ah 6, 2010-2011 ah Food Production pakhat kha 2009-2010 tir a ni e. Pu Speaker, 2010-11 ah Food Production-ah 10_District and Hotel Administration-ah pali 2011-12 ah pakhat, District and Hospitality-ah pahnih total Food Production ah pariat BSC and Hotel Administration-ah 12, an vaiin 30 kan trained chhuak tawh a, hei hi India ram hmun hran hranah pawh an mahniin hna an zawng tawh a, engemaw zat chuan hna an hmu ve mek a ni tih hi kan report duh a ni. Tin, nichina Pu Thangtea'n a sawi kha, Mizorama Institute of Hotel Management tih kha Bungbungalow bulah khuan in kan sa a, tunah khuan sak zawh tep a ni tawh a, 2013-2014 ah chuan hawn mai kan inbeisei tawh a, chutah chuan a zir theitur te chu B.Sc. in Hospitality and Hotel Administration-te, Food Production Courses te a ni a, he department-a thawktu tur pawh an buaipui tan mek a, hei hi hawn anih hunah chuan thalai lehkhathiam rualte tan chhenfakawm tak a nih theih beisei a ni.

Tin, khualchhawna eizawngtute Mizoramah hmun hrang hrangah kan nei hi a standard taw k lova, mikhual tan chaw eina tlak nilova hriate an awm a, an chaw inpek dan te a thing te inpek mai te a awm an ti a, hemi atan hian training te kan inpe a, capacity building hnuaiah hian taxi driver-te pawh an politenesste tilang thei turin police-te nen kan tang kawp a, workshop te pawh kan buatsaih tawh a, chutiang bawkin Airport a staff duty te pawh hi thingpui dawr leh Politeness neih dan tur te pawh training pawh kan inpe tawh a ni. Tourist lo thleng tawh kha hman deuha ka sawi tawh kha, Pu Speaker, a figure ka lo ti dik lova, kha kha pawi ka ti viaua, Indian Tourist hi 2009-1012 thlenga lo thleng hi nuaikhat singsarih sangriat zasarih sawmsarih pali an ni a, foreigner hi 2038 an ni, hei hi CID a in report kan hmuh dan an ni a. Tin, 2009-2012 a revenue kan hmuh hi a total in kan sawi leh mai ang a, nuai zali sawmriat leh singli leh sangkhat leh sawmriat leh pathum a ni e, tunah kan indaih lo na a, theihtawpin tan kan la chho zel a ni tih kha ka sawi theih ni mai se. Tin, Mizoram Tourism Development Board te din a ni tawh a, Travel Agent te leh Tour Operator te kaihhruaina Mizoram Recognition of Tour Operate Rule 2011 te siamin notified tawh a ni nghe nghe a ni. Mizoram Tourism Policy pawh siam mek niin a hmawr baw k tep a ni tih kha ka sawi theih nise.

Subject hnukung ber Pu Speaker, PHE-ah han lut ila. PHE hi MLA zahawm takte khan an sawi khan min tiphur viaua, lawmthu sawi deuh vek in nih avang khan min tilawm lehzual a. PHE department hi keini kum thum kum li kan lak chinah hian kan hmasawna hi keini pawh kan inchhuang ve viau a ni. Kan Chief Minister hian theihtawp min chhuahpui a, khulama kawng siam tur zawng zawng min siam sak a, chuvangin pending project zawng zawng kha kan tichhuak deuh vek a ni mai a. Tunah Biate chauh a lianah chuan chhuak lo a awm a, chu pawh chu chhuak thuai turin kan beisei a, a bak siam belh zel hi kan beisei a ni, chutiang hmasawna te tin, khaw 777 piah lamah pawh khaw kua emaw

chauh cover loh kan nei a, chu pawh chu kumin chhungah emaw nakumah emaw kan cover fai vek mai hi ka ring a, chutiang khawpin kan department hian tan an la a, kan hotute, kan officer te kut kan tichak a, scheme tam tak kha chu keini technical miin kan hriatthiam loh tur anih avangin Delhi tlangah pawh anmahni theuhin a division tan an zu nawr chhuak a, chumi avang chuan tam tak kan hmu a ni tih hi ka sawi duh a ni. 1983-ah chauh khan PWD atang khan kan inlahrang kha a ni a, kum 28 a upa kan ni a, tun hmachuan Department hriat hlawh loh a ni a, tunah chuan department lian leh hnathawk nasa a ni chho ve ta hi ka inchhuang ve em em a ni tih Pu Speaker, ka sawi duh a.

Tin, allocaction of business rules, 1987 1st April, 2011 thleng amendment-ah khan heng a hnuai hna hrang hrangte hi mawhphurhna pek bik a ni a, 1) naah chuan Urban and Rural Water Supply Scheme khawpui leh thingtlang a tui scheme siam ani a. 2) naah chuan Public Health Sanitation a ni a, 3) naah chuan Ground Water Resources and Development lei atanga tui pump chhuah hi a ni a, 4) naah chuan Sewerge & drainage scheme a ni. Hemi hi PHE-in a thlur bik a ni a. Hmalaknain a tum ber chu tuithianghlim hnianghnar ber leh thianghlimna atanga mipui vantlang hriselna thlen tir hi a ni a, hemi atan hian water supply leh rural sanitation lamah 11th Plan thleng khan nasa taka hma lak a ni a, kan hmalakna hrang hrangte a tlangpui han tarlang leh zawk ilangin. Rural Water Supply-ah Mizoram khua habitation 777 zingah khaw 711 te chu fully covered tui hnianghnar pek an ni tawh a, a bak khaw 66 zingah khaw 57 te hi tun kum budget atanga hmalak tum a ni a, a bak khaw 9 la bangte pawh sum kan hmuhbelh leh theih chuan thawh leh nghal tum a ni. Hemi chungchang tui pekna tur hian fund hrang hrang MRDWP te, NEC te, NLCPR te, MSDP leh State Plan atangin pawisa kan hmu thin a. Tun hmaah NEC hian Water supply atan hian sum a la pe ngai lova, tuna kan Sorkar tharah hian nasa takin kan hotuten tan an la a, NEC te an zu dawr a, Scheme thar tunhmaa kan hmuh ngai loh 4 kan han hmuh belh a, kan lawm viau a ni. 1) Sangau hi kan Sub-Division-ah tui neilo an ni a, tlangchhipa awm an ni a, khimi atan khian Lawngtlai District-a Sangau hi NEC atangin vaibelchhe 4.99/98 min pe a. Tin, Pu Chawngtinthanga bial Phuaibuang pawh chutiang chuan min pe a, tin, Bualpui (NG) leh Lungzartum Lawngtlai District atan min pe baw a. Tin, Lengpui tunah Water Supply Scheme kan tender mek pawh hi min pe a ni. Mizoramah census town 23 a awm a, khawpui 10 Champhai, Kawnpui, Mamit, Sairang, Lunglei, Serchhip, Vairengte, Kolasib, Darlawn leh Lengpuiah te hian tui hnianghnar seventy LPCD per day an lo la tawh a. A bak khaw 13, Khawhai, Biate, North Vanlaiphai, Aizawl, Saitual, Zawlnuam, Bairabi, Khawzawl, Tlabung, Hnahtial, Saiha, Lawngtlai leh Thenzawlah te hian tui an la harsa a ni. Mahse tun Sorkar chhung khan Urban Water Supply lamah hma kan la nasain Central Sorkar atangin sum tam tak hailuh a ni a, khawpui 13 tui harsa zingah khaw 7, Saiha, Lawngtlai, Hnahtial, Tlabung, Khawzawl, Bairabi leh Saitual tan NLCPR leh Urban Development Ministry atangin sum kan hai chhuak a, tunah hian hna thawh mek a ni a. Tun kan Sorkar chhung hian commission hman hram turin department lam pawhin nasa takin tan min lakpui mek a. Heng bakah hian khawpui tui nei tha sa Sairang leh Lengpui khua te NLCPR leh NEC sum hmangin siamthat hnathawh mek a ni. Biate hi kan sawi tawh angin sanction kan buaipui mek a ni. Champhai tan hian Keilungliah lui khuapa multi-purpose project siam a ni a, multi-purpose project hian Champhai leh a chhehvela leilet chawmna turin tui a pe thei dawn a, Irrigarion centre leh thildang a keng tel dawn a, a project hi DoONER-in min pawm sak tawh a. Tunah hian detailed project vaibelchhe 25.68 Department-in a siam zo a, DoNER-ah sanction turin kan thawn mek a ni.

Aizawl Greater Water Supply Scheme Phase-II hi Central sorkar atanga kan pawisa hmuh kha a theih tak loh avangin State Plan Fund atanga tih hram hrama enkawl chhoh hi a ni a, kan harsa viau a ni. Tunah hian State Plan Fund atanga chhunzawm zel a nih

bakah In-take lam zawh fel a nih veleh Durtlang area pawh tui pek theihin peih a ni tawh bawk a ni tih kha ka'n sawi leh duh a. Phase II atang hian Department-in a lak hnuah hian Durtlang lam te, hetah, chhimlam kan Referral Hospital hmun tur thleng pawhin tui a kal tawh a, kan pe thei tawh te hi kan lawm viau a ni.

Chu lo chu khaw fai hi a ngaipawimawh a, India sorkarin. Khaw fai ho lawmman pe tur pheih chuan India President ngat hi thlan a ni thin a. Mizoramah pawh Governor emaw Chief Minister hi chief guest ngei ngei tur, lawmman sem turin thlan thin a ni. Chumi atan chuan award 2011 thleng khan Mizoramin khaw fai lawmman khaw 89 zetin an dawng tawh hi ka inchhuang ve viau a ni. Hetah hian pawisa engemaw zat a keng tel bawk a, midang pawh kaihhruai nan tha tak a ni a. Khaw fai, khaw thianghlim ni turin tan an la mek a ni. Urban-ah hian sanitation ngaihpaawimawh bik a ni a, khawpui hmun 43 zetah link drain, tuihawk luankawr siam tawh niin kuminah pawh hmun tam zawkah siam leh nan Special Project Assistance hnuaiah cheng nuai 177.80 nuai zet dah a ni a. Aizawl Sewerage Project tan cheng crore 555.74 man siamin Urban Development atangin sanction kan buaipui mek a ni. Hemi a lo kal hi chuan sewerage and sanitation Aizawlah pawh kan changtlun phah ngei ka inbeisei a ni.

Tin, gravity ringawt hi kan tui hnain a daih si lova, pumping scheme lovin kan che thei si lova. Pumping hi a senso thlak em em a ni tih Pu Speaker, nang pawhin min hriatpui kha. Tun dinhmunah chuan pumping scheme 40 zet kan nei a, pumping scheme hi capital cost tam bakah a enkawl zui nan senso a hautak em em a. Chu chu PHE Department-in harsatna kan tawh lian ber pakhat a ni. Mizorama kan water supply enkawl nan tun dinhmunah hian 70% hi design capacity, kan kum khat pawisa mamawh chu vaibelchhe 71.15 vel zet hi a ni a. Rural water supply-ah hian 3.15 crore a ngai a, urban, khawpuiah crore 68 a ngai a, a vaiin crore 71.15 lai kan mamawh a. A maintenance tur hian a harsa em em mai a, pawisa indaih a har bawk si a, chu chu kan harsatna ber hi a ni a. A maintenance tur Central sorkar hian min pe ve ngai si lova, an norms-ah a tel lova, state tih turah min dah avangin tunah hian Central sorkar hriat lohvin a rukin Rural Water Supply Scheme te hi kan pawh ruk chang hi a tam a ni tih hi member zahawm takte pawhin min hriatpui hi ka duh a ni. Maintenance fund-ah kan indaih lova, a thawktutr (staff) enkawlna turin hnathawktu hlawh te, diesel te, electric bill te kan ba a. Kan Finance te, Planning te, kan Chief Minister-ten min ngaihtuah sak thin a, engemaw ti tiin kan clear a. Mahse, a daih lo leh thin a, ba hian kan kal reng thin tih hi min lo hriatpui atan ka duh a ni.

Tin, tui bill chungchang hi 'tax a pung lo' Finance Minister-in a ti na a, mahse a hmasa a budget session-ah khan tui tariff tihsan kha kan Pass tawh a, mahse khawi lai lai emawah technical error te a awm avangin reilo te stay a ni a, tunah chuan lak leh tura buatsaih a ni a, hei hi mipui pawhin min hriatthiam kan duh a. Tin member thenkhatten minlo hriatpui tawh avang khan lawmawm kan ti a, tin Bill chungchangah hian Mizote hi sawrkara chhiah pek lamah kan rilru ala harh lo hle niin alanga, tui chhiah tih pun te pawh dodalna a nasa thin hle a ni. Tunah hian kan tuilak enkawlna senso 20% pawh hi tuichhiah kan lalut phak lo a ni a, mipuite chhiah pek lamah kan harh thar a tul hlein ka hria. Local market-ah tui trip khat litre 4000 cheng sang chuangin kan lei ngam laiin PHE tui semah hian litre singkhat atana cheng 250 pek pawh hi kan harsat tlat niin alang a, keinn litre singkhat kha Rs 250/- kan ti a, private-ah litre 4000 kha motor hire man nen chuan sang chuang fe an pe thei tho si a, chuvangin a pungte hi chu kan hriatthiam tlan a ngai a, maintenance cost zawng zawng.....

Pu K.LIANTLINGA : Pu Speaker, khati lai kha kan Finance Minister budget speech ah khan kan sawi tawh kha a ni a, chhiah lakna hi tha takin tihlan ni sela, tin a hmanna

tur pawh hi tha takin tihlan ni sela, kan sawi fo hi, work programme te leh performance budget hi, khang kha fel taka a awm chuan mipui hianin an hriatthiam lohna tur awmin alang lo a, budget speech-ah pawh khan chutiang khatiing chuanin tui hi, non- tax revenue hi kan lak tam a ngai a, mipuiin lo hrethiam sela tiin, khata tang khan heng assemblyah te hianin hrevek ila, chuanin a hman tur kha mumal taka work programme-ah te hmalakna a lan that kha chuan chu chu kan duh ber pawh kha a ni a ,kha kha sawrkar hmel a timawiin a titha dawn a, tin, mipui pawn an hrethiam dawn a ni, khalai avang khan performance budget hi tha sela kan han ti a, kan sawi kan sawi nachan pawh kha a ni a, chulai chu ka rawn sawi ve lawk a ni.

Pu S.HIATO, MINISTER : I tilawmawm e. Water tariff hi a hmasa khan tihsan kan lo Pass tawh an Rules pawh kan siam a, hei hi gazette ah pawh khan chhuah a ni tawh a, chuvangchuan a detail khan kan sawilang a, mahse member zahawmtakte leh hei Assembly hian an hriat duh chuan hetiang hian a rate thar siam leh a hlui awmdan a ni a, 0 – 5000 litres kha, a rate hman lai chu Rs 100 hi a flat rate in lak tur a ni. Tin, 5000 – 10,000 litres hi Rs 100/- bakah khan litre 1000 an lak belh chuan, khami aia a tam chuan, 5000 aia a tam chuan Rs 30 per 1000 litre chawi belh tur a ni. Tin, 0 – 10,000 Rs 100 flat rate atangin singkhat atanga singthum kha Rs 15 per 1000 litre-ah chawi tur a ni a, singkhat atanga sing hnih kha Rs 50 per 1000 litre chawibelh tur a ni a, 20,000-30,000 kha Rs 60 per 1000 litre a chawi tur a ni a, 30,000 atanga a chunglam erawhchu Rs 20-in litre 1000 ah chawi tur a ni, a hluih, tunah rate hman lai a ni a, chu chu Rs 70 ni ta se kan ti a ni. Tin, commercial leh consumer-te hi litre singkhat thleng chuan Rs 400 per 10,000 litre, above 10,000, litre singkhat chunglam erawhchu Rs 700 per 10,000 litre-ah a ni. Public point leh handpump-ah erawh chuan Rs 10 per family ni thin kha Rs 20 per family nise tih a ni a, chuti chung chuan Pu Speaker, kan ngaihtuaha, a duh ve em emin kan hria a. Kan tui senso a tam si a, tui ren nachang Pu Liantlinga sawi ang khan hre lo kan tam tawh mai si a, kan treatment tuite hi inbual nan te, thlengsil nan te, huana thlai pek atan thleng kan hman tak avang hian intodelh hi chu a har a ni tih hi chu min hriatpui ka duh a ni.

Tin, kan Phase-I te, Phase-II te kan duanlai kha population tlemlai kha a ni a, tunah kan pung nasa tawh mai si a, a daih hi chu a la harsa dawn a. Chuvangin, Pu Rinawma sawi kha keini pawh kan rilruah a lian viau a, Sihphir tlangah emaw khian Tuirial lui hi pump chhoh vena tur hi scheme siam leh ilangin, chu chu engemaw hi a hming tha deuh phuah ila, chu chu Aizawl Phase-I te, Phase-II te hi Central-ah a hming a chhe nasa tawh mai si a, hemi hming hian pawisa hmuh chhuah hi a har nasa tawh mai si a, chuvang chuan chumi atan chuan hma la ila, a tha mai lawm ni? tihte hi kan ngaihtuah mek lai chu a ni. Tin, tui hna hi a kiam nasa em em mai a, hmun tam takah kan tui lak sate a lo kang leh tawh thin a, chu chuan kan lak tawh sa, kan hlawhtlin tawh sa kan hlawhtling lo leh thin hi pawl kan ti khawp mai a, chuvangin, eng suggestion nge tha ber ang aw! kan ti thin a, ruahtui tla a tam nasa mai si a, hei hi a dawh khawl dan ngaihtuah ila, a tha lawm ni tih hi Central sorkar pawhin a ngaihpawimawh a ni a, Aizawl khawpuiah pawh hian kan hausa te, concrete building tam tak sa theite hi chuanin tui install-na tur hi lian tak hi nei thei se, van ruah tla lo dawh dan chu a awm thei mai a, chu chuan kan tui harsat chhung hi chu nasa takin min chhawk ngei ngeite hi kan ring a. Chutiang bawkin thingtlangah chuan rainwater harvesting atangin tui khuahna tur reservoir-te kan siam sak a, tui dahna turte pawh kan siam sak a, tichuan hmalak chhoh zel kan tum a ni. Chumi atan chuan Central YMA-te nen pawh Coordination Committee-te siamin hmalak dan tur kan duang mek a, V/C-te, NGO hrang hrangte pawh tel turin. Hetah Forest Department-te pawh hma kan la dun a, kan ngen ngawl zel a ni, tih hi ka sawi duh a ni.

Technical post ruak mamawh engemaw zat kan nei a, sorkar hnenah kan dil mek a ni. Engemaw zat min phalsak tawh a, a dang min phal belh turah kan ngai a ni. Chuvang chuan Pu Speaker, kan water Supply-ah hian 13288.78 lakh hi kan nei a, chu chu kan lawm tlang bawk a, harsa lova min pass-puite pawh ka han beisei a, chu zawng chu kan department chana a tawi thei ang bera ka sawi theih ni ta sela.

Pu Speaker, tunah chuan ka demand No.25-na, Public Health Engineering crore 132,79,78,000 te, demand No. 40 Industries-ah crore 97,56,70,000 te, sap tawng leh Mizo tawngte ka pawlh nuaih thin, ka daih ve thin lo va, min lo hriat thiam ka duh, Pu Speaker. Tin, demand No. 43-na Tourism crore 7,36,33,000 hi Total value-in crore 237,72,81,000 hi lungrual taka min pawmpui turin House ka ngen e. Ka lawm e.

S P E A K E R : Pu S. Hiato, Minister zahawm takin a rawn wind up a, MLA-te ngaihpawimawhte pawh min rawn chhang fel hle niin a lang a, pass a rawn dil a, demand No. 25-na, demand No.40-na, demand No.43-na, a vaiin Rs 237, 72, 81, 000-te hi pass remti apiangin “Rem ti,” ti rawh u le, rem ti lo kan awm chuan, “Rem ti lo,” ti ula. Awm lo maw.

Aw le, Pu S. Hiato, Minister zahawm tak demand No. 25-na, Public Health Engineering Department-ah cheng Rs. 132,79,78,000. Demand No. 40-na Industries-ah Rs.97,56,70,000. Demand No. 43-na Tourism Department-ah Rs. 7,36,33,000, a vaiin Rs. 237,72,81,000 chu House-in lungrual takin a pass ta a ni. Darkar khat leh minutes 58 a rawn la a ni wind up-na leh react-na atan khan. Tunah Minister zahawm tak Pu H.Rohluna a Demand te rawn wind up tur leh pass rawn dil nghal turin i lo sawm ve thung ang.

Pu H.ROHLUNA, MINISTER : Pu Speaker, vawiinah kan demand member 22-in an sawinaah pahnih khat tih loh chuan an sawi kim deuh vek a. Kan department enkawl hi a inzarparh angreng a, a bik takin Food, Civil Supplies & Consumer Affairs phei chu Mizoram pumpui bakah Mizoram ami zawng zawng nghawng anih avangin eng emaw han tlin tawh lohna lai deuh te, duhthala inpek theih loh laite a awm ang tih ka ring a. Tin, kan thawktute pawh miten an beisei ang lo pek theih loh changte an nei anga, chung ang harsatna chi hrang hrang karah te pawh vawiinah sawiselna emaw, tawngkam han ngaihthlak hrehawm tur emaw pawh awm lova Member zahawm tak takten ka demand te min sawipui avangin a hmasain lawmthu ka sawi duh a. Tin, Department a thawkte duh angin buhfai stock tur han inpe thei lovin sum leh pai harsatna avangin Buhfaite pawh kan duh ang zat te kan lei thei lova. Chuti chung chung pawh a ren tak leh thiam taka a management lo titute chungah pawh lawmthu ka han sawi tel duh bawk a ni.

Vawiinah hian Member zahawm tak takten an sawi han react hi Pu Speaker, i duh dan deuh pawh a niin ka hria a. Chuvang chuan a department pawh thliar chuang lovin member zahawm tak takten an ngaihpawimawh an sawi chhhuahte kha tawi thei ang berin han react ila a thain ka ring a. A hmasa berin Pu R.L.Pianmawia, member zahawm takin East Phaileng Godown hman tangkai nise a ti a, hei hi a hmunah kei pawhin ka han hmu tawh a. A sak lai khan a sakna a rei tawh avangin hman tangkai lohina a awm reng a, a quarter te phei khi chu a sawp rawp tawh a, tin, a godown pawh khi hman dawn chuan chei that fe a ngai tawh a, in tha tak a ni a, an sak tirh lai phei kha chuan hman zui nise tangkai tak tur a ni a. Mahse hman zui loha a awm rei tak avangin tunah phei chuan hmang leh tur chuan sum tam tak sen belh a ngai ang a. A bakah staff hi kan indaihlo hrim hrim a, tuna

chawp leh chilha han ti mai tur hi chuan. Mahse, staff indaihlohna avang te, sum harsatna a vangtein kan hmang thei rihlo a ni, tih ka han sawi lang duh a.

Tin, Forest Department-ah khan Green India Mission-a a first phase-ah a bial hi tel thei se tih a duh thu a sawi tel bawk a. Darlawn Forest Div. hi a first phase atan tuna kan proposal-ah chuan a tel a ni, tih kha ka han sawi lang duh a. (SPEAKER : Lawm viau tur kha a ni si a, kha a thutna a ruaktlat mai).

Tin, Pu John Siamkunga, member zahawm takin Ration Card hi Census 2001 mil hian siam theih ni se, tih kha a sawi chhuak a. Hei hi department pawhin kan duh dan a ni a. Nikuma Ration Card kan revised pawh kha hmang lovin rei tak kan awm a. A chhan chu hemi census hi a figure puitling deuh hlek khaw tin leh veng tin te, chhungkaw tin te lo chhuah hun kha kan han nghak deuh renrawn a. Mahse kan duh ang khan a tih theih mai ta lova, kan khawtlai lutuk dawn a kan hriat tak avangin Ration Card kan han siamthat pawh kha tun thla atangin kan han hmang tan a ni a. Hei hi a Department ang pawhin, a sorkar ang pawhin kan duhtusam a ni tih kha ka sawiduh a ni.

SPEAKER : Ngawi rawh aw i din lai lawk khan. Central Minister i zuk hmuh kha ani khan kum 2001 a Mizoram population nen khan alo khaikhin sak che a. Chuvang chuan, hei in va tidik lo tam em em ve, hetiangte chu engtinge kan rawn enkawl sen ang che u tih ang lam deuhin tawngkam kha a nei niawm taka puanchhuahna lamah khan kan lo dawng a. Kha kha engnge ni a awmzia ? 2001 kha ti leh pawh ni ila 2001 an tan chhan fo si kha chuan engnge awmzia kan neih ang ?

Pu H.ROHLUNA, MINISTER : Pu Speaker, khami kha chu Union Minister of State, Petroleum & Natural Gas-ah a ni a, Gas chungchangah zawk a ni a tunhnaiah khan. Tin, allocation kan hmuh hrim hrim hi 2001 census base a ni tih hi House in min hriatpui se, ka sawi tawh thin a, min hriat nawnpui se ka duh a. 2001 census base vekin All India-ah hian normal allocation hi pek vek a ni. APL-ah hian tunah hian metric ton 2841 kan hmu a, kan kham lo nasa mai a (interruption Speaker : Chu tak chu a ni a, 2011 ang card a zuk siam khan engnge awmzia a neih chuan ang, khamlo sa a zuk siam leh ringawt chu, 2001 aiin kan pung nasa bawk si a) Pu Speaker, khalaiah kha chuan Ration Card hrim hrim kha a nia a sawi chu. Chuvang chuanin Ration Card hi 2001 a chhungkaw awmzat, census a chhungkaw awmzat ang chiah hian siam ni se a duhna niin ka hria a. Ration Card hi chu a pumpuiin kan siam tho a ram pumpuiah

Pu JOHN SIAMKUNGA : Pu Speaker, ka sawi awmzia zawk chu vawiina ka zawhnaah pawh khan tehkhinnan Sangau-ah te chuan Ration Card nei ang chi mihring kan chawm zawng zawng pawh kha 16,000 chuang a ni a. Mahse khimi Godown tlantu kha 6000 vel pawh an tling si lova, 10000 vel chuang ta duai mai kha sorkar tan hian burden a tling a, 2011 mil khan tam tak kan paih thei lo maw, a boruak kha a tam hle lo maw ka tihna a ni tel a ni.

Pu H.ROHLUNA, MINISTER : Pu Speaker, Member zahawm tak hian Sangau chungchang hi a hriatsual a ni mai thei a, Sangau khua ngawr ngawr turah a ngai a ni mai thei a. Sangau Godown tlantu hi Sangau khua te, Pang khua te, Sentefiang te, Thaltlang te, Cheural te, Rawlbuk te an ni a. Chuvang chuan, khaw 6 laiin Sangau Godown hi an tlan a, Sangau Godown hian a chawm a ni tih kha min hriatsak se ka duh a. Chuvang chuan a population hi Sangau population ngawr ngawr kha a ni lo va, a chhehvel

Pu JOHN SIAMKUNGA : Pu Speaker, tawi te kan sawi leh duh chu, 'S' Vanlaiphai tiantu pawh khi Lungpuitlang khaw 2, Muallianpui, 'S' Lungleng, Darzo khangah pawh khanin a census pangangaiah kha chuan 5000 vel chauh an ni.

Pu H.ROHLUNA, MINISTER : Ration Card hi a vaiin chutah chuan 500 leh hei hi an total hi a dik lo anih hi. A population chu 5591 a ni tuna Ration Card a population kan neih dan chu a ni. Tichuan Cherhlun Godown sak that chungchang kha a sawilang bawka a chawhma lamah pawh. Hei hi tuna sum harsatna avangin a awm rih lo ve kan ti a. Amaherawhchu Central a tuna Godown 20 reconstruction kan dil mekah hian Cherhlun hi kan telh a, chu chu a sanction kan la hmu lova, thu chiang tak a la awm loh avangin, tawngkam chuan min pek chu an tum tih chu min hrilh a. Mahse, sanction kan la hmuh loh avangin, hei hi chawhma lam zawhna-ah khan kan sawilang lo mai a ni. (**SPEAKER** : Ngawi lawk teh. Tukina zawhna Starred Question No. 169-na chhanna-ah khan S.Vanlaiphai khan 5591 a chawm mek a ti a. Sangau-ah khan 16,565 a ni ta a. S.Vanlaiphai chawm ai khan 11000 lai khanin Sangau chawm an tam ta a ni. Chu chu a ni a MLA in a rawn sawi leh na chhan thin chu. Kha kha lo hrethiam la.)

Tichuan, Environment & Forests-ah hian revenue tlahniam chungchang kha Member zahawm takin a sawilang bawka a. Hei hi 2010 – 2011 atanga Mahal kan han tihtawp tak vang hi a ni a. A chhan chu bamboo-ah te, hmunphiah ah te, Anchiri-ah te Mahal hi kan tihtawp tak avangin kan sum lakluh hi Forest ah chuan a tlem phah ta a ni tih kha ka'n hrilhfiah duh a.

Tin, Pu Hmingdailova Khiangtein royalty Collection-ah Environment & Forests leh Geology & Mineral Resources hi inremsiam fel tha sela a ti a. Hei hi Industries Minister zahawm tak pawhin a sawi tawh a. Chuvang chuan, hei hi chu reilote-ah kan la inchinfel theih ka beisei a. A thuphung chuan Department chuan harsatna kan nei lutuk tawh lovin ka hria a. Chu chu ka'n hrilhfiah theih dan ni sela.

Tin, Member zahawm tak Pu P.P.Thawla'n Tuipanga RGGLV agent chungchang a sawi kha, zing lamah pawh khan zawhna hunah khan kan sawi tawh a. Hei hi tuna a dinhmun dik tak chu a construction, Godown construction a zo tawh a. Tunah hian explosive license a dil mek a. Heng hi a hmuh hunah chuan hawn theih tur a ni ang tih kha ka'n hrilhfiah dan ni sela. A bik takin Tuipang hi a rual ami te April Ni 11 ah te, a hnu lawkah te hawn theih lain, April thla tirah construction an tan dawn laih laih a. Chuvang chuanin, an tlai phah ta a, hei hi a area mipuite pawhin an tuar phah ta a ni.

Tin, Gas hi MLA te hian buhfai leh chini leh K.oil te ang hian quota hi neih ve theih dan a awm lawm ni an ti a. Hei hi tunlaih a mipui lamah te pawh kan duh ang hi kan hmuh theih loh avangin leh emergency reserve kan han neih thin hi Trip khatah 15 kan nei thin a. Chu chu emergency reserve a nih avangin, a hria apiang leh a mamawh apiangin a dil theih ang deuh hian a lo lang a. Chuvang chuan, Supply Directorate-ah hian an dil a, an inchuh nasa mai a. Chutih lai karah mipuia sem kha an indaih chuang bawka si lova. Chuvangin, helaia reserve hran hi dah tawh lovin, mipui lamah a lo thleng ang ang hi sem zawh mai ni se tih ngaihtuahna neiin, chutiang chuan hemi reserve hi tihtawp a ni rih a. Supply hi a improve chho zel a. Nakinah tlema alo awlsam deuh hunah te chuan helaia House in tul a ti a nih chuan kan la ennawn leh turah te pawh ngai ta ilangin. Tun dinhmun angah hi chuan a tam thei ang ber mipuia pek a, hnianghnar zawka an awm theih dan tur kawng hi ngaihtuahna-ah hian a awm a ni tih kha ka'n sawilang duh a.

Tin, Member zahawm tak Pu K.Liantlinga'n Work Programme ah hian 13th Finance Commission pawisa Crore 42 leh Nuai 80 hi lump sum in dah a ni a. Hei hi hetiang ringawt lo deuh hian dah theih dan a awm lawm ni tih kha. 13th Finance Commission Grant kan hmuh hi, condition nei a ni a, chu chu working plan hi approved a nih loh chuan 42.80 crore hi hmu mai thei lo tur ang khan condition awm sa a awm a ni, tunkum kal taah khan 21.40 crore kha kan nei a, chu chu condition awmla kha a ni a, tun financial year atang erawh hi chuan working plan approved a nih loh chuan pek theih loh tur ang khan condition siamsa a awm a ni. Mahse, department in draft working plan paruk Ministry-ah kan theh lut vek tawh a, amaherawhchu, regional office a kan theh lut hi staff-te an in daihlo va, Officers ho pawh an in daih lova, chuvangin min umzui chak sak thei lova, tun thlengin approved a la ni lova, chuti chung chuan keimahnii lama kan tih tur kan tih zawh tawh miau avangin leh a Ministry mawhphurhna a nih tawh avangin full amount-in min release tur a ni tiin tunah hian kan innawr mek a, chu chu State Level Committee pawhin tunah hian min endorse sak tawh niin ka hria a. Tin, vanneihthlak takin hmanna kan President thlan a observer a lo kal Pu Rajiv Kumar kha helai a Finance Ministry-ah expenditure Joint Secretary nen chuan election lai khan kan sawidun a.

Dr. R. LALTHANGLIANA : Pu Speaker, working plan kha in siam fel rau rau anih chuan 13th Finance Commission pawh khan khati zat kha a rawn year mark a, khami nangmahnin a in expenditure turin work programme year mark ve mai kha a rawn dah theih lawm ni? ka tihna a nia, engemawzat kha chu a awm ang tih a rin theih a, a dang dangah te pawh UD & PA-ah te pawh, tin, LAD-ah te pawh khan khatiang year mark kha a ni a, 13th Commission-in Village Council a pek tur te, khatiang kha a awm tho va, anni pawh khan working plan kha an siam kha a awm tho va, khalai kha tih teh ual lo deuh khan ka tihna a ni e.

* Speech not corrected.

Pu H. ROHLUNA, MINISTER : Pu Speaker, khatiang condition awm a nih avangin kan tihsual palhte pawh a nihna takah chuan kan hlau deuh a ni, a chhan chu kan lo ti uk si anga, nakinah hmuh leh theihloh nise leiba thin tak hian tuten emaw min han thing leh ang tih te pawh thil hlauhawm tak anih avang zawkin hei hi fimkhur thu hlaah hetia tih hi a tha mai rih ang a, kan tih vang zawk a ni. Work Programme a detail a han dah hreh vang pawh ni lovin, Ministry lam thu a ni a kan thu tawh bawk si lova, a grant full amount-in min pe thei dawn nge dawn lo tih kha kan chian tawh loh avangin tikhan kan han dah rih phawt mai a ni.

Tin, Lt.Col. Z.S. Zualan Mautuai control theih se, Mau hi a rem tak ngial dawn a ni a ti a, Mautuaite pawh engemaw chen chu control thin a ni a, amaherawhchu, Mautuai hi a vaia zuah pawh hian a survive vek chuango a ni tih hi mithiamte sawidan a ni a, chuvang chuan, mi tam tak tan eizawna a lo ni bawk a, mi tam tak tan chawhmeh tui a lo ni bawk a, chungte avang chuan strict lutuka tih loh zawkte pawh hi ngaih dan thar te pawh hi a lo piang zel a, engemawzat per cent hi chu kan ei hian a survive vek chuango lova a pawh thamlo a ni tih kha kan hriat dan a nih avangin tunhma angin strict lutuk lo deuh hlekin tunah hi chuan kan kalpui deuh a ni tih kha ka hrilh fiah theih dan ni sela.

Tin, development in Sakei a um bo tih te pawh hi thu diktak a nih ka ring a. Mizoramah Sakei hmuh phak turin a awm tawhlo a ni, tunah hian Dampa Tiger Reserve-ah hian Tiger Estimate, a awm zat estimate an han siamah hian panga vel awm angin estimate an siam a, tunah hian Arnyak Laboratoty Gauhati lam a mite scientific organization pakhat, organization pakhatin a hmunah an rawn en a, sakei ek ni a an hriat te 25 an la a

chungte chu laboratory-ah test-in an han enchho a, chung 25 zingah chuan 9 chu sakei ek niin an proved a ni. Chu chu a nih avangin khutah khu chuan sakei hi la awm ngeiah kan ngai a ni. A thlalak erawh chu tun thlengin kan la hlawhtling hlei thei lo a ni.

Tin, Pu Lalthansanga, Member zahawm takin a bialah Gas an hmuh khat thu a sawi a, hei hi thudik tak pawh niin ka ring a, agent puitling an la awm lo bawh a. Tunah hian RGGLV-ah hian hmalak mek a ni a, chu chu a field verification IOC lamin an ti mek a, chung chu chak zawka an kal theih chuan a agent tur ruatfel vek tawh a nih avangin a agent kal chak leh chak lohah hian a hawn hma leh hma loh a innghat dawn a ni. Tin, Legal Metrology hi strengthen a tul tih thu a sawi bawh a. Hei hi a tul khawp mai tunah hian District hrang hrangah Staff indaih loh thuah thawktute lam mai nilovin khawtlang hotute leh District Authority-te pawhin min ngen nasa a. Tunah hian Mamitah phei chuan Office kan la hawng thei lova, hmun dang District dangah hian a hming chuan kan han indah ve diat diat a, chu pawh chu indaih lo tak chungin an awm a. A tangkai zia leh a tul zia te mipuiin an hre thar zel a. Hei hi tihchak deuh theih se a duhawm khawp mai.

Tin, Pu C. Ramhluna'n monsoon stock hi advance a kan ti lo hi ka bial hian kan tuar bik deuh a ni a ti a, dik pawh a dik a hei hi chu ka hriatpui a ni. A bial Vathuampuih te hian kan duh ang nilovin theihtawp hi chuan tan hi chu kan han la ve a, ruahtui tlak tak tak hma hian dah nise kan ti a. Lawngtlaia ka va kal tum pawhin kan sawi tlang a, amaherawhchu DCSO te kan han inthlak kual vel nen. Tin, a stock position, Lawngtlai ami khatia han transfer tur khan a hunlai takin kan duhthusam angin kan che hlei thei lova, churang chuan nikum lam ang lovin kuminah hian tlemin a stock position hi a hniam deuh hlek a, a pawh ka tihpui khawp a, amaherawhchu theihtawp kan chhuah zel ang a. Buhfai hi ration lak hun dik tak ah mipuiten an lak zel theihna tur erawh chuan theihtawp kan chhuah zel dawn a, chutiang chuan tan la turah a Department pawh hi kan lo insangmar leh a ni tih kha ka'n sawi duh a. Tin, Kg. 3 hi mipakhat quota anga tihpun leh tawh nise tih pawh hi, ni e a awm viau mai. Amaherawhchu buhfai tuna kan lei theih dan ang nena han chhut hi chuan Kg. 3 leh Kg. 2 hi a inthlau em em mai a. Kg. 3 chuan tunah pawh hian han ti ilangin thla 1 chhung hian tuna kan stock pawh hi kan zo nghal vek theiin ka ring a. Chutiange chu kan nih avangin Kg. 2 hian sem theih loh awm lovin marpat a tuna hetia kan kal hi mipui tan hian a tha zawk maha kan ngaihna a awm a. A chhan chu Kg. 3-in kan va ti uk ang a, a stock te hi kan inhnawh khah chak leh si loh hi chuan leh a buhfai lei naah te sum harsatnate a awm avang pawhin tuna kan kal dan hi kan kal theih dan tawh a ni rihin ka hria a, chu chu ka'n sawi theih dan ni sela.

Pu C. RAMHLUNA : Pu Speaker, khalai kha ni e a pawh ka ti khawp a, mahse a tih theih si loh chuan le a ngaihna a awm lo a ni mai a. Amaherawhchu ka'n sawi tak chu a kumtluan pawh ka ti chuang lova, working season hi a awm ve a, thla 3 vel chauh a ni a, tunah hian July thla kan tawp mai dawn a, August thla chauh hi chu tih theih phei sela chuan, September thlaah phei chuan a thar rang kha an lo thar ang a, a zia tawh deuh hlek ang a. Anni hnathawk ho tan phei chuan pawisa an nei bawh si lo, an kham si lo a, bazarah cheng 10-15/- Kg te a ni se a.

Pu H. ROHLUNA, MINISTER : Tunah hian Sorkar hian a subsidize nan ringawt pawh hian sum a seng hnem lutuk a, finance lu kan tihai lutuk a ni. Chuvangin tuna kan lei chhuah hram hram te pawh hi tih hram hram takzet zet a ni a. Sorkarin mipuite a ngaihpawimawhna avang zawkin tunah hian normal allocation piahlamah economic cost a han lei tam deuh phei chuan thla 1-ah hian crore 10 dawn te hi hmuhlet lehna tur awm miah lovin Sorkarin sum a seng thin a ni. FCI atanga leina hi Rs 22 leh pawisa 13 hi Kg ah, Rs 9 leh pawisa 30 in retailer-ah

Sorkar-in a pechhuak a. Chuvang chuan Rs 12 leh pawisa 70 bawr vel hi Kg. 1 ah hian Sorkarin a hlauh a ni. Chuvangin a hautak em em mai a hei hi kan inhriatthiam hram hram a, hetiang kan kal nawk nawk theih hi chuan kal nawk nawk a tul chu a ni a, amaherawhchu thil tlema lo awlsam deuhthe anih hi chuan mipuite mamawhna kan hria a, chuvangin tih theih dan kawng hi chu sorkarin ala ngaihtuah zel anga, tun dinhmunah hi chuan kan phak tawk a ni tih kha ka sawi lan duh a ni.

Pu LALDUHOMA : Pu Speaker, Central-in Food Security Bill an pass khan Food hi legal entitlement anga kalpui tum kha a ni a. Kha khan kan tan hian enge ni awmzia a rawn neih theih dan tur ? Khatianga an puang anih te kha chuan a funding-te pawh kha min rawn pek belh thei dawn lawm ni ? Awmzia kan neihpui thei dawn em tih min han hrilh tel thei sela.

Pu H. ROHLUNA, MINISTER : Pu Speaker, Food Security Act hi Parliament-ah chuan putluh a ni tawh a. Mahse pass ala ni lova, a bill hi putluh a ni tawh a, mahse Parliamentary Standing Committee-ah tunah hian a awm mek a. Anni hian State hrang hrang an ngaihdan lain tunah hian an kal kual mek a ni. Chuvangin Act ala nih loh avangin la hman theih loh a ni a, awmzia ala nei chiah lova ni.

Tin, Member zahawm tak Pu C. Ramhluna sawi tho, Wildlife Division, Lawngtlai state government-ah awm zel se tih hi Pu Zothangliana, Member zahawm tak chuan Council kutah awm tawh mai se a ti a.

Hei hi sorkarin a ngaihtuah a, council lam hian dilna an rawn thehlut a, chumi piahlamah tawngkamte pawhin an rawn umzui tawh bawk a. “Hei hi tun dinhmunah hi chuan kan enkawl thei ve tawhin kan hria, chuvang chuan keini a ram leilung neitute ngeiin thahnemngai taka kan lo enkawl hian a that te pawh a tha zawk anga, bakah helam atanga State sorkarin rawn enkawl hian staff-te in indaih bik lova, duhthusam hian helaia awmchilh te pawh alo har a, chuvangin keimahni zawk hian kan lo enkawl tawh ang e,” an tia. Agreement pangngaiyah hi chuan 2018 thleng hi tuna a kalphung pangngaiya a kal tur a ni a, mahselangin agreement point pakhatat khanin a partner pakhatin a in withdraw a, tih tawp anih chuan agreement hi ennawn theih a ni a, chuvang chuanin ngaihtuahna sorkarin a hman mek a, transfer modalities hi department-in tunah hian a draft an siam mek a, hei hi final ala ni chhiah lo a ni.

Tin, Pu Nirupam Chakma khan Tripura angin retailer-ho commission hi advance-in pek thin nise, buhfai an khul rualin a ti a, tunhma pawhin a sawi thin a, department pawhin kan han examine a, amaherawhchu retailer bill, sorkar hmasa atanga kan rochun tam tak crore 10 chuang a awm a. Chutihlai karah han rulh chhohna nen tikhan a pung chho zel bawk si a. Uptodate a inpek hi a har em em a, tin tuna kan dinhmunah hi chuan kan retailer-te commission-na hi 1 Kg ah pawisa 20 a ni. APL-ah hian Rs 9.30-in retailer-ah sorkarin a pechhuak a, an niin Rs 9.50 in mipuiah an pechhuak ve leh a, pawisa 20 kha an

help a, chuvangin an commission pawh hi tun dinhmunah hi chuanin a tlem deuh mah mah tawh a, an tan pawh thildang ti tello phei chuan chungkaw han chawmna tlak pawh hi a ni tawh lo tih hi a chiang a, hei hi mumal zawk deuh hleka sumte hi nei ta ila chuan bill bate tumkhatah pein bul han tan tha leh thei ta ila tih te hi department chuan kan duhdan a ni a, mahse tunthlengin kan la ti hleitheilo a ni.

Tin, Mualkhang Bottling Plant compensation hi Minister-in i chinfel theih loh chuan mipuiin an hrethiam lovang a ti a. Heng harsatna formalities awmdante leh thil engkim hi chu Minister-te lo ni tawh a ni a, ani hi sorkar thil kalhmang engkim hre tur a ni a, hei hi chu a sawi duham mah mahin ka hria a. A nihnaah chuan heng thil hi duh anga ti thei chu ni ila mawhphurtu ka nihna ang pawhin chinfel mai theih chu nisela kan duh khawp, beih pawh kan bei nasa tawh, mi pawh kan be kual nasa tawh. Tin, IOC Authority lamte pawh a theih ang angin kan bei nasa tawh a ni, a hminga Minister ni ve lem, mawhphurhna nei hi mipui awlsamna duhlo an awm ka ring lova, chumi tura thawk peihlo pawh an awm ka ring bawk lova. Chuvang chuanin, Member zahawm tak hianin hei hi chu a hriatthiam ka ring a ni.

Tin, Pu Joseph Lalhimpua, Member zahawm takin Botanical Park 24 crores scheme Department-ah kan thelut a, central lama min forward sak turin a ti a, hei hi ka lo hriatpui chiah lova. Tin, Biodiversity humhalhna tur atana Sairep khua atan 7 crores scheme an siam te pawh hi Department lam alo thleng a nih a Ministry lamah forward sakte a ngai anih chuan hengte hi chu kan lo ti turah ka ngai a. Tin, Sairep hi Aiting, dancing girl kan tih mai, hmundangah hian a awm manglo, a pawimawh bik riauva hriatna a neih avangin Department pawn kan ngaipawimawh a. Tin, Saikhalh Botanical Garden hi 13th Finance Commission atangin a bul han tih tan kan tum bawk a ni.

Pu Zothangliana, Member zahawm takin Sangau Go-down repair chungchangte leh quarter a chhiat thute a sawi a. Sangau-ah hian tunah hian Kudam Central sanction atangin sak tum mek a ni a, amaherawhchu a kudam hi tuna a dinglai han thiah ngawt hi chu kan hreh deuh a, mahse sak chu tul kan ti bawk si a, chung lai vel chu kan ngaihtuah mek a. Tin, Quarter-te pawh hi tuna sanction kan neih ang te te hian eng chen nge kan repair theih ka hre chiahlo nain, hei hi chu lo ngaihtuahpuia, lo enzui pawh kan tum dawn nia.

Tin, Wildlife Division hi chu nichinah ka sawi tawh a. Tin, Pu Lalrobiaka, Member zahawm takin DTR-a W.Phaileng Water Supply Scheme pipe line kaltlang tur chungchangah khan Dampa Tiger Reserve huamchhungah hian protected area chung anih avangin a hmingin clearance han neih ve te a lo ngai a. A chhan chu Wildlife Protection Act-te leh Forests Conservation Act-te hi ngaihpawimawh loh theih loh a ni a, chuvang chuan hengte pawh hi a rang thei ang berin chinfelpui dan hi Department-in tunah hian a zawng mek a, kan Chief Wildlife Warden-te leh kan Officer dang pawhin Dampa Tiger Reserve-ah hian an zu kal tawh a, tiang chuan a rang thei angin, a chak thei ang bera bawhzui pui kan tum mek a ni.

Tin, Go-down repair chungchang leh a dangte pawh hi a tul dan a zirin kan la en chho zel turah ka ngai a. Tin, Dampa Tiger Reserve-a Buffer Area tan hian eco-development hnuaiha Ar vulhna, Vawk vulhna leh huan thlai han siamna tihte hi engemaw zat hi chu pek an ni tawh a. Hengah pawh hian theih ang angin

buffer area tena hamthatna an lo dawn ve theih nan a theih ang angin khulaia kan field officer-te leh kan staff-ten hma an la chho zel a ni tih ka hrilh duh a ni.

Tin, Dr. Lalthangliana, Member zahawm takin MLA tan LPG Cylinder pakhat hi karkhatah hian reserve siam theih dan a awm lawm ni a ti a. a ti a. Hei hi kan la examine chiah lova. Tin, tunah hian Reserve hi kan tihtawp vek rih avangin helamah hian ngaihtuahna kan la hmang chiah lova. Tun thla ni 4 atanga Order tihchhuah a, ni 5 atanga tihtawp kha a ni a. Thla khat pawh hi a la ral lova, a ni leh thla pawh hi a la dang lo tih ang a ni a. Chuvang chuan thil nihphungte pawh kan la zir chiang zel ang a. Kan sawi tawh angin mipui mamawhna avanga tuna Reserve hi tihtawp rih a ni a. Tlemin kan han ziaawm chho deuh a, leh kan dinhmunte han en chho zelin hengte hi chu helai House hi rorelna sang ber a ni a. Helaiah tha kan ti tlangte anih te chuan la ennawn leh turah ngai ila.

Tin, Pu Lalduhoma, Member zahawm takin House-ah pawh a sawi fo thin, kan la tihhlawhtlin sak theih loh, Tanhril Ramrikawna FCI Kudam chungchang hi a ni a. Hemi sawn tur hian helaiah te pawh a sawi tawh thin a. Sairangah khuan sawn tur tih a ni a. Railfed a khatia tih tur kha a ni a. FCI lam pawh khuan sanction te chu an nei tawh a. Mahse, a hmun turah hian kan buai a ni, Railfed tur hi chuan a rel kawng tur hi an tifel awrh chauh a ni a. Chuvang chuan a in han sak a, bul han tan a, han sawn mai theih hi chu a la hla hle a ni. Chuvangin theihtawp erawh hi chu kan chhuah a. Tin, Bairabiah pawh hian chutiang tho chuan FCI Depot hi sak belh tur a ni a, Sairang nen. A sanction-te pawh an rawn pe tawh a. Mahselangin kan tum ang hianin kan kal chak thei ta lo reng reng a. FCI lam te lah chuan a tlang ram e ti lo chuan a hmun tur an duh tui leh hle si a, an rawn en hian. Chuvang chuan harsatna kan tawh chho a, theihtawp hi chu kan chhuah zel a ni. Hei hi a hma thei ang bera Rail service a awm huna hman nghal theih tur atana lo inbuatsaih hi kan duhthusam leh kan tum dan a ni a. Mahse, kan tum dan ang hian kan kal chak thei lo erawh hi chu paw ka ti khawp mai. Tin, FCI Depot hi ramri hrulah te state dang hi chuan an dah a. State chhungril takah hi chuan an nei duh mang lo a ni tih hi thudik tak te pawh a nih ka ring a. Mahsela, keini ang state rethei tan hi chuan Lungleiah te, Lawngtlaiah te an han awm hian a phurh man hi an Depot thlengin FCI lamin an tum vek a. Sorkar hian kan chawi ta lova. Chuvang chuan state sorkar tan a thlakhlehawm viau mai a. Chuvangin sorkar hmasa hun lam atanga an lo sak tawh a ni a. Lawngtlaiah te pawh hian tun ai hian stock tam thei se, contractor te pawh hi appoint belh sela chutiang chuan Lungleiah te pawh tun aia tam zawkin FCI hian tih hi a department ang chuan kan duhthusam mah mah zawk a ni a. A chhan chu Lawngtlai thleng emaw, Lunglei thleng emaw, Tanhril te a ni emaw khami phurh luhna kha FCI Contractor tih vek leh payment pawh anmahni tih vek a nih avangin state sorkar hi min chhawk zangkhaiah kan ngai a ni.

Pu LALDUHOMA : Pu Speaker, FCI Depot atanga km 30 a hla a nih kha chuanin, PDC te, SDC te, SC te kan neihna hmuna va phurh thlenna man kha FCI-in an tum tho niin kan hre si a. Chuvangin, a phurh nan FCI sum kha kan hmang dawn tho a, kan sen belh dawn chuang lova, khami inkar kha keimahni Mizo motor te khan an phur thung dawn a, kan hlawk zawk dawn a ni. State dangte pawhin ramri hrulah bak kha chuan thui tak tak an state chhunga an rawn phurh luh kha an phal ta lo thin zawk a nia, hetiang a kan kal ve hi a finthlak lo'm ni? ka ti a ni.

Pu H. ROHLUNA, MINISTER : Pu Speaker, chutiang chuan a tih theih kan la hre rih chiah lo a ni. Tin, Lungverh retailer chungchang hi ni e, Pu Speaker, member zahawm tak hianin a ngai pawimawh a, helaiah mai ni lovin phone te pawhin ka hnenah pawh a sawi a. Chu chu kan han en fiah a, mahse, Retailer kha han dah ta ila, tun dinhmuna hian Ration

Card nei awm hi chhungkaw 43 an ni a, an karkhat quota hi quintal khat leh kg. sawmriat leh pakua tuna ration card khulaila kawl mek Sakawrtuichhun a la mekte an ni a churang chuan a Retailer tan ei tur a awm ta lo lutuk a Zuangtui kudama va la tur chuan hei hi engtinngan kan tih ang kan ti a, department-te pawhin hmun danga ration card nei veng danga ration late pawh an awm anih chuan an ration card kawl mek kha surrender sela khulai Sakawrtuichhun ni lovin, Lungverha retailer hnena transfer turin tifel ta se tih kha kan ngaihtuahna a ni a. Mahse tun thlengin hei hi an la inchingfel hleithe i lova, a hma lama chinfel dan hi chu awm ta sela. Tin, a retailer tan pawh hetiang lek quota han neih hi chuan a vai pawhin tunah hian department lamin kan hmuh dan chuan chhungkaw 131 awm angin tunah hian kan hria a, ration card lo nei vek ta pawh nisela quintal 5 leh kg. 23 retailer kar khat quota tur a ni a, chumi han khul chhuaka Zuangtuia phurh man nena han tih khan rin aiin hlawk hi an inti lovang a, thawk rei peih an awm lovang tih te pawh hi hlauhthawna chu kan nei tel deuh a, chungte chuan tlemin min tikalmuang deuh bawka.

Pu LALDUHOMA : Pu Speaker kan ti leh lawk anga khilai kha, ka hriat dan chuan quarter a awm khu chhungkaw 250 an ni a, musafir an tih khu 500 an awm a, tin, civil mi khu 47 an awm a, khang khan ration card chu rawn lut thar an nih avang khan an nei vek lova, veng tinah sorkar hnathawk ration card nei kan awm vek a, Police an nih avanga neih loh tur kha a ni bik lova, kan Home Minister zahawm tak pawh ka sawipui a, a naute an ni a, a ngaihtuah em em a ni ani pawn. A hma pawhin an nei a, retailer an nei a, an thawk duh a, tunah pawh a thawk duh an awm a, a dil pawh an awm a ni. Churang chuanin a chhungkaw zat vel ration card kha an la siam lo pawh a ni thei a, khilai kha kan lo puih ve te an phal anih chuan chhungkua engzah chiah nge an nih theih dawn tih bialtu nihna atangin lo pui ve ta ila, chung chu theh lut ta ilangin, chutianga retailer nih inhuam an awm bawka tho si chuan ngaihtuah dan min ngaihtuah ran thei sela ka va duh ve mawle.

Pu H. ROHLUNA, MINISTER : Department-a kan officer-te a hmunah kalin an zuk chhiar kauh kauh niin ka hria a, a chah pawh kan inchah uluk a, hei hi 131 an rawn chhuah tlat mai a ni. Churang chuan a dik ngei a ni tih phei chu hetah hian tunah hian ka sawi ngam chiah lova, mahse an zuk chhiar dan kha anih miau avangin hei hi anih chuan retailer han appoint hian hlawk inti lova thildanga inhnangfak duh, a thawk tha leh peih lo problem min create hi an tam tawh a, churang chuan department tan pawh hian a fimkhur thlak hle tawh a, hei hi a nia a bialtu MLA-te nena tang tlang te pawhin Pu Speaker, ngaihtuah zui dan te pawh chu kan lo en anga. Hei hi nia, awm hmun a anni pawn ration an lak hi chu a department ang pawhin, a sorkar ang pawhin kan duhsak hle a ni tih erawh hi chu ka sawilang duh a ni.

Tin, Mualkhang Bottling Plant-ah compensation a award sang lutuk hi member zahawm tak Pu Duha han inhuamna kha a lawmawm hlein ka hria a. Tin, helaiah harsatna, dead lock kan han thleng ti tih chu a ni rih a hei hi a nodal department LPG chu kan ni na a, a award siam tak tak leh compensation laiah hi chuan Land Revenue & Settlement lampang kut mah mah zawk a nihna lai a awm a, churang chuan hengte pawh hi ngun taka kan ngaihtuah zui a, mipui mamawh phuhru tura theihtawp kan chhuah zui erawh hi chu a tul a.

Tin, a ram mai piah lamah hian tunah dedicated powerline 11KV line hi an mamawh em em mai a, hei hi tun thlengin kan la tihsak theilo a, State sorkarin hei hi chu min tum sak tur a ni an ti deuh tlat si a, state dangah pawh min tihsak zel a ni an ti a. Tunah hian power khaihlak avang hian hetia a khawlte kan han upgrade hnuah pawh, duh angin an capacity hi an hman full hlei thei lova, hengte pawh hi ngaihtuah ngai tamtak a la awm a. Chungte pawh chu sum harsatna avangin vawiin thlengin kan la tihpuitlin sak hleithei lova. Chung chu chak taka han umzui zel erawh hi chu kan tum dawn a, hma pawh hi a theih ang anga laka mipui mamawh phuhruk hi tunah hian kan tum ber chu a ni. Chu chu a tlangpui thuin member zahawm taktena an sawi ka han react theih chu a ni a. Hun hman reiloh hram dan erawh chu zawn ka la duh tho a, sawi vek dawn ila sawi tur a tam a mahse kan sawi vek seng lo anga.

Environment & Forest-ah hian Pu Speaker, helai member zahawm tak takten min hriatpui tura ka duh deuh point hnih khat sawilan ka duh a. Department-in kan achievement ve, Nauban humhalhna, mini orchiderium te pawh kan ti thei anga, Sairang nursery hmunah hian kan siam a. Tun thla hlui ni 29-ah hawn a ni a. Tichuan, Nauban Mizoram hmun hrang hrang ami lakhawmin chi 52 lakkhawm a ni tawh a. Chutah chuan hybrid varieties hi 6 a tel bawk a. Tin chi 52 zingah hian chi 38 hi a par tawh a ni. Hei hi 13th Finance Commission Grant atanga a scheme hi buatsaih a ni a. Tichuan nuai 15 sengin Sairang High Tech nursery hmunah khuan an ti a. Hei hi tul em ema kan hriatna chu Mizoram chhunga Nauban chi hrang hrang kan neihte hi a rem/ral mai dawn niin hriat a ni a. Mizoram ami hi khawchhak lam ho phei chuan sum siam nan min ruksak nasa tawh a, chungte avang chuan kan ram pangpar mawi tak leh medicinal value leh hlutna chi hrang hrang nei hi a riral mai kan hlau a, chuvangin hmunkhatah i dahkhawm teh ang u kan ti a. Hei hi tunah hian Sairangah kan nei tawh a ni tih ka'n sawilang duh a. Tin medicinal garden, orchidarium bul maiah khuan, traditional medicinal garden ti ila a dik mah mah zawk anga, pi pu atanga damdawia kan hman thin hnimhna leh chi hrang hrang lakhawmin khulaih khuan a hmun hi siam a ni. Chu chu tunah hian chi 23 Mizoram chhung ami indigenous medicinal plants hi lakkhawm a phun a ni tawh a, a nung tha hle tawh a. Khu pawh khu ni 29 June khan hawn a ni tawh a. Sum harsatna avangin duhtusam chuan kan chei theilo na a tunah pawh a hmuna zuk kal hi chuan a hlutawm hlein ka hria a. Rs 5,30,000 vel bawr sengin 13th Finance Commission pawisain hei hi kan ti a ni.

Tichuan nichina kan sawilan tawh working plan chungchang-ah hian, working plan 6, Lunglei, Tlabung, Mamit, N.Vanlaiphai, Aizawl leh Kolasib forest division-te hi draft working plan, Ministry of Environment & Forest-ah thehluh tawh a ni a. Hemi tello hian kan teak plantation zawng zawngte hi duh angin kan kit theilo a, hei hi Ministry-in min approve hunah chuan a working plan azirin a working plan zulzuiin kan teak plantation-te pawh hi kan la kit thei anga, kan hralh thei dawn a, chuvang chuan kan hmanhmawh a. Tin nichina kan sawi tawh ang khan 13th Finance Commission grant pawh he working plan approve leh approve loha inngat tur angin condition a awm a, maherawh chu kan sawi tawh angin approve kher loh pawhin State sorkarin kan tih tur kan tih zawh tawh hi chuan min hrethiam turah ka ngai a ni. Tichuan field enumeration phei chu tunah forest division zawng zawng hi kan zo tawh a ni. Tichuan Japan International Cooperation Agency (JICA) hian kan state Forest Training Institute hi min chei that sak dawn a, chuta tan chuan capacity development for forest management and training of personal team hnuaih hian State Training Institute, Bethlehem vengthlang ami chei that nan nuai 498 ruahman a ni a, tin, front line training staff material atan hian nuai 18 a ni a, tin, training equipment atan nuai 24 a ni bawk a. Tichuan consulting services a tan nuai 45 a ni a, a vaiin nuai 585.62 hi tunah hian central atangin sanction tawh a ni a,

nuai 398.89 leh hi released tawh a ni. Hna hi reilo teah tan theih kan inring a ni. Heng Green India Mission te, Incentive scheme for preservation of Forest, NAP, Integrated Forest Management-a sanction kan hmuh te, NBM atangte leh thil dang atang pawh hian Pu Speaker sawi tur tam tak kan nei a ni.

Tin, Supply lamah hian tuna Buhfai normal allocation thla tina kan neih hi APL-ah quintal 28410, chu chu FCI atangin Kg ah Rs. 8.30 in kan lei chhuak a, tichuan BPL hi quintal 14700 a ni a, hei FCI rate-in Kg. ah Rs.5.65 a ni a, AAY hi quintal 9100 FCI rate-in kg. ah Rs.3 a ni. Tichuan thakhata normal allocation kan hmuh a vaia belh khawm hi quintal 52210 a ni a, thlakhata Zoram kan mamawh chanve pawh a tling lo a ni. Chuvang chuan, additional allocation hi central lamah min pek belh turin kan innawr reng a, economic cause erawh hi chu thlakhatah quintal singriat lei belh min phalsak a, hei hi a rate a sang bawk si a Rs. 22 per Kg. a ni a kumhluiah hian Rs. 22.13 a ni a, chutiang chu kan dinhmun a ni a. Rs. 9.50 hian mipuiin an lei leh tho si a, chuvang chuan sorkar tan hlauh a nasa lutuk a. Chuvangin central lamah kan nawr reng a, additional APL hi quintal nuai khat leh singruk Rs.11.85 per kg. in min pe a, additional BPL hi quintal nuai khat singthum leh sangriat leh zali leh sawm min pe bawk a, hei hi Rs. 5.65 a ni. Tin, OMSS quintal singkua leh sawmpali min pe bawk a, hei hi Rs. 15.37 per kg. a ni. Economic cost ngau ngau hi sum ngah in ti thei ila chuan awlsam taka Kg-ah Rs. 22/- a lei mai tur a ni a, mahselangin chu chu sum harsatna avangte leh a hmuh let leh loh tur a tam lutuk avangin kan afford lova, chuvang chuanin a mantlawm deuh kan zawng hram hram a, tiang chuan kan kal chho a ni a. Nikum ringawt hian differential cost kan hloh chu vaibelchhe 60 chuang hi hmuh let lehna tur awm miah lovin buhfai manah ringawt hian a phurh man tel miah lovin a ni. Chutiang chu sorkarin buhfai subsidised nan a hmang a ni. Chu chu kan sorkar mi harsa leh miretheite tana a inpekna, sum harsa chung chung pawha sorkarin mipuiten buhfai man tlawm zawka an lei theihna tura a inpekna hi he House zahawm tak leh Zoram mipui hian min hriatpui se ka duh takzet a. A chhan chu kan allocation pangngai hi a tawk alawm tiin State tam tak hi chu an kal a ni, thlakhatah hian Kg. 35 hi Central-in an ruahman dan a ni a, APL-ah pawh, BPL-ah pawh, AAY-ah pawh a ni, a bak hi chu pek tura ngaih a ni lo a ni. Mahsela keini ramah erawh chuan kan inngahna, source dang kan neih loh avangin kan buh tharte hi a tlem em em si a, mautam tampui hi kan tuar reng a, tampui kan tuar lai leh wawiina kan thar hi a inang deuh reng a ni. Chuvang chuan mipuiin an mamawh a, ei lovin kan awm thei bawk si lova, sorkarin a manto zawk pawha lei chhuakin sum tam tak hloh chungin mipui ei leh bar a ngaihtuah sak a, a pe a ni tih hi wawiinah hian ka sawi duh a.

Tin, economic cost aia tlawm zawk kum kal mekah hianin Delhi a, tun July ni 11 a Union Food Minister nena kan inhmuh tuma Central sorkarin min pek belh hi OMSS(D) ah hian quintal 1,50,000/- a ni a, hei hi Kg.-ah Rs 15.37 tho tur a ni a, (interruption) aw, Pu Speaker ni e, hei hi chu an tih awm tawkah ngai ila, lehlamah Gas te a harsa a, zin peihlo, mawng rit lutuk, sorkar hmasaah chuan a changtu hi Silchar-ah te a kal chhen an ti, camera te nena khatia kal chhen te kha chu keini kan hobby a ni ve vak lova, a tulna hmuna sut mai, a tul hunah chuan koh chhoh mai te hi kan tih dan phung a ni a, tichuan Union Minister pawhin kumin February ni 29 leh March ni 1-ah hian Mizoram helaiah ngei, kan ram leilung hi arawn rap a, alo kal a ni tih pawh hi he House hian min hriatpui ka duh a, kan hriat vek tawh pawh ka ringa. Chutiang chuan tunah hian Union Petroleum Minister, Minister of State Pu RPN Singh hi October-ah hian Mizoram, Aizawlah Gas leh POL a kan problem te rawn en thli thlai a, Aizawla North East Food Minister, IOC leh Ministry authority te nen meeting nei turin a lo kal dawn bawk a. Tunah hian preliminary meeting, Addl. Secretary-in chu meeting atan North East State-a Food Secretary te a ko khawm mek a, Delhi-ah meeting an

nei a, keini pawh session lai te anih avangin kan Secretary a kal lova, kan Director zawkin Department aiawhin tunah hian a kal mek a ni, tih kha ka'n sawilang tel duh a ni. Tichuan buhfai Central-in min han pek thar chungchanga party thenkhatin Press Release an siam hi, anni tan hi chuan a na viau te pawh a ni thei anga, anni hi chuan engmah hi Central atang hi chuan lakluh belh lo ila, mipui hi rethei tlawk tlawkin awm sela, min sawisel vak vak sela, tichuan anni hi dingchhuak sela tih hi an tum ber ni mai hian ka hria a. Mipui retheih leh harsat hi pawh an ti vak tawhlo emawni aw, an politics kalpui danah te hian tih hi Pu Speaker a chang hi chuan ngaihtuah naah a awm thin a ni. Hei hi kan tih dan tur a ni lovin ka hria, tunah Gas chungchanga te kan pawh kan la sawi ang a. Hengah te pawh hian harsatna a lo thlen a, in solve-pui emaw kawng dik zawk inkhawhhmuh aia insawisel ringawt mai Zoram kan ramtang ta hi chu Kristiante tihawm a ni em? Mizote tihawm a ni em? tih te pawh hi kan inngaihtuah nawn leh hi chu a tul khawpin ka hria. Buhfai allocation chungchanga chuan chu chu ni mai se la, Pu Speaker. A khaikhawmna ber erawh chu economic cost-a kan leina hi a to lutuk avangin a aia man tlawm zawk hi Central atangin a theih ang angin kan nawr chhuak. Sum tam tak hemi economic cost lei lova kan awm hian kan save a ni tih hi a khaikhawmna ni se a thain ka ring a.

Advance Monsoon stock hi kan sawi ri tawh a, hei hi kan ti ngai tawh lo, sum harsat piah lamah hian kalphunga neihah hian tunah hi chuan tha kan ti vak tawh lova. A chhan chu advance-a kan lak hian April atanga September emaw thleng hi advance allocation hi 50% emaw lo la ta ila, a hnuah min cut leh tho thova Central-in. A hnu lamah hian indaih loh a awl khawp mai a. Helaia lo stock lawk hian buhfai ren a har bawk si a. Chuvangin, hetia monthly allocation-a kan lei a, tha taka kan manage a, ren taka kan enkawl a, mipuite a hun taka ration kan pek hi sorkar tan chuan sum save-na a lo ni a, buhfai save-na a lo ni a, a that pawh hi a tha zawka hriatna kan neih avangin chutiang chuan kan kal tawh a ni. Sorkar hmasa lamah chuan advance monsoon stock khan an lo ti thin a, a thatna chin chu a awm. Amawherawhchu, management kan tih that hi chuan chutianga advance-a tilem lo pawhin a kal theih a ni tih erawh hi chu kan prove tawh a ni.

Tin, rel kawng hi June thla tawp atang khan thla khat vel bawr a ping a. He House-a ka'n sawi nawn leh duh chu rel kawng thla khat a pin pawh hian buhfai hian harsatna kan tawk miah lova, POL-ah pawh hian harsatna lutuk awm lovin he thlakhat chhung hian kan kal tlang thei hi kan lawm takzet zet a ni. Tunhma chuan kar khat a pin chuan POL control-a a awm lo tih hi a ni thin a. Buhfai te pawh chutiang tho chu a ni thin a. Tunah hi chuan a system hi (FCI) leh IOC te nen tangtlangin mumal takin kan kal thei ta a, a lawmawm khawpin kan hria a, ka'n sawi tel duh a ni.

Tin, Hill State Transport subsidy hi kan sorkar hma 2003 atanga 2009 kha bill mumal awm ta lo reng reng leh FCI lam atanga pekchhuah awm ta lo reng reng kha a ni a. Kan buaipui nasa mai a, sorkarna kan han inbun fel chiah khan a cell hran te siamin Directorate-ah staff te inpawt khawmin theihtawp kan chhuah a. Tunah hian a bill te pawh kan peih fel vek tawh a 2009 hmalam pawh, FCI lamah kan thehluh a, Area office-ah, FCI, Regional office-a final tur a ni a. Chungte pawh chu a modalities, tunhmaa cheque system hmang tura state sorkara order FCI-in a lo pek tawh, sorkar hmasain 2005 atanga a lo tih loh avanga waviina harsatna tawh kan ni a. Tunah hi chuan theihtawp kan chhuah a, a biak ngai te kan bia a, kan format siam hi FCI leh Ministry-in min approve sak tawh a. North-East dangte pawh Mizoram tih dan entawna a format pawh hmang ve turin an ti hial a ni. Chu chu a lawmawm khawpin ka hria a. Tunah hian crore 40 vel bawr hi 2009 hma lam ami FCI-in min pek tur an la nei a ni. Tin, 1 April, 2009 atanga tun thleng hian vaibelchhe 6 leh nuai 34 sing sarh leh 2625 FCI hian min reimburse tawh a. Chu chu 1 April, 2009 atanga contractor

payment cheque system-a kan kalpui nghal vang a ni. Change tha a awm hi chuan hengah pawh hian hlawkna kan tel nasa hle a ni tih hi he House-ah ka'n sawi lang duh bawk a. Chuvangin sorkar hmasaa phurrit lo tang zawng zawngte sutkian tumin theihtawp kan han chhuah a, kan han tum a, vawiinah a cash-in hlawhtling chiah lo mah ila, hlawhtling thei tur dinhmunah kan ding tawh a. Chuvangin hei hi lawmawm ka ti a, tin, a chak thei ang bera FCI lamin min release theihna turin tan kan la zel bawk a ni.

Tichuan Pu Speaker, Godown hi Mizoramah hian concrete building tha hi kan nei tam lova, chungte avang chuan Central lamah kan mamawhna te thlenin an tanpuinate kan dil a, chuvang chuan Mizoram tana record break thei hial khawp tur Godown concrete building 17 sakna tur tunah hian nuai 9,65,63,000.00 central-in min sanction a, tunah hian nuai 596 hi first installment-ah min release tawh nghe nghe a ni. Hei hi PWD te nena tang tlangin chak taka tih thuai thuai kan tum a. Tiang chuan tunah hian reconstruct tih zawngin kan han dil leh a, 20 dang a thuphung hi chuan min phal sak tawh a. Amaherawhchu, tuna 17 sak tur hi UC leh progress report te han theh lut ula, chumi hnuah 20 dang hi chu kan pe leh dawn che u nia, an ti a. Central Sorkarah kan Chief Minister zahawm tak kaihhruaina hnuai hian eng Ministry pawh hi han dawr ila, dawr an nuam em em a, ani India rama Chief Minister senior leh Politician keimahni party bilah pawh a senior berte zinga mi a nihna leh Central a nihna pawimawh tak tak alo neih tawhna atang tein Minister ten min ngaipawimawh em em a, keini te pawh hi thil tithei tak ang te pawn min lantir ta hial a ni awm mange tih te pawn Ministry kan han dawr chang pawhin kan han lang thin a. Chuvang chuan a thlazar hnuai hnuah hi a nuam em em a, heng kan han hmuh chhan te pawh hi niin ka hria a ni.

Tin, LPG hi chu Pu Speaker, kan sawi tam tawh a, a harsat chhan pawh hi kan hre tawhin ka hria a, a detailed lutuk hi chuan sawi lo mai ang. Amaherawhchu, LPG a harsa a, Party thenkhat thalaiten Meihawl an han sem ngawt te hi chu a intu loin ka hria a, chu pawh chu buara bag khat tal te hi chuan sem sela chu a dawngtu tan pawh hman tangkai theih deuh tur a ni a. Tunah hian an PR te han en a supply Minister hmasa sawi dan han en phei chuan leh MP (Rajya Sabha), tawngkam ni awm tak chanchinbua thu ziaakte hi han en chuan thudik ni turah kei ka ngai lova, mahse a lo dik palh te a nih chuan State dangah LPG harsatna an tawh love tih te an sawi a, chumi a nih rau rau chuan Mizoram kan harsa si keini pawh anni an sorkar laiin Buhfai an nei lova, Bhavan-ah Buhfai kan sem mai a, chutiang tho chuan Mizoram mipui mamawh gas Commercial Cylinder te pawh khung State pawn atangte khuan lalut sela, mipui hian sem sela, mipui mamawh hi chu an puhruk ang tih ka ring. Meihawl ngawt lo hi ti ve sela chuan mipui hi an lawm anga, chutih rualin mipuite tan pawh a chhenfakawm ang tih ka ring. Tin, an hun laia Gas harsa lo anga sawi fo hi Pu Speaker, he House-ah hian ka sawi nawn leh duh a ni. Tlaiwar thak thaka chaina thlunga Gas chan hi vawiinah hian mitthlaah a cham reng. Tin, Traffic ti-jam khawpa, khung kan Bhavan thlangah te Mizofed-in an luah laiin, Chanmari-ah a ni emaw, Zarkawtah a ni emaw, khawiah pawh traffic ti-jam khawpa intlar thui lutuk te, Gas bur pawh tlar ngam lova, lungtum an dah te, heng zawng zawng hi mi mitthlaah hian a la bo lo a ni. Chuvang chuan vawiinah keimahniin tan kan lak loh avang emaw, kan inthlahdah vang emaw lam ni lova, ram pum harsatna leh North East bika refinery te an chhiat avanga harsatna kan tawh hi, inelsen nana kan hmang hi a Mizo lova, a Christian lo ka ti khawp mai Pu Speaker Chuvang chuan kan ram kal zelna tur atan hian kan mipuite hi thudik hi zirtir ila, politics a nih avanga thu diklo sawi hi a leng chuang lo a ni. Chuvangin tute emaw chan chhiatna avang te, dinhmun chhiatna avangte, vanduinah avangte a mahni dinhhuah tum hi thil dik leh thil tha ber pawh a niin ka hre lova. Chuvang chuan

tunhnua kan kal zelna turah ram hruai tuma he ram tana roreltua thut te kan tum ve a nih ngai chuan thudik hian mipui hi kaihruai tawh ila, chu chu kan ram tan a tha a nga, kan rinna nen pawh a inhmeh ang tih hi Pu Speaker, ka sawi lang duh bawka ni.

Tichuan RGGLV Gas Agent state dangah an la tih theih meuh loh lain keinia chuan 13 Central-in min sanction sak a, 6 hi commission tawh a ni a, 7 dang hi reilo teah commission leh tur a ni ang a. Tunah hian RGGLV Gas agency 6 dang hi chawhma lama kan sawi tak angin, September thlatirah hian thlan leh tur a ni. A theih ang angin mipui mamawh puhru tur hian sorkar leh a department ang pawhin tan kan la a ni. Kan thusawite hi a bawplawk emaw, a chanvea mahni duhlai chauh hi min lak sak lo hram turin ka ngen duh bawka. Tin, legal metrology pawh Pu Speaker an tangkai em em a kan sawi tawh angin, LPG buk tlinglo te, pakage commodities-ah te, bukna dik leh diklo chungchang en velah te hian an tangkai em em a. Anni hian Gas Cylinder buk tlinglo te pawh 2011 ah bur 1169 an man a, kuminah pawh hian 445 an man tawh bawka. Chutiang chuan Cement MRP aia sanga hralh mi pahnih cheng sangnga ve ve chawitir a hrem te pawh an lo ni tawh bawka ni.

Tin, consumer affairs hi Pu Speaker, tlem han sawi lawk ka duh a, a pawimawh a, a chhan chu consumer-te thlavang hauhtu ber an nih avangin, tunah hian consumer affairs hnuiaia State consumer dispute redresal commission ah hian case file hi 195 a awm tawh a, case disposed hi 192, chu chu 98.5% a ni a, pending 3 a awm a ni. Tin, District hrang hranga Forum-ah hian case file hi 3789 a awm tawh a, case disposed 3725, chu chu 98.8 % a ni a. Tichuan pending hi 64 a awm bawka ni. Pu Speaker sawi zel dawn ila sawi tur a tam a, Department hi kan in zarpharh a, sawi tur neuh neuh a tam a, mahse kan sawi vek seng lo ang a. Kan hnungah la wind up leh tur UD & PA Minister zahawm tak la awm bawka, member te tan pawh ninawm lamah a kal thei a, churang chuan duhtawh dawn ila tha maiin ka ring a.

Pu Speaker, ka Demand No. 17-na Food, Civil Supplies & Consumer Affairs cheng vaibelchhe 237,11,35,000, Demand No.36na Environment & Forests cheng vaibelchhe 96,25,85,000, a vaiin cheng vaibelchhe 333,37,20,000 hi he House zahawm tak hian min pass pui turin ka ngen a ni.

S P E A K E R : Minister-in a rawn wind up a, pass a rawn dil nghal a, tunah kan tih dan pangaiin kan lo buk ang a. Demand No. 17 leh 36-na a vaiin cheng vaibelchhe 333,37,20,000 te hi pass 'remti' apiangin remti ti rawh ule, remtilo kan awm chuan 'remtilo' ti rawh ule. Awmlaw maw? Awle, Pu H. Rohluna, Minister zahawmtak Demand No. 17-na, Food Civil Supplies & Consumer Affairs Department-ah cheng 237,11,35,000/- leh Environment & Forest ah cheng 96,25,85,000/- a vaiin cheng 333,37,20,000/- te hi lungual takin pass a ni ta a ni. (Pu H. Rohluna, Minister : Pu Speaker, ka lawm e). Ani khan a rawn wind up nan darkarkhat leh minute 14 a hmang a, a hma ami kha ka sawisual deuh darkarkhat leh minute 58 nilovin minute 48 zawka ni e. Tunah chuan Minister zahawmtak Pu Zodintluanga, lo sawm ve leh ilangin, ani hianin rawn wind up pahin pass rawn dil se, i lo sawm ang.

Pu ZODINTLUANGA, MINISTER : Pu Speaker, ka lawm e. Demand No. 48-na Information & Communication Technology atangin ka rawn tan ang a. Member zahawm tak tak 10 ten kan Demand No. 48-ah thahnemngai takin min rawn sawi sak a, kan member-ten an rawn ngaihpawimawh leh an hriatchian duh deuhah khan Pu Speaker, rawn kal ka tum ang a. A hmasa berin Pu R.L. Pianmawia'n a lawmthu sawina Rulral Information tih Kiosk kha rawn sawi belh leh lawk ka duh a. Pu Speaker, kan election manifesto ah ICT

Department atang hian tihhlawhtlin deuh vek an ni tawh a, he Rural Information tih Kiosk kha kan buaipui rei em em tawh a, kum thum chhung tehmeuh mai kan department officer te an tang em em a, engtinng e kan tihhlawhtlin ang tiin tunah khaw 300 a dah turin Pu Speaker, sanction pawh kan hmu tawh a, tunah khatiang khan dah theihna tur ruahmanna kan siam mek a ni tih kha ka rawn sawi duh a. Tin, kan member zahawmtak Pu P.P. Thawla leh Dr R. Lalthangliana te khan kan demand No. kha an lo hai palh a ni a, I & P R emaw an ti niin ka hria a, Pu P.P. Thawla kha Radio lampang kha ICT lampang hian an sem ngai lova, I&P.R atang khan kan pe thin a, khalai kha ka sawi duh a. Tin, kan member zahawmtak Pu Lalthansanga'n ICT ah hian hmalak a va ngai ve tih kha a dik khawp mai Pu Speaker, ICT hi Mizo thalaite leh thangthar lo la kal zel turten an rawn hman tur he ram leh hnam siamthatna tur atana department pawimawh tak mai a ni a, vawiinah a department hi a lian lo, amaherawhchu a thawktute an thiamin leh an taima a, thalaiten eizawna an neih theihna tur atan theihtawp an chhuah a, vawiinah a result a rawn lang chhuak mek dawn chauh a, department naupang te ni chungin hma nasa takin an la a, thalaiten kan mamawh ber chu software technology park kan tih hi a ni a, Software technology park nei tur hian Central leh Mizoram University te nen pawh MoU kan sign tawh a, tin, Ch. Chhunga Terminal-ah sawn an office tur te pawh pek an ni tawh a, hemi kan han tihpuitlin theih chuan Pu Speaker, I.T. lama kan thalaite an tuina hi kan chawk chhuak anga, thalai entrepreneur te, Local I.T. company leh Education thlenga a awm theihna tur a kaihhnawih thil awmna tur a ni a, hei hi Govt. of India hnuai Society pakhat a ni a, abandond te leh a chhunga awm tur zawng zawngte he Society hian a rawn tum tur a ni a. Chutah chuan kan thalai I.T lama thiam ho leh I.T. lam atanga eizawna tur hemi software technology lama thiamna hianin a hralhchhuahna leh khawvel hmun hrang hranga hralh chhuahna pawh a tum sak dawn a ni tih kha ka rawn sawi duh a. Tin, kan member zahawmtak tak te khan helai mobile phone that loh chung changte leh IT lama kan hmalak chak lohna chhante an rawn zawh naah khan Pu Speaker, vawiina Mizoram ina kan mamawh ber chu connectivity a nia. Vawiin niah pawh BSNL te hi kan hman ber hi a la ni hrih mai a, tunah hian kan Chief Minister zahawm tak hmalakna in hma kan sawn nasa, amah hian personal letter pawh Central Minister-ah te vawi 2 lai min thawn sak tawh a, chumi min thawnsak naah chuan PGC allyal kan ti a Power Get Corporation Ltd hei hianin overhead cable optic fibre cable hi over head a Aizawl thlenga rawn thlung turin tih a ni a. Kan Chief Minister zahawm tak hmalakna chuan Pu Speaker, vawiinah hian hma an rawn la tan a, hman nia Chief Secretary hoa an Meeting-ah chuan October hian rawn thlun fel an inbeisei a, Aizawl rawn thlun fel anih hunah chuan kan Telecom Industries-te, Private an ni emaw BSNL lamte pawh hi Pu Speaker, vawiinah harsatna kan tawh chu kan ram hi leiminna hmun leh developing State kan ni a, kalkawngah kawng hnuai ah OFC cable an rawn phum a, chutah chuan fur laiin lei a lo min a, a tichhia a, a nih loh pawn kawng thar siamna lamah kawng laiten an tichhe nasa a, chuvang chuan harsatna nasa tak kan tawh a, hemi connectivity tha kan neih chuan Pu Speaker, vawiinah call centre kan tihin Mizo thalai rual za tam tak Mumbai-ah te, Delhi-ah te, Calcutta, Bangalore a zirte hi kan ram chhungah ngei thawk thei turin company lian pawh lakluh theih hi kan inbeisei a ni tih kha ka rawn sawitel duh a. Chuvang chuan kan member zahawm tak Pu Lalthansanga rawn zawhna leh a rawn vei kha Pu Speaker, theih tawp chhuahin hma kan la a, tun atanga hun reiloteah thalaiten an hman tangkai theih turin kan ngai bawh a ni. Tin, Pu Nirupam Chakma, MLA in a website mumal lo leh update that loh chungchang a rawn sawi a, keini pawn kan vei a, sorkar ang pawhin kan vei a. Hei hi Chief Secretary level ah meeting te an nei thin a, hmanna an sawihona hnuhnung berah phei chuan ICT department hian website common template leh contain management system an siam ang a, chu chu tunah an siam zo tawh a ni, department-in. Department 40 te nen join application development an zo tawh a, tun August thla tawp lamah hian a ruala inauguration tura ruahman a ni, department zawng zawngin tunah chuan website management team an siam theuh tawh a, chu

chuan website information manager an dah vek tawh dawn a ni. Hetianga awmze nei taka kan tih chuan department zawng zawngin a website an neih te hi up-date leh mipui mimirten tangkai zawka an hman theihna tur atan a rawn chhuah ngei kan ring a.

Tin, Pu Speaker kan budget a tlem thute kan member-ten thahnemngai takin min rawn sawi sak a, kan department hi department naupang te te an ni a, Taxation Department te, UD & PA te, Sport & Youth Services te. Kan department chanhian State Plan sum hi kan hman tam lo em em a, thahnemngai takin Central Sorkarah scheme te siamin ruahmanna tharte siamin sum tam tak hi an lalut a ni. Chungte avang chuan Pu Speaker, vawiih pawh kan department-in a tih theih bakah department dangte pawh hi ngen ve ka duh chu, an budget-ah hian 2% tal hi he IT development-na tur leh mipuiten an hman tangkai theihna tur atan hian dah ve thei sela, tih hi kan ngenna a ni thin a. Vawiih Pu Speaker, National E-Governance policy atang hian, he kan Assembly House hi a hman tangkai hmasa ber leh a hman hmasa ber an ni a, chumi dawtah chuan Taxation department hian tuna mipuiten an hman tangkai tur atana rawn chhwap chhuak awm chhun chu an ni leh mai a. Department hrang hrangte hian Pu Speaker, an budget ah tlema zawng 2% tal te dah ve thei selang chuan tunah harsatna kan neih mek ang chi, mipuiin information an duh te, mipuiin a department chanchin an hriat duh ang chite pawh hi awlsam taka an tih leh theihna tur atan tan la ve thei se tih hi kan duh a ni a. Kan member zahawmtak Pu Joseph Lalhimpuia rawn vei chungchang, private companies te kha chu Pu Speaker, keini purview mai a nilo a, a thuk zawng leh a kal zawng te kha, amaherawhchu tunah hian OFC, Aizawl thlenga PGCL-in a rawn thun tur bakah Dist. Hqrs tinah hian Central sawrkar policy niin Universe Service Obligations Fund (USOF) kan ti a, chu chuanin kan block hqrs tin hi hemi optic fibre cable a thlun zawm tur tih a ni a, chutah chuan Reltel kutah a dah tawh a, an ni pawh hianin tunah hian hma an la mek a, hemi hna thawk tur hian BSNL Bhaharat Broadband Network Limited chu an rawn ruatfel tawh a, kum thum chhunga zawh fel turin hmalak mek a ni bawka ni. Tin, khatiang ang a nih chuan thingtlang rural area atang te pawn he technology hman hian Pu Speaker, kan mipuiten an hman tangkai thei dawn a ni tih kha kan rawn sawi duh a.

Tin, kan member zahawmtak Pu Zothangliana`n SWAN tihhlawhtlin leh tihchangtlun thu a rawn sawi kha a pawimawh khawp mai. Pu Speaker, vawiih SWAN hi kan Chief Minister zahawm takin min hawn sak tawh a, hetah hian nichina kan sawi ang khan a connectivity hi BSNL kan hman tlat mai a, BSNL a chhiat chuan a hman theih loh a ni mai a, chuvangchuan, tunah hian duhtusam angin ala hman theih loh a ni. Amaherawhchu vawiih ka thawhpui Minister zahawm tak takte leh kan officer-te pawh ka sawm duh chu, he connectivity a that chuan district capitala kan Dy.Commissioner te leh Department hote kha Aizawla koh ngai tawh loin an district hmunah an ko thei a, a biak theih a, power point presentation te pawh Aizawl atangin a tih theih vek tawh a ni. Chuvangin vawiih SWAN, kan Chief Minister zahawmtakin min hawnsak hman tangkai turin kan department hrang hrangte pawh ka ngen tel nghal bawka ni Pu Speaker. Tikhan kan member zahawm tak tak te rawn sawi pawimawh zual deuha ka hriat chu ti khan kan rawn sawi a. Tin Pu Speaker, kan hriat angin SWAN dawta rawn kal leh chu Data Centre hi a ni a, Data Centre chu tunah a building, a dahna tur ruahman mek a ni a, a khawl te pawh rawn thawn mek tawh niin kan hria a, hengte hi hman theih a nih chuan nichina kan sawi kan department te an irin tawh phei chuan department zawng zawng data kha khami hmunah khan dahkhawm a ni ang a. Chung atang chuan mipuiten tangkai zawka an hman theihna tur atan ruahmanna tur a ni a. Tin, hei E District te pawh kan hawng a, E District te pawh hi tunah hian limited viau mahsela kan hman tangkai em em tawh a ni. Pu Speaker, i bial Durtlangah te Common Service Centre hawn a ni a, khing atang khan birth certificate te emaw khatiang certificate pawimawh kha Aizawl D.C ah te kal ngai tawh lovin khitah

Durtlang atang te, Dawrpui Vengthar atang te khatiang awmna hmun atang khan an la thei tawh a ni. Thingtlang hmun engemaw zat atang pawhin Aizawl rawn kal tawh lovin khatiang certificate te kha Pu Speaker, awmhmuna an la thei tawh a ni tih kha ka han sawi duh a. Chungtiang ti tur chuan Pu Speaker, kan department tam tak te hian khami MEGP claim ang a kan department hi kan tihchangtlun a, mipui tana kan pho chhuah zawng zawng hi kan tih makmawh tur a ni tih kha ka han sawi duh a. Chuvang chuan Pu Speaker, ICT hi Department pawimawh tak, nakin zel a he department tanna leh he department-in hma a sawn chuan a ram a thang thin a. Chumi ti tur chuan department-in theihtawp a chhuahin hna an thawk a ni tih kha ka han sawi duh a.

* Speech not corrected.

Pu JOSEPH LALHIMPUA : Pu Speaker, khawngaih takin kan Minister din lain optic fibre phum chungchang kha min rawn react a, a lawmawm khawpin ka hria a. BSNL atanga tih a ni a, central atangin contractor-te pawh ruat a ni a. Amaherawhchu tuna Minister sawi zawng zawng a pawimawhna kha connectivity a that loh chuan a tih theih miah lo a ni. Chuvangin kan Minister khan khawngaih takin State thil tih theih chu a ni lo nain Minister a nihna zawnah entirnan, Aizawl leh Lunglei inkarah opticfibre cable an phum mek a, national highway-ah an phum a, an phum dan turah chuan a thuk zawng metre 1.6 minimum tur a ni a. Tichuan, hruin an phum ang a, brick-in an hual ang a, a hnuah leite concret-in an vur tur a ni a. Amaherawhchu thenkhat chu feet 1 te, feet 1 pawh tling manglo tuihawkin tlema a han len deuha a hruin lang reng te a awm a ni. Contractor Bill an la zel bawknin ka hria a, chhe awl em em bawknin si a, khang a chhiat khan tuna kan Minister zahawmtak dream leh a hmalakna tam tak kha a hman theih dawn si lova. Chuvangin nakina kan harsatna leh tur chu connectivity tho kha anih avangin a theihna zawnah hma min lak sak se tih kha ka han sawi chhan a ni e.

Pu ZODINTLUANGA, MINISTER : Pu Speaker, kan member zahawmtak thahnemngaihna kha a lawmawm ka ti takzet a, theih tawp kan lo chhuah ang a, BSNL hotute hnenah pawh tuna a rawn ngaihpawimawh lai kha kan lo thlen ve ang tih kha ka han sawi tel duh ni sela. Tin, Reltel-in district/ block headquarter a OFC an thlun tur pawh hi sawrkar ang chuan Central-a kan meeting-na ah pawh nichin a kan harsatna sawi angin over-head a ni ngei ngei tur a ni ti hian kan la nawr a. Vawiinah pawh chu chu kan tanfung ber a la ni a. Over-head electric line-ah te dah theihna tur atan tunah hian sawrkar power department te dawr mek an ni a, hei hi Cabinet a sawiho tura ruahmanna chhawp chhuah mek a niin ka hria a. Chungte chu kan tihlang theih chuan PGCI te leh Reltel te pawh hian right of way hi an duh a, hemi an laih man, a kalkawng an tihchhiat mana sum tam tak an sen hi sawrkar leh mipui tan tho a ni si a, hei hi chu a free-in min laih tir rawh u tih hi an rawn demand ve pakhat a ni a. Chutichung chuan keini chuan overhead-in min tihsak hram rawh u tih hi sorkar tanna a ni a. Thu tlukna tak chu ka la nei lo a ni tih kha kan rawn sawibelh duh a ni.

Tin, Pu Speaker, Demand No.8 Taxation-ah hian member 14 lai mai an rawn react a, an ngaihpawimawhna leh thahnem an ngaihna chungah lawmthu ka rawn sawiduh a. A tam zawkn chuan kan Department hnathawhna lawmthu sawina te a ni a. Kan Member zahawm tak tak ten an thusawi hi a theih ang ang leh an ngaihpawimawh laite rawn sawifiah pah ka'n tum ang a. Kan Member zahawm tak Pu Lalrinawma zawhna, a rawn ngaihpawimawh Taxation Check Gate Bukpui tlangdunga dah kha, a Department ang pawhin kan ngaihtuah a, a tul kan ti a. Amaherawhchu, kan indaih lohna avang hian tunah hian kan la ti thei lo a ni tih kha ka rawn sawi duh a. Tin, Pu K.S.Thanga'n a recovery chungchanga thahnem a rawn ngaihna kha Department chuan Advocate ruaiin 'The Mizoram Public Demand Recovery Act' hnuaiah chak takin khatiang kan arrear te kha kan khawn mek a ni tih

kha ka rawn sawi duh a. Tin, Pu Lalthansanga'n Personal Way Bill a ni ang deuha a rawn sawi kha, Personal Way Bill hi zawhna leh chhanna hunah pawh a tawp loh zia kha kan sawi a. Chuvang chuan Personal Way Bill hi dik taka hmang turin sorkarin a duh a, mi tam takin sumdawn nan diklo takin an hmang a, Aizawl Bazaar-ah te chuan Personal Way Bill zuarte pawh an awm thin a ni. Chuvang chuan a dik taka an hman theihna tur atan dan hmangin kan pechhuak a. A mamawh te leh sorkarin a tak tak an ni tih a hriatah chuan Personal Way Bill hi kan la pe reng a ni tih kha ka rawn sawiduh a. Tin, kan member engemaw zat khan Online a Tax pek chungchang kha an rawn sawi a, a dik khawp mai a Pu Speaker. Online hian mi zawng zawng pek tur kan ti lo a, dealers 4000 chuangah 380 a ti thei awm deuh thlan chhin phawt anni a. Thil thar a ni a, chung 380 te pawh chuan harsatna tam tak an la nei a Department ang pawhin kan hriatpui a, kan Bank hman te pawh hian an zo lo a ni. Chuvang chuan hei hi Online lova tax pek hi a la theih reng a. Amaherawhchu, Online-a tax kan pek hian mipuite leh sumdawnge tan a awlsamna zawk tura sorkarin a ngaihtuah a ni a. State tam takah pawh a tirah chuan objection nasa tak a awm a. Amaherawhchu, waviin angah hi chuan Online-a an hman tawh kha chuan an lawm tawh zawk a ni tih kha ka rawn sawi duh a. Tin, kan member zahawm tak Pu R.Selthuama'n Professional Tax tihsan a rawn rawt pawh kha sorkar chuanin Central-ah te pawh a nawr tawh a. Amaherawhchu, hengte hi chu Parliament-ah te pass ngai a ni a, keini purview a ni lo a, keini chuan khuta zuk thlen leh mai kha a ni tih kha kan chhan theih a ni a. Kan Member zahawm tak Pu Lalduhoma'n Edible Oil-ah te hian Tax hi awl theih hram a ni lawm ni a tih kha, Pu Speaker, Tax-ah hian mipuiin an tawrhna tur ang chi Sorkarin hei hi chu kan lo tidik lo a ni tih a, a tul chuan inphahhniam a, tawlhahniam hi kan hreh reng reng lova. Mipuite tana harsatna siam hi kan Sorkar hian a tum a ni lo tih hi he House zahawm takah hian ka sawi duh a.

Edible oil bik thenkhatah hi chuan packed foods a ni a. Packed foods ah hi chuan MRP a nih hi chuan Pu Speaker, India ram pumah a Tax leh khami Tax structure te, a transportation te nen thlenga cover tur a maximum retail price hi siam an ni thin a. Chutah chuan, Mizoram angah te pawh transportation te a hla a ni tih hre rengin, State dangte nena adjust-in MRP hi siam thin a ni. Chuvang chuan, edible oil-ah chuan Tax hi 5% lak a ni a. Hemi hi kan paih emaw a nih chuan, a chhawrtu tur chu mipuite ni lovin, a chhan chu mipuite chuan MRP thovin an lei dawn a. Chuvang chuan, a company, a siamtute kha a hlawk ber tur an ni tih kha ka hrilhfiyah theih dan a ni a.

Tin, Taxation Department hi nichina kan sawi tawh ang khan an tang em em a. Mizoram Value Added Tax Acts, 2005 te, Mizoram Sales of Petroleum & Petroleum Products (including Motor spirit & Lubricants) Taxation Acts, 1973 te, Mizoram Professions Trades Callings & Employment Taxation Acts, 1995, Autonomous District Council pathum tel lovin. The Assam Ombudsmen & Vetting Tax Act, 1938, The Central Sales Tax Act, 1956, The Mizoram Society Registration Act, 2005 hmang te hian Pu Speaker, chhiah hi kan khawn a. Kum 2011-2012 chhung khan Tax Nuai 14,949.24 hmuh a ni a. Sorkarin target min tuk chu Nuai 14,595 a ni a, nuai 354.24 zetin kan khum a. Kan growth rate hi 31.16% a ni a. India ram pum growth rate beisei zat chu 17% a ni tih kha ka'n sawi duh a. Tah hian, kan Department te tihchangtlun an la ngai nasa em em a. Chuti chungin, hetiang ang leka mihring indaihlo leh resource nei lo, mahni building pawh la neilo hian heti khawpa Sorkar leh mipui tana hna an thawh hi Pu Speaker, waviinah hian kan Department officer-te chungah lawmthu ka sawitel duh nghal bawk a ni.

Nichina kan Member zahawm tak Pu Ramhluna rawn raise kha Pu Speaker, ka rawn sawi tawh ang khan Tax hi mipuite harsatna tur ang chi chu Sorkar hian a tul hunah chuan tihdanglam hi a inthlahrung lova. Waviinah pawh khang Tax engemaw zat tidanglam

tur khan ruahmanna siam mek a ni a. Tun Cabinet decision a ngaihtuah turin chhawpchuah mek a ni tih kha ka rawn sawi duh a ni.

* Speech not corrected.

Pu LALDUHOMA : Pu Speaker, tuna edible oil chungchang min hrilhfiahna kha ka man thiam chiah lova. Chhiah lak loh na na na chuan, tlawm awm tih kha ka lo ngaihtuah dan chu a ni a. Chhiah kan lak loh a, 5% kan lo lak loh a, kan exempt khan MRP kha a tlahniam ve thei mai lawm ni? tih kha han clarifed se ka duh a. Tin, Rumpum tih vel kha min rawn react sak se ka duh a. Tin, 10.5 % kha VAT lak a la ni a, kha kha a tihhniam theih dan a awm lawm ni ka han ti kha a ni a. Tin, way bill chungchangah khan Personal ni lo, Business ni lo, Department hian thil an lei reng a, sorkar tan, khang ho khan eng way bill nge an hman ve tur ni ang ?

Pu ZODINTLUANGA, MINISTER : Pu Speaker, MRP chungchangkha, MRP hi an factory atang hian hmun khata siam deuh vek hi a ni a, maximum retail price hi hetah hian tax kan la lo a nih pawhin hemi MRP hi chu a ngai reng thin a ni. Chulai chu sorkar leh department-in kan hriatdan a ni a, Mizoramah lo la lo ila Mizoram tan bik hian MRP hi a hniam phah lo ang tih hi kan hriat dan a ni a. Tin, a pahnihna Rampum chungchang kha chu Pu Speaker, nichina kan sawi tawh ang khan sorkarin chhiah a lak awm te, a awmlo te ang hi chu department-in uluk takin an en thin a, tin, way bill hi department-in an mahni department-in a supply an tih ah hian Pu Speaker, kan member zahawmtak sawi ang khan meeting-te pawh kan neihpui thin a, harsatna deuh awm pakhat chu dan kan lo neih pakhat manufacturing atanga department in a lei a nih chuan tax chawi tur hi a awmlo a ni. Chutiang chuan kan supplier-te department tam takah kan thing thin a, chutiang chuan department in manufacturing atanga a lak chuan tax hi awlna tur tih dan deuh te kha a awm a, chungte chu Pu Speaker, vawiinah hian kan zir Chiang mek a, chungte chu kan Officer-ten chung department-te pawh chu tunkar mai khan an inko khawm a, an sawiho niin ka hria a. Tin, contractor leh department hrang hrangin tax, Power & Electricity Department-te, Health Department-te khatiang chi kha khang ho zawng zawng khan meeting nein khang harsatna leh chhiah kan lakna turah kan la lo em tih te, department-in harsatna kan siam em? tih kha an thukhawm a, an thutlukna leh result kha session kan neih lai a nih avangin min la rawn hrilh lova, duh leh session zawh ah a tul chuan kan la inhrilh tha leh dawn nia.

* Speech not corrected.

Pu T.T. ZOTHANSANGA : Pu Speaker pakhat chauh, income tax chung chang kha ka rawn sawi deuh nual a, kha kha Central kut a ni e tiin kan han sezawl chhuah deuh mai dawn nge ni ? kha kha min han hrilhfiah deuh se ka va duh e. Kan changkang tan tawh a, tunah hian income tax chungchangah hian mithiam-te rilruah chi nungthar hi a rawn awm ve tan tawh a ni, khalai karah khan a lo zir Chiangtu tur kan insiam ve ang nge? Engnge maw seminar ang type deuh hlekin engemaw tih theih dan te a awm em? tih kha ka han sawi a ni. Ka'n zawt leh a ni.

Pu ZODINTLUANGA, MINISTER : Pu Speaker income tax hi policy thil a ni a, keini department-in kan lo chhan theih mai ni a ka hriat loh avangin ka chhanglo a ni a, hei hi chu sorkarin a la ngaihtuah a nga, tul a tih chuan nakinah committee te din mai tur a ni a. A Taxation Department ang chuan kan purview te a nih loh avangin keimahni ang a thu tlukna vawiina kan Member zawhna a duh angin ka chhang thei lo a ni. Min lo hrethiam mai sela.

* Speech not corrected.

S P E A K E R : Income tax te hi zawng ni e, a thuk deuh ngun a nia.

Pu ZODINTLUANGA, MINISTER : Pu Speaker, Demand no. 22-na Sports & Youth Services Department-ah hian Member 18 lai maiin Pu Speaker, an rawn react a. A tam zawk hi lawmthu sawina a ni a. Kan Member zahawm tak takten thingtlang lamah te field tha te, volleyball court tha te, basketball court tha te an mamawh a, an mamawhna thu hi kan hria a, hei Pu Speaker, theihtawp kan chhuah reng a. Kum 3 leh a chanve vel kan kal a, tah hian Mizoram pum hi a theih ang angin hma kan la a ni a. Kan Budget resource tlem chung pawhin a theih ang a nasain hma kan la a. Pu Selthuama, kan Member zahawm takin a bial chhunga Sports & Youth-in hna a thawk lo a tih kha kum 2009 – 2012 khan basketball court, Mission Vengthlangah nuai 12 leh sing 3 leh za 5 in kan siam sak tawh a, volleyball court cum basketball court, Nursery vengah nuai 6 leh sing 4 leh sang 5, volleyball court Khatla South ah...(Speaker : Infiamna lam thil kha chu a hre lo ve thei tho a, ngaidam rawh u.)...kan ti tawh tih kha kan Member zahawm tak kha nichina a rawn zawhna atang khan ka'n rawn hrilh nghal duh a.

Tin, District hrang hrangah hmasawna nasa tak kan hmu a, kan Member zahawm tak takten an rawn sawi ang khan kan Chief Minister zahawm tak, sports lama tui mi leh a ngaihna hriain min kaihruai a. Vawiinah kan ramah kan thalaiten hma an sawn nasa em em a, tunah pawh hian kum 2009, Pu Speaker, kan sorkar hnu atanga vawiin thleng hian Mizo nula/tlangval 83 chu India ram aiawhin Discipline hrang hrangah an fehchhuak hman tawh a ni, kum 3 chhungin Pu Speaker, Mizo nula/tlangval. Chungte chuan medal tha tak tak te, result tha tak tak te an rawn hawn a, hun reilote chhungin infrastructure kan la nei chhia, tunah infrastructure nei turin hma kan la mek a. Chuti chung chuan kan talent neih te hmang tangkaiin Pu Speaker, khati zat khan India ram mipui maktaduai tam tak kalkanin India ram ai an aw thei a ni, hei hi a lawmawm kan ti a. Tin, 2009 atanga vawiin thleng pawh hian discipline 27-ah coach Malaysia atang te, USA atang te, New Delhi atang te, hmun hrang hrang atangin, Korea atangte in thalaite infiamna zirtir turin khatiang ang coach tha kha chah chhuakin kan naupangte an rawn zirtir a. Hei vawiinah kan Chief Minister hmalaknain Artificial Grass te hmun hrang hrangah kan han nei a. Heng ringawt pawh hian Pu Speaker, nichinah kan Member zahawm tak Pu Lal Thanzara, n a rawn sawi ang khan FIFA chuan Mizo naupangte training-na turin Academy October thla hian an rawn nei dawna, FIFA ina bul tum, anmahni sum sen vekin, chutiang chu a ni a. Vawiinah pawh hei Independence Tournament kan organize mek a, chungah te chuan ONGC atang te, Oil India Company atang te, an team tha ber ber rawn tirin anmahni ramah fur laiin Mumbai khawpuia awm company lian ten an ramah fur laia an infiam mite infiamna tur neilo, Aizawlah training turin an rawn tir thei te hi Pu Speaker, kan Chief Minister hmalaknain Mizoram hi khawvel infiamna map-ah kan lang mek a ni, tih kha ka rawn sawi tel duh baw a ni.

Tin, kan member zahawm tak Dr R.Lalthangliana'n kar hmasa a vaibelchhe 34 hmalakna a tih kha nikum 2011 khan ka sawifiah tawhin ka hria a, a lo theihnghilh leh tawh a ni ange. Sorkar hmasa khan Zobawk Sports Academy-ah Vaibelchhe 10 siam leh a ni a. Kum 2009 sorkar a intan phat khan kan Chief Minister zahawm tak Delhi-ah kan zui thla a, anin Doner Minister-ah te min kalpuiin vaibelchhe 34 DPR siam turin min ti a. Vaibelchhe 34 DPR hi kum 2009 ah siam tan niin a siamtu chu Er.Zuala, tuna Lungleia PWD a E.E nilai

saw a ni. Saw sawn vaibelchhe 34 a siama, chu chu central-ah thehthlak a ni a, Amaherawhchu Doner pawisa chu kan hria a, department hrang hrang leh state hrang hrangten kan insem a, a hmasa atan vaibelchhe 17.51 min rawn sanction a ni. Chu chu Pu Speaker, sorkar a fimkhura an rawn sanction danah khan vaibelchhe 34 DPR kan siam atang khan item an duh ang ang kha an rawn dah thla a, bultan hmasak theih miah loh chi te kha an rawn dah hmasak zingah a tel si a, khatah khan nakinah UC kan han siam anga, chu UC kan han siamah chuan engatinge heng hi an ti anga, a lem siam ngai awm chi te kha kan hlau a, chuvang chuan kha vaibelchhe 17.51 min rawn sanction atang khan working estimate a hran hlauhin kan siam a, chu chu sorkarin a approved a, Central-ah pawh hetia in neihsa hi kan hmang dawn a ni tiin min approved tawh a, tunah contractor pawh thlan felin work order pawh an la fel tawh a, bul an tan mek a ni.

Chuvang chuan Pu Speaker, sorkar a fimkhura, an sanction ang loa DPR kan siam zat min rawn sanction siloh avangin khami ang zata hma kan lak chuan UC ah kan buai kan hlauh avangin pawisa min pe tawh thoa, a hna hi i tan muang mai ila, dik takin hna kan thawh hnuah harsatna kan neihloh tur atan kan ti a ni tih kha ka rawn sawi duh a, tin. Tender loha hna engemaw zat RTI atanga thawh a awm a tih kha a dik khawp mai. Pu Speaker, Tender lohin kan pe teuh mai. A chhan chu nichina kan sawi ang khan thingtlang khaw kil tak takah te, district capital-ah te hna thawh kan duh ve a. State Sports Council hi Aizawlah bak office kan la nei siloa. Anni ang a khua amite leh a venga miten an thawh loh chuan a tha dawnin kan hre siloa, Aizawlah tender chhuah ta ila, Aizawl ami kha a chhang theitu an ni dawn. Entirnan, Vawmbuk amite ang te Aizawl pa va kalin va lai dawn ta ang se an hnathawh hi a pherh lehzuah kan hlau a, an khua amite ngeiin an thawh theihna turin a thenah chuan V/C te khatiang ang kha thawk turin kan ti thin a ni. Lunglei-ah pawh tender lova kan pek chu Lunglei mi deuh vek anih ka ring a ni tih kha Pu Speaker, ka rawn sawi duh a.

Tin, Selection Committee kaltlang lova hna lak awm chungchang kha Pu Speaker, Selection Committee, Sports Council-ah hi chuan a awm ve a, amaherawhchu President hovin a tul anga lak chang a awm a. Entirnan, Selection Committee kaltlang kher lova kan lak te chu - Pu Zirchhunga, Lunglei, hei hi PWD J.E. pension tawh a ni a, Lunglei-a Sports Complex kan siam chhunga min lo enkawlpui tura kan lak a ni, contract work base a lak a ni a. Tin, K. Lalrinawma, Kawnpui hengte pawh hi J.E. pension tawh, khulai a hmuna lo awm ve chutiang ang a Kawnpui Hockey Ground kan siam, khumi siam chhung atan chauha contract ziahpui a ni. Khatiang ang kha a ni tih Pu Speaker, kan member zahawm takte kha ka hrilh duh baw k a.

Tin, kan Member zahawm tak Pu Lalduhoma'n Chawlhmun Spots Light a tih te kha kan lo chhinchhiah a, Zotlang Sports Complex-a Basketball Court kha a lehkha pawh kan hmu tawh a, Department-te nen kan sawiho tawh a. Hei hi Zotlang Sports Complex-ah khuan pawisa tam tak dah a ni a, chu chu central approve turin hnuaihan kan dah a. Khulaihan khuan nuai thum talin kan zo thei ang tih kha nuai thum aia tha a tih theih dan kan ngaihtuaha, Zotlang Sporting Club-a an hotute pawh an lo be nual tawh a, changlung taka khumi a Complex Area siam khu kan tum a ni tih kha ka rawn sawi duh a.

Pu Speaker, sawi tur tam tak a awm a, March thla mai khan Budget Session kan nei a, kan Department achievement tam tak kan rawn sawi a, chumi chhungin hei thla thum lek a ni a, thil thar em em kan nei lem lova. Amaherawhchu, chumi piaphlamah chuan Mizoram thalaiten tuihleuhna tur hmun pakhatmah kan la nei

lova, picnic spot an tih hi a ni mai a, chungah chuan tuihleuh a zir tak tak theih lova. Tunah Lawibual-ah 50m Olypic standard Swimming Pool leh diving awm theih turin sokarin hma min lak sak a, kan Chief Minister zahawm takin hma min lak sak a.

Tin, kan hria a, Lunglei-ah zanah inkhelh theih a ni a, Aizawl-ah hian kan thalaiten infiam an ngaina em em a chhunah te hun an nei mang tawh lova, zanah te infiam a ngai a ni tih hriain Lammual-ah light changkang tak dah a ngai a ni tiin kan Chief Minister zahawm tak, MFA hruaitute leh thalai hruaituten an hmu a, ani remtihain Pu Speaker, tun kum chhung ngei hian Lammual-ah pawh sawn lighting tha tak dah kan tum a ni tih kha karawn sawitel duh bawka ni.

Tin, kan Member zahawm tak takten an sawi a, sorkar-in vawiina hmalak bakah hmalakna tur ngaihtuahna tha an bialah field tha tak takte an la duh a, vawiin hi kan session tawpna ber tur a ni lova. Khang thalai leh mipuiten sawrkar tha, a ngaihna hria leh mipuite tana thawk hi khang an mamawh kan Member zahawm tak takten Field tha te, Hall tha te in duh kha. Khatiang ti thei tur khan kum nga dang hi chu min pek leh ngei ka beisei nghal bawka ni.

* Speech not corrected.

Pu C. RAMHLUNA : Pu Speaker, a zawh hma lawkin. Lalenkawli Lawngtlai, Serbia atanga Boxing World Cup rawn hawn kha sorkarin engngemaw ti taka duhsaknate a ngaihtuah sak thei dawn em? Tunhma te kha chuan World Cup rawn hawntu kha chu engngemaw te kha an ngaihtuah sak thin kha a ni a. In hmun te emaw engngemaw te kha an ti thin kha a ni a. Kha kha ka'n dilpui ve a nih chu.

Pu ZODINTLUANGA, MINISTER : Pu Speaker, kan Member zahawm takin a bial ami Lalenkawli te result tha tak tak an rawn nei, a thahnemngaihpuina kha kan hria a. Sorkarin Pu Speaker, dan mumal tak kan nei a. Olympic-a medal la te, Asian Games a medal la te, an medal lak azir te, Commonwealth Games a an lak a zir te, National level te, North East level te a an lakah hian bithliah fel fai sa kan nei vek a. Chumi Dan ang chuan a tul dan ang leh anmahni phu tawh ang khan Pu Speaker, lawmman hi kan pe thin a ni tih kha ka'n chhan theih dan a ni e.

Tin, a tawp ber atan chuan Pu Speaker, Demand No. 46-na, Urban Development and Poverty Alleviation hi Member 16 laiin an sawi a. A tam zawk hi nichina kan department dang an sawi ang khan lawmthu sawina a ni a. Hetah hian han react ngai lutuk hi kan hre lova. Amaherawhchu, a tul ang, a theih ang ang, kan Member-ten in ngaihpawimawh ang kha karawn tarlang chho ang a. Darlawn Town Development Programme, Pu R.L. Pianmawia, kan Member zahawm takin a rawn zawh kha tunah 2nd Installment hi Central sorkar, Ministry of Housing and Poverty Alleviation-ah dil vat a ni a. 2nd Installment 76.76 lakh pawh hi min rawn release leh tawh a ni tih hi kan Member zahawm tak kha ka'n hrilh duh a. 1st installment hi kan department hi Pu Speaker, kan vannei a, kan hnathawh that loh vang emaw, Central sorkar, Monitoring Team-ten rawn en thin an ni a. An mit a tlun loh avanga hna chawlh san hi kan la nei lova. Kan timing, Schedule of Works hun zelah Installment te pawh hi kan hmu chho zel hi a lawmawm ka ti a. Tin, kan Member zahawm tak, Pu Hmingdailova Khiangte in Thingdawl khua chungchang a rawn sawi kha hei hi buaithlak ve deuh a awm a Thingdawl khua hi Kolasib master plan area a tel avangin Kolasib town area a rin tel a ni a. Amaherawhchu Thingdawl hi census-ah khan Kolasib

urban area ah an telhlo tlat mai a, rural area a ni a, chuvangin Kolasib town tana hmalakna hi Thingdawla lan tel ve zel tur hi vawinah keini tan chuan a la theih hrih lo a ni tih kha ka rawn hrilh theih dan a ni a.

Tin, kan member zahawm tak Pu PP Thawla'n Saiha Dev Scheme

* Speech not Corrected.

Pu PP THAWLA : Pu Speaker khalai kha a correct dan a awmlo maw tih kha kan sawi tal a ni. Keimahni sorkar chuan a theilo a, census kha a Indian deuh vuh mai a, amaherawhchu tihdan te min zawn sak thei lawmni kan ti tal a ni.

Pu ZODINTLUANGA, MINISTER : Kolasib town area a nihna ang khan kan department-te pawn a theih ang ang Kolasib town area a hamthatna tel zinga telh dan an ngaihtuah a, amaherawh chu Thingdawl bik ang tana project zuk siam tur chuan a theih tlatlo a ni. Khami census town kha central sorkar khuan an kawl vek a, kan department bik khuan. Hemi chinah khuan project kan siam theihna tur kha keini ai khuan an chiang emaw tih tur khop khuan an hrechiang a, chuvang chuan Thingdawl bil liau liau tana project han siam tur chuan a theih dawn lova. Amaherawhchu, nichina kan member zahawm tak sawi ang khan department pawn tan an la a, Thingdawl town area anga sorkarin kan lo puan tawh siah hian a theih ang anga hmalak turin ruahmannate chu an siam ve niin ka hria a.

Kan member zahawm tak Pu P.P. Thawla'n 10% lumpsum grant for the North East Region hnuaia Saiha hnathawh kha a dik khawp mai Pu Speaker. 10% Lumpsum Grant for North East Region tih hi department Central Ministry zawng zawng khuan 10% hi North East tan bika dah hrang tura tih a ni, chuta an hman bang chu a let tawh loh nan NLCPR-ah a lut thin a, chumi a luh hma chuan kan department hotuten theihtawp an chhuah a, hemi Urban Development Alleviation Department atang hi chuan hman bang DoNER a lut tur hi chu a awm mang lo a ni, kan inchuh nasa lutuk a, chutiang chuan Mizoram khaw hrang hrangah nichina Darlawn hmalakna te, Pu Rinmawia bialah Zawlnuamah te, Vanlaiphaiiah te, Champhaiah te, Serchhipah te, Lungleiah te, Lawngtlaiah te khami 10% pawisa an hman khan project tam tak kan siam a, hna kan thawk nasa em em a ni. Chumi piah lamah pawh department dangah PHE in wawiina Saiha Water Supply Scheme te, Tlabung Water Supply scheme leh Khawzawl Water Supply Scheme te pawh khi Pu Speaker, helai Urban Development a 10% lumpsum scheme atanga lakchhuah a ni a, chutiang chuan hna hi an thawk nasa a. Hengah hian ka'n sawi tel duh chu kan line department te hian guideline fel fai tak an nei a, State sorkarina hna a thawh chuan 10% matching share hi kan chawi a ngai a, amaherawhchu, anmahni line department-in an public sector undertaking an thawh tir chuan 100% funding a ni. Chuvang chuan a department ang hian State sorkara project lian phei chu min han pek hi kan hlau ngawih ngawih thin a, a chhan chu heti lamah 10% lo pawtpeng leh tur hian kan planning lampang te an tight thei nasa si a, hemi a Central anmahni PSU te rawn tih tir a 100% funding ni tur hian kan nawr a kan tang ve thin a. Chutiang chuan nichina kan member zahawm tak Pu Mahima-ten an rawn sawi Lunglei a Conjunction Centre te khatiing ang kan hmalakna kha hemi 10% atang hian a ni a, chutah chuan Saiha bik saw Saiha leh Lunglei hi contractor an thlan hi a fuh lo em em a, chu chu department angin a hmunah te kan engineer te an kal reng a, tunah chuan department chuan terminate turin hemite NBCC hnenah hian kan thawn tawh a,

Lunglei leh Saiha Contractor bik hi, hna an thawk tlem a an la thawk lova, kan rindan chuan Mizoram dinhmun hre lovin hemi tender an chhuah hi national tender a ni thin a, internet-ah te tenderin an ti thin a. Khami kha zuam deuhin an rawn chhang anih kan ring a, a hmunah an rawn kal a, a hnathawh Mizoram condition-te an rawn hriatchian hian an ngam leh lo niin kan hria a, tlem azawng an rawn khawih a, an hawsan ta a, chu chu terminate turin kan ti a, hei hi tunah hian file a kal mek a, an terminate leh chuan khami ai thawktu tur kha theihtawpa ranga rawn chhonzawm turin tunah sorkarin hma a la mek a ni tih kha ka rawn sawi duh a.

Tin, BPL loan chungchang kha keimahniah chuan harsatna lian lutuk a awm lem lova, BPL atanga loan kan thlante hi chu Bank pawh hian a theih ang angin an pui a, keimahni lam atangin loan kan pek te ho khan trade an lo thlan tawh kha Bank a va kal a, a trade thlak tumte engemawzat an awm a, chungte chuan harsatna an tawh a, chungte tih lohah chuan BPL Loan kan pek te chuan harsatna an nei lo tih Department atangin kan hria a ni.

Tin, Pu ZS Zuala'n an a bial chhunga Amphi Theater sakna tur Kumari lokal tuma min tiam a kha theih tawp kan chhuah a, HANCO DPR an buaipui mek a Ministry of Housing hnuai anmahni PSU pakhat a ni a, hemi Amphi Theater concept tak tak hi kan ram tan hian awmzia awmin kan hre silova, khami Amphi Theater ang khan Govt. in ruahmanna dang kan zawng a, Tlangnuam field khi Amphi Theater ang thovin a side pakhat stage te kan siam a, a dang zawng gallery duh tawka mipuiin an thlirna tur a awm ang a, Amphi theater ang a concert te an neih theihna tur atan kan kai let chhin a, min pawm sak dawn lo nge dawn tih chu kan la hre lova. Amphi theater nena concept nen chuan a dang deuh va, department-in kan tanna chu kan ram kan mamawh dan leh hmundang anga duhna hmun hmunah project te an siam theihna turin keini chuan space constrain avangin a multi purpose hian kan ti a ni tiin kan thehthla ve a, kha kha min pawmsak theih ngei kan beisei a ni.

Tin, Pu Lalthansa'n a rawn sawi 10 percent Lump sum grand nichina ka sawi ang khan a second Installment pawh hmuh a ni a. Pu Zothangliana'n Lawngtlai a. ISSDP hnuai mi rethei in sakna an hman theih ve loh tak kha Pu Speaker, hei theihtawpin tan kan la a, State dangin a pawisa an hman ve hman loh chuang engemaw awm kha Central Ministry-in project in han siam thei em tiin project kan siam theih thu kan hrilh a, Lawngtlaiah Housing Unit 200 tan nuai 619.99, Saitualah Housing Unit 300, nuai 730 leh Saiha Phase II atan nuai 100, hei hi DPR kan thehluh leh nghal a, he pawisa hi hemi ISSDP kalpui tho, State dangte nena a ruala min pek, amaherawhchu keinin pawisa kan hman zawh tawh si, State dangin an la hman ve loh a bang kha kan zuk chuhpui dawn a, hemiah hian Central a CSMC monitoring committee te pawn min approved tawh a, hei hi hmuh ngei kan inbeisei a, hei hi chu keimahni sanctioning dan pangngai a ni lova State dang pawisa an hman hmanloh zuk chuh kha kan ni a, hei hi a kalphung deuh chu a ni a, mahse kan beisei a sang khawp a.

Tin, RAY hi khawpui lian deuha slam area tihbo natur a ni a, tunah hian a first phase chu Zuangtuiah bulk an han tan a, chhungkaw engemaw zat kha an in sak that tur a ni a, chhungkaw 60 dawn lai chu rented house ang turin a building siama khatiang kha pilot scheme kan siam a, khatiang khan hma kan la a ni tih kha kan sawi duh a.

Tin Pu Joseph Lalhimpuia'n a shopping mold Lunglei chungchang kha, Agricultur Complex-ah DPR siam a ni a, DPR hi kum 2012 January khan peih a ni a, Ministry of Urban Development-ah kan thelut tawh a, a project hi sanction tura nghah mek a ni a, kha kha ka sawi duh a.

Tin, thirchhia chungchang hi Pu Lalduhoma, kan member zahawm takin a rawn zawh kha, thirchhia hi 'The Mizoram Town Sanitation Rule ' 1980 hmangin Sanitation Department hian an lo pe thin a, he rules hi Sanitation Officer hnenah factory license pek theihna a pek hmangin license hi pek thin a ni a, Mizoram District Headquarter hrang hrangah license 50 pek chhuah a ni a, tunah hian heng zinga 4 chauh hi valid a awm tawh a, chungte chu Champhai-ah 3 leh Kolasib-ah 1 a ni. Aizawl khawpui bikah hian Town Sanitation Rules hi Mizoram Municipal Act 2007-in a luahlan avangin license thar pek emaw renew emaw a tih theih tawh lova, chuvangin ni 31.3.2012 hnulamah chuan licence valid hi keimahni Urban Development Department lam atang chuan a awm tawh lo a ni tih kha ka sawi duh a. Tin, Pu Speaker, hemi chungchang hi hmanni khan Notification a rawn chhuak a, thirchhia chungchang hi chu Industry Department-ah Allocation of Business Wing kha transfer tawh a lo ni tawh bawh tih kha kan sawi tawh a.

Tin, kan member zahawm tak Dr.R.Lalthangliana'n a rawn ngaih pawimawh Councillor hlawh chungchangte kha, keini State te ina neih thar a ni a, kan titha viauin kan inhria a, hei hi chu thil thar te a la ni a, tunah a ngai ang hian ala kal hi a tha hrihin kan hria a. Tin, subject transfer hi engatinge an la tih loh le? tih kha tukin zawhna leh chhannaah khan a awm lo emawni chu aw ka ti a. Zawhna leh chhannaah khan Aizawl, Draft Municipal Council Building Regulation kan hman tan tawh te, Draft Aizawl Municipal Council Displace Advertisement and Holding Revision 2012, tunah sorkarin approve vek tawh hnuah Law and Judicialah Vet tura pek a nih tawh thu te, Draft Aizawl Municipal Council Control of Parking, and Collection of Parking Fee Regulation 2012 Vet tura pek a nih tawh thu te, Municipal Council Public Health and Sanitation Regulation chungchangte khang ang kha tukinah zawhna leh chhanna hunah khan Chiang takin kan sawi tawh a, chu chu khami subject transfer chungchang kha lo ni sela.

Le, kan Department hi kan hriat angin Department la upa lo tak a ni a. Officer an indaih lo a, hna a tam si a. Tunah kan Engineer te pawh kan member zahawm tak sawi ang khan an rim em em a. Zana Saiha atangin an rawn kal a, a tukah Kolasib-ah tlan thlak leh te a ngai a. Inah pawh awm hman mang lo hian an hna vilin an awm a ni. Chutiang tur chuan tunah hian RR te pawh siam that mek a ni a, theihtawpa hmasawn tur chuan hma kan la ve mek a ni tih kha kan member zahawm tak takten an rawn ngaih pawimawhte kan sawi theih chu a ni a. (Pu T.T.Zothansanga : Pu Speaker khawngaih takin Champhaia in sak sak turah khanin 1st phase leh 2nd phase kha min rawn ti tawh a, 2010 leh 2011 ah khan a 3rd phase hi a hnaivai em tih kha khawngaihin min hrih thei em aw) Pu Speaker Champhai hi mirethei in sak tanpuina kha Central atangin pawisa dawn kim vek a ni tawh a. Amaherawhchu keimahni state finance-ah te harsatna leh remchan lohna te a lo awm avangin kan la rawn release leh thei mai lova. Remchang hmasa berah rawn release turin kan nawr ve reng a ni tih kha ka chhan theihna ni mai sela (Pu P.P.Thawla : Pu Speaker khawngaihin Tuipang khua Playground tur kha ka lo hresual deuh emaw ni, a hrihfhah dan Chiangkuang ka va hrelo em) Pu Speaker, nichin khan a general deuh khan kan sawi a, playground te kha Tuipang-ah te, a bial chhungah Zero-ah te sorkar tha an ti a, min vote tling a, tukina ama rawn sawi ang khan khami lawman tur kha chuan Pu Speaker, tunkum budget atang chuan sorkar mahni thutiam a ding thin sorkar chuan a tih tur ang kha a ti dawn a ni, tih

kha kanrawn sawi a. Tin, mipuite pawhin khatiang ang Tuipang field a kan laih ang a aia tha zawk kan siam theihna tur atan pawh min sorkar tir leh hi kan ring deuh tlat bawk a ni.

* Speech not corrected.

Pu LALDUHOMA : Pu Speaker, thirchhia kha nichina ka sawi ang khan kum khatah vaibelchhe 80 vel kha a business turn-over kha a ni ve tlat mai a, amaherawhchu Industry-ah an lo pe tawh si a, tunah chuan license a awm tawh siloh chuan unauthorized hlirin vai ho hian an la la reng tihna a ni a, stop nghal a ngai a, Ispat kan neih tawh avangin Auction pawhin kal se, kawngsirah car parking tih mai maiah pawh tax kan khawn anih chuan, heta tang hian a nuai tel revenue kan la thei dawn a, a pawimawh avangin, kan Industry Minister ala awm avangin ka'n sawi nawn duh leh hrim hrim a .

Tin, ward member te, elected member dangte lawmman nei si kha an sitting zat sitting ve tho kha an ni a. Sitting allowance kha an pek ve theih lawm ni tih leh Phunchawnga Tanky dahna tur ram neitupa an lo biak fel kha, inbiak fel tawh kha a rear thei dawn em, kha mi pahnh kha rawn react thei se a lawmawm khawp ang.

Pu ZODINTLUANGA, MINISTER : Pu Speaker, Phunchawnga ram neitu tanky dahna remchang awmchhun tih kha kan MLA zahawm tak hian ziakin min rawn pe tawh a, department-te pawh kan thlen tawh a, department-te chuan hei hi chu kan kal phung ve thin pangai a ni a, a ram neitu leh kan duhna hmun awm chhun a ni a, hetiang hi chu harsatna a awm kan ring lo, tiin min chhang a, kha kha ka lo sawi theihngihl a. Tin, Work Committee chungchang kha chu Pu Speaker, vawiin hian ka chhang mai thei lova, amaherawh chu, sorkarin committee lehah te agenda te leh hmalak dan tur kan lo en ang e tih kha ka chhan theih nisela.

Pu Speaker, hei Unban Development hi nichina kan sawi tawh ang khan, kan hma a zau em em a, engkimah department engkimah hian kan inrawlh emaw tih mai tur khawp hian hmasawna hi a nasa a, District capital zawng zawng Serchhip-ah te, Lunglei ah te, Champhai ah te, Kolasib ah te, an hnahtawh zawng zawng hi sawi dawn ilang hun a duh rei dawn si a, khatiang bakah town area-ah te hma nasa takin kan la a. Tin, chumi piah lamah SJSRY hnuai atangin BPL member-te eizawna nghet an neih theihna tur atan training an pe a, district tinah hma an la a, mirethei te te te, eizawna nghet an neih theihna tur atan SJSRY atangin thiamna leh tanpuina hi an pe thin bawk a ni tih hi ka rawn sawi duh a. Tin, UD & PA hnuai ah tho hian kan wing pakhat SIPMIU hi a awm a, hei hian khawpui chung hmasawna tur ruhrel tha tak a duang mek a, central sorkar in Asian Development Bank atangin Loan a la a, chumi chu North East Capita-lte tih changtlunna tur atan a ni a, chung zingah chuan Pu Speaker, kan department hi North East ah chuan a thawk tha ber leh hna pawh zo hmasa ber kan ni thin a, heng kan hna pawh hi kan muanna thin chhan chu State dangten Project te an zawh ve hman loh thin avangin, State dang rualin mi kalpui kha an tum thin a, amaherawhchu Central-a an meeting hnukung berah khan Pu Speaker thu lawmawm deuh chu Mizoramin kan project te a hun taka kan zawh thin avanga, State dangin an zawh ve loh vanga min nghah tir thin hi nghah tir tawh lo sela, a trance, a dawtleh kha Mizoram bik tan chuan kal theih zel a ni tih kha an pawmsaka, hengte hi kan officer-te an hnathawh that leh an taimakna avangin Mizoramin hma kan sawn phah hle a ni tih kha ka rawn sawi duh a. Tunah hian SIPMIU kaltlangin Aizawl East area, Chanmari leh Venghlui inkarah sawn sewerage nei turin hmalak mek a ni a, hengah hian tuna kan tuichhia, kan thleng silna tui chhiate, septic tank ami te, khang zawng zawng kha pipe ah an kal anga, khutah Chite Luiah treatment Plan mumal tak, a rim pawh a bula awm tan pawh a rimchhe theilo khawpa changkang treatment plan dah tum a ni a, chutiang chuan kan hmalakna a ni a, hengte hi kan

zawh chuan kan ramin leimin nasa tak kan tawrh thin te, tuichhia kalna mumal neilo te kha kan resolve thei dawn a. Tin khawpui chhung nichina an rawn sawi, khawpui chhungin tui thianghlim kan neih theihna tur atan hma nasa takin an la a, Aizawl-ah Chlorination plant din a ni a, tin, veng hrang hrangah hmanlaia tanky thira siam thin hriseh tawh lo tak te kha Tanky changkang tak State of the Art Tanky neiin lian tak a veng pawhin an chhawr theih tura thain hmun tam takah siam zawh tawh a ni a. Chungte chu a 2nd trench-ah siambelh leh tum mek a ni tih te kha ka rawn sawi duh a.

Tin, a pawimawh ber pakhat kan khawpui bawlhhlawh Solid Waste siamna turin Solid Waste Management hi tun Financial year a trench 3 naah hian sanction tura beisei a ni a. Chumi anih hunah chuan kan bawlhhlawh te a tawih thei chi te dah hrangin a tawih thei lo chite hal ral a ni ang a. A tawih thei chi te kha leithaah leh thildang tangkai taka hman theih tur a ni tih kha Pu Speaker, ka sawi theih tawh a ni a.

A tawp ber atan chuan kan Department-te naupang te te nimahsela a officer-te an thawkrimin rem an hria a, Central sorkarah Urban Development & Poverty Alleviation Department an ni emaw, Sports & Youth Services an ni emaw, Taxation Department an ni emaw, ICT Department an ni emaw Pu Speaker, kan officer-te hian Central sorkar khu an tlangnel em em a. An line Department theuhah Mizorama an Office ang tlukin an line Department-ah khuan an zuk nel a. Anmahni line Department theuhah project awm ang ang, a theih ang ang lachhuakin an thiamna leh an finna zawng zawngte an hmang a. Anni Department 4 atang hian Pu Speaker, kan ramin hma nasa takin a sawn mek a ni tih kha a tawp nan ka rawn sawiduh a.

A tawp ber atan chuan Pu Speaker kan Demand No.8 Taxation Department Rs. 10,10,00,000/-; Demand No.22 Sports & Youth Services Rs. 35,81,03,000/- Demand 46 ; Urban Development and Poverty Alleviation Rs. 1,64,01,73,000/- Demand 48 ; Information & Communication Technology Rs. 5,06,16,000/-, avaiin Rs. 214,98,92,000/- hi he House zahawm takin min passpui turin ka rawn sawm e. Ka lawm e.

* Speech not corrected.

SPEAKER : Awle, Minister-in a Department chante kha member-ten hriat tul kan tihrik te a rawn react-in wind up-na tha tak a rawn hmang a, pass a rawn dil ta bawh a, heng a Department chan ami Demand No. 8-na, Demand No. 22-na, Demand No. 46-na, Demand No. 48-na, a vaiin Rs. 2,14,98,92,000 te hi pass remti apiangin 'remti' ti rawh ule. Remtilo kan awm chuan 'remtilo' ti ula. Awmlo maw. Awle, Pu Zodintluanga, Minister zahawm tak Demand No. 8-na Taxation-ah Rs. 10,10,00,000, Demand No. 22-na Sports & Youth Services-ah Rs. 35,81,03,000, Demand No. 46-na Urban Development & Poverty Alleviation-ah Rs. 1,64,01,73,000, Demand No. 48-na Information & Communication Technology-ah Rs. 5,06,16,000 30, avaiin cheng vaibelchhe 214 nuai 98 sing 9 leh sang 2 te hi House-in lungrual takin a pass ta a ni.

Pu ZODINTLUANGA : Pu Speaker, ka lawm e.

SPEAKER : Tun tumah khan Pu Zodintluanga khan darkar 1 leh minute 5 a la a ni. Chuvangin wind up-na atana kan darkar hman hi darkar 4 leh minute 7 vel lai a ni ta a ni. Mahse kha kha kan Member-te kan satisfy ka ring tlat a, kha kha Member hrang hrangten harsatna in

neihah han chinfel sak che u kha kan hlawkpuiin ka hriat piah lamah member-te kha in alert tha em em mai a, in ngaih mawh kha in la hre reng mai a, Minister-in a wind up lai khan in la rawn zawt chat chat zel a ni. Kha a lawmawm hle-in ka hria. Vawiiin atan chuan kan tih tur kan lo zo ta a. Kan Chawl tawh ang a. Ni 31.7.2012, naktuk, Thawhlehni zing Dar 10 : 30 A.M ah kan thukhawm leh dawn nia.

Sitting adjourned at 9 : 40 P.M